




67078 Hops c. 8
Uc 4196 A



sidr0013345

Biblioteka Jagiellońska

Uc 4196/2

SCRIPTORES
RERUM POLONI-
CARUM,

ex recentioribus præcipui
quotquot extant

L A T I N I.

In unum corpus nunc primum congesti

&
In III. Tomos distributi,

Collectore,

C. T. L.

Sorniz: Misn:
Tomus Secundus.



AMSTELODAMI,
Sumptibus GYSBERTI van VALCK,
M. DC. IIIC.

I
HISTORIÆ
VLADISLAI
POLONIÆ ac SUECIÆ
PRINCIPIS,
LIBER PRIMUS.



LADISLÄUS Sueciæ
originem, natales Polo-
niæ debet. Sigismundo
ejus nominis Tertio Re-
ge Poloniæ, & Annâ
Austriacâ Caroli Archi-
ducis filiâ, Parentibus
illustris: quorum ille veterum Gothorum
sanguis, quibus triumphati Orbis gloria ac-
cessit; hæc Austriacæ stirpis nobilissimum
germen fuit, cujus Majestatem Sol Oriens
adoravit, Occidens veneratus est.

Pater à Carolo Patruo, præter fas omne
hæreditario exclusus Regno, sceptrum, quod
A sibi

*Vladislai
Origo &
parentes.*

*Pater
Suecia
Regnum
amittit.
1597.*



VHs 1057333

1587. sibi vivente Joanne Sueciæ Rege, liberis suffragiis Polonia detulerat, quadraginta quatuor annorum spatio variâ fortunâ, plerumque tamen propitiâ gessit. Nec Sueciam à morte Joannis Patrio evinctus diademate desiderasset, ni quibusdam Suecis, minùs cauta suadentibus, faciles præbuisset aures; qui apud credulum Regem, tutiora consilia in suspicionem vocaverunt. Sed postmodum suo ingemuit malo, cum fidis illis ministris passim ad Carolum deficientibus, ipse Regno excedere coactus est, memorandoque docuit exemplo, adultas seditiones consilio & armis sopiendas esse; quibus Sigismundus destitutus, dum subditorum inermis exposcit fidem, armatos à Carolo in suum exterminium sensit hostes. Sed perditum diadema tradant alii uberiore stylo, mihi innuisse sufficiat.

*Idque
volente
Numine.* Crediderim ego factorum clementiam, avitum Sigismundo denegasse Regnum, coelestemque hanc fuisse viam, quâ è Suecico solo à Superis peculiari favore ad latè patentis Sarmatiæ duceretur imperium.
Cur? Dedit

Dedit id namque placatum Numen optimæ ac piissimæ Matri, Catharinæ Jagelloniæ, *Ob pietatem Matris.* quæ in Regno hæresis labe infecto, cum materno lacte veterem & Orthodoxam filio instillavit religionem, puerumque sanctissimis imbutum moribus, mox in tenera ætate immaturo ad superos abitu coelesti relinquendum tutelæ. Nec vano eventu: nam vix decimum nonum ætatis annum supergressum libera gens, liberis vocibus, annitente Annâ Jagelloniâ Materterâ, Stephani verò Regis Poloniæ consorte viduâ, ad Polonum evocavit diadema: amoto deinde feliciter præpotenti æmulo, traductisque in partes dissidentium animis, regio imposuit throno, Catholico deinceps futurum quàm *Catholico Regno Catholicus & ipse præficiatur.* Hæretico clariorem regimine. quod si in Suecia tantum obtinuisset, quis sponsor constantis & à matre impensè commendatæ religionis? Quanquam constantissimum maternæ pietatis cultorem habuit Polonia, quam serpente hæreseos contagione afflatam, fatiscentemque, leni at efficaci medicinâ ad veteris, Orthodoxæque religionis

Ejusque fidei tenacissimus fuit.
 nis revocavit sensum, cum Præfecturas, & Magistratûs deferret viris, avitæ majorumque fidei apprimè tenacibus, eoque dominationis arcano retento, hæreses absque ullo strepitu partim supprimeret, partim memorandæ pietatis Regiæ exemplo, ad pristinum reduceret statum. Et qui potissimam, præcipuamque Senatûs partem, novo ac recenti addictam dogmati, in primordiis regnorum repererat, decedens, duos tantum relinqueret, Sigismundum Grudzinium Calissiensem, & Raphaëlem Lesczynium Belzensen Palatinos, illum quidem occultiori cuiuspiam sectæ deditum, proindeque minùs noxium; hunc Calvinii sequacem, summæ nihilominus probitatis Civem patriæque studentem commodis.

Superi pacatam indolem turbis Suecicis objicere noluunt.
 Nec leve & inde conjecturæ meæ capio argumentum: videlicet Sueciæ turbulentæ, & rarò per seditiones quiescenti, optimæ Matris causâ, pacatissimam filii indolem, superos objicere noluisse. Gustavus Vladislai abavus, Sigismundi avus, Christierno ejecto, Regnum Sueciæ adeptus, Lutheranum

1623.

num amplexus dogma, Catholicis infestior, graviorque imminabat. Relati sacri in ærarium Principis censûs, Episcopi, Abbates, cæterique sanctioris togæ homines, quâ carcere, quâ exilio mulctati: pluribus irrogatæ cædes, recentemque super ruinas Catholicæ religionis auspicatus est Monarchiam, ac si eâ incolumi frustra sibi, Domuique suæ, æternitatem Imperii polliceretur. Prædicere vindictam viri, vitæ sanctimoniâ conspicui, Gustavianam domum seditionibus in posterum agitandam, nec defuturum in regnatrice domo successorem, tantum dedecus motæ mentis insaniâ expiaturum. Ab eventu deinde fides augurii patuit, quippe ipse Gustavus primum amentia dedit exemplum. Erico quid insanius? Magnus Erici frater furiosus moritur. Joannes, ab Erico primum, post à Carolo fratre insidiis appetitus, nusquam tutus. Carolus ultra modum impatiens animi, gestis dictisque & cum Rege Daniæ ridiculis concertationibus læsæ mentis prodidit indicia, donec ad extremum, Sigismundum nepotem regno excluderet,

Gustavus oppressis Catholicis Regnum Sueciæ occupat.

Cuius hæredes seditionibus exagitantur, nec absque insania.

deret, datâ implacabilis odii bellorûmque causâ. Unico ille felix Gustavo filio, cuius virtutes Regiæ, militaris rei peritia, bellandique felicitas, non hostium tantum, sed totius orbis Christiani inclaruit encomio.

*Catharina
Jagellonia
Elogium.*

Atque dum genus paternum Vladislai, in brevem contraho summam, addo Catharinæ Jagelloniæ elogium. Illa est, quæ prima Jagellonias, Austriacos, Arragonios, Sfortias, & quidquid nobilissimum Orbis Christianus habet, Suecico miscuit sanguini: quanquam non malè a quopiam dictum, Noster fuit ille Sanguis, quem in regni sinum semper referre licuit, & hæc felicissima Stirps, pluribus sæculis in Polonia regnatricis, in Sueciam transfusa, in alieno foecunda solo, ut Reges Poloniae germinaret.

*Ryvocius
in Panegyrico
Leonis
Sapiha.*

His itaque Majoribus ortus Princeps natalem habuit in Urbe Regni Metropoli annum sesquimillesimum nonagesimum quintum, diem Junii Mensis nonum, qui itidem olim Patri illius Sigismundo vitæ principium fuit, anno exorientibus tunc Belgarum turbis memorando. Nox præcedens nata-

*Vladislai
nascitur
Cracovia.*

natalem, fortuito palatii Cracoviensis incendio illustris fuit, cuius jacturam magnifico sumtu compensavit Sigismundus, eo novo hospiti, ac postmodum Successori, augustiorem effecit.

Baptismi diem, more Principibus usitato, ad breve tempus dilatum, auxit publica gestientium populorum lætitia. Regiûs infans, longo Procerum ordine præeunte, horis pomeridianis è palatio ad Basilicam, Regum inauguratione & Divi Stanislai tumulo celebrem, à susceptoribus deferabatur. Ac inter eos eminuit extremus Jagelloniæ Stirpis furculus, Anna Regina, Sigismundi Primi Regis Poloniae filia, Augusti soror, Stephani consors, Sigismundi tertii matertera, quæ priscam Regum Majestatem referens, domusque Jagelloniæ venerandum olim Sarmatiæ nomen, non absque vano tum orienti proli præfagio fuit, cum ultima regnatricis domus hæres, ætate senioque gravis, & suo propior fato, suavi nepotulo largissimis votis, omnem avitam paternamque, velut hæreditario jure, transmitteret felicitatem. Et

Baptizatur.

*Inter susceptores
eminet
Anna Regina
ultima Jagellonum hæres.*

*Brevi post
extincta
& cum il-
la vetus
aula mos.* Et illa quidem huius solatii compos, brevi in vivis esse desiit, & (ut à non nemine annotatum reperio) cum ea non solum genus Jagellonium, sed & omnis aulæ Polonæ mos antiquus ac Majestatis decor interiit, novis cum Principibus novo subrepente more, Polonorum priscis minùs accommodato institutis.

*Vladislai
nomen cur
imposi-
tum.* In baptismi, abluciente illum Georgio Cardinale Radivilio, fonte Vladislai Sigismundi puero nomen impositum, hoc ut duos Sigismundos Jagellones proavos, Reges omnium ætatum memoriâ dignissimos referret: illo verò Vladislai Jagellonis, quo felicissimè regnante, Polonia vires hostibus formidandas exeruit, & ejusdem filii Vladislai, Hungariæ Regis, qui cum Turcis ad Varnam dimicans occubuit, gloriâ & nominis immortalitate, rerumque gestarum splendore excitaretur.

*Ob nata-
lem Prin-
cipis po-
pulorum
plausus
& angu-
ria.* Infantem recens editum, & lustrico ablutum fonte, excepere publicæ gratulationes, applausus, vota, quodve tunc fieri solet, omina. Inter hæc non postremum ferebatur Prin-

Principis incidisse natalem, in lucem Divorum Primi & Feliciani venerationi Sacram. Primum & Felicissimum augurabantur, cui Favente cœlo post decessum Patris haud ambiguum pararetur regimen, quod extinctâ Jagelloniâ stirpe, mutatorium per novas familias, diversis regentium moribus, fatisque jactabatur petebaturque ex alieno orbe, magno Regni discrimine. Quantis a decessu Sigismundi Augusti, Stephani Regum, & Henrici Valesii præcoci abitu, motibus concussa tremuit Polonia, divisis in Factiones Proceribus, cum quisque pro suæ vocis oraculo vitam & sanguinem offerret, recens tunc apud nonnullos erat memoria. Inter promiscua populorum cadavera fundabatur prima Majestas, & novi Principis purpura ut pretiosius ruberet, dissidentium Civium recenti tingebatur cruore. Cessit hic metus, meliorque spes Sarmatiæ affulgere visa, cum post Jagellones, in Vladislao nuper nato, Sigismundus fœcundam Regum familiam incipiebat, diu Polonis expetitam, quos antecedentium Principum in fœcunda

B

con-

connubia, tantis objecerant periculis. Id verò absque liberi suffragii præjudicio, quod Regibus dare diadema consuevit. Neque enim Polonis nascuntur Reges, sed defert eam Polonia Principibus optimè meritis reverentiam, quorum filios in sinu Reipublicæ educatos spe futuri regiminis accendit, ad quod non per inertiam aut lasciviam, sed præclarissimis facinoribus eniti student.

*Polonia
Regum fi-
lios nun-
quam a
sceptro ex-
cludit.*

*Omen seu
Vaticini-
um Petri
Scarga.*

*Turriani
Leonii,
Olavii,
Rudol-
phi A-
quavivi.
in Episto-
la Dedi-
catoria
suarum
Concio-
num.*

Ac quemadmodum neminem hætenus è posteritate Regum ab eo arcuit culmine, ita omnes beneficii memores, pristinam majorum suorum ac Reipub. auxere gloriam.

Libet jam referre Viri gravissimi vaticinium. Is verò est Petrus Scarga Societatis Jesu, Stephani & Sigismundi Regum Ecclesiastes, integritate vitæ & doctrinâ celebris, magnorumque olim virorum in tyrocinio Societatis Romæ contubernalis, qui prophetico dictante Spiritu, Sigismundo gratulabundus, hæc de Vladislao puero, optimus senex cygneâ voce cecinit: *Deus Majestatem tuam auxit Vladislao filio, qui nunc diem quinquagesimum quartum agit: is non tantum à Re-*

à Regibus, sed à Cæsaribus & Monarchis altum ducens Sanguinem, maximâ Regnum universum spe solatioque implevit, si præsertim bona accesserit educatio, in qua totum situm est. Cujus ætatem provectiorem minimè me visurum existimans; cadaver namque meum jam tumulo inclusum computrescere incipiet, aut penitus computrescet, antequam mente adolescat, maximâ nihilominus ex ipsius ortu perfusus lætitiâ, hoc interim cum Zacharia canam, Scriptum à me illi olim legendum relinquens: Tu filiule, Rex Poloniae vocaberis, populorum tuorum bono incumbens regimini, servies Domino tuo, qui te creavit. Potens eris gloriâ Vladislæ, ut illam cum natione, simulque populis efferas, & depressam erigas. Pietatem & fortitudinem imitaberis Vladislai Jagello- nis, & alterius ejusdem nominis filii, qui pro bono Christianitatis ad Varnam contra Turcas fortiter dimicans, occubuit; ut cum parentibus populoque sis benedictus in æternum, eæque passim insonent voces: *Beatus venter qui te portavit, & ubera quæ suxisti.*

Clarissimi viri augurantis veritatem subsequencia ostenderunt tempora. Nullus etenim antecedentium Regum, majori cum applausu regium insedit thronum, ita ut

*Compro-
batum ab
eventu.*

concordi coeli terræque voce ad tam amplum deposceretur imperium, ut suo memorabimus loco. Quanquam quintum decimum ætatis agentem annum vidit Petrus Scarga, magnæ spei regium Juvenem, ac primum trienni Vitas gestæque Sanctorum Polono idiomate eloquentissimè scripta, dedicavit obtulitque, ut in tam pio volumine, & vitæ Polonæ elegantiam addisceret, ac prima legendi deponeret rudimenta, exemplo Philippi Tertii Hispaniarum Regis, qui à Vitâ D. Ignatii Lojolæ Hispanicè scriptâ lectionis suæ initia erat auspicatus, ad extremum, quasi non dubiè post fera Parentis fata regnaturum, pulcherrimis instruxit monitis, quæ ex ipsius dedicatoria facile peti possunt.

*Infans
matrem
amittit.*

Infantiam in Austriacæ matris sinu, indulgentiæque egit, quam triennis amisit. Ultimis illa diebus Januarii decedens regię domui orbitatem intulit, tristibusque Anni quingentesimi nonagesimi octavi supra millesimum fastis dedit initium. Uterum tunc ferebat, & vicino propior partui, subito con-

concidit, ut eam priùs obiisse, quàm decubuisse fama mox retulerit. Erat Anna Austriaca Caroli Archiducis & Mariæ Bojorum Ducis filia; Ferdinandi Primi & Annæ Vladislai Jagellonii Hungariæ Regis filia, neptis, Ferdinandi Secundi Imperatoris Soror. paterna maternaque Stirps Reges, Cæsares, & quidquid alti sanguinis Europa habet, cuius non tantum claritudinem, sed etiam heroicarum virtutum pulcherrima ad Sigismundum attulerat ornamenta. Eminebat insigni pietate, prudentiâ, formæ elegantiori inerat mixtus majestati decor. Staturam paulò infra mediocrem sufficiebat gravitate incessus, eandemque & in vultu servabat. Nonnullis severior visa, superciliique elatioris, quàm liberæ gentis Reginam addeceret, iræ impatientem, & plus æquo imperiosam sunt qui annotavere. Quatuor liberorum Patrem Sigismundum fecit: primo partu Annam Mariam enixa, secundo in Suecia Catharinam edidit, post Vladislaum, ultimo Christophorum ex utero Matris exsectum, solo Vladislao super-

Ejus Elogium.

Liberorum numerum.

stite, cui si quos vixisse debuerant, adjecere tenellæ proles, annos.

*Ob eius
obitum in-
gens Sigis-
mundi Re-
gis dolor.*

Et Anna quidem Regina sexto postquam nupsérat anno, sublata est, cujus obitum tenerrimè luxit Sigismundus, omnisque solatii impatiens diu tristes exegit dies. Lenimentum dolori attulisse dicebatur Maria Archiducissâ Austriæ, Mater Reginae, quæ ad ultimum funeris officium à filio Rege invitata venerat in Poloniam. Hæc cum propè unum Mensem Niepolomiciis filiali obsequio à Sigismundo coleretur, Princeps insigni prudentiâ, occasionumque captandarum artifex, & futurorum eventuum sagax, tam verò filiarum elocationi (quæ illi numerosiores) è dignitate Austriaca incumbens, blandè in Regium influens ani-

*Lenitur ab
Archidu-
cissâ Au-
striæ ma-
tre, propo-
sitâ alterâ
in matri-
monium
sorore, Re-
ge non de-
rectante.*

num, quasi Vladislai orbitati metueret, ad secunda matrimonii vota Sigismundum pellexit, obtulitque Annæ prioris Conjugis sororem germanam Constantiam, quam, etsi per ætatem necdum nubilem, accedente tamen tempore ducturum se Rex secretâ pollicitatione sponpondit. Ferebatûr-
que

que tunc primùm Vladislai infantia tene-rius habendæ additam Ursulam Meyerin, è cujus nutu famulantium fæminarum pendérent obsequia, id verò procurante Mariâ Archiducissâ. Subolfecerat enim puellam Regi non ingratam, eoque idoneam visam, cujus lenociniis negotii promovendi curam committeret, in ejusque sinum vota sua deponeret.

Quidquid tunc inter Regem & Archiducem conventum fuit, rumor distulit, mox ipse eventus occultiora patefecit consilia, turbis civilibus prætextum deinde datura. Quantò secretiùs inter illos agebatur, tantò confidentiùs fortasse (licet & falsò) ab iis, quibus vicina Austriacorum potentia suspecta erat, imperii deducebantur arcana.

Funus Reginae altero postquam excesserat anno, in templo arcis Cracoviensis peractum; moram fecit serpens per populos totius Poloniæ aëris contagio, hincque spissa funera: deinde res Suevicæ Caroli Sudermanniæ Ducis apertâ proditiōe rebellionéque in discrimen adductæ. Ab obitu Reginae con-

*Qui funus
Reginae
procurat,
cur tardus
fuit? 1599.*

confestim eò se contulerat Sigismundus inermis ad armatos, jámq̃ nutantes & dubiæ fidei populos spretus tandem, quia non armis, sed indulgentiâ nimîâ (cui amplius non erat locus) septus venerat, regnum à Patruo occupatum vidit, & ingemuit.

*Educatio
Vladislai.*

Quadriennio post decessum Matris, ultimis infantiae exactis annis, Vladislâus melioribus formandus studiis traditur, ac ut magni Regis addecebat, filio ordinata familia, lectique qui recenti aulæ è dignitate præfessent. Delata domestici regiminis cura Michaëli Konarscio, Castellano Gedanensi, Viro præter generis splendorem dignitatémque Senatoriam, gravi modestoque, & linguæ Germanicæ gnaro; Præfectura secretioris cubiculi demandata Sigismundo Kazanovio Kokenhausii in Livonia Gubernatori, homini veteri profapiâ oriundo, variis claro eruditoque bellis, morum suavitate & elegantia conspicuo, magnarumque tam in sago, quàm in toga, virtutum. Is assiduus Vladislai comes, prudens ætatis tenerioris moderator, ac per tot annorum probata obse-

*Konar-
scius Aula
ipsum.*

*Sigismundus
Kazanovius
Cubiculo
præfessitur.*

obsequia Principi familiaris, fidus deinceps dignitatis fortunæque regiae custos, Vladislâum non tantum Regio diademate evinctum vidit, sed etiam senio gravis veteris obsequii memor in Moschoviam secutus, inde triumphantem deduxit Varsoviam, ubi mox fatis concessit. Ornatus à Rege Archicamerarii dignitate amplissimâ, Præfecturâque Solecensi, dignus, à quo in ipsis regni exordiis beneficentiam suam auspicaretur regiam. Atque hic est Adami Kazanovii Pater, qui continuus postmodum Principis, nobis suo loco memorandus erit.

*Quis ille
Kazanovius.*

1634.

Accessere alii interioris admissionis famulatio, præcipue Joannes Dunin, Modliszeuski, cæteri que quos probata spectatâque virtus, modestia, elegantia morum aptos ministerio Principis judicavit. Horum plerique ad altiore in Repub. gradum eVecti: & Modliszevius quidem Præfecturâ Culinae Regiæ auctus, qui honor apud nostrates non postremus, fortasse è veteri Galliae Regum aula defunctus. Legibus namque

*Modliszevius
inter cubicularios,
post Præfectus
Culinae
Regiæ.*

C

que

Joannes
Tilius
lib. de
Rebus
Gallicis.

que Archimagiros Franciæ, quibus summa fuit inspectio in omnes culinæ regalis administratos, inter cæteras dignitates Galliæ eminuissæ, & id muneris obivissæ viros generis splendore insignes & regni illius primores.

Literis
Princeps
excolitur.

Jam suus erat Vladislao Burrhus, qui puerum deinde juvenem militaribus exemplis accenderet, commonstrarétque partim domestica Majorum, partim externa tropæa, quibus egregia indoles excitaretur. Seneca postmodum, sed qui in Trajanum non Neronem incideret, inquisitus: hunc foecunda doctissimorum virorum Acade-

à Gabriële
Provan-
cio.

mia Cracoviensis obtulit. Gabriël Provancius in palatium erudiendo Principi adductus, ob studiorum claritudinem, pietatem, comitatem honestam dignus visus, ut tali magistro pueritia Vladislai adolesceret, qui spei de se conceptæ egregiè respondit, & præstitæ in erudiendo Principe operæ, memorandum tulit elogium, acceptâ à

Pramio à
Rege Regi
pub. con-
decorato,
& quale
illud.

Rege, comprobataque lege, consentiente Senatu ac Ordinibus nobilitatis prærogativa, quæ sacris initiato (neque enim is honor

nor ad quempiam ex ejus familia devolutus) ad opimiora in Cathedralibus Ecclesiis sacerdotia viam aperiret, clausam per leges patrias, plebejo genere ortis. Cognomen quoque Provancii mutatum, addito novo & honorifico ab alumni nomine, proinde Vladislawski deinceps dictus, scriptusque. Quankum vir summæ modestiæ, ab omni alienus ambitione, Præpositurâ Varsoviensis Ecclesiæ, non exigui censûs, contentus vixit, adjectis nonnullis ex benignitate regia Sacerdotiis, tum & catalogo Culmensium Canonicorum insertus, eum honorem plurimi fecit, quod in natali obtigisset solo, ubi & sepulturæ honorem accepit in Fano Divi Georgii, erecto ibidem, dotatoque Franciscani sodalitiî cœnobio. Vir ad ex- 1631.

trema vitæ tempora, Regis Sigismundi, Reginae Constantiæ, & Vladislai Principis favore perpetuò felix.

Non multum adlaborandum erat tantis in erudiendo Principe magistris, quem celestis mens, ingenium sublime, indoles regia, virtutum omnium ac optimarum artium

Literas
feliciter
trahat.

*Præcipue
Historiarum
lectionem
de-
dit.*

tium capacem fecerant, quas ita hausit, quantum Principi, quantum Regi futuro satis erat. Historiarum cognitioni tissimus fuit; illas legere, attentè audire, memori recondere mente, gesta factaque memorabilia superiorum ætatum percontari, discere: hoc puero, hoc juveni, hoc provectiori familiare. Hinc ardor gloriæ crevit, ad hanc unam excitatus spontè vehemens animus attendebat, & præclarissima quæque à tenero meditabatur ungui.

*Linguas
exoticas
non per-
fectoriè
discebat.*

*Polonice
disertissi-
mè loqui-
tur.*

In literis eos progressus fecit, ut Latinè tersè & eleganter scriberet, promptaque illi ac profluens, & quæ Principem deceret, eloquentia esset. Accessit aliarum linguarum peritia non vulgaris. Nam præter Latinam callebat Germanicam, Italicam non perfectoriè didicerat, ut Germani, Italique non difficulter Civem suum agnoscerent. Polonicâ linguâ tam aptè, concinnèque loquebatur, ut primus ex iis, qui aliquando rerum potiti sunt, eloquentiæ laudem tulerit. Audivimus nec sine aliqua admiratione in publico verba facientem, sive salutantium officiis

ciis responderet, sive jus diceret, sive alloqueretur Senatum, suamque in consiliis proferret sententiam. Torrentis adinstar defluens Oratio audientium detinebat aures, quam ita attemperabat, ut eleganti nec affectatæ dictioni, tantæ Majestati par constaret gravitas.

Neque tantum ad studia felix propendebat indoles, sed Martialis in puero emicabat animus, cum imaginarias strueret acies, armorum fulgore, tubarum clangore, tympanorum sonitu, tormentorum fragore delectaretur, deque rebus militaribus & bellis differeret libenter, non absque singularis prudentiæ, prout ætas ferebat, sensu. Venerat ad aulam Joannes Zamoscius, Regni Cancellarius & Supremus exercituum Præfectus, unaque duxerat filium novennem, Thomam, quem suo jam propior fato, teneriùs Sigismundo Regi commendaret. Mox Regem allocutus, spemque unicam domus suæ ostentans, pedibus regiis supplicem admovent, perpetuo fidelique devotum obsequio. Sistitur deinde Vladislao,

*Propensio
ad arma.*

osculatur manum Principis, & quia ambo ætate pares liberiùs colloquuntur, cum Thomas ferociùs de bello militiâque differeret, Martios exereret spiritûs, ad extremum polliceretur, adducturum se propriâ impensâ decem millia militum, ubi necessitas juberet, & mandatum Principis accederet; Subrisit nonnihil Vladislâus, An tam numerosas legiones, muscas esse existimas, quæ faciliùs te nunc auctore, in tot millia, quàm milites coire possunt.

*Unde illa
induta &
aucta.*

Foverant Vladislao Martialem mentem mox secuta bella Moschovitica, quibus pueritiam egressus unâ cum Patre interfuit, prout nobis referendum erit.

Haftenus de educatione Principis. Cujus, quem tulerit fructum Sigismundus Pater, atque ipse, qui rerum potitur Vladislâus, subsequentiâ tempora fusiùs enarranda docebunt. Juvit docentium industriam discantis ingenium: facile fuit optimam ac benignam naturam regere, quæ semina virtutum promptè in imum animi fundum exciperet, in tantumque posthac excrescerent, acsi

acsi repetito Persarum more erudiendum suscepissent quatuor lectissimi Pædagogi, Sapiientissimus. Justissimus. Temperantissimus, Fortissimus. Plato in Alcibiade lib. 1.

Enimuero Principum magnitudo rectæ educationis fundamento insistit, quo feliciter jacto augustum surgit immortalis gloriæ fastigium. Hæc Regibus Sarmatiæ maximè cordi, quin & Regni Ordinibus, quorum decreto in Conventu Vartensi, institutio liberorum Vladislai Jagellonis, Cotho Dembinio, Custodi Ecclesiæ Gnesnensis, & Petro Ritarfcio Equiti, demandata; ille, ut pietatis literarumque, hic, ut militarium exercitationum magister esset. Casimirus ejusdem Jagellonis filius, numerosæ proli ex Elisabetha Austriaca erudiendæ, præfecit Philippum Callimachum, & Joannem Longinum, Canonicum Cracoviensem, néve continuo aulæ fulgore, strepitûque à pietate, bonisque avocarentur literis, Sadeciam antiquam, locum bene compositum amandavit. (Simili postmodum exemplo Philippus Hispaniæ Rex, Carolum filium cum Joanne Alberti secundi Imperator filia.

*Educatio
filiorum
maximè à
Regibus
Poloniæ
spectata.*

*à Jagellono
primum.*

*Crome-
rus lib. 20*

*Ab ejus
filio Casi-
mirus.*

Strada
lib. 9.
Dec. 1.

Crome-
rus in
Oratione
funebri
Sigis-
mundi.
Vladisla-
us Hung.
Bohem.
Joannes
Albertus,
Alexan-
der Sigis-
mundus
Poloniæ
Reges S.
Cassimi-
rus, &
Frideri-
cus Car-
dinalis.
a Sigis-
mundo
Primo.

Joanne Austriaco, Alexandro Farnesio, Complutum literarum causa miserat) ubi quieto sepositi loco, procul ab illecebris, luxuque minus exquisitis nutriti cibis, crassiori panno & caprinis pellibus induti (qua de re Sigismundus Rex gloriari solitus erat) in viros, æstus, inedia, frigoris, & laboris patientissimos evasere. At! qui, quantæque potentia Reges, quàm veneranda Christianitati nomina.

Sigismundus Primus Augusto filio, Vladislai nostri avo, Petrum Opalinum, virum gravissimum adjunxit, Mater verò Bona Sfortia, eruditos Italos arcessivit, à quibus linguam Italicam, & Latinam didicit. Magnus procul dubio Princeps evasisset, ni tenerrimus matris affectus, nimiam indulgentiam imbecillem emollivisset ætatem. Jam verò in Vladislai educatione, ut omnia summa evenerent, ita quidpiam à Sigismundo Rege, è secundo matrimonio susceptæ proles, desideravere, non tam regio, quàm Ursulæ Meyerin vitio, quæ gratia Principis florentissimâ, augustæ Domus regimen totum

totum ad se traxerat, servandæ potiùs gazæ regiæ, quàm instituendis Regum liberis aptior. Sed quidquid muliebris peccavit cura, correxit egregiorum Principum generosa indoles, quæ, ut suam altiùs intropexit originem, eò annexa est, quò altus Regum ducebat sanguis.

Decennium Vladislai felicitè exegerat, cum Sigismundus septennio coelebs, ad secunda matrimonii vota animum appulit. Delecta prioris Conjugis germana soror Constantia, hucusque expectata, quoad adolefceret. Atque hinc patuere Mariæ Archiducis cum Sigismundo olim inita consilia, à tenacissimo secretorum Rege pressa, quanquam ab Germanis illustris notæ viris divulgata, vix tamen Polonis credita.

Nuptiæ Cracoviæ actæ sunt eâ magnificentia, quæ tantum Regem, quæ Cæsarum neptem ac Sororem condecebat, confluyente præcipuo quoque Senatorum ac illustrium juvenum cum copioso nobilitatis numero, magnâ ubique lætitiæ significatione, vario ludorum genere, & equestrium decursio-
D num

Sigismun-
dus Rex
alteram
duxit ux-
orem Con-
stantiam.

1605. IV
Decemb.
Nuptia-
rum solen-
nia.

*Iis adest
Vladislavus
Princeps.*

num spectaculis, personabant omnia. Arcus triumphales, equitum turmas triginta, à diversis Proceribus exquisitissimo ornatu ductas, numerosa peditum agmina instructa, festis ignibus collucentem Urbem, cæteraque ejus generis sunt qui tradidère. In hac solenni pompâ maximè enituit Vladislavus Princeps Patri sponso adequitans, puer tunc primò in publico visus, non absque populorum plausu, ingentis spei Principem voto prosequentium. De quo illustris Scriptor, temporum illorum oculatus testis, enumeratis Mariâ Archiduce Matre, Maximiliano Archiduce Sponsæ fratre, Christianâ sorore, Annâ infante Sueciæ, cæterisque Principum legatis, qui lætitiæ causâ interfuère, ita inquit. *Fam Vladislavus Princeps Regis filius puer adhuc, sed eâ indole, quæ supra ætatem & communem naturæ cursum longè emineret, ita vultus ipsâ majestate, & decorâ facie compositus, ut divinum quid in eo elucere videretur.*

Lubienus Motuum Civilium lib. 1.

Forma illius.

Formam Principis nemo tunc repertus qui non extolleret, picturarum hucusque claro exstante testimonio, quæ effigiem pue-

ri

ri haud blandiente penicillo, ad vivum expressam, etiam nunc repræsentant. Facies illi non modò pulcra, sed venusta, coloris candidi, virtutisque purpureo colore intermixti, quæ verecundiæ certissima nota; flavescent capillus, oculi cæsi, vivaces, aspectu decoro & ad omnem urbanitatem temperato, nasus longior, statura necdum pueritiam egressa, membris tamen omnibus aptè concinnæque inter se connexis, sermonis mira gratia. Et augebat formam dignitas mixta venustati; præcipuè verò mores omnium illi à principio intendebant amorem, singulos blandè appellare, comem se præbere, cum illustrioribus humanitate certare, id puero acquisivit retinuitque gratiam.

Et propensum erga Polonos studium.

At maximè in ea ætate propensum ac singulare erga gentem Polonam studium, à prudentioribus notabatur. Auxit fidem incerto auctore volitans rumor, sparsusque, binos à Patre Vladislao oblatos vestitus, datâ optione utrum induere vellet, & unum quidem Germanis seu exteris, alterum Polonis usitatum; huic virga, quæ deterreret,

D 2

ap-

Quod au-
xi vestitus
gentis
sumto
relentiōque.

apposita, illi variæ illecebræ, quibus ætas puerilis capi solet, ut invitarent. Puer nec invitantium blanditiis, nec cupediis motus, Polonicam arripuit togam, hanc sibi magis convenire inquiens, cum & Poloni Regis filius esset, & ejus nationis Princeps, quæ talem defert vestitum. Hæc verone, an falsò dicta fictaque, pro comperto non habeo: affirmare ausim, à populo captatore rumorum passim hæc divulgata & credita, ultròque excepta. Hinc in Vladislaium prona studia, in Sigismundum invidia, tanquam plus exteris, quàm subditæ faventem genti, dimanavit. Firmaverat deinceps opinionem vulgi juvenis Princeps, sumto vestitu Polonico, qui illi permultis annis continuus, nec, priusquam ad externos abiret, depositus, alieno deinceps habitu usus, quoad vixit, corpori graviori & pinguedine prætumido commodiorem ratus.

A. D.
1624

Et quidem
prudentis-
simè.

Et quidem prudentissimè a Principe factum existimo, à puero populorum captante studia, dum patrio gentis ornatu decorus conspici vult: neque enim id perleve conciliandi

ciliandi amoris momentum. Si veterum meminisse libet, Alexandrum patrio vestitu moribusque insignem, suorum Macedonum extulit robur, mox Persarum habitu degenerem contempsit. Vononem, Parthorum Regem, Romæ accitum, Romanis infectum moribus, dedignantes accepere Barbari, mox dejecere. Recentiora refero: Carolus Quintus Imperator quibus præfuit populis, licet cultu, linguâ, moribus discrepantibus, carus gratusque, quoad vixit, fuit. *Nam mores externos (inquit Strada,) ita induebat, ut non minus cum Germanis Germanum ageret, Italumque cum Italis, aut cum Hispanis Hispanum, quàm Belgis suis se Belgam præstaret.* Philippus è contrario & esse & videri omnibus Hispanus, parcè loqui nec nisi Hispanicè, publico libenter abstinere, & quasi ex abdito venerationem intendere. *Qua in re peccavit Philippus secundus Rex Hispaniæ.* de vestitu, deque cætero cultu, quem attulerat ab Hispania, nihil immutare. Id verò commotis semel animis, superbia & contemptus habebatur, perinde quasi eâ diversitate morum ipsi fastidirentur. Atque hæc, si in Regibus, quos hæreditaria successio sceptris admovit, ingrata, tantò ingratiōra liberæ

Justinus
lib. xli.

Tacitus
lib. xli.
Annal.

De bello
Belgico
lib. 2.
decad. 1.

Qua in re
peccavit
Philippus
secundus
Rex His-
paniæ.

ræ genti, quæ lectos ex alieno orbe Principes in patrium cultum, morésque immigrare vult, eoque benevoli animi profiteri testimonio, se amorì Civium, non successioni debere regna.

*Et Sigismundus
Rex Polonus.*

Quod de Philippo Strada, id de Sigismundo Vladislai Patre meritò dixerim: ut ille novi Principatûs initio Belgis, ita hic Polonis offensam dedit. Namque in omnibus videri Germanus, & esse voluit. Germanicè libentiùs loqui, ejusque linguæ gnaros, morumque tenaces complecti, ex abdito venerationem intendere, tardè & paucissimis verbis responsa dare, externis plùs fidere consiliis, severâ majestate gravem quàm comitate facilitatèque blandum præ se ferre vultum, deque cultu, quem semel attulerat, nihil immutare, insolitum liberæ genti videbatur. Quæ omnia, tantum apud populum benevolentia favorisque Sigismundo ademerant, ut quidquid is ageret, sive posthac cultu Polono in Moschovia, & inde redux aliquantisper compareret, sive beneficentiam liberalitatémque intenderet, sive

sive remitteret, captis semel suspitione animis omnia secus interpretantibus, jacturam deperditæ semel reputationis reparare, quoad vixit, haud potuerit. Adeò novum Imperium inchoantibus utilis civilitatis fama, animis tunc attentis erectisque, & primos mores observantibus, odium mox aut amorem conciliaturos. Atque illud, si suspicaci tenaciùs infederit vulgo, meliori deinceps famâ vix corrigi poterit.

Res poscere videtur, ut (quia in mentionem nuptiarum Sigismundi incidimus, quæ motuum Civilium dedere principia,) *Digressio ad causas belli Cracovici.* altiùs paulò deducamus offensionis causas. Et lectori quidem non ingratum futurum existimo, si paulisper sepositâ Vladislai pueritiâ, cujus extrema in turbas incidere, lætioribus post secuturis, tristiorum nunc temporum commemoratione intercessero. Quanquam divina sublimisque Vladislai indoles, turbatarum rerum statum perspiciebat, erudiebaturque, licet infausto Patris exemplo; proinde, cum conjunctam Patris cum filio fortem video, vix me interruptu-

rupturum filum narrationis meæ spero.

*Sigismundi iterata
nuptia
offendunt
Proceres.*

*Quod cum
sorore ger-
mana de-
functæ
Reginæ.*

*Et ob Au-
striacæ po-
tentia me-
timur.*

*Huius
origo.*

Iteratum cum Austriaca Sigismundi con-
nubium offenderat nonnullorum Proce-
rum animos, quibus altiora rimari, penitio-
ra investigare, indeque futura deducere
consuetudo; populis verò minùs ad hæc at-
tendentibus, conjugium Principis incestum
visum, sorore germanâ prioris uxoris thoro
inductâ, iisque, ut priscæ religionis morisque
tenacibus, difficulter persuaderi poterat,
quid in ea re sacrorum Rex posset. Hanc
vulgi mentem fovebant turbarum avidi;
Primores verò altiora suspectabant, videli-
cet Austriacæ potentia metum obtenden-
tes, ac si per geminata conjugia, Rege po-
tissimum favente, paulatim induceretur.
Unde verò hic metus, paulò altiùs referen-
dum arbitror.

Austriacorum familia, quamdiu intra suæ
gentis hæreditarios steterat dominatûs, solo
Imperii nomine Augusta, venerationem sui
incusserat, minimè aliàs formidanda, cum
Provinciarum magna nomina, tenues verò
numeraret censûs. At, posteaquam per con-
nu-

nubium, Belgium primò, deinde Hispania,
illiùsque appendix novus Orbis accessit,
Italia magna pars subacta, jam ad Europæ
Imperium non obscure aspiranti, posuere
obicem ii, quorum intererat priscâ frui liber-
tate, avitisque potiri Regnis. Cesserant Ca-
roli Quinti Imperatoris hæredi amplissima-
rum opulentissimarumque terrarum spacia,
& recens acquisita dominia. Ferdinandus
Caroli frater, vetus insedit Austriacorum
patrimonium, angustiori circumscriptum
margine, retentâ Cæsareæ dignitatis Maje-
state. Et quia tenuis in Germania poten-
tiæ terrarumque limes, Hispanis auxiliis opi-
bùsque dominandi cupido hunc promove-
re suavit. Regulorum Germaniæ ditiones,
ut concordia fortissimæ, ita difficiles visæ,
quæ dominiis adjicerentur: Hungariam &
Bohemiâ vicina Regna aggredi placuit,
quæ, ut ejusdem cum Sarmatis originis, ita
& priscæ in eligendis Regibus libertatis. De-
lata primùm liberis vocibus sceptrâ, accepe-
re lubentes Austriaci, mox quæsitis colori-
bus, in hæreditatem traxere, imaginariæ Ele-
ctionis

tionis titulo populis ostentato relictoque.

*Jagellones
tres in
Hungaria
& Bohe-
mia impe-
rant.*

*Vladisla-
us Hung.
Rex qui
ad Var-
nam ceci-
dit: Vla-
dislaus
Hung. &
Bohemiæ
Rex Casi-
miri fili-
us:*

*Ludovi-
cus qui
ad Moha-
cium pe-
riit.*

*Extinctis
Jagelloni-
bus inter
candidatos
Regni Po-
loniæ com-
paret
Maximi-
lianus se-
cundus
Imperat.*

Opposita postmodum regnandi libidini florens potensque Jagellonum familia, quæ succedentium Austriacorum interruptit ordinem, ternis illic imperantibus: hinc odia, bella, dissidia internecina exarsere; sopita tandem celebri Regum Viennæ cum Maximiliano Imperatore conuentu, novisque foederibus ac conjugis in amicitiam Principum coaluere. Caterum dum eligendorum Regum libertatem pertinacius urget Hungaria, nobilissimam Regni partem Turcico subjecit iugo: reliquum Austriacæ cessit ambitioni; Bohemia, quia rebellis, infida, Regibusque infesta, hæresi novam suadente perduellionem, privilegiis exuta, in hæreditarii juris tabulas transcripta est.

Extincta in Polonia Jagellonia stirpe ducentorum annorum regnatrice, quæ in Sigismundo Augusto defecit, circumtulit per universam Europam Polona libertas oculos, quem novo regimini admoveret. Comparuit inter Candidatos Maximilianus Secundus Imperator, sive id pro se, sive pro filio

filio ambiret, cui vetus Austriacæ potentiae æmula Gallia, Henricum, Ducem Andium opposuit. Is concordibus votis lectus, adiutum præcluserit Austriacis, mox iterum aperuit præcoci in Galliam reditu. Sollicitata, obtentaque nonnullorum iterum pro Maximiliano suffragia, à quo tentata & Urbium fides, expedita arma, ostentataque. Vicit Stephani Regis, domi militiaeque clarissimi, celeritas, qui adventu suo factionem Austriacam oppressit, rebelles domuit, Maximiliani assclas officii admonitos in ordinem redegit, Imperiumque suum freudentibus Austriacis stabilivit. Verum ii tertio, post Stephani Regis decessum, majoribus incubuere viribus, auctis nonnullorum factiosorum hominum, & (quod mirere,) in religione dissidentium accessione: quibus obstitit benigna fati clementia, & provida mens Joannis Zamoscii, Regni Cancellarii & exercituum Præfecti; cujus operâ & Maximilianus Archidux fusus, fugatusque, deinde captus, affectati pertinaciter Regni poenas dedit. Sigismundus è Suecia arcessitus, quia ma-

*Opponi-
tur illi
Henricus
Dux An-
dium.*

*Henricus
III. Gal-
liæ Rex.*

*Iterum
Maximi-
lianus am-
bu. preve-
nit celeri-
tate Ste-
phanus
Transyl-
vanus.*

*Tandem
& Maxi-
milianus
Archid-
dux.*

*Sed a Za-
moscio fu-
sus fuga-
tus, post
captus.*

*Ad Bici-
nam in fi-
nibus Sile-
siæ.*

Sigismundus à Suecia arcessitur, siquæ Rex.

terni Sanguinis Jagellonius, & linguæ nostratis peritus, pronis populorum studiis prælatus Maximiliano, ut & extero, & suspectæ apud omnes potentia, quasi vicinorum Regnorum libertati inhiantis. Ita tunc omniū uno ore Zamoscii virtus prædicabatur, rejecti Austriaci, asserti pro Sigismundo Imperii, stabiliendæ possessionis veteris libertatis; tum, ne illud beatissimum, Sentire, ut velis, Civibus eriperetur, penes illum manente gloriâ. Commota ad turpem Maximiliani repulsam detentique Principis ignominiam Austriaca domus; movere lacertos incipiebat, & partim Germanica respectabat auxilia, partim cognatæ Hispaniæ ultres vires. Sed arbitro Pontifice Maximo, Maximiliano libertati restituto, juratisque vicissim foederibus, conquievit. Non absque doloris sensu, qui altâ mente repositus mansit; præsertim, cum Ordinum consentientium lex, eidem ad Regnum adipiscendum, in posterum viam præclusisset.

Qui conquiescunt postea.

Sixto V. per legatum Aldobrandinum, qui post Papæ Clementis VIII cognomē sumit.

Austriaci irritatis non putabat Zamosc-

Irritatae Austriæ difficulter conciliari posse Sigismundum, conceperat Zamoscus: quip-

quippe tantæ contumeliæ impatienti, nec Regem facile fisurum iis, quos & spe Regni, & penè è solio regio dejecerat. At opinio Zamoscii mox elusa, petitâ ab Austriacis conjuge Annâ, Archiducis Caroli filiâ, acsi tam illustri affinitate novum stabiliretur Imperium, publicæque securitati ingens pararetur præsidium, fremente Cancellario, dejectos è Regni spe Austriacos iterum per connubium adduci. *Timeo inquit, Danaos & dona ferentes.* Mox novo exemplo Conventionum Andreviæ indixit, armis etiam omnem aditum sponsæ in Poloniam præclusurus. Sed celeritate Regis præventus, nuptias apparantis & contrahentis, summo splendore tantis Majestatibus digno.

cins Sigismundum fisurum.

At ille inde primam conjugem petit & accipit.

Fremus Zamoscus, impedire cogitat, sed prævenerunt desistit.

Hinc primus Zamoscii in Regem impetus, & quem paulò antè extulerat jam populorum odiis objecturus depressurusque, spargit rumorem, conjunctioni regiæ cum Austriacis occultioris vinculi pignus latuisse, quod mercede libertatis Polonæ foceris constaret. Deinde palàm professus est, innotuisse sibi perniciofa Regis clam deferendi,

Inde Regis parum acrior.

*Et spargit
rumorem
de traden-
do Regno
Austria-
cis, proba-
reque vult.*
rendi, & ad Austriacos deferendi Regni con-
silia, eaque se in Comitibus palam evidentis-
simis documentis probaturum offerebat.

*Quibus
argumen-
tis.*
Prolatæ in medio omnium Ordinum con-
fessu Archiducis Ernesti literæ, quibus non-
nullorum animos prensabat, præparabatque,
quod procul dubio facturum non fuisset, ni
occulta spes, à Rege injecta, intercessisset, quæ
taliam suavisset, secretis fulta machinationibus.

*Anno
1598.*
Auxerat conjecturam Revaliæ in Estonia
Sigismundi & Joannis Sueciæ Regis con-
gressus & colloquium, ac si officii causâ filii
cum patre institutum, quasi sub hoc pietatis
velo, & illud, de tradendo Austriacis Regno,
consilium lateret, Joanne Sueciæ Rege ap-
probante, & ægre filium, ut Polonis im-
peraret, à complexu avulsam dimittente.

*Piascius
in Annal.*
Evulgata etiam cedendi Regni pacta, è quo-
rum præscripto Livonia Sueciæ adjici de-
beret, & Anna, Infans ejus Regni, Ernesto
Archiduci conjux destinaretur, cæteraque
tunc passim edita, quæ mihi nec abnuere
nec affirmare promptum. Vidimus Alberti
Baranovii ProCancellarii Regni manu, iti-
neris

neris. Revaliensis scriptum Commenta-
rium, nihil tamen de tradendo regno Au-
striacis ibidem annotatum comperio, cum
satis omnia exactè, & ex fide annotasset.
Nec illud leve suspicionum argumentum
erat, Sigismundum tam arcto connubii ne-
xu devinctum Austriacis, obtinere haud
potuisse, quominus Rudolphus & reliqui
Austriæ reguli conditionibus olim jura-
mento firmatis, satisfacerent. Arrectis ad
hæc omnium animis, & quod à viro patriæ
libertatis amante, eoque grato objicerentur
Regi probarenturque, facile credita. Se-
cuti animorum motus, murmura, vocésque
auditiæ palam ad arma conclamantium, &
quidquid impetus concitati suasit populi.
Sed is, blandâ oratione Regis alloquentis
Ordines, quâ fatebatur, se fuisse appellatum
ab Austriacis de Regno illis tradendo, polli-
cebaturque se deinceps in sciâ Repub. nun-
quam de successore tractaturum, sopitus
conquievit.

Remansit nihilominus odiorum (quæ
difficulter à populo deponi possunt) fomes,
mox

*Lubie-
nius in
profe-
ctione Si-
gismundi
in Sue-
ciam.*

*Hinc mo-
tus &
murmur
populo-
rum, sed à
Rege sedan-
tur.*

*Iterum e-
rumpit ob
repentis
cum Au-
striacis
pias.*

mox accendendus, ac in Civilem belli flam-
mam erupturus, cui excitandæ occasionem
dederunt repetitæ Regis cum Austriaca
nuptiæ. Et Proceres quidem more institu-
tisque Majorum consulti, suasere, ut uno
tantum superstite Vladislao filio tunc de-
cenni, pluribus munimentis domum re-
giam firmaret; nec ab Austriacâ alieno erant
animo, si Anna Ferdinandi Tirolensis Ar-
chiducis filia, in remotiori affinitatis gradu,
tori socia peteretur, non verò Constantia,
germana primæ conjugis soror, quæ non
absque summo vel Regis ipsius discrimine,
vel Regni exitio arcesseretur, immoto ad
hæc Rege, qui datæ fidei ante septennium
Mariæ Archiducissæ tenax, à proposito se
dimoveri passus non est. Et illa jam collo-
quii citrò ultròque habiti, Austriacos com-
monefecerat, & Pontificem Maximum in-
duxerat, ut ducendæ Constantiæ, literis
propriâ manu exaratis Sigismundo auctor
esset.

Clemen-
tem.

Non abs-
que convi-
cia & ma-
ledictis in
Regem.

Tumultuari itaque iterum cœpere Ordi-
nes, & turbulentior quisque in personam
re-

regiam convicia spargere; incestas appellare
nuptias, nec in Pontificem à maledictis ab-
stinere, palàmque testari, non in ejus pote-
state fuisse, in tam arcto affinitatis gradu di-
vini interdicti mandatum solvere.

Zamoscius Regis improbatis nuptiis, ubi
se nihil profecisse videt, Clementem Octa-
vum acrioribus compellat literis, petitque
ne matrimonium, & Regi & Regno discrimen grande allaturum, auctoritate suâ ra-
tum haberet; deinde Nobilitatem commo-
vet ferocius, nimirum: Connubio hoc ab
Austriacis quæri modo, quibus Regnum
Poloniæ in titulos hæreditarios transmit-
tant: deinde spargit rumorem, seu verum
seu fictum, apud homines barbarum cupi-
dos, juxtâ validum, Joannem Tarnovium
Archi-Episcopum Gnesnensem conspirasse
cum Rege, & Regnum invitis etiam Ordi-
nibus in Vladislavum Principem proximis
Comitiis transferre velle. Ad extremum
palàm testabatur, salutem publicam Regiâ
sibi potiore fore.

Zamos-
cius Pon-
tificem
compellat;
dissuadet.

Nobilita-
tem com-
moveret.

Appetebat Comitiorum tempus, ad quæ
F ex-

1605 inf-
tio Janua.

*Qualibus
Nuncios
mandatis
ad Comi-
ta in-
struit.*

expediti pro more ex Nobilitate Nuncii, iis instructi mandatis, ne Rex novis nuptiis (si altera prioris conjugis soror ducenda esset,) se Remque publicam, in discrimen adduceret; legemque urgerent, quæ in posterum ab Austriacis affinitatibus securitati publicæ caveret, denique postularent, ut conditionibus, quibus illi Regnum delatum esset, satisfaceret.

*Qua irri-
ta fuere
non tamen
absque in-
genti motu,
quem Za-
moscius
sedat.*

Postulata Nunciorum è mente consilioque Zamoscii profecta fuisse, ipso etiam faciente innotuit: & quia à Rege surdis excepta auribus, eadem verò urgente acrius Equestri ordine Comitia irrita fuere, quæ genuinam perturbati statûs expressere imaginem. Certabatur non sententiis sed conviciis, motuum Civilium prænunciis, jamque inter discordes arma expediebantur, ni Zamoscus popularium studiorum prudens moderator, pacatioribus mediis continuisset. Et multitudo quidem tunc irritata bellum intestinum spirabat, & Zamoscus à Comitibus domum redux, quarto Mense in vivis esse desiit, opportunâ Regi morte extinctus,

*interea &
ipse mori-
tur.*

*in Maio
1655.*

inctus, quo sublato nihil morabatur, quin ocius ad optatâ matrimonii transiret vota.

Verum hilaritatem nuptialium dierum funestior belli civilis excepit catastrophe, & aula lætas plaudentium voces, subitâ conversione in publicum luctum mutavit. Commota in Regem Nobilitas, nuptiis adversa; Ducem inuenit Nicolaum Zebrzydovium, Palatinum Cracoviensem, Regi infensum, & popularis auræ non impigrum captatorem. Accessit viro auctoritas, quasi è mente Zamoscii agere videretur, in cujus manus omnis illa potentia defuncti, tutoris nomine, venerat.

*Sequitur
Bellum
Civile.*

Atque has motuum Civilium causas tradidere magni nominis scriptores. Ego verò, sicut occasionem principiumque belli fuisse non abnuerim, ita eas non fuisse comper- tum habeo. Altiùs multo hærebat causa, Zamoscii (ignoscite magni Manes) in aula dominandi cupido, indignatione stimolata, excitata erga Regem omnium Ordinum offensione, hæc profecto fuit. Ac in ipsis penè Regni primordiis, non ad palatum

*Ejus cau-
sa Zamos-
cium.*

Quomodo.
Lubieni-
us.

Zamoscii Sigismundus accesserat, reperió-
que insedisse illius menti Andreae Bachorei,
Regis Stephani ex fratre nepotis sui que af-
finis, egregiam indolem, dignam Imperio.
Sed potentia æmulo impar, & recens fami-
liæ Bachoreæ invidia, alio animum Zamos-
cii flectere coëgerat, eoque inclinare, quò
& favor populi. Et primum Zamoscii cum
Rege congressum haud respondisse ipsius
opinionem, nonnullis observatum; cum pro-
lixius salutationis officium deferenti, Rex
parcius quàm sibi deberi putabat, respon-
disset ad Martinum Lesniovolscium Castel-
lanum Podlachiae versum, *Et quod tandem, in-
quit, Dæmonium mutum nobis è Suecia adduxistis?*

Nec è congressu Revaliensi libenter re-
ducem Sigismundum vidit, unde cum Pater,
Sueciæ Rex, ægerrimè ut Polonis imperaret;
eum dimitteret, jamque filium cujus tener-
rimo flagrabat amore, in Sueciam secum
abducere pararet; conniventibus aliis Pro-
ceribus, Albertus Baranovius Regni Pro-
Cancellarius vel maximè obstiterat; cujus
operæ præstitæ, nullam à Zamoscio gratiam
retu-

retulit, quin imò acrioribus exceptus verbis,
quòd abire volentem sollicitè detinuisset,
de novo Rege Polonis facillè se prospectu-
rum fuisse, inquiens.

Simultatis, offensusque causa Zamos-
cio inerat, Regis non tam propensa, quàm
expectabat benevolentia. Quippe obstre-
nuam fidelèmq; in armis collocatam, in-
que Regno asserendo operam, à suo Regem
juvenem volebat pendere arbitrio, Magi-
stratus dignitates ex suggerentis voto de-
ferri, ex sui ipsius præscripto regimen ad-
ministrare, & ut erat excelsiore animo, in-
gentes spes concipiebat. Rex è contrario,
qui nullius gratiam super auctoritatem suam
esse voluit, gravem sibi, multaque rerum
gestarum fiducià elatum, imperanti magis
quàm fervienti similem; & veluti additum
severum Pædagogum, fastidire incipiebat:
mox ambienti, & totius penè Imperii cu-
ram ad se trahere cupienti, æmulos opposuit
(frangendæ senis omnia sibi deferri existi-
mantis potentia) invisos, eoque graviores.

Pupugit Zamoscium spreta ipsius à Rege

Simultatis
causa in-
erat à Rege.
Zamoscio,
ut sibi vi-
debatur,
minus
propense.

Tarnovi-
um Karn-
korum.
Mysk-
vium.

*Inde occasio ne-
pitiurum
insurgit.*
*Lubieni-
us.*
auctoritas; & durius se accipi querebatur, confestim concitandi in Regem populi occasionem dedere nuptiæ cum Anna Austriaca, Vladislai Matre, ob tam illustrem cum præpotenti Domo affinitatem, suspectæ. Hinc de tradendo Regno Austriacis Rex levibus inculatus argumentis, cui juveni extorta tunc quidem (minùs cauto quorundam consilio) confessio, quàm senior irritam esse voluit, cum sanctè affirmasset falsò hæc de se tradita, & ultimis tabulis (quæ morientium excludunt mendacia) negavit tale quidpiam à se unquam tentatum. Indicti privatâ Zamoscii auctoritate, exemplo hætenus inaudito, Conventus, diffidentia erga Regem populis inculcata: postea accedente secundo conjugio, Principis odia aucta, turbata Comitia, secessiones instructæ, solum sibi vindicant Zamoscium auctorem.

Pacatioribus fortasse mediis, non tam cruento bello, si superstes fuisset, turbas composuimus.
An verò superstes motus stitisset, id cuiusque iudicii relinquo. Quanquam existimo flammam hanc erupturam non fuisse in tantum incendium, quàm prudentia Zamoscii, optimè de patria meriti Civis, in ipsa scintilla

tilla extinxisset, nisi cui persuasum sit, Naturâ infirmitatis humanæ tardiora esse remedia, quàm mala; & ut concitata quadrigæ laxatas semel habenas, tardiùs inhibent: ita populi commoti impetum, faciliùs ultrà protruseris, quàm revocaveris. Illud ego tamen pro certo tradiderim; Zamoscium Virum summæ dexteritatis, libertatisque etsi acerrimum propugnatorem, nunquam tamen passurum fuisse, & cives mutuò digladiantes infami foedari arenâ, & Regiam maiestatem, cuius ille observantissimus erat, non tantum seditiosis armis, sed nec procacibus quidem impeti, temerarique verbis. Invenisset procul dubio à sua prudentia meliora tutioraque consilia, ad reducendum in ordinem Regem, nec in tam præcipiti lubricoque passu stitisset ejus ductu Respub., quam pacatioribus mediis tueri servareque solitus erat. Consilia à morte ipsius malè intellecta ferocioribus ingeniis materiam præbuere tumultus.

Et quantò moderatior erat Zamoscius, *Zebrzydovius a*
tantò fervidior Nicolaus Zebrzydovius, *marie Zamoscii ser-*
latinus

vidus bel-
lum Crui-
le promo-
vet.

quid illum
stimulave-
rit.

latinus Cracoviensis, quem potissimum belli Civilis auctorem fuisse, omnes penè auctores unanimi consensu tradidere. Is gratiâ regiâ pollens, supremos in Repub. honores, magnâsque opes acquisiverat, unde non minorem paraverat auctoritatem; animo tumidus, & æmulorum auctam liberalitate Principis potentiam dedignatus, tristi arrogantia tædium sui moverat. Rebus novandis studiosum, nec præsentis contentum statu, ferociorâque Zamoscio ingessisse consilia, annotavere alii. Stimulabat quippe virum innata parandæ potentiæ cupiditas, & illorum, à quibus se læsum existimabat, crescens indies fortuna ad vindictam propellebat, spe conceptâ, se vel Rege amoto, aut in ordinem redactò, extinctòque partium regiarum Senatu, solum Rempub. arbitrato suo administraturum. Odii in Regem, exasperatiquè animi occasionem, præbuit domus in arce Cracoviensi Palatio vicina, quâ excedere coactus est. Eam Sigismundus ejus nominis Primus Rex, excipiendis externorum Principum

Le-

Legatis commodam extruxerat, cujus usum Zamoscio, annuente Stephano Rege, quoad viveret, obtinuerat. Is verò siquidem rarus Cracoviæ, Zebrzydovio, quoties illuc divertere vellet, libertatem hospitandi concesserat, indulseratque. Sublato è vivis Zamoscio, Rex domum repetit: cunctatur Palatinus: Rege pertinaciùs urgente indignabundus cessit, non absque minis contestatus, Se quidem nunc domo, sed brevi Regem Regno excessurum. Atque ex occasione nuptiarum Sigismundi & Constantiæ, bellum Civile animo agitare coepit, seditiosis conatibus boni publici prætenso velo. Auctæ mox partes accessione civium, qui turbato rerum statu, compendium se aliquod facturos existimabant, & quod ab iis plerumque fieri amat, inter turbas & seditiones libertatem dogmatis asserturi. Quamquam non sum nescius, jactatas tunc causas complures, versibusque à vulgo comprehensas, videlicet velum Maciejovio Cardinali, intra quod Legati à latere personam referens, confederat, Rege jubente detractum

Accedunt
partibus
haretici.

G

amo-

Dece Radiviliu.

amotumque, indeque parum æquiores Regi Cardinalem, seditiosorum partes juvisse, suaque conniventia Palatini Cracoviensis fovisse consilia, eodem penè tempore ob ademtam domum excandescens, occasionemque vindictæ arripientis. Et Radiviliu, Magni Ducatus Lithvaniæ Regi à poculis, privatum in Regem odium exasperaverat, denegata primum à morte Parentis Solecensis, deinde Duclensis Præfectura, delata Chodkievicio à Rege, cuius ille possessionem jam extra juris debitam formam adierat. Boni itaque publici prætextu factioni accessit, adductis in partes dissidentibus in religione civibus nihilo pacatioribus. In Sigismundi itaque repetitas cum Austriaca nuptias, inque perniciem Regni collata consilia, & his consimilia, referre causas & originem, fidem Historici desiderarem: Principia, occasionemque fuisse iudicium in æquilibrio positum, dicet facile. Cæterum ambitio nonnullorumque æmulatio fuit vera genuinæque turbandæ Reipublicæ causa.

Quis

Quis verò progressus belli Civilis fuerit, quantis motibus agitata concussaque Polonia, luculentissima Scriptorum & nostratum, & exterorum exstant monumenta. Nec mihi scribendi incumbit necessitas, feliciorum Vladislao suppeditante materiam, cui post victos domitosque rebelles, cum Sigismundus non posset Regnum, solam hæreditario jure, certissimum Regnorum columnen, reliquit Clementiam.

*Lubienius
latine,
Alessandro Cilla
italice.*



G 2

H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER SECUNDUS.



*Moschi
Imperium
Vladislao
deferunt.*

Reductâ pace, suæque tranquillitati restitutâ Poloniâ, ne civium inter se concurrentium gladiatoria arena Principis adolescentis oculos infausto foedaret spectaculo, ostendere fata hostilem Moschoviæ campum, bellâque Septentrionis, quibus innutriri posset animus, excelsæ magnæque gloriæ appetens. Et coeli quidem favente suffragio, novum destinabatur Vladislao Imperium, dignumque iudicare Superi, cui positâ prætextâ, purpura statim & diadema offerretur. Obtulere itaque

itaque Moschi supplices sceptrâ, atque juvenilem fortunam Principis venerati sunt, veluti unicam Imperii sui fluctuantis ac penè fatiscentis Cynosuram, maxima cum Vladislai gloria, ut dum alii Majestatem quærunt & Regna, illum ultro in ætate tenera Regnum quæsiverit & Majestas. Utinam vetus aulæ malum, æmulationis comes invidia, abfuisset; profectò tot invitantium vota nunquam ad perjurium recidissent. Sed metus ille fatalis, optimorum corruptor consiliorum, speciosiora quàm tutiora Principibus ingerit, cum Regum familiares occupat, anxios, ne arbitria negotiorum, atque adeò potentia ad æmulos transferatur.

Altiùs rem ordiri necesse habeo, ut Moschoviæ in præcipitium ruentis statum nonnullis Scriptoribus memoratum, non in comparisonem curæ ingeniive referam; sed ut latè sparsa negotii hujus magnitudo in unam coëat summam, unde constare possit, Vladislauum Principem, virilem animum ante annos gerentem, delectum; cuius virtuti ac felicitati Moschovia turbata

*Origo ejus
negotii al-
tius repeti-
tur.*

Imperii regimen tutò committeret.

*Joannis
Basilii
Moscho-
via Ducis
filii.*

*Theodorus
à morte
patris Im-
perium ca-
pessit.*

*Imperio
vix par.*

Joannes Basilii Magnus Dux Moschoviæ, pestis & exitium generis humani, duos reliquit filios hæredes, Theodorum & Demetrium, quorum ille ætatis prærogativâ, à morte Patris sceptris admotus, non ingratus populis, quia ingenium mite, mollioris spem injecerat servitutis. Sed languidior lentiorque vix par erat Imperio, clauetro regendo, quam dominio aptior: quippe religioni ad superstitionem addictissimum mitis natura, (quam servilia Moschorum dedignantur ingenia) inhabilem penitus effecerat. Accepere nihilominus lubentes populi; nam & initia Principatus benignitatis spectaculo recreavit, & pulsam à crudelissimo Patre exulem hilaritatem revocavit; quæ sub Tyranno tristes, gaudiorumque mendaciis tecta, ad ferocientis mandatum sumebatur, ut non corpora tantum, sed animus ipse catenatâ premeretur servitute.

*Cui infi-
diatur Bo-
rissius Itodunus.*

Sed Borissius Itodunus facile reputans non ignaviâ magna Imperia retineri, in summaque fortuna æquius, quod validius, Theo-

Theodori languore præbente occasionem, ambitiones ad spes novas concipit, amotâque paulatim Principis ignavâ manu à gubernaculis, vicariam substituit, ac Supremum Magistratum, stabuli videlicet Præfecturam, & cum ea vigilum & prætorianarum cohortium, multaque præmia virtutum consecutus, omnia in aula suo arbitrio administrat, Imperii curas disponit, ita ut cuncta soli obedirent, nihil amplius retinente Theodoro, præter Principis cognomen. Accendebat Arinna Itoduni soror Theodoro nupta, seu cui ipse potius nupserrat. Ea, viro subactò, fratrem in Imperii confortium trahit, jubetque imminere rebus, suâque & mariti fata scrutari, non impigro adhæc Borissio, populis ostentante palam habitu, ore, imagine honestatis, naturam throno haud indignam; cæterum perfidiam, animum subdolum ad omnes attentum suspiciones, avaritiam ac libidinem occultante. De summa tandem potentia cogitare coepit, quam & sterilis Theodori thalamus, & imbecillis valetudo certò pollicebatur.

*In aula
Theodori
præpotens.*

*Accenden-
te sorore
Theodoro
nupta.*

Unicus

*Obstat al-
ter hæres
Imperii
Demetri-
us, tollitur
à sicariis.*

Unicus ad capeffendam Principatûs fortunam obstabat hæres Demetrius, quo sublato, non dubia erat successio. Is tunc Uglecii degebat, ubi posterius geniti Moschoviæ Ducum filii excipi feruntur, educatorum curæ traditus, cum repentè immissis sicariis opprimitur, ficto Principis mandato, iussûque ejus simulante, quibus mortem pueri præscripsisset.

*Theodoro
extincto,
sublato
Demetrio,
arripit
Imperium
Iscodanus.*

Sublato Demetrio, tum & ipso, qui rerum potiebatur, extincto Theodoro, Borisfius fasces Imperii Moschovitici inuasit; & tunc quidem è veteri Moschoviæ Ducum sanguine comparebat nemo, qui obscuri generis hominem ad Principatûs fastigium grassantem stitisset, populis conniventibus. Tale namque ingenium olim induerat, quod illis regendis dignum videretur.

Arrepto Imperio, dissimulatam hætenus vitiosissimæ naturæ larvam detegit; jam palàm arrogans, fastuosus, crudelis, quæ servantibus gravia, Imperanti odiosa; existimabat optimè fundatam sceptri potentiam, sed in oppressæ gentis animis malè inhæserat,

rat, & felicitate nimia ebrius, dum nullum timet ultorem, prodit è bustis Demetrius, cujus olim, ut regnaret, cruore tinxit purpuram. Impostor tamen hic erat, & alter ab eo, quem Joannes Basilii genuerat; audaciùs mentiri genus suasit forma & oris lineamenta, quibus haud dissimilis in Demetrium erat. Cæterùm è monastico profugus clauistro in Russiam se contulerat, perque coenobia amplissimarum Regni ditiorum Volhiniæ Kioviæque vagus, ignotus primùm latuit; donec imponeret larvam, sub qua Ducis fabulam confidentiùs ageret. Et hanc quidem apud Adamum Ducem Visnieviecium exorsus, ab hoc ad fratrem Constantinum remissus; deinde illo promovente in soceri Georgii Mniszek, Palatini Sendomiriensis gratiam amicitiamque provectus, vultu accommodato ibi, genus fugæ, evitataque cædis modum disertius aperuit. Facies liberalis, audax, promptaque eloquentia movit studia & fidem. Jamque velut avitæ stirpis inter angustias fortunæ retinens, promissis filium

*Innotescit
Visnievie-
cius, per hos
Georgio
Mniszek
Palatino
Sendomiri-
ensi.*

H

Ma-

*Is patrocini-
um exu-
lis suscipit,
& exerci-
tum scri-
bit.*

*Intrat ar-
matum in
Moscho-
viam.*

Magni Ducis agebat, designabat in domo Palatini Sendomiriensis sceptri thorique fociam, Regno amicitiam pollicebatur; iis verò opes, quorum fidelem operam in adeundo Regno cogniturus esset. Speciosa promissa, videlicet ostentata vetus Moschovix Ducum gaza, bellorum præstitique auxilii non vile præmium, deinde optandum in regnatrice domo Magni Ducis connubium; commovère animum Palatini scriptæ tumultuariæ cohortes, privato Palatini ære: contrahitur clientum amicorumque operâ militaris manus vix uni probè munito oppido, ne dicam Imperio subjugando, par. Infert raptim coactum agmen in Moschoviam Demetrius, significat Proceribus servatum munere Deum verum Imperii hæredem, jam jamque adfore, & per scelus à Tyranno usurpati, Regni ultorem, & priscæ avitæque assertorem libertatis. Tum per idoneos sibi que fidos crebrescit, superstitem esse Demetrium, occultis primùm sermonibus, mox vago rumore apud imperitissimi cujusque promptas aures, aut rursus

sum apud turbidos, sævæque Itoduni tyrannide fessos, eoque nova cupientes. Vulgabatur interim per Moschoviam credebaturque, finitimas arces passim metu, passim sponte, adventantis novi Ducis accepisse imperium: jamque Moschorum multitudo confluebat Orienti soli debitam præstitura venerationem, jam in ipsa regni sede clandestini coetus Demetrium celebrabant: cùm Itodunum anceps cura distraheret, an suo ductu falsum coërceret hæredem, an suis auspiciis rem gerendam committeret: modò nihil spernendum, modò, ne si Imperii sedem defereret, ubi omnia intutâ fluxæque laborabant fide, ambiguus pudoris ac metus reputabat. Placuit tandem insidere Urbem, quam præsens Majestas suo coërceret terrore. Interea ire jubet Joannem Juanovicium Godonovum, fratrem germanum, sexaginta, vel (ut alii recensent) octuaginta millium copiis armatum, additis ad consilium & regimen Basilio Mscislavio, & Joanne ac Demetrio Suysciis: is fit hosti obviam exile trahenti agmen. Invenio apud celebrem scriptorem,

*Itodunus
turbatur,
urbem ni-
hilominus
insidet.*

*Fratrem
cum exer-
citu obvi-
am militi.*

rem, à Demetrii partibus septingentos equites totidémque pedites stetisse, pugnae idoneos: etsi Petricius, Moschoviticae Historiae auctor, hastatos mille, velites quadringentos, pedites trecentos recenseat, tumultuariam veriùs manum, ad hæc incertam stipendii; ideoque minùs obsequentem Duci, absque ulla militari castrorumque disciplina, nervum belli nullum, apparatus nullum, ipsos agminum Ductores rei militaris rudes ac imperitos.

*Demetrius pugna
aleam non
detrectat,
& vincit.*

Nihil his movetur Demetrius, & fatis impellentibus, temerarius magis quàm audax, non tantùm intrepidus pugnam excipit, sed infert, mox ingenti edita strage, hostem submovet. Is intra munimenta receptus relictusque ex fuga, eò securiùs reparabat vires, quò manifestiùs spem ultra audendi paucitati Demetrianorum præcisam videbat.

*Post varia
certamina
Itodunus
moritur.*

Jacta non infeliciter belli alea, adoravere populi propitia Demetrii fata; pertinacem, si uspiam comparebat, turbam, submovente feroci lictore, cujus vices pavor & consternatio

natio egerat. Denique circumferebat secum Themistoclis Deos, Vim & Suasionem. Atque post varia cum Moschis certamina, Itoduni mors litem diremit, Demetrio ad Imperium faciliore patefacto aditu. Namque anxium sollicitumque, deque mutuo cum Suecorum Legatis à Carolo missis, foedere ineundo agitantem, subito tristitiæ magnitudo oppressit; mortemque acceleravit seu potius venenum, clam à Demetrio per secreti conscios datum propinatumque.

*Plutarchus in
Themistocle.*

A morte Borissii in Urbe ad uxorem filiumque ipsius concessum est; at castra, quæ ad Cromum oppidum constiterant, ad Demetrium inclinavere. Quinque cohortes Prætoriae, transitione facta, exemplum aliis præbuere; deinde evocatis in Urbem Mscislavio Suysciisque, Petrus Bosmanus, Vir militiæ strenuus clarusque, primus se transdit ad Demetrium, quem secutus Basilii Galicinus eodem mox vertit: tum & milites juravere in nomen Demetrii, præeuntibus Præfectis sacramentum. Godunovum

*Demetrio
miles &
Proceres
sacramen-
tum di-
cunt.*

verò detrectantem, perque averſam caſtro-
rum partem furtim digreſſum, retraxere
vinxereque, offerendum Demetrio. Ad
quem tandem, miſſa legatione, redditique
quæ ſolita Principibus, Cæſarem ex more
gentis conſalutatum, ad caſtra duxere, reno-
vatôque Sacramento moto ad urbem agmi-
ne proceſſere.

*Suyſcii
cunctan-
tur ſolè,
quibus ca-
venæ in-
jeſſa.*

Et ibi quidem ingreſſus Suyſciorum ali-
quantum ſecum virium ad novos motus at-
tulerat, cùm auditâ exercitûs defectione
deditiônique, dilapſis præcipuis, plebs ad
obſequium, quod abnuerat, verſa; cæde ami-
corum propinquorûmque Boriffii omnia
permifcet, Suyſciis catenas injicit: Uxorem
cum filio fractis cervicibus ad inferos pro-
trudit, ferale poſteris relicturam exemplum,
flagitio parta Imperia haud perennare, nec
diuturnam cœlo exprobrare poſſe patien-
tiam, ſceleratos ſceptri invaſores. Suyſcii,
ad Demetrium adducti, demiffi fuerunt;
ſive inde clementiæ famam captaret, ſive
Polorum gratiæ daret, quos pro ſe deprecato-
res habuerant. Cæterum Joannes Godu-
novus

novus interfectus, ac ſi ejus morte nova-
rum diſcordiarum ſemina aboliturus com-
preſſurûſque. Iſque fuit tandem omnibus
dubitandi finis, exindèque cuncta ad De-
metrium converſa.

Occupat itaque ſolium Demetrius tantæ
fortunæ vix par, qui in ipſo Imperii limine,
crudique adhuc Moſchorum animis, cru-
diorem mox revocavit tyrannidem; time-
rique non amari volebat, cùm ferocius in
partes inquireret, ſecures pro largitionibus
expediret, edicta non ad clementiam popu-
lis recenti dominatione acquiſitis, tempera-
ret; ſed verbera, cædes minitaretur: Proce-
res alios exutos trabeis, infami addiceret car-
ceri, alios ad carnificem amandaret. Nihil
reliquum Moſchis ſupererat, quàm intole-
randam aliquando excutere ſervitutem, &
ſe de Impoſtore ulciſci, qui cruento prius
ferro quàm regi auro manum induerat.
Jámque ſecretò inſtruebatur ſeditio, & per-
fidia ad opportunum acuebatur ſcelus, cùm
Demetrius fatali ſecuritate conſopitus, læ-
tiora apparat, & malè coaleſcentibus Regni
exor-

*Occupato
Imperio
Deme-
trius, inſo-
lenter ſe-
gerit.*

exordiis, thalami sociam quærit; cum amore prius, potissimo regnantium vinculo, civium corda stabilienda forent.

*Legatos
in Polo-
niam mis-
it ad pe-
tendam
Sponsam.*

*Obtinet
Marinam
Palatini
Sendomi-
riensis fi-
liam.*

Cracovia.

*Quam
Rex Lega-
to tradit.*

*Athanasio
Vlascio.*

Mittit itaque Legatos in Poloniam ad petendam deducendamque Sponsam, quæ in domo Palatini Sendomiriensis lecta, ut (cujus opibus, auxiliis id obtinuerat, ut regnaret) felicitatis ejusdem filiam, sociam dominationis haberet, vel hoc ipso erga Patrem grati animi exstante testimonio. Mox à Sigismundo Rege facile annuente, Cardinalis Macieiovius, Marinam Palatini Sendomiriensis filiam, Moschorum Principi despondit; Legato illius nomine, sponsionem ratam fore, promittente. Frequens aderat Procerum Polonorum concursus: unde maximus sponsaliorum splendor, sed à præsentia Regis singularis; qui & convivio interfuit unà cum Principe Vladislao filio; & Anna Infante Sueciæ sorore germana, ac Sponsam manu suâ deductam, Legato recipiendam tradidit. Additi insuper Nicolaus Oleśnicius, Castellanus Malogostensis, vir antiquissimæ Nobilitatis, qui & Pa-

Palatinus Lublinensis fuit, & Alexander Gasievius Præfectus Velisiensis, veteranus militiæ Dux, postmodum Smolenscensis Palatinus, ut nuptiali festo adessent, in Moschoviam officii causâ Legati. Auxit deinde sponsæ majestatem insignis deducentium comitatus, à Palatino Patre lectus instructusque, & honoris & præsidii causâ: Publica tunc ferebat fama grandem pecuniæ summam à Demetrio, videlicet quingenta millia florenorum Palatino missam, utpote qui imperii sui vix securus, parumque lubricæ Moschorum genti jamque exacerbatae fidens, exteriorum auxiliis tutiorem se fore censebat.

*Deducitur
in Mo-
schoviam
splendido
cum appa-
ratu.*

Interea quò magis famâ præceptus jam adventus Sponsæ erat, accensaque urbs expectatione & desiderio videndi è longinquo venientem Principis conjugem, rerumque suarum & Imperii futuram dominam; eò exquisitiori apparatu, ambitu, immensis venerantium, gratulantium, deducentiumque agminibus excepta est. Decimo deinde octavo Maji die, Proceribus Moschorum

*Ibidem
insignia
Imperii
accipit.*

& omni multitudine circumfusâ, insignia regia, & sacramentum à Primoribus accipit, nuptiæque celebratæ summo cum luxu prodigentiâque.

*Moschi
interea se-
ditionem
prementis-
sima.*

At inviti tunc dissimulantésque, Demetrii insolenti exacerbati fastu, profitebantur hilaritatem Moschi: mox arreptâ occasione in ipso nuptialium dierum apparatu, strepentiisque hymenæi fervore, serenam faciem in proditoriam, quam hucusque celaverant, commutant; quippe quod sperarent occupatis in effusâ lætitiâ, vinóque intemperantiùs hausto hospitibus, promptiores ad patrandum aditûs. Atque illi ipsi hospites Poloni, hæreditarii Moschorum hostes, magis popularium in Demetrium exacuerunt odia, quos & tanto numero in ipsa Imperii sede obversari fremebant, eoque à novo Principe excipi favore, qui hætenus exteris ibidem insolitus fuerat, utpote apud gentem servituti natam, suâque tantummodo æstimantem, cæterorum contemtricem. Quin & illum splendorem comitatûsque externi frequentiam, domestico ære arcessitam esse crede-

*Cujus
causa, Po-
lonorum
numerus,
favor a-
pud De-
metrium,
insolentia,
sed maxi-
mè fastus
& crude-
litas Impe-
rantis.*

credebant, quod Demetrius longo superiorum Principum corraso ærario, sacrosanctoque hucusque, avidas iniecisset manus, veterésque illæ opes è gazâ depromptæ divisaque inter Polonos, tanquam præda noscerentur, quibus ex largitionibus, facilitatèque Demetrii nulla satietas, modus aut verecundia erat, velut omne Imperium muneri donoque cessisset. Ad hæc quasi jam debellatum esset, non aliter quàm in media pace, & non in alieno solo, libidinem, insolentiam, cupidinem, avaritiam intendebant; cum Moschis in jurgia, contentiones, rixas sæpius erumpentes, vulgo in Demetrium vertente questûs, tanquam juberet, quidquid auctoritate suâ non vetaret. Tantoque ea promptiùs suggerebat exaggerabatque, crudelitate & arrogantia Demetrii, commoto populo, fax & incensor Basilii Suyscius, cui non ita pridem sub carnificis securi procumbenti, vitam à Demetrio Poloni impetraverant.

*Incensor
verò Suy-
scius.*

Paucis itaque ab adventu Marinæ in Moschoviam diebus, ad signum æris campani

*Erumpit
tandem a-
trox tu-
multus.*

*Demetri-
us occidi-
tur, inque
Cadaver
sevitur.*

*In Polonos
postmo-
dum versa
rabies.*

summo diluculo datum (quod apud Moschos magni tumultus indicium est) clamor ingens ab omnibus partibus tollitur, arma adversus impostorem, Polonosque invocantium: tum præcipui cum armatis cohortibus regiam invadunt, inferuntur in thalamum parricidales faces: Demetrius propinquante tumultu, vociferationeque exterritus, latebras quærens, cum nullum videt effugium è fenestrâ se præcipitem ejicit. Instat furens miles, & tanto penè casu exanimem configit, vulgo saxi, fustibus, gladiis, quæque fors attulerat gravius sæviente; dein contumeliosè raptatum alligato pedibus Bosmani cadavere, tanquam fidissimi satellitis, & proditoris Patriæ, in forum trahit, quò conspectior populis mors foret: denique, post edita per biduum omnis exquisitæ crudelitatis exempla, igni crematur. Liber hospitem populus à conjuratâ plebe invaditur, fit utrinque atrox cædes: multi inter hospitalis mensæ sacra interfecti, multi bonis exuti, in ergastula compacti: Legatorum jus detentione violatum. Constantinus

tinus Dux Visnievicius, vir bellicâ gloriâ illustris, cum sibi vim inferri cerneret, animosè prorumpit, Moschos rejicit ac profligat, irruentemque turbam non sine cæde sustinet ad Suyscii adventum, fatalem sedantis quoquo modo rabiem. Palatinus domo munitâ, optimèque ad defensionem comparatâ, impetum non minori felicitate moratur; sed crescente, gliscentèque indies barbarie undique circumseptus, spèque salutis, (nisi quam hostis daret) præcisâ, acceptis datisque obsidibus cum hoste componit, Uxorem Demetrii mundo muliebri penitus exutam, unâ cum Gynecæo recipit, infauti hymenæi, & veluti in scena ad aliquot horas gesti Principatus perennaturum exemplum.

*Marina
spoliata o-
mni mun-
do mulie-
bri, Patri
redditur.*

Madentem recenti sanguine thronum occupat hujus tragœdiæ subdolus artifex Basilus Suyscius, & ut erat favore popularium potens, ingenio audax & efferus, de trunco ferali ad purpuram surrexit: sed quantum, pro Superi! civilis fuscum cruoris. Opposuit namque in ipsis initiis Suyscio, falsum

*Imperium
occupat
Basilus
Suyscius.*

ab antiquis Ducibus stemma, velut certissimam Regni prærogativam Petrus quispiam; at ille quid, nisi fortunæ ludibrium: per horrendam trecentorum millium ab utrinque stragem, cum diadema exspectat ambitque, laqueum à carnificis manu accepit.

*Comparet
iterum
aliter De-
metrius.*

Sed iterum è recenti calentique adhuc rogo, emicuit redivivus Demetrius; quasi adinstar Phoenicum fatalis cinis, Demetrios immortales suæ restitueret Moschoviæ. Crebrescit itaque subito evitasse Suyfcianas manûs per subterraneos meatus Demetrium: Ignoto vultu quippe, nec dum Moschis perspecto multos fefellit; plerosque impotens Suyfcii dominatus ac tyrannis, (licet non ignaros) eò traxere, ut credere mallent. Accessere partibus irritati nuperâ perfidiâ, cladéque popularium suorum Poloni, illorûmque cædes ulturi; & selectæ legiones, motu civili composito, bellum adhuc spirantes, è Polonia Demetrio in subsidium advolavere. Jam & peracto bello Livonico adfuit præsto exercitus, cui Joannes Sapieha præerat. Vir majorum meritis; & cla-

*Chi se ad-
iungunt
Poloni, &
Joannes
Sapieha
Præfectus
Vsuatensis.*

clarus militari laude Tribunus, sæpiusque à nobis non sine elogio memorandus. Is etsi à Leone Sapieha Magni Ducatûs Lithvaniæ Cancellario fraternè moneretur, ne se illis immisceret bellis; intercessissentque inter utrumque eo in negotio acriores concertationes, mihi satis ab inspectis utriusque literis notæ perspectæque, perstitit ille nihilominus, virum illuc Martiali ducente genio.

Jam verò quò majoribus adminiculis firmaretur recenter emergentis Ducis auctoritas, verumque non fictum constaret esse Principem, intercepta prioris Demetrii uxor, coacta maritum, quem amiserat, vivum agnoscere, & non cum suo conjugè suum iterum auspicari Imperium: Palatino Patre dissimulante, accedentéque unâ cum filia imposturæ non ignaro. Legati Regii à Suyfcio dimissi, ex itinere retracti, & novo impostori tanquam legitimo, adesse iussi. Denique ut fidem adstruerent, ad illum Uxor, Legati, Pater, Poloni, Comites, aula, & ea, quæ occidisse putabatur, iterum redierat Majestas. Tam validis cinctus præsi-

*Maryna
tanquam
ad suum
Conjugem
redit.*

diis

diis novus hic Demetrius, fortior sæpe imminebat Suyfcio, sui regiminis anxio, quamdiu præpotens æmulus, & armis & civium quorundam non ambiguo favore polleret.

*Turbata
res Mo-
schovici Si-
gismun-
dum Re-
gem ad
bellum in-
ferendum
mutant.
Lex lata
1609.*

*Delibera-
tio super
hoc nego-
tio.
Disuadent
nonnulli.*

Jam bellorum civilium dissipatâ tempestate, amœnior facies Orbi Polono illuxerat, & lege sancitâ Amnestia, animos malè cohærentes iterum coalescere fecerat, cum ad invadendam Moschoviam suâ mole ruentem, tôtque fatiscentem seditionibus, unita virtus & concordēs legiones, velut civilis belli scelus expiaturæ, Sigismundum invitabant. Res ardua visa, & quæ magnis egeret consiliis: Eapropter ad Senatum referre placuit, ut quid quisque eo in negotio censeret, suam promeret sententiam. Plerique rei magnitudine suspensi, prosperum haud pollicebantur exitum; nonnulli religione moti, de justitia inferendi belli addubitabant, asserentes, foederum ac induciarum pacta cum Moschis inita à nostris penè violata esse, cum; privato ausu nonnullorum, ficto Demetrio arma suppeditata, & Moschoviæ invadendæ à nostris coeptum initium fuisset, Ito-

Itoduno induciarum unicè securo. Meminerant Leonem Sapieham, magni Ducatûs Lithvaniæ Cancellarium, Legatum in Moschoviam profectum, qui foedus morte Theodori exspirans, viginti annorum spatio definiret. Et ejus quidem Viri in Repub. maximi, rerumque Moschoviticarum apprime gnari, cum applausu tunc excepta fuerat legatio: utpote, qui juvenis sub Rege Stephano Joannem Basilium, sævâ ferocientem tyrannide, splendidæ legationis famâ exteruerat. (Quæ ipsius animi fortitudo exterrorum etiam Historiis est celebrata) Theodorum in spem pacis reposuerat, ad extremum Itodunum insolentem, pace sequestrâ, à bello removerat. Addebant: Misisse Itodunum suos ad Regem Legatos, qui eundem, unâque Procures icti foederis admonerent, ficti Demetrii genus ac originem edocerent: obtinuisse Legatos à Rege responsum, Se foederis memorem, opem imploranti auxilium ferre noluisse: cæterum in ea Polonæ Nobilitatis libertate prohibere non potuisse, quin aliqui privatim Deme-
K trio

Michaël
ab Iffelt
in Anno
1584.

trio studerent, si tamen & ii modum excederent, aut aliquid contra pacta admitterent, daturos ex formulâ pactorum poenas. Speciosa verba accepere Legati, at quo effectu? Si enim privatos tantum, ac turbam quietis impatientem, Demetrius ad signa evocasset, nullum nobis crimen imputari poterat: Sed magnus Regni, ac inter primos Senator, generis splendore, affinitatibus clarus, clientelis potens, falsi Demetrii patrocinium suscepit, militem scripsit, fines Regni transgressus, confligit, non ausurus tantum facinus, nisi Rege connivente, à quo in ipsis præstiti patrocinii initiis publico edicto revocandus fuerat, cum nec publici boni interesset, Moschoviam hæredi dubio reddere. Neque verò foedus illud à Leone Sapieha cum Itoduno pactum extinguere poterat, quippe annorum spatio non vitæ ipsius termino circumscriptum. Nec insuper Legatorum Regis detentionem iusti belli titulum facere, namque ad Demetrium nec dum regiminis securum missi: Et perspexisse prius statum Moschoviae

viæ oportuerat, an suo fida Duci, num certum hæredem agnosceret, neque laterent insidiæ, mox recenti fortunâ ebrium oppressuræ. Et hos quidem rebus bene pacatis firmatoque Imperio mitti, tutius videbatur; cum experientia docuerit, iuramenta à pessima natione concludi perfidiâ, & in contrarios eventus desinere. Deinde in turbido illo statu, ubi Polonorum vires suspectæ erant, insolentia, (quæ minùs hospites deceret) intoleranda denique populi commoti furentisque rabies falsi hæredis accensâ indignatione, quomodo Legatis regiis pepercisset, cum primariâ hujus tragoediæ personâ sublatâ cæteros quoque scenæ actores pari ruinâ involvi necesse existimaverit. Jam verò, qui de invadenda Moschovia cogitet, contendebant ei magnopere considerandum, an virium abunde sit: hîc certè perpaucae legiones, quarum aliqua fida Regi, nonnullæ nutantes adhuc, & Principis obsequio nec dum assuetæ, Imperium vastum magno exercitu tentandum esse, non exiguo castrorum vallo Majestas inclu-

cludenda, quæ Moschoviæ latè terrorem inferre deberet. Neque uno tantum exercitu opus ad fatigandos barbaros: quippe unus Suyscio, alter toties redivivo opponendus esset Demetrio. Ad extremum, ubi pecunia, ubi apparatus; prius impensæ ad calculum reducendæ, antequam de bello cogitare incipias. An verò eæ ab Ordinibus efflagitandæ, incertum, quorum animi bellis Civilibus exulcerati, & vix recenti obductâ cicatrice saniores, ne iterum subitâ exactione exasperentur, verendum esse.

Et ita quidem maturiores, summæque prudentiæ Viri suadebant, tutiora quàm speciosiora consiliis prætexentes, ac inter eos præcipuè Stanislaus Zolkevius Palatinus Kioviensis, Magister equitum Generalis, cujus sententiam Rex per Henricum Firleium, Regni Referendarium exquisiverat; dehortabatúrque Regem à proposito adductis fortissimis ad convincendum rationibus: ad extremum missò Stanislaò Tarnovio, aulæ suæ Præfecto, si quâ ratione de-

cli-

clinare posset eam expeditionem, summopere annitebatur.

E contrario alii justam belli causam asse-^{Suadem} rebant, ruptique foederis occasionem Mo-^{alii.} schos dedisse censebant. Id illi sibi impudent, quod tanto studio applausûque verum ac legitimum Demetrium agnoverint, cujus nunc ficti simulatîque Principis memoriam detestantur. Illorum favore Imperii conscendit Solium, adveniienti ultro patuit, inter festos apparatus plaudentiûmque populorum voces Metropolis, nec antè titulum à Rege Magni Moschoviæ Ducis obtinuit, quàm delata Imperii insignia eum induisse constitisset. Jam verò adeptus Principatum de novis foederibus cum Rege egit, missis suo Procerûmque nomine Legatis, petitâ sponsâ Palatini Sendomiriensis filiâ in matrimonium, ac obtentâ, ivisse complures illustres viros, ipsius deducendæ gratiâ, in Moschoviam: cur primo ingressu non prohibiti? cur ubique humaniter excepti? an ut tantò fidentiùs inter sacra mensæ, nec quicquam hospitales Deos invocantes, pecudum

K 3

ad-

Stanislaus
Virovius
Tribunus
Parcouien-
sis, & Jo-
annes
Drucius
Sokolien-
sis.

A. D.
1514.

adinftar maētarentur, & repenti gaudiorum extrema funestarent. Cur Legati regii detenti, arctiorique traditi custodiæ? Si falsus non placebat Demetrius, cur ante nuptias Polonorumq; adventum non detecta feralis & invisa impostoris larva? ergone vindictam hucusque differri oportuit, ut infimul hospites ad meditatam fervarentur ultionem? Missi novi à Rege iterum Legati, qui jus gentium violatum quererentur, resque repeterent, nullo cum honore, pro ut tanti Regis decebat, Oratores excepti & ultra annum sub custodiâ habitî, malè itaque Moschos de nobis conqueri, quos auctores rupti foederis, luce ipsâ clariùs, constaret. Deinde fatalem hanc Moschoviæ conversionem, invitare ad recuperandum vetus Polonorum Magnique Ducatus Lithvaniæ patrimonium Severiensem Ducatum, ejusque Arcem primariam Smolenscum, à centum penè abhinc annis à Glinfcio proditam. Ac ut in turbida aqua facilior piscium captura provenit: Ita in discepto factionibus seditionibusque agitato Im-

Imperio, munitionum ac provinciarum obtinendarum opportuniorem occasionem fore. Inde sibi Rex immortale gloriæ pararet decus, unde amissi Smolensci, nec recuperati, avo ipsius infederat macula. Quod si verò recenti bello Civili famæ regnantis aliquid esset detractum, repararet felicibus armis, simulque liberaret Poloniam ab insolentibus turmarum reliquiis impune vagantibus, cum hoste quàm cum agricolis gloriosius ac decentius pugnaturis.

Si quoque hæ belli inferendi rationes non procederent, dispiceret Rex, cui discrimini non Polonia tantum, sed penè universus Orbis Christianus expositus pateret. Quippe Moschos continuâ tyrannide, cædibus atque discordiis ambientium fessos, desperatione ita suadente, ultro Turcicum ac Tartaricum iterum subituros jugum. At quanta barbaris potentiæ appendix accederet, quàmque metuenda immanissimis Christianitatis hostibus, si tam latè patentem terræ à Sarmatico limite ad Persarum Regna

Sigismundo
Primo
Regi Po-
loniæ.

gna se se extendentes, Turcarum aut Tatarorum servirent sceptris. Quod si adhæc transferri suffragia non placuerit, fortasse viciniorem quempiam, infestumque nomini Polono advocabunt Principem. Jámque non obscure Caroli Sudermani amicitiam ambiunt, qui nuper erepto Sueciæ Regno, indéque pulso nepote, in Moschovia potius facesset negotium, ut ab hæreditariis avocatum Regnis, in alieno solo, alienis opibus distineat. Iret tantummodo bonis avibus Rex, secuturos Principem egregia meditantem Regni Proceres, lectamque nobilissimorum juvenum manum, splendidum gloriæ præclarissimorumque facinorum, habituram theatrum: non commeatus, non stipendia defutura pronis in Regem Ordinibus, nec difficulter, ubi in publico Comitiorum confessu requisiti fuerint, concessuris. At denique faustis precationibus pugnanti victorias, redeunti plausum ac triumphum ominabantur.

*Quibus
Rex assen-
titur.*

Vicit hæc sententia Rege facile approbante, lætoque, utpote Civilium motuum pertæso,

pertæso, ac velut à domesticâ aurâ contagionis lue afflatâ, recentiore saniorémque alibi quæsituro. Et Zolkievio responderat Rex, non esse sibi commodum à destinatâ resilire expeditione, cujus jam vicinos Principes admonuisset, famæque suæ ac existimationis interesse, propositum suum apud externos evulgatum exsequi. Compellati quoque de bello Moschis inferendo Ordines; assensere tunc quidem, sed postmodum graviter ingemuere, oppressâ propè à seditioso milite Repub. truci minacique vultu efflagitante stipendia, cum præter direptam veterem opulentissimamque Moschoviæ Ducum gazam, multis centenis aureorum millibus æstimatam, vix avaritiæ ac libidini ferocientis militis complures suffecere milliones, quos ad illorum crudeles exactiones adjecit gemens Polonia.

Sed de ruptis induciarum Pactis apud diversos Principes conquerentibus Moschis, ut à nobis belli justè illati constaret Orbi Christiano ratio, missæ, paucis interjectis annis ab ingressu Sigismundi in Moschoviam,

L

1615. viam, causæ ad Imperatorem Romanorum Matthiam, evulgatæque typo, quæ stylo Stanislai Lubienscii, Viri in Ecclesia & Repub. maximi, conceptæ, in ipsius posthumis operibus leguntur.

Et in
Moschoviam
armatus
tendit.

Orsa Urbis
Russiæ al-
be ad
Borisbe-
nem.

Datis
8 Sept.
1609.
Consilium
optimum
promoven-
di belli.

Justinus
lib. 8.

Annus tunc agebatur nonus supra millesimum sexcentessimum, cum mense Augusto Rex, lustrato apud Orsam exercitu, adversa Boristhenis legens, in Moschoviam processit; bellumque Suyscio, literis rationes, quas supra attigimus, iusti illati belli continentibus, denunciavit, misso qui eas ferret Stephano Strumilovio. Erant qui suaderent nec immerito, ut in penitiora Imperii pergeret: duos namque in mutuum exitium sine modo ruentes, facile opprimeret, Philippi Regis Macedonum exemplo monente, qui dum contentiones alit, auxilium inferioribus ferendo, victos pariter ac victores subire regiam servitutem coëgit. Apud Demetrium plures è Polonis versari, in ipsorumque virtute potissimum robur, si Suyscium conjunctis viribus invaderent, non laturum impetum, moxque spe

spe Imperii dejiciendum. Nec Demetrio hinc magnam accessuram fortunam: Nam populares mox in partes regias transituros, deserturosque fictum Principem, cujus ut causam tuerentur, non tam æqua Demetrii causa, quam Polonorum atrox cædes stimulaverat, scenæque tantisper servire jussit. Et quod inviti Demetrio ibant asser-tum diadema, tantò alacrius Regis sui capiti imposituros. Atque hoc consilium si tunc valuisset, profectò major rerum gestarum Sigismundum expectabat gloria, cujus propositi poenitentia animum postmodum serò subiit.

Verum Rex, ne videretur pruritu ac libidine dominandi arma sumsisse, (quod sibi objici non ignorabat) ad recuperandam Severiam ejusque fortissimam arcem Smolenscum, animum adjecit; testatūque facere voluit, se sua tantum, non aliena appetere, nec externis avidè inhiare sceptris. Mense igitur Octobri, ut propius Smolenscum accessit, arcem è vestigio obsidione cinxit, moenibus, propugnaculis firmam,

Rex post-
ponit.

Smolens-
cum obsi-
dione cin-
git.

commeatu abundantem, præfidiariorum numero validam.

*Arcem &
à Propu-
gnaculis
& à mili-
tum oppi-
danorum
numero
firmam.*

*Eam de-
fendit
Michaël
Borissius
Seynius.*

Ampla vastaque tunc erat urbs, ut pleræque Russiæ sunt. Smolenscum in longum magis quàm latum ad ripam Boristhenis projecta, extensaque. Octenis millibus ædium eam constitisse ferunt, & quia difficulter defendi poterat, incensa ab incolis, ad arcem, adversæ impositam ripæ, cum fortunis suis pignoribusque confugientibus. Et hæc vix minor urbe moenibus cincta, triginta octo turribus seu propugnaculis munita, tantam multitudinem facile cepit. Censa fuere in universum inclusorum in arce hominum capita, ducenta circiter millia, ac inter eos ad ferenda arma pugnâque idonei, quadragies mille numerati, præter præfidiarios vix pauciores, quos delectus in Severiæ Ducatu habiti, subministraverant. Et hi, quotquot erant in tam vasto arcis ambitu, accepere Gubernatorem bellandi peritum Michaëlem Borissium Seynium, è Moschoviâ huc propere ire iussum, pecuniâ & commeatu optimè instructum,

ctum, ut non solum obsidionem in plures menses extendere, sed cum regiis justâ etiam pugnâ quandôque configere posset. Atque hic est ille Seynius, qui Sigismundi & Vladislai Regum triumphos auxit, ab illo captus, ab hoc sub jugum missus, dum contra Patris exercitum Smolenscum fortissimè propugnat, Vladislao verò, acri obsidione cinctum, eripere tentat.

Nihil commotus Rex & defendentium numero & tantâ annonæ commeatusque abundantia; partitis inter Tribunos stationibus, arcem circumvallare aggressus est. Cum enim nullo vallo fossaque deforis cincta, ad ipsa moenia crassitudine & crebris firmissima propugnaculis, aditum facilem præberet, tormentis admotis murum concuti expugnarique posse haud difficulter existimabat: deinde illam ipsam annonam, licet tantâ copiâ invectam, à tam numeroso populo brevi consumendam, securamque fame jubente deditionem rebatur, atque in hoc barbarum Moschoviticarum æstu fluctuantes & auxilii inopes

obfessos æquis conditionibus tranfacturos, sperabat. Sed Rex cum obsidet magis, quàm oppugnat, lentiùsque arma promovet, spe suâ frustratus, viginti circiter mensium spatio, antequam expugnaret, ad arcem hæsit.

*Obsidionis
acceleranda
Regis
auctores.*

Obsidionis accelerandæ, promovendique in Moschoviam exercitûs, duos potissimum memorant auctores, illorum temporum accurati Scriptores: Leonem Sapientiam, magni Ducatûs Lithvaniæ Cancellarium, & Alexandrum Gosievium Præfectum Velisensem. Et hic quidem, vel ipso Zolkievio teste, instabat ardentissimè, rei bene gerendæ occasiones, momentaque obtendens, præsertim in tam turbido Moschoviæ statu, ubi nutarent omnia, in ipsaque Metropoli crebri invalescerent tumultûs, internæque seditiones gentem inter se colliderent affligerentque. Nuntiabat insuper, Smolenscum Arcem milite vacuum, patere Regi, si armatus properaret, & si quid antea habuisset præsidii, illud à Scopino inde abstractum esse. Nec cessabat identidem com-

complura his similia suggerere, ad evocandum Regem in hosticum, Smolenscique obsidionem maturandam, cuius recuperandæ facile monstrabat compendium.

At Zolkievius, vetus militiæ Dux, prævidebat animo & temporis & sumtuum jacturam, si Rex obsideret Smolenscum, suadebatque ulteriorem in Moschoviam progressum armorum, plus commodi lucrique, superque hæc gloriæ allaturum, nullo à tergo imminente à derelicta arce metu, quam claudi posse, stringique castellis, milite ibidem imposito, edocebat, parvo cum exercitûs dispendio, quem adveniens Olowcinko, triginta millibus Cosacorum auxisset. Cujus quidem consilii tunc omnino postpositi, frequentem postmodum apud Regem fuisse, non absque aliquo doloris sensu memoriam, ex illorum temporum commentariis accepi, prout suo referemus loco.

*Zolkievii
alia senten-
tia, & quia
neglecta
serio Re-
gem per-
misi.*

Cæterum. (hactenus origines turbarum Moschoviæ, & cruenta partium pro Imperio certamina) Sigismundi Regis arma laceffita,

laceffita, obfidionis Smolensci initia, contractiore expofita funt ftvlo, veluti non ingrato præmiſſo lectori præludio, facileque ex primis deducturo lineamentis, quâ viâ ad vaſtum Septemtrionis Imperium propitia Vladiflaum duxere fata. In hac tamen rerum ſummâ, plurima à me explicata dictaque eſſe ſcio, quæ vel à nonnullis ſuppreſſa, vel certè per incuriam omiſſa ſunt. Nunc quò propior ero in referendis Moſchorum erga Vladiflaum ſtudiis, majore circuitu res proſequi conſilium eſt, tantòque fidentiùs, quantò à Commentariis eorum, qui hæc ipſa geſſerunt, inſtructior ſum, ita ut ex iis rariora quædam neque divulgata hætenus promere poſſim.



H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER TERTIUS.



Non ceſſabat interim duarum factionum atrox diſſidium, & diſcerpta Moſchovia neſciebat, aut quem conſtanter amaret, aut quem odiſſet. Ac Polonorum quidem præſidiis cinctus Demetrius par erat, ſæpèque ſuperior Suyſcio: Quippe auxiliares illæ copiæ validum conficiebant exercitum, magnis non imparem auſis. Namque præter eas (quas ſuperiùs commemoravimus, bello civili peractò) propere huc advolantes, tum

*Demetrius
us vali-
dum con-
ſtat exer-
citum.*

M

&

& Joannis Sapiehæ à Livoniâ deductas legiones, Romanus Dux Rozynius Demetrianas partes non contemnendâ militum manu juvit, quamprimùm per Legatum suum Martinum Valovium præmiserat, mox ipse subsequutus; ob spectatam fortitudinem probatamque in rebus bellicis dexteritatem, oblatam sibi à Demetrio ac omnium unanimi consensu militaris imperii summam, accepit: non tamen absque flagitio: Quippe Miechovitium Virum strenuum ac bellicosum, regendo prius exercitui Præfectum, interfecit; post cruore æmuli, cui subesse nollet, madentem dexteram regimini admovit. Accessit legio mille sexcentorum equitum Alexandri Zborovii Tribuni, & generis splendore, & militari scientiâ clarissimi. Adduxere quoque numerosas cohortes cæteri Chiliarchæ & Centuriones, & ii quidem veterani, multorumque non magis stipendiorum quàm victoriarum, quorum mihi nomina ad posteritatis memoriam transmittenda brevi subjungo serie; quanquam à sua virtute,

Romano Rozynio totius imperii militaris summam deferit.

Alexander Zborovius legionem mille sexcentorum equitum adducit.

tute, rebûsque gestis fatis famæ acceperint. Ii verò fuere: Mlocius, Vilamovius, Bobovius, Tyskievicius, Lanckoronius, Rusiecius, Stabrovius, Zarucius, Madalinfcus, Stravinius, Buizynius, Gaiovius, Rudnicus, cæteri que in ipso historiæ contextu à nobis referendi. Auxere exercitum, levis armaturæ militum Zaporoviensium & Demensium Cosacorum octo circiter millia.

Nomina Tribunorum & Centurionum.

Donenses à Tanaï fluvio, cuius ripas incolunt, dicti.

Iis copiis Metropolis obsideatur.

His igitur copiis, & tam prævalido armorum robore, biennio ferè ante Sigismundi in Moschoviam adventum, bellatum est, vincentibus sæpius Demetrianis: quorum victorias, Urbium, Provinciarum accessiones, & nonnunquam etiam, prout belli fors tulerat (rariores tamen) clades, pugnarumque vicissitudines referre supersedeo, neque enim id operis mei argumentum est.

Fatigato interim tot æumnis Suyscio nec Imperii securo, imminabat Demetrius; & castris ad ipsam positis Metropolim, æmulo extorquere dominatum atque Regiâ potiri satagebat, intra cujus angustias, & Majestatem & salutem suam continebat.

Moschovia Urbs.

*Castro-
rum
ambitus
& situs de-
scribitur.*

*Moscu-
a.*

Castro-
rum
ambitus
& situs de-
scribitur.
Castro-
rum ambitum à Meridie, Occi-
dente, & Septentrione, cingebant fluvii
duo, undis mutuò confluentibus juncti,
Moscuæ videlicet & Tusini; quorum ille
Urbi primariæ totique Imperio, hic campo
vicino, quem præterlabitur, nomen dedit.
Ad Orientem porrecta patebat planities, in
qua porta satis firma, septo fossâque altiori
tegebatur; ipsa verò castra palis validis ac
præacutis, fossâ quoque non adeò latâ altâ-
que cingebantur: In illâque planitie, Cosa-
cis, Dunensibus, statio attributa erat. Casi-
moviensis deinde Regulus cum suis auxi-
liaribus Tataris, ripam fluminis Moscuæ
quâ in longum patebat, insederat. Ad alte-
ram castrorum è regione portam, modico à
flumine intervallo, levis armaturæ milites
constiterant, quibus ex adversâ ripâ ter-
gum claudebant Moschi, Demetrianas qui-
dem secuti partes, sed quia sæpius tumul-
tuantes, ideo castris exclusi, locoque separa-
to consistere jussi. Atque hæc castrorum stru-
ctura ædibus non temporaneis constans, sed
in longiorem usum eûnque percommo-
dum

dum excitatis, foro, rerum venalium amplo,
insignis, Civitatis potiùs optimè ordinatæ,
non militaris domicilii nomen, jure mere-
batur.

Jam verò Joannes Sapieha Præfectus Uf-
viatensis, unâ cum legionibus quibus præ-
rat, separatis castris, ad Coenobium Trini-
tatis confederat, illud obsessum tenebat, ut
inde præsidium Suyfcianum vicinum pelle-
ret, & frænum Urbi ferocienti injiceret.

Atque eâ tempestate, quâ Rex Moscho-
viæ fines ingressus, ad Smolenscum consti-
terat, & validâ obsidione arcem cinxerat, in
eo rerum statu constitutus Demetrius, cum
Polonorû auxiliaribus copiis ad Moscuam
hærebat; quarum nonnullæ erumpentes
è castris, urbanorum reprimebant excursio-
nes, aliæ per Provincias sparsæ, hosti fidos
populabantur agros: nunc captas urbes insi-
debant; nunc si quæ Suyfcianæ comparerent
turmae, ibant obviam animosè cum iis pu-
gnaturi. Sed subito adventus Regius nihil
tale opinantes exterruit, ad cujus nuntium
fremere Duces, Tribuni, Centuriones, mili-
tes,

*Joannes
sapieha
Coenobium
Trinitatis
oppugnat.*

*Adventus
Regius in
Moscho-
viam De-
metria-
num ex-
ercitum
inibat.*

tes, totâque turbari coepere castra, nec defuere qui turbidos incenderent: Venire videlicet Regem, cruentum illorum ad præmia & gloriam cursum remoraturum; ergone ideo toto penè biennio bellatum est, ut paratam alieno sanguine & sudore, recentèrque armatus Rex invaderet victoriam? & quando tandem, & ubi debita laboribus præmia recepturi essent? aut à quo repetituri? num à Demetrio? at huic quæ facultas tandem supererit exsolvendi promissâ? quandoquidem Severia nobilissima ac opulentissima terrarum Moschoviæ portio, regiis tenebatur armis, in quam miles, & castris attritus & vulneribus invalidus, spes suas omnes intenderat: Quippe annuente Demetrio, pignoris loco tamdiu insidendam, quoadusque promissâ non persolverentur stipendia & donativa. Itane verò pugnandum est ut alter vincat? indignum profectò si penès cæteros præmia, penès se tantum servitii necessitas foret.

Maximè
Duces ac
Tribunos.

Sed Duces ac Tribunos gravior incesserat cura, qui suam in re militari operam, su-

supra gregarios, non exiguâ æris summâ, sed centenis aureorum millibus compensandam expectabant, tenebantque anxios liberalia promissâ Demetrii, cui nec dum asserto regimine, & ad quod mox asserendum nova adventantis Regis arma ponerent obicem, omnis penitus exsolvendarum pollicitationum præcidebatur facultas. Tum & illud altè pupugit, quasi militari privarentur imperio: primis namque apud Demetrium honoribus assueti, si regio accederent exercitui, cæterorum mixti manipulis, inferiorem prævidebant dignabanturque militiæ gradum: inde verò non præmiorum tantum, sed famæ ac bellicæ gloriæ tantâ fortitudine partæ, certissimam jacturam.

Itaque contra communem metum, antequam à Rege Legatio (quam ad se mitti jam præfenserant) adveniret, novo foedere novoque sacramento sese communire statuunt, & conjuratis animis armisque Demetrio fortissimè adhærere. Dux verò Rozynius accendendos magis ratus, in ipsis castrorum

Proinde
novo foedere
ac sacramento se
confocant.

*Reynius
miles al-
loquitur
incuratque.*
strorum principiis, ita coepit: Inter Stipendiarios, & herum temporarium, inter Subditos ac legitimum Dominum, disceptatio à nobis finienda imminet, Commilitones. Herus ac Dominus dispares sunt, stipendiarii subditi que prorsus idem. Ab hero stant nostra decora, emerita præmia, mutuae ac fraternæ conjurationis vinculum, gloria denique ac nostri nominis integritas: Domino verò fides, subiectio, charitasque erga Patriam debetur. In horum utrumque peccare, præsertim iis, quos cupido gloriæ acquirenda exstimulat, plenum opus periculi. Namque Patriæ charitatem violare, fidem ac subjectionem Regi debitam infringere, apertæ rebellionis perditionisque nota censetur; deinde verò iurjurandum Hero præstitum convellere, stipendia ac præmia, & toties fuso cruore gloriam partam posthabere, extremæ amentiae est. Sed cum eas ipsas res æquiori examino lance, nihil ab eo in Patriam delinqui video, qui Patriam non lædit, nihil illi detrimenti aut incommodi imminere, cui debita subjectionis observantia salva est, Dominumque non in suo tantum regno, sed & in extero peregrinoque positum solo, venerabundus agnoscit, honorem ac fidem salvis juribus & immunitatibus suis, ut fas & lex jubet, præstare non detrectat.

E con-

Econtrario is mihi perjurus, præmiorum suorum corruptor, labes Reipub. fluxæ incertaque fidei censetur, qui ex denario diurno conductus, Hero suo sacramento obstrictus, tot laboribus pro eo exantlatis fusoque ejus causâ sanguine, præpostero rursus studio eundem terræ allidere opprimeréque nititur, laborumque suorum præmia, non sibi sed aliis ultrò concedit. Verum causa nostræ cum Regia Majestate æquitatem integritatemque, non modò hæc quas commemoravi rationes, sed magis præclara vestra facinora constituunt. Quis enim Regem Dominum non agnoscit? quis cum regio ac Reipub. hoste, Patriæ suæ impiis conatibus machinatur perniciem? quis eidem adversus Rempub. suppetias ferre cogitat? Atque cum fidei integritatisque nostræ conscii simus, metuendum minimè est, ne Rex fratresque nostri aliquid sinistri de nobis suspicari possint, & (quod absit) pro hostibus Patriæ judicent. Quod verò cum Magno Duce arctis stringamur vinculis, partæ nimirum sanguine nostro gloriæ, stipendiis emeritis, & sacrosanctè dicti sacramenti religione, profectò nihil adversus Regem, nihil contra Remp. delinquimus: Non enim existimo futurum, ut aut Rex pro suâ singulari clementiâ id à nobis exigat, aut quispiam ejusmodi suggerat consilium, ut gloriæ labem,

Deme-
trio.

N

præ-

præmiorum detrimentum, denique perfidiæ notam subeamus. Quapropter ita mihi de vobis polliceor, unumquémque vestrum memorem sacramenti, gloriæ, stipendiorum præmiorumque, pro debita sua constantia mutuique vinculi nexu, sedulo curaturum, daturumque operam, ut officium nostrum erga Dominos, salvâ utriusque dignitate, dextre conservetur. Eia Commilitones quo securius rebus nostris consulamus, his fœderis capitibus, quæ vos ipsi alacres obtulistis, invicem nos consociemus.

*Fœderis
capita sub-
scripta ju-
rataque.*

Et alloquente adhuc Rozynio militum ardor eminebat, mox finem orationis ingens alacritas consecuta est; statimque milites pariterque Tribuni ac Centuriones, septem capitibus comprehensum fœdus, chirographis & solenni firmant juramento.

Capita juratæ societatis hæc fuere. Primo: Spondent se Demetrio constantissimè adhæsurus, nec deserturos Principem cujus hætenus auspiciis bellatum esset, eidemque obligatæ fidei memores, ab ejus signis non recessuros, nisi asserto illi prius Moschoviæ diademate Imperiique solio, qui secus faceret, absens ac fugitivus perpetuæ infamiæ damne-

damneretur notâ, præsens verò militum gladiis è vestigio objiceretur. Altero capite id cautum: Ne quispiam ad alienam transire militiam, alteriusve signa sequi, præterquam solius Demetrii, præsumeret, ni infamis esse (si clam abscesserit) aut si præsens adsit, convictus capite damnari velit. Tertio: Procul essent machinationes, & clandestinæ per contubernia consiliorum infusurationes, cessarent factiones, contrariæque molimina; aliter, reus sociorum testimonio evidentibusque argumentis compertus convictusque, stipendiis & suppellectili castrensi privetur. Quarto: Nemo auderet ab exercitu signisque absque gravissimâ causâ consensuque delegatorum discedere, secus faciens mulctaretur stipendiis & suppellectili; illis templi alicujus necessitati applicandis, hæc vero inter egentiores distribuendâ milites. Quinto: Quisquis hætenus obtentâ facultate in Poloniam profectus esset, is ad Paschatis aut Pentecostes solennes dies, in Anno Millesimo sexcentesimo decimo futuros, reditum accelera-

ret, ni rediret, absque gravi impedimento, proximè memoratis subjacêret pœnis. Sexto: Sponderent invicem, fidèque & honore mutuo sese obstringerent, quod post assertum Domino, cui militant, Moschoviæ Imperium, à signis non recederent dilaberenturve, donec stipendia adamussim singulis persolverentur. Quâ in re nemo propriis commodis cum alterius detrimento inserviret, neque ulla de exercitûs stipendiis consilia iniret; verùm juxta mutuum foedus invicem sese tueri, quoad vita facultatésque superessent, tenerentur, donec unicuique pro meritis satisfaceret. Si verò constaret, quempiam suis acceptis stipendiis excedere vellè, aut excessisse, & in aliorum detrimentum perversa contulisse consilia; is extremum supplicium severissimè irrogandum subiret, & bona ipsius fortunæque, ubicunque locorum sitæ essent, invadendæ, evertendæ, diripiendæque, justo militum furori cederent, tantùmque crimen universus exercitus ulcisci ac persequi non desineret. Septimo:

ptimo: Si quis, cujuscunque ille conditionis fuerit, gloriam hætenus partam stipendiæque, seu verbis acrioribus, seu vi & armis violare aut invadere attentaret, is pro hoste judicaretur, mutuísque viribus, consiliis, quoad vita superesset, fortissimè oppugnaretur.

Nusquam arctiore vinculo stringi poterant milites ac Duces, veluti firmissimo quodam adversus regios conatus munimento, cui si interim vis pararetur, majori sese robore consolidandos censebant, præsertim ubi & reliquæ copiæ per Provincias sparsæ, foederi accessissent. Et Sapiehæ quidem Coenobium Trinitatis oppugnantes legiones, invitatae tunc, detrectabant; pertractæ nihilominus postmodum: & suavoriæ à Rozynio & Vieloglovio ad Cosacos Bialam obsidentes scriptæ, surdis auribus exceptæ fuere: quibus ille pro imperio mandaverat, ut Osipoviam quamprimum se conferrent, & communi foederi nomina darent, ni stipendiis & præmiis excidere mallent.

Addidit insuper manu propriâ: *Mandato*

N 3

nostro

*Sapieha
Legiones
tarde acce-
dunt fœde-
ri.
Rozyn-
nius.*

*Di data
24. Octo-
1609.*

Nalev-
co Cosaco-
rum dux.

Viasma
Civitas
Seyeriæ.

Cosaci
spreto fœ-
dere regi-
as sequun-
tur partes.

nostro obsequimini, tunc enim primum experiemini voluntatem erga vos meam, cognoscetisque quantum vobis militaribus viris consultum velim. Vieloglovius fusiùs initæ societatis commodis enumeratis, Sequimini inquit, exemplum Commilitonum vestrorum Viasmæ, Nalevaiconis imperio parentium, qui alacres promptique, strictis mucronibus in verba fœderis solenne præstitere juramentum. Hæc de Cosacis Viasmæ degentibus falsò à Vieloglovio scripta fictaque comperio, ut commentitio exemplo cæteros in partes conspirationis attraheret. Namque ii spreto fœdere, missis ad Regem Legatis in ejus se potestatem concedere significarunt, provideret modò Rex, ne stipendiis, quæ hætenus in Moschoviâ fecissent, exciderent. Et hi qui Bialâ Civitate potiti, arcis oppugnandæ acriùs incumbabant, per Legatos vexillum à Rege petierunt, usitato illorum militiæ more, quæ accepto regio vexillo ejus se confestim stipendiariam profitetur. Atque illa ipsa authographa literarum Rozynii & Vieloglovii postmodum Regi deferenda, Alexandro Gosievio Præfecto Velisiensi tradidere.

Unità

Unità itaque virtute fortes suasque circumspectantes vires, Regem per Legatos adire statuunt: & delecti qui id muneris obirent, Dudzinius, Marchocius, Sladkovius, Rozniatovius, Urzescius, primi iique veterani Ordinum ductores, quibus prope castra regia adventantibus, Strussi equitum centuria Imperatoris Zolkievii mandato, honoris causâ obviam processit. Deducti ad Regem jussique exponere quæ attulissent: Marchocius post officia venerationemque, ferociùs quàm apud Principem deceret, immemorque Majestatis Regiæ, ante quam constiterat, ita locutus est: *Adventum Regium in Moschoviam haud consentire responso, quod è Comitibus Varsaviensibus, Legati exercitus Demetriani à Rege commilitonibus suis retulissent, proinde si quid adversus eorum cruenta merita, atque hanc præmiorum messem, quam ipsi sibi ferro, sudore, ac sanguine parassent, statui tentarique deberet, se tunc neque Dominum Domini, nec fratres fratrum, neque Patriam Patriæ loco habituros. Plura dicere parantem interpellavit Felix Kriscius Regni ProCancellarius: Quæ est, inquit, ista impudens*

Exercitus
Demetrii
per Lega-
tos Regem
adu, qui
excipiun-
tur hono-
rificè.

23 No-
vemb.
24 No-
vemb.

Mar-
chocius
Regem al-
loquitur
sermone
procaci.

ac

Interpel-
latur a
Kriscio
Pro Can-
cellario
Regni.

Commen-
tarium
Legationis
proferre
jubetur.

Tradit u-
num Pro-
Cancella-
rio, aliud
Zolkievio.

Eius
summa.

ac temeraria oratio? an tam procaci sermone jusserint Commilitones Regiam impetere Majestatem, adeoque superbis & inurbanis instruxerint mandatis? Nihil territus Marchocius respondet: ne latum quidem unguem se à mandato Commilitonum suorum recessisse. Proferre igitur in medium Commentarium Legationis jubentur, mox bina protulere, chirographo Ruzinii Romani Narymunti Imperatoris, ac Marschalci Copiarum Serenissimi Ducis, (hos titulos adscripserant) tum Alexandri Zborovii munita, quorum unum ProCancellario, aliud Zolkievio, regiae militiae supremo Praefecto, tradidere, dataque est illis statim abeundi licentia, brevi responsum habituris.

Commentarii verò amplissimè instructi, summa hæc fuit. Exercitum memorem sui erga Regem Patriamque officii, veritum tamen ne extra fines patrios evocatus, & Demetrii, Joannis Filii Magni Ducis Moschoviae addictus obsequio, inde aut rebellionis, aut perduellionis subiret notam, misisse Legatos ad Regem fidelem subditorum subjectionem nomine ipsius delaturos, causasque sui

fui abitus & peregrinae militiae exposituros. Exceptos fuisse à Rege perbenignè, dimissosque attulisse Commilitonibus suis maxima clementiae regiae documenta. Jam verò modernum Regis adventum in ditiones Magni Ducis Moschoviae, procul esse ab eo responso olim Legatis dato; siquidem ex Provinciae armis regiis tenerentur, quae exercitui à Demetrio destinatae, essent pignoris loco eò usque retinendae, quoad emerita ipsi non solverentur stipendia. Atque inde vel maximè commotum exercitum, & animi regii erga Principem, cui militant incertum, tum & causae adventus ejus ignarum, nullius tamem delicti sibi conscium, mittere Legatos, qui exponerent regiae Majestati labores hactenus exantlatos, impensas, fuscumque sanguinem, quae omnia adventus ejus irrita faceret, non absque summa injuriâ ac detrimento omnium Demetrio Joannis Filio, Magno Moschoviae Duci militantium. Ponì namque iis obicem ad ea quae destinaverant assequenda, distractis videlicet à Demetrio Magno Duce Moschoviae

viæ incolis, qui passim jam in ejus transierant partes, non exiguo æmuli hostisque Suyscii commodo, cujus hæc potissima cura artisque erant, populorum animos à Demetrio avocare sibi que adjungere, quod nullâ effecisset ratione modoque, nisi Rex armatus subito Moschoviticas intrasset ditiones. Orare itaque Majestatem Régiam, haberet rationem subditorum fide erga se & Patriam integerrimâ, qui nullis Reipub. impensis, sed proprio fortunarum adminiculo, auspiciis verò Demetrii Ducis bellum hoc inchoassent, decrevissentque ejus partibus adhærere tam diu, quàm diu propitia permitterent fata. Obtestari itaque clementem optimumque Principem, ut subditorum suorum commodis prospiceret, essetque auxilio potius quàm impedimento consiliis cogitationibusque eorum, quas ad gloriam, fidei integritatem, ac ad Imperii Moschovitici restitutionem, fortunarumque suarum jacturam reparandam, intenderent. Precari se Patriæ faustissima quæque, prout probos Cives filiosque decet, contra
quam

quam nihil hostile molirentur: id tamen serio profiteri, si quispiam dolo malo, pravisque consiliis, ditiones aut vitam Serenissimi Magni ducis impetere, stipendiisque illorum intervertere ausus fuerit, (quam tamen suspicionem nec in Regem, nec in Fratres suos cadere posse existimant) eam injuriam neque à Domino, nec à Patriâ, nec à Fratre, sed ab hoste sibi inferri judicatos. Implorare itaque benigni Regis clementiam, Reipub. verò ac Patriæ suæ charissimæ amorem, quæ materno illos potius fovebit affectu, panes illis non lapides comedendos porrigens, & in externa militia partâ gloriâ conspicuos dignis condecorabit præmiis, nec sinet ex hac arenâ hoste præsertim attrito (secus vires resumturo) discedere, verum alienis bellis probè exercitatos, aptiores suo admovebit obsequio. Intueretur etiam Rex benigno oculo sanguinem è Commilitonum corporibus manantem, cerneret tumulos cadaveribus opultos, quorum animæ inclytæ è beatorum sedibus hæc spectarent, superstitum verò
O 2 non-

nonnullos videret, membris invalidos, mutilos, faucios, facultatibus exutos, in eam calamitatem parandæ gloriæ causâ re-dactos, cujus pars maxima ad Rempub. pertineret, malléque reliquum vitæ fortunarúmque suarum miseros coeptis laboribus impendere, quàm meritis & gloriâ defraudari. His itaque perspectis exercitûs Demetriani consiliis, sperare Commilitones non defuturam Majestatem Regiam, daturâque suis precibus locum, satiûsque ac utilius existimaturam, iis abstinere conatibus, qui plûs incommodi, dedecoris, ac detrimenti adferre possent. Neque enim id novum esse, diuturnâ possessione firmata loca uno momento everti, excutique è manibus sceptrâ, quibus ferendis longo usu manus assuevisset. Ad extremum precari exercitum Regi omnia fausta, vicissimque se eadem exspectare, quandoquidem ille & Regis & Fratrum suorum communis felicitatis, absque suo tamen detrimento, studiosissimum se esse profiteretur.

Post hæc è scripto in præsentia Regis Senatûsque

natûsque recitato, deducuntur Legati ad frequentiore Præsede Stanislao, Zolkievio, Palatino Kioviensi Imperatore, Senatûs, Tribunorum, Centurionum, militûmque confëssum, verbis que lenioribus ac temperato sermone, nec jam ad ferociam composito, Demetriani exercitûs mandata, & quorum exemplar Zolkievio antè traderant, brevius ad eum exponunt modum. Usitatum id sæpius fuisse inclytæ ac heroicæ genti Polonæ, in delicatissimo aureæ libertatis gremio natæ educatæque, in exteris Provinciis Regnisque, gloriæ ac fortunarum ferro sibi quærere accessionem. Quæ libertas stimulos addidit Commilitonibus, ut arma sua tanquam Martia gloriæ aratra, in Moschoviticam immitterent glebam, è qua uberrimam immortalis nominis ac præmiorum messem, nullo Reipub. damno, magno verò cum emolumento sperarent obventuram. Sentire se nimium, nec absque intimo doloris sensu, eoque graviori, quod à concivibus suis, generosæ & excelsæ indolis impediri consilia, aditûmque tam

*Idem
Legati
mandata
exponunt
apud Zol-
kivium
in confëssio
militum.*

præclaris cogitationibus intercludi animadvertant, quem jam sanguine tantoque conatu aperuissent. Atque hac provocatos injuriâ, tendere se manûs supplices ad supremum Regni Copiarum Ducem, sub cuius imperio ad militarem gloriam eruditi essent, implorare Senatûs, tanquam legum libertatisque custodes, patrocinium, prospiceret ille pro ea, quâ prævaleret apud Regem gratiâ consilioque, ne tantis affecti incommodis penè iam maturâ fraudarentur messe, crebro sanguinis imbre hætenus irrigatâ productâque. Moveret illos numerosæ flos Nobilitatis, & patriæ commodum decusque moverent grandævi parentes, in hoc exercitu spes suarum fortunarum unâ cum filiis reponentes, qui etsi hæc præsentibus genibus affusi singulorum non comparerent, sollicitudines tamen illis suas expendendas ultrò porrigerent. Conservarent itaque parentibus filios, filiis parentes, nec immissâ hac subitâ tempestate, juventutem ad virtutis fastigium gloriæque grassantem, everterent opprimerentque: promote-

moverent potius egregios ausûs, Ducésque se ad adipiscendam nominis claritudinem præberent. Servarent Cives, fratresque suos, beneficii non immemores, & perpetuo grati animi obstringendos nexu, immortale inde decus ac nomen servatorum videlicet concivium relaturi.

Diversos animorum motûs in exercitu Regio excitavit, insolens Demetrianorum Legatio, & quia tam arrogans plenâque fastûs, eò magis invisa, nec absque indignatione audita, Legatorum imminuit auctoritatem: Secuti militares ioci sparsique sales, falsum ridentes Demetrium, & personati Principis quasi indecoram carpentes militiam. Interrogati à Regiis Legati: An Marina Magni olim Demetrii conjux, iterato nupsisset huic, cuius nunc signa sequerentur, Demetrio? respondere: nihil secundis opus esse nuptiis, eas sufficere, quæ præsentente Rege, Cracoviæ per Legatum contractæ essent celebratæque. Ac profectò non constat Marinam cum hoc redivivò Demetrio secunda repetiisse vota, nec uspiam in

*Regius
exercitus
insolentem
Legationem
abhorret.*

*Legatos
perstrinxit
dilectis mor-
daciis.*

*Marinam
non constat
huic aliter
nupsisse
Demetrio.*

*20 Martii
1610.*

*Stanislaus
Mniszek.*

in accuratissimis rerum Moschoviticarum Commentariis, annotatum memini. Affirmasse tamen comperio Præfectum Sano-
censem, qui ad regia castra è Demetria-
nis transierat, sororem Kalugam ad Deme-
trium celerrimè contendentem, Osipoviæ
sibi obviam factam, inter cætera arcana ul-
trò citròque habita colloquia, sanctè con-
fessam, novo sese obstrinxisse fidei sacra-
mento huic, cui jam adhæreret viro. Fratris
sororisque testimonia suspecta mihi esse
non diffiteor, nobilisque familiæ honori
potius quàm veritati consentanea existimo;
præsertim cum certum exploratùmque ha-
beam Marinam dissimulatâ mariti cæde,
absque ullâ cæremoniarum pompâ im-
postori adhæsisse, & velut ad sui conjugis
(quò Moschos evidentiori quasi viventis
Demetrii, argumento falleret) domum tha-
lamumque transiisse. Adeò insolens do-
minandi cupido mortalium obcoecat men-
tes, ut satiùs ducant pudicitia, quàm impe-
randi jacturam pati.

Neque illam inter arctioris fortunæ an-
gustias

gustias excelsus ac generosus deseruerat spi-
ritus, & æqualem tam in adversis quàm
prosperis præ se ferebat vultum, suæque te-
nacem Majestatis. Acceperat à Stadnicio
Castellano Præmissiensi, cognato & neces-
sario suo literas, quibus pro jure sanguinis
suam erga illam contestabatur volunta-
tem, nunciabátque de regio in Moscho-
viam adventu, eosque tantum apposuerat
literis titulos, qui non Magni Ducis Con-
jugem, sed illustrem paternam concederent
familiam. Respondit paucis: Gratum sibi
accidisse tam propensum erga se Stadnicii
animum, utpote ab eo profectum, qui arcto
sanguinis nexu sibi devinctus esset: cæterum
Deo injuriarum vindici ac justitiæ tutori se
plenè confidere, ejus Divinam Majestatem
propediem executuram id, quod de hoste
ac proditore suo decrevisset, nec permissu-
ram ut diutius fraude & scelere lataretur
suo: quod etiam Regiam Majestatem opta-
turam minimè dubitare. Nihil amplius
de Rege, deque ipsius adventu penitus
subticuit, silentio professa minùs sibi gra-
tum,

*Qua in
arctiore
fortunâ
satis ani-
mosa.*

*Dat. 10
Novemb
1609.*

Suyscio.

*Titulum
que sibi
denegatum
moleste tu-
lit.*

tum, suisque rebus haud commodum accidisse. Titulos omisos gravius tulit, nec dissimulavit. Namque & in capite literarum, ingentem illam Moschoviæ titulorum paginam præposuit, & post adscriptum manu propriâ Marinæ Imperatricis nomen, eadem manu addidit: *Quem Deus luce donat, fulgorem suum haud deperdit; non ideo serenus desinit esse sol, quod atris quandoque nubibus obtegatur.*

*De respon-
so Legatis
dando con-
siliū a-
pud Zul-
kiev. m.
25 No-
vemb.*

Consilium interim apud Zolkievium (ubi frequens convenerat Senatus & præcipui quique Ordinum Ductores, militesque veterani) habitum, de responso Legatis Demetrianorum dando, offensis feroci legatione plerisque, censentibusque: indignos conspectu ac vultu regio esse, quem tam audaci læsissent sermone. E contrario aliis sentientibus, condonandum id militaribus viris temerario impetu abreptis, benignitatisque regiæ maiorem habendam rationem, quàm, poenitentia ducti, præclaris pro Rege & Repub. facinoribus demereri possent: castigandos interea paulò severioribus verbis, suæque temeritatis exercitum du-

duriori (non sine aliquo tamen clementiæ regiæ indicio) admonendum responso. Prævaluitque hæc sententia, & tertio ab exposita Legatione die vocati, iterum in præsentia Regis constiterunt. Felice Kriscio ProCancellario regio his illos compellante verbis: *Gratam nuper fuisse Regi exteriori illam fidelitatis subiectionisque testificationem, quam nomine exercitus præstitissent; verum, cum maturiori consilio res cum verbis conferretur, mirari satis non potuisse Regem, Senatum, ac denique universos, quibus legationis istius mandata audire vel legere contigisset, quod rem tam arrogantem blandis involutam verbis attulissent, quod subiectio atque hæc quam profiterentur fides, ausa fuisset Majestatem Domini sui acriori perstringere sermone. Excessisse id limites libertatis. Patriam eum lædere certum est, qui Dominum non reveretur, legibus adversari, qui violat Magistratum. Porro qui Patriam legesque aggreditur, eum metam transgredi libertatis, neque fædo crimini honestam posse prætexere libertatem: Il libenter itaque nec sine offensa audivisse Regem legationem, qualis per eos missa esset ab illo exercitu, cum quo pro suâ innatâ clementia de iis rebus, quæ ad Remp. vitâ*

*Alloqui-
tur illos
Kriscius
in præsen-
tia Regis.*

sibi cariorem, pertinerent, per Legatos suos agere inciperet. Acciperent itaque tale in scripto responsum, quale mox legendum esset, & quod res ac verba istius legationis mererentur. In posterum scirent, fratresque suos admonerent, Majestatem Regiam, populorum quos Deus regimini suo commisisset, sentire scireque, se Dominum ac Regem esse.

Respon-
sum ad il-
lorum Le-
gationem
scripto
conceptum
perlectum-
que à
Kucbor-
scio tradi-
tur.

Kucbor-
scius Epi-
scopus
Culmen-
sis no-
minatus
Plocensis
obiit
1624.
cujusque
is erat le-
nor.

Sermonem Krisicii excepit Joannes Kucborscius Cancellariæ minoris Præses, (Regentem vulgò vocant) ac responsum è scripto recitavit, quod in breve compendium redactum refero.

Optasse Regem ut exercitus ille suos potius exspectasset Legatos, quàm ad ejusmodi legationem ad se instituendam animum adjecisset. Intellectâ etenim ejus erga se voluntate, & adventûs in Moschoviam causâ, judicasset, quantum Reipub. intererat, in has eum venisse regiones. Sed quoniam impotentis animi ductum sequi maluisset, qui illum ad hanc legationem verborum rerumque aculeis refertam impulisset, non posse ad hæc proposita capita non respondere, demonstrareque ex ipsis Pa-
triæ

triæ legibus, non exercitum à Rege, sed Patriam ac Regiam auctoritatem ab exercitu Demetriano violari oppugnarique. Allegare milites libertates & exempla gentis Polonæ, gloriæ ac fortunarum accessionem apud externos armis quærentis. Gaudere equidem Regnum Poloniae amplissimis libertatibus immunitatibusque à majoribus acceptis, ita tamen legibus omnia circumscripta esse, ut non licentia quæ sceptrâ evertit, sed auctoritas, non insolentia quæ rerum gerendarum ordinem turbat, sed consuetudines, ac statuta Regnum hoc moderentur. Superare quidem gentis nostræ immunitates omnium exteri Orbis populorum jura, sed qui cæteris libertate esset superior, modestiâ eum omnes anteire necesse est, neque eâ libertatis felicitate ad dedecus & excidium nationis suæ abuti. Majores nostros certè Provincias atque ditiones obtinuisse amplissimas, non absque tamen auctoritate Magistratuum, qui rerum gerendarum præscriberent rationem, neque absque consensu publico, qui leges conderet:

quæ utrâque ab exercitu protrita conculcatâque esse, evidenter demonstrari posse. Vetare leges Polonas ad bella apud exteros gerenda sub signis proficisci, ne vicinis gentibus idem liceret nostros quoque inimicos auxiliis confirmandi. Vetare leges, Regni injurias à finitimis populis illatas, privatâ auctoritate repetere, ne ictis foederibus, & paci publicæ vis inferatur. Vetare ipsis Regibus, Polonas Lithvanâsque leges, bellum inferre inconsultis Ordinibus, ne Respub. subito pateret discrimini. Interim exercitum illum revulso effractoque temerario impetu, augusto sanctissimarum legum Sacrario, non libertatis jure, quæ legum juberet habere rationem, sed pro libitu potentissimum hostem, cui cum Regno Poloniae & Magno Lithuaniae Ducatu de amplissimis Provinciis ingentes essent controversiæ, exasperasse, insciâ prorsus Regis Magistratuumque auctoritate. Quod si exercitus illius (ut plerumque incerta est belli alea) vires fractæ fuissent, equidem Patriam suam tunc intestinis dissidiis labo-

laborantem distractamque, ruptis foederibus in discrimen fatalemque adduxissent periodum. Frui duntaxat itaque eum debere libertate, qui legibus obtemperaret, Magistratum revereretur auctoritatem, Patriæ commodis, non verbis, sed re ipsâ prospiceret. Nam gloriam quærere legibus violatis, fortunas consecrari spretâ Principis auctoritate, privatis indulgere cupiditatibus, pacem ac securitatem publicam infringere, non liberi Nobilis Poloni, sed insolentis hominis rem censeretur.

Verum sensit nimum Poloniae & Magnum Lithuaniae Ducatum tot incommoda ac clades, quorum exercitus ille maximam præbisset occasionem. Eâ arreptâ Suyscius per emissarios suos Tataros Podoliam afflixit, quæ nudata præsidio Cosacorum in exercitu Demetriano militantium, vehementer ingemuerat. Carolus, Sudermaniæ Princeps, ejus opibus adjutus, mari terrâque in Livoniam immissus: quanta tam potentis hostis instabat procella, nisi illam Caroli Chodkievicii fortissimi Imperatoris pru-

prudencia, militumque virtus, dissipasset. Ponderarent itaque æquâ lance gloriam scilicet, quam tantopere deprædicarent, ac Patriæ damna quæ nescirent, ac tum partis utriusque expensis momentis, de rei iudicarent æquitate.

Responsum à Rege Legatis fidelitatem subiectionis deferentibus, dari aliud Varſaviæ non potuisse: nunc verò plena insolentiae verba qui dissimularet, cum hinc fidem & subiectionem Principi testarentur, inde rebellionem, hinc charitatem Patriæ prædicarent; gloriarenturque, nihil se hostile adversus Rempub. cogitare, inde minas miscerent, verbisque duntaxat Dominum, non animo & corde profiterentur. Facile esse objicere se periculis, sed revocare gradum non ita expeditum, nec rarò spes, quas manibus tenere videmur, subito elabi, securitatemque eludere nostram, sentimus. Deprimere plerumque solet arrogantes animos Deus, eorum verò præsertim, qui ad arrogantiam, officii sui neglectum contemptumque adjicerent.

Sed

Sed nec dum hostem debellatum aut supplicem comparere, esse adhuc viribus integris, quod ipsa hæc fateretur legatio. Ecquid igitur exercitus ille caneret triumphum ante victoriam? quorsum hæc jactantia? quorsum vani verborum fastus? At nec illud maximè prætereundum esse, quod integerrimum Regis consilium, à pessimorum rumorum auctoribus profeminatoribusque aliter sparsum, exercitus criminetur: ac si Rex venisset in Moschoviam ad intercipiendos illorum labores, præmiâque abolenda, eamque opinionis temeritatem dedisse ansam tam vehementis legationis. Sed Legatos regios jam ad exercitum missos, demonstraturos evidenter, quæ causæ huc Regem adduxissent. Si enim hostis barbarorum & exterorum copiis auctus, vires exercitus illius diuturnis exhaustas laboribus fregisset profligassetque, tergisque victor inhærendo in viscera Reipub. irrupisset, securas ditiones Provinciâsque invasisset, quâ ratione gloriæ cupiditas, quam jactaret exercitus, Rempub. à periculo vindicasset, quâ virtu-

Q

te

te finitimorum parietum incendium restinxisset, patriæque suam probasset innocentiam. Quæ ideo commemorata esse, ut vanæ & fuitiles cogitationes de regio adventu ex ignorantium animis evellerentur. Cui etenim nunc stipendia emerita interversa essent? cui unquam difficiles de diurno denario positæ rationes? an non potius liberalem se in distribuendis honoribus facultatibusque pro cuiusque merito Rex ostendisset?

Atque ita paternè exercitu admonito correptoque, declaratæque integerrimæ suæ voluntate, requirere Regiam Majestatem, ut ad saniora rediret consilia, ne (quod minatur) animas fortunâsque suas tantis objiceret periculis, quin potius innocentiam integritatēque Principis revereretur, admirareturque clementiam, quæ ad omnem gratiæ suæ testificationem prompta paratæque esset. Exponderet apud se Legationem tam paternam, quæ jam missa esset, rediretque ad officium boni ac fidelis subditi, genuini ac veri Poloni, qui non exotico exter-

nóque

nóque impetu ac furore, sed innatâ Polonis virtute ac iudicio cum patriâ suâ ac Domino agere soleret tenereturque.

Lectò à Kucborfcio responso, traditō-
que Legatis, venerabundi ad regiæ manûs
osculum prociderunt, fremente palàm uni-
versâ adstantium Magistratuum totiûsque
aulæ coronâ: notabanturque omnium in-
dignabundi vultûs, nec tacitum deinde fur-
rexerit murmur, tantum illis à Rege exhiberi
honorem: qui regium nuper petulanti pro-
scidissent sermone. Atque id vehementer
perculit Legatos, quæstique sunt apud Zol-
kievium, indignos se regiâ manu judicari,
cùm nec perduelles essent, nec crimine læ-
sæ Majestatis convicti.

In eandem penè sententiam accepere
aliud responsum à Zolkievio ac Senatu; il-
lud tamen pro jure Majestatis durius, hoc
pro fraterna erga concives sociosque chari-
tate lenius temperatiûsque. Ad extremum
excepti convivio, primùm à ViceCancel-
lario, dein à Potocio Palatino Braclavien-
si, ultimò ab Adamo Zolkievio Castrorum

*Legati re-
sponso ac-
cepto Regi
valedi-
cunt.*

*Excepti
deinde
Convivio
à Zolkie-
vio & ali-
is, abeunt.*

*Ducis ex
fratre Ne-
pos 29
Novem.*

*à Commi-
tionibus
suis duri-
us excepti
ob tam m-
urbanam
Legatio-
nem,
quam ver-
bis exaspe-
rassent.*

Præfecto, tractatque perhumaniter ad suos abi-ere. Verum apud commotum responso regio exercitum, gravis ejus Legationis recordatio fuit, reducésque Legatos commilitones tristi excepere vultu: mox eodem in loco, quo pridie Oratores regios audiverant, advocato frequenti concilio, ingentem excitavere tumultum, raptaque contra Janikovium & Marchocium arma: ille, quod inscio exercitu nec consentiente duriora asperioraque ad Regem Legatis mandata scripsisset tradidissetque; hic, quod conscius modestiæ suorum commilitonum, debitiæque erga Principem observantiæ, ea retulisset incivilius, regiámque ab exercitu abalienasset voluntatem. Sed major in Janikovium vis incubuit tanquam auctorem facti, palàm vociferantium: indignum esse honorem exercitus ejus tractari manibus, qui suum tueri nescivisset posthabuissetque. (nam proscriptum ac perpetuæ infamiæ damnatum notâ, Polonicis in Moschoviam abeuntibus copiis sese immiscuisse, constiterat). Jámque minas & ultionem

nem intentabant, sed accurrentes Duces ac Tribuni furentium impetum ægre continuerunt, interposito edicto: Ne in posterum quispiam plus nimio in exercitu sibi arrogaret auctoritatis, præsumerétque ipso inscio privatis aut publicis sese ingerere consiliis.

Audita quoque per hos dies Legatio à Legionibus Sapiehanis, quæ (prout retuli) ad Coenobium Trinitatis castris confederant, Marco Vilamovio & Andrea Sladkovio perorantibus, benignitatem regiam applausumque meruit, quòd debitam erga Principem attulisset reverentiam, præmiorum tantum stipendiorumque suorum haberi rationem, brevibus verbis iisque supplicibus postulasset. Data iisdem Legatis à Sapieha arcana mandata Regi perfrenda, videlicet, de Legatis quantocius ad universum Demetrii exercitum à Rege expediendis, de ulteriori progressu belli, de persolvendis stipendiis eorumque securis reddendis militibus, ideóque patentes sibi literas Sapieha à Rege quamprimum mitti

*Legati à
Legionibus
Sapieha
militum a-
gunt
cum Rege
proindeq;
gratiores.*

postulabat, queis ille posset ad Majestatis ejus obsequium venientibus, offerre Principis & gratiam & præmia: tum de mittendis exercitui auxiliis suggerebat. Admonitus denique Rex, ut sese pluribus fidisque sepiet custodiis, cum apud gentem pessimam versaretur, quæ saluti incolumitatisque insidiaretur suæ. Ultimò missa nominatim partium capita Demetrianæ, Suyficianæque factionis, cum quibus in rem Majestatis regiae transigere expediret.

*Rex per-
tentat ani-
mos De-
metriani
Exercitus,
dæque il-
lum statu
per fidos
explorato-
res inqui-
rit.*

Prævenerat jam & Sapiehæ & cæterorum sibi addictiorum desideria Rex, missâ solenni splendidâque ad exercitum Demetrianum Legatione, quæ tamen non perperam expedita fuit, sed pertentatis prius per certos fidosque exploratores illius partis animis, statûque belligerantium ad urbem Moscuam copiarum. Ubi jam fidelem Regi operam præstiterant, Rusiecius ac Bucinius, qui militem seditosis Kasimirscii vocibus abalienatum, crebros de Regis benignitate sermones per contubernia miscentes, paulisper flexere, & in meliorem erexere

re spem. Et exploratores certò attulerant, Duces haud alienos esse à voluntate regia: quippe Zborovium nuper ad Tuerum re improspere gestâ anxium, desperantique similem, & Ruzynium ad urbem Moscuam à Suyficianis repressum, facile ad Regem inclinare, quod vel inde constaret, cum Ruzynius tam lentè ageret, plurisque sibi consultò è manibus victorias elabi pateretur, ne Impostori assereret Imperium, homini & Regi & dominiis ipsius infestissimo: jamq; urbem fame enectis civibus deditioe accepisset, nisi deduxisset Mlocium & Bobovium cum præsidiariis Colomnæ impositis, qui fluvium ibidem infederant ex uberrimâ Rezarensi ditioe profluentem, præcluserantque invehendi com meatûs ac annonæ facultatem, quasi maluisset beneficio liberati fluminis reficere obsessos, quam Impostoris jugo subigendos tradere. Nec Sapiehæ defuisse vires occasionesque occupandi Coenobii Trinitatis, sed & hunc desiderè minùs attentum victoriæ, alia fortasse belli momenta, quæ Regis adventus offerre posset,

*Moscu-
am.*

set, præstolantem. Summa itaque capita occupanda, & exercitum ornatissimâ recreandum Legatione, iidem suadebant exploratores. Nec adeò immensas stipendiorum rationes pertimescendas esse, habere milites suos calculos, neque omnes velle ad eam admittere offam, & post recensitum lustratûmque exercitum, vix terna fore milia quibus emerita stipendia deberentur. Jam verò & illa animorum mutua consociatio jurejurando firmata, non est quod deterreat, ambiguus quippe verbis facta, plerâque ibidem capita foederis in rem Majestatis regiae esse, si probè expendantur. Ad extremum nomina Tribunorum ac Centurionum, apparatus bellicum, situm castrorum, totiusque militiæ statum ad amussim inspectum, Regi in scripto obtulerunt.

*Legatos,
Viros il-
lustres ad
illas copias
mittit, &
Suyscium,
ac Ordines
Moscho-
via com-
pellat.*

Quibus omnibus tam exactè cognitis Rex maturandum ratus, Legatos, Viros illustres militiâque claros ad copias Demetrianas, Suyscium, Patriarcham, ac universos Moschoviæ Ordines assignavit. Stanislai Stadnicium Castellatum Præmis-

lien-

liensem, Christophorum Zbarascium, Præfectum Cremenecensem, Janussium Skuminum Tyfzkievicium, Notarium Magni Ducatûs Lithvaniæ, Præfectum Braclaviensem, Stanislai Domaracium Terræ Leopoliensis Subdapiferum, Martinum Kazanovium veteranum Ordinum ductorem. Et qui de adventu illorum nuntiaret præmissus Joannes Dobcus, prospecturus in iis admittendis, & regiae dignitati & Oratorum auctoritati. Sed is humanissimè in castris exceptus, mox significat, Legatos summâ omnium voluntate expectari, orare tantummodo, ne plures quingentis equitibus secum adducerent, ob summam annonæ difficultatem; adhæc liberi commeatûs tesseram à PseudoDemetrio datam, transmisit, ac universum exercitum securitati Legatorum unitâ virtute prospecturum, nuntiavit.

*6 No-
vemb
1609.*

Instruxerat Rex Legatos mandatis, & suæ clementiæ & exercitûs Demetriani expectationi accomodatis: ac primùm exponere jussit causas belli Moschoviæ illati: videlicet, vis gentium Legatorum detentio-

*Instructio-
nis conten-
ta.*

R

ne

ne à Suyscio violatum, pacta foedera ejusdem temeritate rupta, fufum sanguinem præcipuæ Polonæ Nobilitatis, fidei data securæ, sollicitatos immiffosque Podoliæ Ruffiæque terris Tataros, immaniffimos Chriftiani nominis hostes, Carolum Sudermanum Regis perduellem pecuniâ instructum Suyscii, bellum tantis viribus tantoque apparatu (cui impar fuiffet Suecia) Livoniæ induxiffe. Nec minùs Regem anxium reddebat ulterior iftius exercitùs progressus; subverebaturque, ne tam diuturno bello fatigatus, exterorum præfertim auxiliis à Suyscio arceffitis, succumberet, quæ calamitas aperiret viam genti perfidæ, ad infestandas ditiones Regni, excitandaque iterum cum Ducatus Lithvaniæ ingentia illa bella, non annis fed sæculis perennantia, & nec dum fopita, verùm fupposita tantum cineri dolofo, quæ ad levem auram in flammam gravèque erumperent incendium. His itaque rationibus expofitis, explicatisque periculorum circumftantiis, agerent cum exercitu Legati, fuis verò fubditis

ditis fidelibus, ut ad voluntatem confiliumque regium, ante omnia verò ad patriæ (cui vitam deberent) res componendas, fuas & ipfi adjungerent voluntates.

Et hæc quidem mandata Legatis tradita quæ in publico exponerent, arcana, fecretiori comprehenfa libello, hæc erant: videlicet: Captarent maximè prehenferentque fingulorum animos, & pro virili adniterentur, ne extraneo cuiquam Rege hic præfente, fed Regno ac Magno Ducatui Lithvaniæ, omnis gloriæ ac ditionum facerent acceffionem. Docerent: non ideo veniffe Regem, ut eorum labores fortunarumque impendia præpediret, fed ut provideret Patriæ ipforumque commodis, quibus non extraneus quifpiam, fed illi eorumque liberi totaque pofteritas perfrueretur. Offerrent fingulis gratiæ regiæ non tantum promptitudinem, fed & fructum, percipiendum pofteaquam hoc negotium optatum fortiretur finem. Quod fi quifpiam aut sanguinis, aut officii, aut certè commiferationis jura allegaret, responderent Legati: fa-

Secretiorum mandatorum summa.

cilius posse & à potentiori, & à viribus unitis afflicto erigi, & eorum detrimenta, occupatâ subactâq; Moschoviâ, compensari. Quod verò ad stipendia attineret, eorum persolvendorum possibilitatem facultatēque, ex collatione eorundem cum censu Imperii legati, coram singulis expenderent metirenturque. Neque enim aliunde quam ex Moschovitico ærario accipi posse stipendia ab eo, cui nunc inservirent Domino, à quo tam liberales syngraphas accepissent, censu verò majores fieri posse largitiones, neminem judicaturum. Atque si Demetrius non prius se persolutorum æra pollicetur, nisi eorum virtute ac operâ Imperium adeptus fuerit, ac ne tum quidem eorum securi essent, quibus fortasse census impar foret, cur eadem à Rege non exspectarent, qui suorum populorum fortunæ incrementa non detrimenta procuraret? Faciliusque ea posse, præsertim si ea in immensum non extenderent à Rege, consequi, quàm ab iis quibus & fides lubrica esset, nullusque Dei timor reverentiâque, & famæ apud homines integritas.

Si

Si verò partes regias sequi ejusque militiæ nomen dare voluerint, stipendia consueta pollicerentur, quæ tunc mereri inciperent, cum ad exercitum Regis accederent. Neque enim consultum nunc videri, distrahere exercitum illum è tot gentibus collectum, militis Poloni avocatione, ne Moschi accisas Demetrii vires abitu Polonorum animadvertentes, suæ jam debilitatis conscii, vertantur subito ad Suyscium, partesque ejus accessione confirment. Nisi fortè aliter hac de re statuendi, rei exigentia ac militum Moschorumve consilia, legatis necessitatem attulerint. Quod si debiles illius exercitus vires Legati animadverterent, non deessent & consilio & auxilio, Regemque certiorem facerent, propter copias illuc subsidiarias quantocius promovendas.

Exercitus illius capita Ducēsque viri-
tim compellarent, Regisque nomine pollice-
rentur, eos pro suis studiis non modò in
hoc Imperio, sed & in Polonia, præmia lu-
culenta relatu-
ros.

R 3

Ra-

Rationes belli gerendi, administrandi exercitus, rejicerent Legati ad felicem Regis adventum; quippe præsente Rege hæc expeditius commodiusque tractari posse.

Moschis, qui in tutelam ac patrocinium Regium concedere voluerint, exponerent; Regiam Majestatem eos benignissimè excepturam, conservaturamque integerrimè eorum Religionis, rituum Ecclesiasticorum, ac Judiciorum instituta, & facultates eorum possessionesque non modò intactas relicturam, sed pro munificentia suâ aucturam.

Compellarent quoque Legati Suyscium per Internuncium, deque literis & mandatis à Rege illi communicandis monerent: is verò mitteret certos homines ad colloquium cum iis, non in civitate sed in campo instituendum. Atque si mandata illa ad Suyscium regia, ad exercitus notitiam nondum pervenerint, nec Legati propalarent quidquam, si verò subolfecisse milites quidpiam præsentiarent, declararent non legationem à Rege, sed admonitionem ad Suyscium

scium mitti, ut à sanguine Christiano abstineret, Regno subditisque illatas injurias resarciret, seque adduci pateretur ad res justis mediis cum iis, qui ad urbem Moscuam essent, transigendas.

Ad prolixæ Legationis Commentarium additæ ad Basilium Suyscium literæ: quibus Rex atroces sibi Regnoque injurias illatas ab ipsius perfidiâ commemorat, insimul & rationes, quæ cum infestis signis in Moschoviam evocassent. Addidit præterea hæc verba, quæ latinè reddita refero:

Ad Suy-
scium quid
Legatis in-
junctum.

Datæ 12
Novem.
1609.

Nos tamen prout Christianum Monarcham decet miserati tantam cladem, perturbationem ac ruinam Moschovitici Imperii, tantamque sanguinis Christiani effusionem, volumus adjuvante Deo, ac Beatissimæ Virginis Deiparæ, Omniumque Sanctorum precibus suffulti, Magnæ Moschoviticæ Monarchiæ res componere, sanguinis Christiani effusionem inhibere, populis Christianis pacem ac tranquillitatem restituere. Quapropter mittimus ad nostros homines Polonos ac Lithuanos, qui ad Urbem Moscuam castra posuere, Legatos, postquam nomina Legatorum expressisset, subjunxit: Id autem tibi

tibi significamus, ut Consiliariis tuis mandes, quatenus in campo Moscuæ vicino cum legatis Nostris conveniant, colloquium instituant, ut, te primum in omnibus satisfaciente, bella atque motus in Imperio Moschovitico componi, sanguis Christianus sisti, populis pax ac tranquillitas reddi possit.

Tum ad
Patriar-
cham, Cle-
rum, Uni-
versisque
Moscho-
via Ordi-
nes.

Deinde Patriarcha, Clerus, universique Ordines Moschoviæ, binis iisque brevibus & uno eodemque exemplo scriptis compellati sunt literis, in hunc sensum: Compati Regem maximis Moschoviæ cladibus, quæ tantum Christiani sanguinis funderent, cuperéque pristinam tranquillitatem reducere, si voluntatem suam grato exciperent animo, ac in patrocinium regium concedere, suæque manûs excelsæ beneficio protegi cuperent. Quod verò attineret ad fidem illorum Christianam Græcam: verbo regio polliceri, se eam salvam & illæsam manu tenere velle, institutâque omnia Ecclesiastica ac ritus à majoribus acceptos, possessiones, Ecclesias, & Coenobia spectantes, sanctè integrèque conservare augerèque.

Ad Demetrium nihil penitus Legatis com-

commissum, neque enim è dignitate regia visum, tantum honorem impostori tribuere, quem cum titulis Moschoviæ Ducum splendidis, Suyscio detulisset. Senatus nihilominus dedit epistolam, quâ significat: injunxisse se Regiis Legatis, ut illi ejus nomine officium salutationis deferrent, orarèque, ut eos & perbenignè advenientes exciperet, & abeuntes pari comitaretur affectu, permitteretque tam diu in exercitu versari tranquillè, quoad mandata regia exponerent. Hæsit nonnihil Senatus quos epistolæ inscriberet titulos, sed satis honori ipsius datum judicavit, desuper imposito Clementissimi Principis, & suæ Celsitudinis nomine.

In eum modum instructâ ordinatâque legatione, Legati ad Castra Demetrianâ decimo septimo Decembris die advenire, splendido lectissimoque centum hastatorum equitum, & ducentorum octuaginta peditum comitatu cincti. Duxerant illi quidem secum duas legiones viris armisque præstantissimas, sed ex Mosaisci

Demetri-
um Rex
præerit,
Senatus
tantum
literas de-
dit.

Legati Re-
gu veni-
unt ad Ca-
stra De-
metriæ

substitère, ob annonæ com meatûsque inopiam, præsertim hoste vicinos agros infestante, & totis viribus Duce Scopino Demetrianis imminente. Excepti itaque Legati longius à castris ab Alexandro Zborovio, qui cum ducentis equitibus processerat, salutatique facundo viri militaris clarissimique sermone. Minori post intervallo supremus copiarum Dux Ruzynius unà cum Præfecto Sanocensi carpento vectus, incusata & per nuncium quem præmiserat, & ipse compositis verbis corporis invaletudine, quæ officium longius progrediendi impedivisset, Legatis felicem adventum gratulatus est. Præ castris obviam venere, frequenti Moschorum agmine stipari, Demetrii Oratores, Joannes Plesceiovus & Theodorus Unicovus, titulisque Magni Ducis recitatis, gratum esse eorum adventum Magno Duci Demetrio nuntiaverunt, ipsiusque nomine quæsiere: rectene sua Majestas valeret? Respondit Castellanus Præmissiensis: Grato animo Legatos accipere eam Domini illorum erga se volun-

Excipiuntur à Zborovio, deinde à Ruzynio.

Stanislaus Mniseck.

Tum à Demetris Oratoribus.

luntatem, faustaque vicissim ipsi omnia apprecari. Tum castris subeuntes Demetrius unà cum conjugè è fenestra palàm spectavit, & tamdiu curiosis oculis profecutus est, quoad illi ad stationem Ruzynii, perhumaniter invitantis hospitali excipiendi mensa, divertissent.

Humanitatis peractis officiis, postero die Ruzynius à Legatis compellatus de tempore legationis peragenda, quam absque ulla mora innotescere exercitui peroptabant: in mora quidem non esse militem respondit Ruzynius, orare tantummodo, ut id primùm honoris deferrent Legati Demetrio tanquam Magno Moschoviæ Duci, cujus ipsi signa & auspicia sequerentur. Adhæc Legati: permetterent id & Regis voluntati, & suo arbitrio, præsertim cum de ipsa legationis peragenda apud Demetrium ratione, cum universo inprimis exercitu conferre statueretque vellent. Confestim milites collatis inter se capitibus decreverunt, audiendam esse legationem libere, quæ ad liberas copias à Rege & Do-

*Legati ab
Exercitu
Demetria-
no audi-
untur.*

*Respondit
in Puko-
vum.*

mino advenisset: condixeréque diem tertium, ad quem universi convenirent. Atque hic ubi illuxit, accipere summa cum observantia Legatos, deduxeréque extra castra, commodâ amplâque delectâ planitie, ubi omnes attenti, & ob reverentiam Principis cum supremo armorum moderatore Ruzynio stantes, Legatis assidere jussis, unum ex iis primarium Castellatum Præmissiensem perorantem audire: qui posteaquam regii in Moschoviam adventus causas, & cætera mandata quibus instructus erat, discretè exposuisset, mox totius exercitus nomine veteranus miles Vitkovius ævi judicii-que maturus, pereleganter respondit: Gratiâs agere Commilitones suæ Majestati, quod amplissimam clarissimorum virorum ad eos misisset legationem, cæterum polliceri se omnem grati animi debita cum veneratione significationem, vitam denique fortunâsque suas Regi Patriæque libentissimè devovere, orare tantummodo eâ, quâ par est modestiâ, Legatos, ut legationis suæ mandata in scripto exercitui porrigerent.

Ac

Ac ea quidem quæ ad legationem pertinerent, in scripto se daturos pollicentur Legati, cæterum authographum Instructionis regię minimè expedire illorum manibus permitti, quod suis tantum Rex concedidisset. Subjunxit Zbarascius: Eam esse illius legationis summam, ut Legati, quod è re & commodo Regis ac Reipub. judicarent, quæque in gloriam exercitus cessura essent, communicato utrinque consilio, statuerent.

Ita solutâ concione discessum, diversis animorum motibus, prout in diversa inciderant ingenia, quæ in tanta multitudine plerumque dissona. Et Ducum quidem animi pacatiores, eorumque militum, quos avitæ nobilitatis tetigit decor; illorum non item, quos dulcedo prædarum stimulat, ambiguaeque domi res, proindeque turbas ex turbis ferere soliti, nec aliter spirare poterant, nisi auram seditionum turbine concitatam, affatim hausissent. In hoc tantum unanimes consensere, ut ad vigesimam primam Decembris, duo Commilitones ex quavis cen-

*Petunt
miles in
scripto
Legationis
mandata.*

*Negat
Zbarasci-
us.*

*Legatio
diversis
animorum
motibus
excipitur.*

*Diem tra-
stando ne-
gotio præ-
figunt.*

turiâ delecti comparèrent, ulteriorem voluntatem ac desiderium Regis à Legatis cognituri, tunc verò & ipsi suas commodiùs aperturi essent sententias.

Aberat cum suis legionibus Joannes Sapieha, & ad Cœnobium Trinitatis pertinaci adhuc virtute hærebat, cui valido cum exercitu gravis imminabat Scopinus, Suyfcianarum partium Dux, immoto adhæc Ruzynio nullâque submittente auxilia, quasi ex professo illinc ab hoste, hinc ab odiis privatis, quæ inter Duces orta æmulatio accenderat, oppugnari virum fortem dissimularet: Misere nihilominus Demetriani ad illas legiones, qui binos itidem ex singulis centuriis ad condictum tempus invitarent.

*Compareret
miles con-
tumaciori-
bus instru-
ctus postu-
latus, ad
que singu-
larem Le-
gati Regi
respondent.*

Sed nec tum ulla tractandi negotii aderat felicitas; facillimè quippe comparuerat selectus ille miles contumacioribus instructus postulatis, tumidusque: & cum primùm proposuisset, ut Rex Severiâ & Smolensco à Demetrio accepto, placatus discederet, ab omni que penitus vi abstineret, quin suas copias ad recuperandum Imperium illius copiis

copiis adjungeret: respondissentque Legati, minùs illos regiæ consulere dignitati, quæ non pateretur ejus in adipiscendo Imperio patrociniûm suscipere, cui nullum jus, nullâque causæ æquitas suffragaretur. deinde nec dum adesse tantum Demetrio facultatis potestatisque, iis cedere ditionibus, pro quibus Moschi, tanquam de universo ageretur Imperio, hucusque pertinacissimè dimicarent. pressi rationum pondere subticuere aliquantum, mox redeunte audaciâ erumpunt acriùs, urgētque vicies centenûm millium summam, quam ea, quæ hætenus in Moschovia meruissent stipendia, efficerent: Demetrii itidem ejusque conjugis rationem habendam, flagrantissimè postulant; quæ duo si obtinerent, sine mora ad Regem se transituros pollicentur. Tum Legati: Enormi summæ quam tumidè perfidenterque jactarent, vix Indicæ classis sufficere opulentiam, nedum Moschoviæ bellis exhaustæ attritæque: nec Poloniam Peruanas aurifodinas habere, quò minùs è vestigio tantum, necdum satis probè expen-

sa deductaque stipendiorum ratione numerare posset: cessarent proinde ea ingerere, quæ & facultatis & æquitatis excederent metam, neque eam cum Rege exercerent licitationem, cuius potius & Reipublicæ, Patriæ suæ inservire commodis tenerentur. Ad extremum, cum sex mensium emerita veteraque petiissent stipendia, nova verò in futurum trimestre ardentius poposcissent, & insuper postulassent, si quid debitorum remaneret, ut obtento assertoque Moschoviæ Imperio caveret Rex exercitui, concessâ tantisper Severiâ, quæ certum redderet securumque prætensi æris militem in posterum exsolvendi. Iniquum dixere Legati ea petere stipendia, quæ necdum meruissent, trimestre verò ante præstitum servitium difficulter obtineri posse, si tennes ærarii rationes inspicerentur: nihil æquius esse, quàm è ditionum Moschoviticarum vectigalibus censûque requirere ac repetere pecuniam debitam, non tamen ut prætendunt, tot centenis millibus computandam, neque enim modus persolvendæ suffi-

sufficeret. Ita denique sua moderarentur stipendia, prout ratio calculorum justè ac legitimè deductorum pateretur, & qualia hætenus regius miles acciperet, sua verò non tam caro immensèque æstimarent. Quod verò ad donativum præmiæque attineret, in iis repetendis modum adhiberent, qui justas non excederet facultates, possibilisque foret.

In hoc disceptantium utrinque conflictu, ne legionum Subdelegati penitus se succubuisse faterentur, differendum colloquium, remque tam arduam ulteriori committendam deliberationi censuerunt, expendendam tractandamque adhuc communi sociorum consilio.

Non cessabant interim Legati Duces Tribunósque prensare, illis gratiam regiam offerre, hos largitione allicere, non ignari quò caput, eò & cætera membra inclinare. Qua in re luculentam posuisse operam fertur Christophorus Zbarascius, is & ingenium quo pollebat, & opes in largitiones impenderat. Præbuit ad animos Ducum

*Uterius
milites de-
liberant.*

*Prehen-
santur in-
terim Du-
ces Tribu-
nique qui
inter se
discordes.*

T

occu-

occupandos occasionem mutua æmulatio, quæ discordes fecerat, penéque apertis inimiciis dissidentes. Nuper enim Zborovius Ruzyniúsque singulari certamine conflixerant, qua ex arena Zborovius loricae hamatae beneficio, incolumis evaserat, & Sapieha supremum Ruzinii militare imperium dedignabatur, nec Ruzynius Sapieham parem ferebat: hinc simultates, indéque magnis expositæ periculis legiones, frustra sæpius auxiliares Ruzynii copias implorabant.

*Et Scopini
cum nu-
meroso
exercitu,
advenien-
tis certis,
promde-
que anxii.*

Angebant quoque Duces enervatæ tot præliis vires, & Scopini metuebant potentiam, numerosum exercitum recentemque, partim ex Moschis conscriptum, partim exterorum copiis auctum, secum trahentis, indiésque gravius imminentis, quem solus terror adventus regii hætenus stiterat retardaverátque: aliàs periculum erat, ne summa cum ignominia & clade signum jam receptui dedissent. Demetrii verò auctoritas apud illos nulla erat, nec reverentia quæ Principem deceret;

pa-

palàmque mores hominis & imposturam detestabantur. Sed sub prætextu larvati Principis, privatae utilitati inserviebant, stipendiorum ingentes summas totiúsque Moschoviae opes, quasi debitas, spe devorantes. Hæc illos unica foedere societateque strinxerat utilitas, non verò respectus Demetrii, qui penè nullus. Namque & in ejus præsentia Ruzynius quendam è Polonorum præcipuis, aliàs exercitui invisum, ipsi carum familiarémque pugnis ceciderat, deinde fulcro subalari, ita ut in partes frangeretur, atrociter exceperat, Demetrio in penetralia domus fugâ sese recipiente. Et Tyfzkievicius inter jurgia plura, illi objecit mendacia, verbáque contumeliosa ingenuo minimè toleranda ingessit. Sed nec Moschis ignota erat illius persona, qui Sufscii tyrannide fessi, mallebant imposturam pati simularéque, quàm crudeli exponere sese carnificinae, summæque intemperantis dominationis libidini, expectabantque interim quem benignioris coeli suffragium, ipsorum admoveret Imperio.

T 2

Et

*Legati
Moschos
adeunt.
Clemen-
tiam Re-
giam of-
ferunt.*

Et Legati quidem consentiente annuen-
tēque exercitu, in Moschorum animis tra-
ctandis alliciendisque non instrenuē se ges-
serunt; advocatāque concione, quæ ex sola
ipforum natione constabat, præside Filareto
Metropolitæ Rostoviensi, & nonnullis præ-
cipui Ordinis hominibus, exposuerunt
regiam clementiam benignitatēque id u-
nicum intendere, nihilque Regi ad hanc
diem armato, aliud in votis fuisse, quàm Im-
perium Moschoviticum extinctis per frau-
dem dolumque legitimis Sceptri hæredibus
importunā ambitione impostorum, summa
cum Christiani sanguinis effusione exagita-
tum, populōsque duro servitutis jugo op-
pressos, & Tyrannorum crudelitate dolis-
que in fraudem inductos, suæ tranquillitati
restituere, oppressisque regium patrociniū
porrigere.

*Audim-
tur placi-
dissimē.*

Audivēre lubentes plenam benignitatis
regiæ legationem Moschi, ac mixtis præ
gaudio lachrymis, ad pristinam felicitatem
temporum anhelabant: osculabantur nomen
regium literis inscriptum, quas Rutheno
cha-

charactere & idiomate exaratas, inspicie-
bant avidè, pectoribus apprimebant, deni-
que præ lætitia gestientes, æternum Numen
supplices venerabantur, cujus beneficio
optimus Rex expetitam illis temporum, ve-
lut è postliminio, reducere vellet tranquilli-
tatem. Et quoniam gens mirè suæ religionis
Græcæ tenacissima est, Romanisque ritibus
nulla capitalior hostis, non cessavēre Legati
sanctè polliceri, Regem nihil de antiquis
illorum Privilegiis demturum, instilla-
bantque partim omnibus, partim cuique pri-
morum seorsim, eam unicam illi curam fu-
turam, videlicet, tueri veteres illorum ritūs,
augere Coenobiorum redditūs, promovere
in templis divini Numinis cultum, Sanctos
Moschoviæ Patronos venerari, nihilque
denique permissurum quod illorum Reli-
gioni à majoribus acceptæ, adversum foret.

*Unicè illa
cordis Græ-
ca Religio.*

Atque in ea re potissimū inculcanda
laboravere Legati, seu primores alloque-
rentur privatim, seu universam multitudi-
nem in publico, sacramentōque etiam (si ita
juberet necessitas) se obstricturos polliceban-
tur.

*Quam
sanctè ser-
vaturum
pollicentur
Legati.*

tur. Etsi enim nullum animorum tenacius
vinculum sit religione, sed quia apud Mo-
schos in superstitionem versa, tantò stringit
tenaciùs, quantò gens rudior, omnisque ci-
vilitatis ignara est: Ac intellexerant Legati
Suyscium malis fraudulentisque artibus po-
tentissimum, in Urbe, Imperii sede, ad con-
ciliandum Regi odium exasperandosque
populos sparsisse, illum non regionis sed re-
ligionis expugnandæ, templorum non ur-
bium hostem, everforem rituum, expilato-
rem Coenobiorum in Moschoviam adve-
nisse: quapropter nec literis regiis respondit,
nec Consiliarios ad colloquium nostris ex-
poscentibus Legatis misit; denique literas
ad Clerum, Ordinésq; & primores aliquot
per fidos nuncios à Legatis transmissas, sup-
pressit, additis ad custodiam portarum ur-
bis hominibus, quos illi vel sanguinis ne-
xus, vel intima amicitia obstrinxisset, qui
venientes excuterent rimarenturque, ad il-
lùmque omnia deferrent, ipsius arbitrio
quæ sciri expediret, aut propalanda, aut sup-
primenda. Adeò meticulosa Tyrannis est,
quæ

*Contraria
spargens e
Suyscio
inculcanti-
que popu-
lo.*

*Is nec lit-
ris Regis
respondet,
nec Consili-
arios ad
colloquium
misit, lue-
rasque ad
Ordines
missas
suppressit.*

quæ interni tortoris excitata flagello, nus-
quam tuta quiescit, semperque anxia lieto-
rem cervici impendentem circumspectat! Oderat Suyscium populus (quod nostris
non leve attulerat momentum) pertæsus
duræ servitutis, execrabaturque ingenium
subdolum, fallax, quod ad recenter acqui-
sitam dominationem securiùs retinendam,
ut rebatur, attulerat; in tantæque exacerbati
vulgi inconstantia, lupum, ut ajunt, auribus
tenebat. Erupere sæpius in urbe tumultus,
palàmque voces audiebantur inquirentium:
num Legati regii in castris Demetrianis es-
sent, quorum colloquium unicè exoptabant,
Regi spes suas pacandi Imperii restituendæ-
que libertatis palàm devoventes, intento
adhæc Suyscio, & novo semper artificio
populum vel deliniente, vel severiùs coër-
cente.

Et jam sanè apparebat in castris Demetrii
eà consuetudine & comitate Legatorum,
quotidiè magis cohærere animos consenti-
réque. Ac milites quidem remissiores ad
conditionum moderamen accipiendum vi-
deban-

*Exercitus
Demetria-
nus ad mo-
tiora pro-
petat
consilia.*

*Demetrius
in multis
et fidei,
clam su-
git.*

debantur; Moschorum verò animi planè ad Regem propendebant, dicto etiam privatim in nomen regium sacramento. Hinc Demetrius tam facili transactione Legatorum unanimique consensu exterritus, totusque anxius, cum hinc & inde circumspectaret consilia, nec inveniret, relictâ Marinâ conjuge tristi, & ob absentiam mariti contabescente, clam è castris Kalugam profugit, inde velut è specula securius prævisurus præstolaturusque, quid de se tandem ad extremum fortuna statueret.

*Novus in-
de in Ca-
stris tu-
multus
exoritur,
& in Le-
gatos con-
vicia spar-
guntur.*

At vulgatâ in castris Demetrii fugâ, novus mox exoritur tumultus, & propè stationem Zbarascii Ducis, milites accurrunt veluti lymphati, invehuntur in Ruzinium quasi Demetrianæ fugæ auctorem, nec in Legatos maledictis abstinere, expulsoresque Magni Ducis appellant, spretâ Tribunorum ac Centurionum auctoritate, turbidis vocibus omnia complent, nunc feroces vultu, minacisque armis perstrepunt, nunc ad Demetrii currus accurrunt, excutunt, & si quid auri argentique ac supellectilis pre-

pretiosæ lateret, diripiunt, omnia fus deque miscent, attentis interea securitati suæ Legatis, cujus gratiâ legionem tam equitum quàm peditum sibi circumdederant. Primus idque jam sub vesperam tumultuantes compellare ausus Bucinius, egregii animi Centurio, detestari increparéque tumultus auctores, qui non ex iis essent, quos nobilis natalium splendor, aut insignis per præclara facinora virtus evexisset, sed permitterent se ab iis impelli concitarique, quibus neque lar neque focus esset, homines vanos, futes, nuper futoriæ aut sartoriæ tabernæ alumnos, solæ militiæ honore assumpto insolescentes, seseque nobilissimo cuique exæquantes, tantumque servis licere quantum illorum non auderent Domini: eos nisi compescerent, turbas ex turbis, dissensionesque continuas, ac certam exercitus ruinam exspectarent. Bucinii sermonem excepere Mlocius & Jaikovius veteres Tribuni, eoque audentiores: ad extremum Dux Ruzynius, cum longioribus verbis suam probasset innocentiam, pro im-

*Sedatur
tumultus.*

*Per Bucin-
ium post
& alios
primores.*

perio tumultuantes corripuit repressitque.

Vix miles turbidus resederat, mox occultioris seditionis injectæ scintillæ novum promittebant incendium: literæ videlicet profugi Demetrii, quibus rediturum se ad exercitum significabat, si novo iterum se Poloni obstringerent sacramento, deque Moschis, qui fidem datam fefellissent, sumerent supplicium. Kazimirscius, notum per seditiones nomen, clam per contubernia spargebat literas, deferebatque. Atque id ubi compertum est, subito edixere Duces ac Tribuni consentientibus universis, ut, quicumque accepisset literas à Demetrio, eas confestim deferret in publicum cremandas, secus faciens & Kazimirscii testimonio proditus, mortis poenam subiret: eandem & ipsum manere Kazimirscium pronuntiant, ni ab excitandis seditionibus in posterum abstineret. Ita in herba, quod ajunt, oppressa est seditio, & piaculari abolita est flammâ.

Sed & Legati tantæ vix patientes insolentiae, tumultuantes milites durius exasperant,

*Ediſſeque
caruimus
talibus in-
posterum
seditioni-
bus.*

perant, itérque apparabant celeritùs, minimè eam laturo proterviam, quæ personæ, quam referrent Regiæ, gravem faceret injuriam. Leniti deinde accurrentium militum deprecantiùmque submissâ veneratione, qui blando & in omnem reverentiam composito sermone oravere: ferrent tantisper breviorē moram, se paucos intra dies responsū Regiæ Majestatis voluntati accommodatum, daturus. Interim Moschi post fugam Demetrii consilio inito, exercitui Polono sacramentum dixere, novòque se consociare foedere, cujus capita & jurejurando, & appositis firmavere chirographis. Demetrio ampliùs fidem non habendam edicunt, ab exercitu nunquam se discessuros cùmque eodem unanimi consensu consilia sua inituros, ad extremum, utriùsque fortunæ socios futuros se spondent: Insuper Suyscii Scopinique conatibus animosi unitâ virtute obviam se ituros obstringunt. Cætera foederis ac societatis capita, promtum mihi referre foret, habenti præ manibus exemplar, sed satis erit præcipua retulisse,

*Moschi
se moro
Polono
exercitus
obstrin-
gunt jura
mento.*

lisse, ne prolixa nimium narratio lectori tædium fastidiumque moveat.

Legati di-
mittantur,
abeuntque
cum re-
sponso mo-
destia ple-
no.

Dimissi tandem Legati regii, applausu militari illustres viros prosequente, Procerum verò Moschorum faulta comprecatione comitante, acceperè responsum tulerèque Regi plenum modestiæ, ac clementiæ benignitatisque erga se regiæ luculentissimâ refertum panegyri. Causas adventus regii in Moschoviam justissimas æquissimâsque profitentium, votoque ad Imperii Moschovitici sceptrâ prosequentium, iis appositis responso verbis: *Quam in rem nos pro virili fortunas nostras, sanguinem, vitam denique, si deinceps gratiam clementiamque experti fuerimus, libenter regiæ Majestati devovemus: volumusque labores hæcenus exantlatos, fuscum cruorem, nos denique totos patriæ charissimæ, Regique Domino nostro, consecrare ac dedicare. Quam ob causam Legatos vicissim ad sacram Regiam Majestatem fratres & Commilitones nostros mittimus, spe pleni, non passuros nos repulsam in iis postulatis, quæ illi essent porrecturi.*

Ita responsum à milite: à Moschiis non modò gratiæ Regi actæ, sed spes etiam Imperii

perii Moschovitici facta, idque per Legatos quoque suos uberius aperiendum pollicebantur.

Et Marinam Demetrii profugi conjugem videbatur dexteritas Legatorum Regiis conciliasse partibus, quæ in clientelam regiam se velle concedere, missuramque Legatos & literas professa erat. Ac Legatos quidem ipsius nusquam comparuisse scio, literarum exemplar legi, quibus felicem Regi in Moschoviam adventum gratulatur, prosperosque vovet successus, de fortuna illudente sibi, multoties queritur, quam nihilominus æquanimis summo rerum moderatori committeret, à quo desiderata expectaret solatia. ultimo Regem ita compellat: *Omnia mihi adversa fortuna eripuit, solam reliquit causæ æquitatem, ac jus ad Imperium Moschoviæ munitum meâ inauguratione, firmatum receptione in hæredem, stabilitum duplici sacramento, quod omnium Ordinum homines mihi dixere. Hæc ego clementi arbitrio, & gravissimo Majestatis Vestræ judicio alacris submitto. Certa sum Majestatem Vestram pro eximia prudentia optimè judicaturam,*

Marina
quoque
Regem li-
teris com-
pellat.

E castris
15. Jan.
1610.

ram, pro integerrima conscientia me familiamque meam, quæ negotium hoc tanto sanguine tantisque impensis promovit, liberali regiâque suâ munificentiam cumulaturam. Atque ea Majestati Vestræ ad Imperium Moschoviticum obtinendum, firmoque jure ac nexu retinendum, favente Numine, quod justitiam magnâ compensat mercede, non mediocri sunt futura adjumento.

Sed patriam sinceris.

Verum nihil horum præstitit pertinacis animi foemina, spretâque Régis benignitate ac beneficentiâ, Impostori tenacissimè adhæsit. Et has ipsas literas invitam dissimulantemque dedisse, haud falsus sum, suâque animi sensâ callidè obtegentem; quippe in iisdem, cum pleraque demissius scriberet, ut cliens ad Patronum, altos deinde exeruit spiritus, & parem se Majestati, quam compellabat ferens, manu suâ apposuit, *Sacræ Majestatis Vestræ omnia fausta gratulabunda Marina Imperatrix Moschovia.*

Legatorum operam Rex probat.

Redeuntium Legatorum operam sollicitudinemque in tractandis promovendisque negotiis collaudavit Rex, & ubique in castris fideliter & egregiè præstiti officii personam

sonabant encomia: cum propera Stanislai Stadnicii Castellani Præmissiensis ejusque legationis Principis mors, communem interturbavit lætitiâ. Febri malignâ altero à reditu die correptus, fatis concessit, maximo omnium luctu: quippe vetustâ nobilissimâque Stadniciorum familiâ, gestis magistratibus honoribusque illustri ortus erat, deinde optimarum semper in Repub. partium habitus, regiæ dignitatis propugnator acerrimus fidissimisque, cui egregiè navatam in bellis civilibus operam, unâ cum Adamo Stadnicio Castellano Calissiensis fusiùs non nemo exposuit. Inde non postremum in gratia regia locum obtinuit, tantoque ei carior, quanto alacriùs vir militaris in Moschovia bellantem secutus fuerat, adductâ legione, quæ è quingentis peditibus, centum velitibus, ducentis hastatis, totidem Hungaris constabat. Prudentiâ non vulgari præditus erat in tractandis negotiis, dextertate & eloquentiâ singulari, dignus longiori ævo, si vota hominum, arrectis non surdis auribus, exciperet immitis fati necessitas.

Stadnicus Castellanus Præmissiensis mortuus. 17 Feb. 1610.

Ejus elogium.

Lubienus lib. Met. Civil.

Cir-


26 Febr.

Circumlatum in castris cadaver, milita-
rique pompâ defletum est; ac ibidem, justis
magnificè persolutis, deportandum in Rus-
siam 'reddendûmque gentilitio' tumulo,
eduxere legiones in comitis signis, versis ar-
mis, comitante Supremo Copiarum Duce
Zolkievio, Tribunis cæterisque primoribus
mœstis, ultimo pietatis honorisque officio
mortuum condecorantibus.



H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER QUARTUS.



Tatuebat jam fortuna
Vladislao initia causas-
que Imperii, quas per
Legatos regios Ducibus
Tribunisque exercitus
Demetriani suggererat,
Moschorum animis jam
præparatis felicitèrque

*Vladislao
sternit for-
tuna viam
ad Impe-
rium Mo-
schovia.*

in partes transeuntibus, præsertim fastidio
utriusque Principis, quorum dedecus aper-
tiore indies famâ noscebatur: neque aliud
in promptu inveniebant remedium, quàm
si unus præpotensque legeretur, in cujus si-
nu securius tutiusque Imperii status con-
qui-

*Suyfen &
Demetrii*

X

quiesceret. Augebat gloriam Vladislai regia indoles, adolescentiæ decor, Majestâque haud tristi severâque cincta formidine, & inclinatis penè omnium animis, ipsa etiam adspirabat felicitas.

Moschorum Legati ad Regem veniunt.

Splendide.

Ducunt & undecim famuli.

Excipiuntur praestris ab equitibus.

Aperuit tandem affectum desideriumque ultrò Principem expetentium, missa per hos dies ad Regem honorifica & insignis Moschorum Legatio. Quadraginta duo Legati fuere, quem numerum præcipui Senatores, Provinciarum Præfecti, Notarii, Consilii à secretis, Dapiferi, Aulici ex urbe primaria, cæterisque conficiebant: auxit splendorem ac magnificentiam, selecti numerosique famulitii comitatus. Et Rex de propensâ erga se voluntate Moschorum admonitus, statuerat omni officiorum genere Legatorum animos demereri: cujus jussu processere obviam venientibus, levis armaturæ militum signa quinque, deinde hastatorum equis armisque insignes aliquot centuriæ, postremò occurrere Joannes Sapieha Slonimensis Præfectus, Magni Lithvaniæ Cancellarii filius, & Jacobus Potocius Albi

bi lapidis in Livonia Gubernator, aulicorum ac multorum nobilium frequenti stipati globo, inter quos medius ibat Princeps Legationis Michaël Solticus, deinde verò singulorum Legatorum latera, viri è nobilitate primarii bini, adequitantes cingebant. Tum festo ornatu militarique pompâ regio nomine salutatos, ad Trinitatis Coenobium stationi ipsorum destinatum, deduxere.

Jamque post quatuor dies quieti datos, pari magnificentia comitantium deducendumque splendore in conspectum Regis venire, auditque in amplissimo Senatûs confessu, frequentique aulae adstantis militumque coronâ. Allocutus Regem Michaël Solticus princeps Legatus, faustisque comprecationibus & suam Majestatem, & Principem Vladislaum absentem veneratus, generatim exposuit causas Legationis adventusque; quarum non postrema esset pietas Regis Christiana in avertendis sistendisque Moschoviæ calamitatibus, delatâque operâ, quam demissè actis gratiis eo exciperent animo, quem tam benigni Principis

Vaisternium.

Introducuntur ad Regem 31 Jan.

Alloquitur Solticum.

spectata mereretur clementia: deferre se li-
 bentes Majestati regiæ, Moschoviæ suâ
 mole ruentis, patrocinium, unâque velle de
 summa totius Imperii & colloqui, & ali-
 quid statuere decerneréque: Excepit patris
 sermonem Joannes Solticus filius Legato-
 rum alter, & postquam Patriarchæ, Cleri,
 omniumque Ordinum Moschoviæ nomi-
 ne, Regi ac Vladislao felicissima detulisset
 vota, recensēbat longâ oratione Magnorum
 Moschoviæ Ducum seriem, exorsus
 à fabuloso quodam Rurico Augusti Cæsaris
 cognato, usque ad Theodorum Joannis
 Basilii filium, & Demetrium fraude Goduni
 sublatum, ultimos regnatricis stirpis hære-
 des, à quorum obitu vicissitudines cladēf-
 que Imperii referentem, velut ex condic-
 to Dux Basilii Masalscius primæ notæ Lega-
 tus juvit; retulitque, Regem non absque
 præsentis Numinis benignitate in Moscho-
 viam armatum venisse, velut sacram in pro-
 celloso tumultuantis Moschoviæ Oceano
 anchoram, in qua tandem aliquando tantis
 agitata penéque merfa fluctibus Imperii
 navis

post & ce-
 ters singu-
 lariss.

navis quiesceret. Subjunxit Joannes Pa-
 rasovicius Protonotarius: Quandoquidem
 Regem supremi Numinis favor cruentarum
 contentionum designaret arbitrum, orare
 supplices Patriarcham, Clerum, totiusque
 Moschoviæ Ordines, susciperet curam Re-
 ligionis Græci ritus, conservaretque inta-
 ctam, tuereturque, quam tot sæculis majores
 sui inviolatam sanctissimè coluissent: adspi-
 raturus benigni coeli favores, concessurós-
 que Regnorum incrementa, eundemque
 Regis ac Principis Vladislai gloriæ termi-
 num, qui & maris esset, futurum: Hæc
 dicentem iterum interpellavit Michaël Sol-
 ticus, & rejectâ omni verborum ambage,
 disertissimis iisque brevibus verbis Princi-
 pi Vladislao Imperium totius Moschoviæ
 detulit, si Regis accederet voluntas & con-
 sensus. Interruptum sermonem continua-
 vit Parasovicius, disseruitque, quantum ci-
 vibus decoris emolumentique accederet, si
 Vladislai delato sibi potiretur sceptro, quo
 Principe Moschovia ac Polonia in unum
 amicitiae conjunctionisque coalescens fœ-
 dus,

Interpellat
 dicentes
 Michael
 Solticus, &
 Principi
 Vladislao
 Imperium
 Moscho-
 viae offert.

Continuat
 sermonem
 Parasovi-
 cius.

duſ, hoſtibus ingentem adferret metum. Ad extremum concluſit: conſeſſam eſſe ab Ordinibus de ſummâ Imperii religioniſque tractandi facultatem, Michaëli Soltico, Joanni ejus filio, Duci Baſilio Maſaſcio, & quidquid illi ſtatuerent, ituros in eorum ſententias Ordines, probaturôſque.

*Ad Lega-
tionem
Moſco-
rum re-
ſpondet no-
mine Regis
Leo Sapie-
ha, Cancel-
larius
Lithvania.*

Ad ea quæ prolixè (ut mos eſt gentis multa & præcipitanter loqui) Legati dixerant, Regis nomine reſpondit Leo Sapieha, Cancellarius Lithvaniæ: Lætari Regem de eorum adventu adventuſque cauſa, libentèrque excipere tam honorificam, quam ad eum miſiſſent Ordines, legationem, non de futurum ſe eorum commodis, eoque complexurum patrocini ac favore religionem templaque ritûs Græci, quemadmodum Chriſtiani Regis exigeret pietas, & illorum tam prona propenſaque erga ſuam Majeſtatem ſtudia. Et quoniam tanti negotii quod adferrent magnitudo, ulteriori indigeret deliberatione, maturôque conſilio; permetterent id ſequentibus diebus, quos eî tractando, unâ cum Senatoribus viriſque primariis,

mariis, deſtinaret. Ita benignè regio excepti reſponſo, ad ſuam ſtationem, præeuntium comitantiumque nobiliſſimâ cincti coronâ, rediere.

Secuta mox alterâ die Legatio, miſſa ab exercitu olim Demetrii, auditâque adſtantibus Stabrovio Joannis Sapiehæ ipſiuſque legionum, Jaikovio verò Orzechovio, Chruſlinio, earum quæ ad Moſcuam urbem conſederant copiarum, nomine. Et Chruſlinius ſermonem orſus: Adferre ſe ab exercitu debitam Regi Dominoque fidelitatem, ac pro ut obſequentes deceret ſubditos, ſupplicem venerationem: adferre & ſpes omnes, partam gloriam, fuſum cruorem, impenſas, quas pedibus Majeſtatis ſubſternerent, ſuæque clementiæ ac benignitati libentes volentéſque concrederent. Acciperet itaque alacri lætôque vultu tam propenſam ſubditorum ſuorum voluntatis teſtificationem, paternaque illos foveret clementiâ, cujus fructus pendéret ex faventi, ſuis quæ porrigerent poſtulatis, reſponſo, regiâque quam præſtolarentur munificentia.

*Altera
Legatio
exercitûs
olim De-
metriani.*

*Chruſlinio
perorante.*

Col-

*Respondet
Rex per
Kriscium
ViceCancellarium
Poloniae.*

*Sigismundus
Primus
Rex Polon.*

Collaudavit Rex per ViceCancellarium Kriscium fidem integritatēque exercitūs, quam majorum suorum insistentes vestigiis, Regi Dominoque suo testarentur, gratularique sibi eam temporum felicitatem contigisse, de quā olim Avus ipsius gloriari solitus esset: se videlicet tam fidos obsequentēque cernere subditos, in quorum sinum, & dignitatem regiam, & incolumitatem tutō reponere concrederēque posset. Pergerent constantes in ea quam deferrent fide, nunquam eos in suscepto consilio à benignitate Regis fallendos, qui & postulata eorum seriō inspecturus esset unā cum Senatu, habiturusque eorum rationem, quantum & ipsa res, & clementia exposceret. Quæ verò illa fuerint, & cujusmodi tulerint responsum, suo notabimus loco: namque Moschoviticæ legationis progressus me avocat, quem ut non interruptā serie lector cognoscat, facturum me operæ pretium existimo.

Et Legati quidem non cunctandum rati, celeriusque suæ prospecturi Moschoviæ, Kalendis Februarii horis antemeridianis ad sta-

stationem ViceCancellarii Regni Felicis Kriscii conveniunt, ibi Senatu præstolante paratōque colloqui, mox initium dicendi faciunt: Extinctā imperatrice Moschoviæ Ducum sobole hæredibusque, eam primam ac unicam fuisse omnium cogitationem, ut è Sigismundi regnatrice domo, Dominum sibi adsciscerent, qui novam Ducum familiam felicibus auspiciis repararet, & post fera fata throni sceptrique relinqueret hæredes. Adesse hīc ævi maturum, Magnorum Ducum familiarem, arcanorūque totius Moschoviæ conscium, Michaëlem Solticum, quem tanti consilii indubitatum advocarent testem. Obstitisse primū tam præclaris cogitationibus Boryssii Goduni sævam tyrannidem, occupatūque pessimis artibus per cædem ultimi hæredis solium, tolerassēque Moschos tamdiu impotentem animi cunctaque superbiā ac libidine metientem Dominum, quoad positum cervicibus jugum Supremi Numinis clementia non depulisset. Ac viventi quidem adhuc oppositus erat falsus Demetrius,

*Legati
Moscho-
rum con-
tenta lega-
tionis sua
apud Se-
natores
exponunt.*

Y

hære-

hæredisquē nomine insolens impostor, qui Boryssium raptorem Imperii ad mortem compulerat; at ipse mox affectati per nefas Regni, populis pœnas dedit: cū cæsus, raptatus, laniatusque, non ingrata populis victima concidit. Hæsisse tum in animis Moschorum desiderium Vladislai Principis, eadem illa recurrisse suffragia, quæ illi Majestatis insignia destinarant, ni iterum prodississet Basilius Suyscius, habenasque Imperii arripuisset, magna cum nobilium Polonorum clade, quorum cruore satiatus, impiam manum sceptro admovisset. Cohorruisse ad tam audax facinus Moschoviam, fuisse nonnullos tam generosæ excelsæque mentis, qui indignum judicarent Imperio, palamque id objicerent: & Theodorum Janovicium vulgasse sparsissèque per urbem libellos, quibus prædixisset, penes solam Regum Poloniae stirpem tranquillandi Imperii restituendæque libertatis, mansuram gloriam, si ei se regendam permitteret Moschovia. Jam verò & Timotheum in Suyscium palam invectum, cædem Polonorum expro-

exprobrasse, unde vel maximam tot ærumnarum periculorumque arcessivisset occasionem: eam quidem loquendi libertatem vitâ constitisse Timotheo, Proceres nihilominus memores sui pristini consilii, eò magis de summa rerum cogitasse, quantò duriori pressi essent servitute, cujus tandem aliquando impatientes, redivivo iterumque emergenti Impostori adhæsisse, secutosque partes non æquitate causæ, quam nullam haberet, invitatos, sed mero Suyscii odio adactos, tam diu rei bene gerendæ momenta, & expediendorum suorum consiliorum, tranquillandique Imperii occasiones, in quas intenti forent, præstolantes.

Atque dum Regium in Moschoviam adventum expectarent, communicasse illos sua consilia per secreti conscios cum iis, qui in Urbe principe manerent, conventumque fuisse, ut hi quidem suum Tyrannum, illi verò Impostorem è medio tollerent, junctisque viribus & animis Regiam advocarent imposerentque Moschoviae regendæ stirpem. Neque verò evanuisse illam

Suyscium
& Deme-
trium im-
postorem.

apud Moscuæ incolas cogitationem; quæ, etsi tantisper fatis ita iubentibus premere-
tur, venerari nihilominus Regem, & affli-
ctis Imperii rebus propitium optare exspe-
ctarêque. Se verò statim ab adventu regio
in has terras ditionesque aperturos fuisse
pronas voluntates, ni Impostoris conatus,
junctæque Polonorum vires, obstitissent.
Posteaquam verò Legatio à sua Majestate
missa, exercitum partibus regiis adjunxisset,
& Patriarcha cæterique Ordines compella-
ti fuissent, tantò alacrius se voluntates ani-
mósque declarasse, quantò ardentius id à
tanto tempore expetiissent.

*Ad extre-
mum pe-
tunt ut è
stirpe Re-
giâ Ma-
gnam Du-
cem legere
possint.*

Jam, cum & tempus, & occasio, & animi
conspirarent; orare se, ut è stirpe regia Ma-
gnam Ducem legere liceret: quoniam verò
Rex amplissimis præesset Provinciis, quæ
illiùs præsentia carere non possent, nec
Moschoviâ vicarium regimen pateretur,
concederet Rex petentibus Moschis Vla-
dislaum filium, in quem omnium inclina-
rent vota. Accepturos hilares festoque
apparatu populos expetitur Monarcham,
aper-

aperturas urbes, arces, munitionesque in
sui Principis obsequium, portas, veneratu-
rum Patriarcham & universum Clerum di-
vinitus sibi concessum datumque Ducem;
annueret duntaxat Rex totius Moschoviæ
postulatis, præcideret moras, iret in pene-
tralia Imperii, admoveretque exercitum
urbi primariæ, recrearet copias Polono-
rum, quibus recens validusque instaret ho-
stis, ostenderet se partium Ducem, libera-
ret metu Cives, cum quibus eò tutius fi-
dentiùsque in armati Regis præsentia col-
loqui mutuoque conferre possent, spera-
rentque maximam omnium accessionem
propensionemque, casurum invisum Suyscii
caput velut piacularem victimam, esse mo-
dos occupandæ urbis, quâ captâ, infestâ,
oppressoque Suyscio, & Smolenscum quod
tantis oppugnatur viribus, & cæteræ arces,
velut suæ metropolis appendices, frænum
imperiumque Regis essent accepturæ.

Moscuæ.

Non ingrato sermone Moschi audientes
tenere Senatores, ea enim afferebant, quæ &
Regi immortalem nominis gloriam com-

*Senatores
audiunt
Legatos
placidi-
ssimi
sunt.*

Polonia.

pararent, & Poloniæ maximas emolumentorum accessiones pollicerentur, præsertim si hæc à Patre, Moschovia verò à filio regeretur: namque præter dulcissimi sanctissimi que affectus vinculum, si tam arcto conjunctionum societatisque nexu colligerentur Imperia, & quid ad summum potentiae restaret fastigium.

Probant
illorum
consilium.

Probavere itaque Moschorum consilium, eamque in patriæ suæ rebus turbidis sollicitudinem: sed quoniam gravissimum proposuissent negotium, quod & diligenti indigeret trutinâ, & regiae Majestatis exploranda esset primùm voluntas, differre se responsum tantisper, orareque, ne Legatis tædio fastidioque aliquot dierum mora esset, quos mutuis interim darent consiliis, expectarent interea ab optimo Rege omnia fausta, à cujus conspectu se non recessuros tristes confiderent.

Rem ad
Regem
deferunt
maturius
expenden-
dam.

Vocari
Vladisla-
um ad
Imperium
magna id
gloriæ esse
censent.

Atque, ut Regi Regnóque gloriosissimum, omnes censebant vocari ad tam potentis Imperii regimen juventutis Principem, spemque totius Christianitatis Vladislaum

slaum; sed quia gens ut cœlo, ita moribus asperior: hospitibus inimica, externorumque impatiens, variâ fide inconstantique secretos sensus calliditate provocans, astuta magis quàm ingeniosa, suspicionibus obnoxia, propè omni humano generi infociabilis, atque cum exteris omnia sibi intuta reputans: idcirca circumspicienda primùm omnia per tentandaque, censebant Senatores, cautoque cum iis procedendum consilio, qui in eventum loquerentur, & clandestinam animi sinceritatem in experimentum tantùm aperirent. Facile esse magna Imperia oblata capeßere, retinere verò firmareque plenum opus laboris, præsertim ubi civium suspectus candor, quibus suffragium aut aliena tyrannis, aut certè temporis serviens expressit inconstantia. Non tamen negligendam quam Superi monstrarent ad arripiendum Imperium viam, bonis omnia superari posse consiliis, retinendum vocantium favorem, facilius quippe in amorem obsequiumque externi Principis ituros, quàm suis, quos nausearent, parituros; cum præsertim

Circum-
spicienda
men agen-
dum sua-
dent Sena-
tores, &
cur?

fertim nullus Successor hæresque, cui legitima reddi deberet veneratio, compareret.

*Moschia
à Rege da-
tur respon-
sum.*

Post maturas itaque Procerum cum Rege deliberationes, ad postulata Legatorum id nomine Regio responsi datum. Amplecti Regem non sine grati animi testificatione tam propensum erga se Domumque suam regiam Ordinum Moschoviæ studium; ac ut multoties jam palàm professus est, non acquirendi expugnandique Imperii causâ, venisse se armatum, licet multis gravissimisque à Suyscio lacesitum injuriis, sed tranquillandi sistendique sanguinis, quem tam atrociter fundi pietas Christiana compateretur, ita & nunc hoc unicum cordi esse, agitatum nempe seditionibus Imperium pristino reddere splendori, coercitis iis, qui vel illud nefariè ambirent, vel pro libidine impotenter dominarentur. Quo-

*Vladisla-
us filium
(sub con-
ditione ta-
men) non
denegat.*

niam verò ultrò Vladislauum Principem, filium verò suum, tam ardentibus exposcerent votis, non adversaturum se illis, si ita supremo cœli terræque Arbitro, per quem Reges regnant, visum fuerit: accederet quoque

que constans & unanimis omnium consensus, resque Moschovitica ex tam immensis turbarum fluctibus emergerent, pulsâ nebulâ sereno deinceps cœlo, novo splendore benignioréque cinctum radio solem, tunc fortunatius illis exoriturum.

Copiæ ad urbem Moscuam ut promoveantur, optimo id illos flagitare consilio, ^{subsidiarias legiones pollicetur.} atque hoc vel maximè Regem intendere, ut primariae urbis incolis quamprimum innotesceret, pietate potius quàm efferâ dominandi cupidine armatus Princeps. Sed restare adhuc nonnulla negotia cum ipsorum natione tractanda perficiendaque, & exercitum illum olim à Demetrii stantem partibus, necdum conquievissè, avidéque expectare, quem postulatorum suorum fructum Legati ipsorum allaturi essent. Ituras nihilominus brevi auxiliares legiones, præcessurâsque ante regium adventum, cui maturando adhiberet Rex singularem diligentiam.

Benigno Regis responso erecti in meliorem spem Legati, certique quem expectie-

Z

rant

*Moschi
conditiones
Vladislao
proponunt
sae diffusi-
les.*

*Inter quas
durior ea,
qua Reli-
gionem
spectabat.*

*Summo
Zelo con-
tentione-
que pro-
moveba-
tur.*

rant Principis, (quanquam ambiguis ver-
bis stetit promissum regium) de condi-
tionibus serio agitare coeperunt, è qua-
rum præscripto Vladislai Imperium su-
meret administraretque. Atque eas diffi-
cillimas proposuere, obfirmatis videlicet
animis suæque religioni pertinacissimè in-
hærentibus. Namque summâ id agebant
contentione, urgebantque, ut imperaturus
Princeps ejuratâ Catholicâ Romanâ Græ-
cam profiteretur religionem, sumeretque
diadema & insignia Imperii è Patriarchæ
totius Moschoviæ manu, cui inaugurandi
Magnos Moschoviæ Duces, veteres usitatî-
que competerent ritûs. Deinde ut ea, quæ
ad religionem & Ecclesiam pertinerent,
sanctissimè servaret, nullâ re adversus illam
unquam permittâ, nec templa nova erigeret,
quæ extraneam præ se ferrent pietatem. Et
hæc quidem illi summo zelo summoque ar-
dore contendebant, quantò verò suæ tena-
ciores sunt superstitionis, in qua non reme-
dium & salutem, sed oblectamentum quod-
dam reponunt, tantò magis nostris faceffe-
bant

bant negotium, resque in irritum casura
videbatur, quam tam magno inchoassent
molimine: post varios tandem verborum
magis quàm rationum conflictûs, & quin-
decim dierum ultro citroque habita collo-
quia, Moschorum animos subinde hæren-
tes, subinde propositi tenaces, dexteritate
suâ Senatus ad eam, quæ secuta est, modera-
tionem conditionum inflexit.

Octodecim capitibus illæ comprehensæ
sunt, lectæque præsentē Rege & Legatis.
Quoniam verò paucis post interjectis Men-
sibus non absimiles intercessere cum Zol-
kievio Supremo Copiarum Regni Duce ad
urbem Moscuam, sacramentoque firmatæ
fuere, idcirco ab iis recensendis supersedeo,
facturus illorum disertam mentionem, ubi
narrationis meæ seriem ad ea deduxero tem-
pora. Quid tamen Rex concesserit Legatis
in materiâ tam sollicitè anxieque propugna-
tæ religionis, breviter jam exponam.

Quod attineret ad Patriarcham, cujus
esset officii Ducum Moschoviæ capita pa-
trio evincire diademate, ambigüe respon-
dit:

*Cetera
conditiones
alio loco
dicentur.*

*In mate-
ria Reli-
gionis
quid Rex
concesserit.*

*Ac pri-
mum de
Patriar-
cha.*

dit: Annuere se, si ea supremi Numinis voluntas fuerit, Vladislaum filium pacato suæque plenè restituto tranquillitati Imperio præficere.

*De Tem-
plis & fi-
de.*

De Templis ritûs Græci retinendis fidè-
que Orthodoxâ in pristino conservandâ.
splendore, de non immutandâ hætenus re-
ceptâ Sanctorum Apostolicorumque Viro-
rum doctrinâ, de non admittendis Romanis
aut Lutheranis Doctoribus, qui suam inve-
herent religionem, de reverentiâ in templis
servandâ; nempe, si quem Romanæ devo-
tioni addictum ea intrare contingeret, ut
ad modestiam potius omnem se compone-
ret, quæ Christianum deceret, non verò su-
perbis ac curiosis oculis hinc vel inde diva-
garetur, capiteque operto, aut importunè
sedendo, Divino officio quidpiam detrahe-
ret honoris ac venerationis. Responsum:
non derogare quidquam huic postulato Re-
gem, illud modò tantum addere: cum ho-
mines Romanam Catholicam fidem profes-
si, templo indigerent, qua de re Boryssii tem-
poribus consilium habitum fuisse constat;
nunc

*Rex postu-
lit, ut u-
num tem-
plum pro
Catholis
erigi pos-
set in urbe.*

nunc quoque agendum esse cum Patriarcha
ac universâ Synodo Ordinibûsque, ut pro
Catholicorum præsertim Polonorum ac
Lithvanorum pietate exercendâ, templum
ad minus unicum in urbe primariâ erigere-
tur, assignareturque locus eidem vicinus
ædibus sacerdotis, qui divina procuraret
officia. Quod si quispiam è Ruthenis tem-
plum Catholicum ingredi vellet, faceret id
pari timore ac reverentiâ, quam ipsimet à
Polonis Lithvanisque exigerent. Cogere
quempiam ad deserendam Græcæ religionis
professionem, alteramque sumendam, pro-
cul id esse à voluntate regia, ipsiusque Ma-
jestatis filio, fidem, utpote donum Dei, sua-
dendam potius, quàm violentis inducen-
dam modis, existimante.

Acquievere Legati facilitati regiae, &
præ gaudio erumpentibus manantibusque
lacrimis testabantur animorum candorem;
qui, etsi apud fallacem gentem suspectus
esse posset, tunc certè integer comparuit:
sive illum clementia regia, sive non aliud
tunc intestinis dissidiis malisque oportu-
nius.

*Legati
conquiesce-
re viden-
tur.*

*à Rege epulis exi-
pimur.* nius elicuisset remedium. Id verò præci-
puè visum in convivio regio, quod illis in
Castrensi bello magnificum instruxit: ubi
exhilaratis exquisitioribus epulis, singulis
pro dignitate cujusvis propinabat Rex, u-
nusquisque verò surgens accedebat ad men-
sam altius eminentem, èque manu regia
poculum sumens, Regi, Reginae, ac Prin-
cipi Vladislao incolumitatem faustaque
omnia, demisso in venerationem vultu cor-
porèque, precabatur.

*Isdem
primores
convivia
exhibent.* Regium exemplum secuti Proceres Sta-
nislai Zolkievius Supremus Copiarum
Dux, Leo Sapieha Magni Ducatus Lithva-
niæ Cancellarius, Felix Kriscius Regni Po-
loniæ ProCancellarius, certatim illos ad
convivia, mensæque opiparæ instructæ hila-
ritatem evocabant, gentisque genium aliàs
suâ rusticitate durior, politiori morum
temperie splendidoque apparatu mollio-
rem urbaniorèmq; reddebant. Et appa-
ruit profectò quantum in animis hominum
exerceat lenocinium, comitas, si præsertim
ad eam facilis benignaque condescendat
Ma-

Majestas. Certè obviâ illâ Regis comitate
Moschorum Legati emti manûs dedere, *Prioris
inde ad
Vladisla-
um, quem
ubique de-
predicant,
& in ipsa
urbe.* auxerèque famam, extollentes deprædican-
tisque Principem, cujus patrocinio se suâ-
que credidissent. Et quandoquidem sæ-
pius in urbe tumultuatum est, crediderim
ego id illos egisse, concitassèque immitten-
tes ibidem fidos factiososque, qui insusurra-
rent persuaderentq; populo, pacis interesse,
ad Regis clementissimi filium Vladislauum,
omnem quantocius deferri potestatem.
Jámque illius encomiis & privatim & pu-
blicè personabant omnia, fremente Suyfcio, *Suyfcio
fremente,
qui Galli-
cinum ti-
met, &
Scopinum
suum pa-
truelum,
celebrem
armorum
Ducem.* qui partim Gallicinum virum primarium
gratumque populo res novas molientem
timeret, partim diffideret Scopino, Suyfcio
patrueli suo, armorumque celebri Duci, quæ
hactenus summa cum gloria per universam
circumtulisset Moschoviam, formidandus-
que impostoris Demetrii exercitui fuisset,
cujus aut distraxerat, aut attriverat vires.
Maximè tamen Scopinum suspectum red-
didit magnificus splendidusque, triumphan-
tis adinstar, in urbem ingressus, cui adve-
nienti

*Ob populi in eum mi-
nium sa-
vorem,
quem in
Urbem
trium-
phantis
more ad-
venientem
agerrimè
fert.*

nienti processere obviam Nobiles, portif-
que omnis ætatis ac sexûs effusa multitudo
more patrio salem panemque obtulit, (qui
mos Principes salutandi aut certè dedendi
fese victori apud Ruthenos obtinet) gemit-
natifque vocibus Patrem Patriæ, asserto-
rem publicæ libertatis salutavit. Perculit ea
Scopini veneratio. Suyscium, cujus se ha-
beri viderique focium ægre tulit; interim
pressit dolorem, misitque qui venientem
invitarent, ut rectà ad palatium contende-
ret. Paruit ille, exceptusque à Suyscio ami-
co & ad hilaritatem composito vultu, mox
laudavit insignem ejus operam, quam sibi
patriæque suæ fortissimè impendisset, illud
se mirari, quod contra tam propinqui san-
guinis jura sacramentique præstiti obser-
vantiam, subditus tantum auderet, accepta-
retque deferentis sibi populi Imperium,
illudque tam ardentem concupisceret, & ea-
propter vitæ suæ insidiaretur. respondit
Scopinus: *Nunquam sibi venisse in mentem tam
præposteram immanemque adipiscendi Imperii ambi-
tionem, tibi verò Dux suadeo, non meâ sed communis*
publi-

*Mox ad se
vocat,*

*Et Regni
affectat
inimulit.*

*Respondet
Scopinus
libere.*

*publicique boni causâ, ut depositâ purpurâ ac diadema-
te privatus quiescas, quod Regis Poloniae sanguini
destinarent fata: cernis adversam tibi tuisque conati-
bus ubique fortunam, vides fessos calamitatibus popu-
los aliud spectare Sydus nostræ amicæ Monarchiæ,
animadvertis impediri armorum progressus, nihilque
certius quàm, te imperante, toti Moschoviæ ultimam
impendere ruinam.* Dissimulavit audacem
Scopini sermonem Suyscius, moxque re-
posuit verbis more suo subdolis: *Nec mihi
mea salus carior est boni publici curâ, miserum est illud
sceptum, quod trepida tenet manus, subit imperandi
nausea, ubi continuæ Regnum affligerent jactarentque
calamitates. Deponam hanc equidem libenter purpu-
ram, quam anxius meæque cervici impendentis gladii
vix securus gesto, sed pellendæ ejiciendæque sunt pri-
mum Polonorum è Moschovia copiæ, tum demum
libertatis vestræ erit, liberis Dominum adsciscere
suffragiis.* Et Scopinus brevi fraude Suyscii
clam veneno sublatu interit, populus ni-
hilominus haud quievit, passimque crebre-
scebant in urbe voces tumultuantium ci-
vium: relinqueret Suyscius Imperium,
permitteretque Vladislao Sigismundi Fi-
lio

*max su-
blatus ve-
neno; &
populus
haud mi-
nor in
Suyscium
insurgit.*

lio meliori omine felicioribûsque auspiciis administrandum.

*Tollere
vult, quo
strage-
mate.*

Et festinatione vota prævenire cupientes, ejusmodi Suyfcii aut interficiendi, aut captivi detinendi ineunt consilium. Erat Mosai-sci Divi Nicolai Mirhensis Præfulis simulachrum, accurrentium totius Russiæ veneratione famâque inclitum, humanam non excedens staturam, solido conflatum auro, gemmîsque majoris pretii conspicuum: illud suadent quantocius in urbem referre, utpote rapinæ militari expositum, quam & dives metallum, & tot appensa donaria accenderent. Assentitur Suyfcius, missique homines qui adveherent, iis verò unius horæ spatio ab urbe distantibus, orant iterum, ut Dux cum Primoribus Senatûque supplex ad implorandas Patriæ Tutelarîs preces placandûmque Numen, obviam procederet, comitareturque Divi effigiem in urbe deponendam. Paruisset jam Suyfcius, sed monitus ne pedem efferret, aliàs, in regressu aut portas claudendas, seque vinctum detinendum, aut certè cadendum sibi esse, sciret: desti-

destitit à proposito, doloque cognito, ejus instructores consciosque partim crudelissimæ addixit morti, partim bonis ac fortunis exuit.

Atque hic quidem in urbe animorum habitus fuit, nec dubitatum apud Provincias, quarum pleræque Vladislai adorabant Nomen, facilisque in obsequium transibant. Et præsentibus Moschorum Legatis venerant per hos dies in castra Proceres sexdecim, qui Civitatem Rzovam Vlodzimi-riensem, amplissimûmque territorium Regi dederent, ipsi verò se suâque omnia ejusdem permitterent potestati. Principes dentium fuere Dux Leoncius Jackovius, & Gabriel Chripunus, arcis totiûsque ditionis Præfecti, quos usitato vocabulo Palatinos vocant, in quibus Regi conciliandis laudem tulit Alexander Gosievius Præfectus Velisiensis, tractandi cum Moschis vetus gnarusque, multaque felicissimè ausus.

*Vladislai
nomen ubique
Moschi
adorant.*

*Alii sese
dederunt ultro.*

Recepit suetâ humanitate dedititios Rex, & quos petebant pristinos Rzovii ac Zubcoviæ Magistratûs, eos Jackovio fratri-

*Quos Rex
recipit.*

que ipsius retinendos administrandósque clementer indulgit, fidem quam attulerant, eo beneficio & comprobare, & laudare visus.

*Smolenscs
præsidarii
nimium
contuma-
ces.*

*petunt col-
loquium
cum Lega-
tis.*

*Destinat
Solticus
tres à suo
comitatu.*

Dum ita raptata suisque cladibus immer-
sæ Moschoviæ benignitatis regiæ faventior
adspirat aura, victique comitate animi ad
debitum sese ultrò prosternunt obsequium,
sola Smolenscum arx pertinaciâ fortis, &
suo rigore effera, invitantis Regis sprevit
clementiam, superbéque rejecit. Resci-
verant in urbe præsidarii, adesse in castris
Regiis Legatos viros primarios, nec po-
stremæ apud suos auctoritatis, velléque
se cum iis nonnulla conferre nuntiarunt.
Destinavit futuro colloquio Solticus tres,
loco intra munitiones Joannis Veiheri de-
lecto. Veniunt ab utrinque, sed quod non
comparèrent sui concives Smolenscen-
ses, quos in tam splendido Legatorum
comitatu adesse pro comperto habebant,
petière, ut illis quoque veniendi daretur
facultas, quippe majori cum iis candore
fidéque acturos. Mox adsunt duo, Con-
stan-

stantinus Holovaceus, & Athanasius Filo-
sophovus, sed hunc Athanasium profiliens *Unus
Smolen-
scum an-
fugit.*
ex arce uxor adventantis conscia mariti, ad
perfidiam compulit; quippe Veiheri mu-
nitiones prætergressus, rectâ citato gradu
inter explodentium militum fragorem,
Smolenscum petiit, ac in arcem se recepit:
Moschis rei novitate attonitis, nostris verò
dubitantibus, an armis fugitivum sisterent,
cùm nec perfidiæ manifestus esset, & vim
Legato inferre vererentur. Smolenscensi-
bus interim juratam interponentibus fidem, *Smolen-
scenses de-
sistendo
carent, non
tamen
comparet.*
eum sequenti rediturum die. Sed non
comparuit, solitâ præsidiariorum perfidiâ
hominem, ut ferebatur, invitum detinen-
te: quam, dum nostri objicerent, negavere,
se ipsius promississe reditum, neque posse ab
uxore, fratre, liberis, concivibusque suis avel-
lere, denique suum se recepisse retinuisse-
que hominem, qui Smolensco ad urbem
cum literis missus, in hostiles Demetriani
exercitus manus incidisset: Et cùm post
multos sermones Moschi deditioem arcis
suaderent, inculcaréntque, non aliter duo-
rum

*Suadent
interca
Moschi
Smolen-
scensibus
deditio-
nem.*

rum ambientium nefariam ac Moschoviæ tristem luctuosamque de Imperio contentionem finiri posse, quàm electo Vladislao Principe Sigismundi Regis filio, quem jam omnes expeterent Ordines, ipsique suâ Legatione postulassent, optimisque conditionibus detulissent regimen; accederent ii quoque & experirentur clementiam regiam, idem olim sensisse Archiepiscopum Smolensci & Borissium Seinium Palatinum, de eligendo Principe in Magnum Ducem Moschoviæ, constarent nunc sibi, memorisque suæ sententiæ votis se omnium accomodarent. Longo sermone Legatorum Smolenscenses avidè attentèque excepto, stupido arrogantique responso solvunt colloquium: *Sat verborum*, inquiunt, *hac vice, nox ingruit, abite ac in stationes vestras vos recipite.* Nec in posterum de arce dedendâ mentionem fecerunt, servati tantisper, ut casu graviore ruerent, suæque pertinaciæ poenas darent.

Sed ut ad Legatos Moschorum redeam, ii ex animi sententia rebus confectis Regi vale-

*Responsum
& stupide
solvunt
colloqui-*

valedixerant, reditumque apparabant. Verùm subsistendi necessitatem imposuit illis communis societatis vinculum, cujus à Legatis exercitus Demetriani admoniti, ne se defererent, insimulque redirent, obtemperarunt facilè, cum nec responsum regium in mora fuisset. Intenderant illi immodicè sua postulata, de quibus nullatenus cum Legatis agi poterat, limitatam præscriptamque ab exercitu obtendentibus potestatem, à quo nullum sufficiens legitimumque mandatum ad definienda, si quæ occurrerent dubia, acceperant: atque ea, duodecim distincta capitibus, Regi porrexerant. Et primis quidem cavebant Magnæ Ducissæ ejusque marito Demetrio, Moschis Proceribus, ac Reipub. Polonæ: illi, ut Rex Imperii potitus arces dominiæque ratione dotis assignata tranquillè possidenda; huic, aliquem Ducatum qui ex ejus dignitate foret, è præcipuis videlicet Moschoviæ, tenendum concederet: Moschis verò quæcunque demissè peterent, benignus facilisque annueret, tanti verò Imperii, si fatis ita visum foret, non

Legati reditum parant, retinentur à Legatis exercitus Demetriani.

Qui immodicè sua postulata intendunt.

Marino & Demetrio cavent.

*Respondet
Rex ad
hoc postu-
latum.*

non sibi suisque, sed universæ Reipub. Polonæ, accessionem faceret. Initurum se rationem respondit Rex, præsertim quod ad dotem Marinæ spectaret, acturumque serio, ubi commodum advenisset tempus, cum ea gente de Imperio rebusque ad illud pertinentibus transigendi, contineret se interim, nec modestiæ excederet limites, nihilque in perniciem Regis ac Reipub. moliretur. Demetrio etsi nulla fides esset, neque eam mereretur gratiam, solius exercitus causâ, cujus per hoc famæ consultum vellet, prospecturum se, prout status & dignitas ipsius personæ exposceret, pacatè tantummodo viveret, turbis se ne immisceret, neque eas concitaret, Regi & suam, & suæ gentis accommodaret voluntatem. Moschorum postulata relinquerent regiæ clementiæ, qui ipsorum fidem animosque pronos de meliori nota commendatos haberet. Bonum publicum totiûsque cui præesset Regni commoda, unicè sibi cordi esse, iisque belli in Moschoviam illati causas rationesque inniti.

Ita

Ita ad prima responsum capita: Duriora ^{Stipendiorum, donativorum certitudinem habere volunt.} mox gravioraque, quæ sequuntur, proposuere. Approbaret Rex literas patentes ad delectus habendos à Demetrio datas, nihilque imminueret de stipendiis donativisque (post obtentas victorias navatamque in bellis egregiè operam) ab eodem promissis concessisque: quorum certiores faceret in ærario gazaque Moschoviæ, adjiceret insuper Imperii vectigalia publicosque omnes proventus, sive armis, sive pace, sive quocunque obtinendos modo. Cum verò dubii bellorum eventus essent incertaque Martis alea, si quid sinistri interea accideret patereturque exercitus, & præmiorum & æris militaris jacturam, ad minimum duorum trimestrium compensaret stipendio; cujus securos redderet in bonis ^{Idque in bonis Regis} Præfecturisque regiis, (Oeconomias vulgò vocant) efficereturque apud Ordines Poloniae, ut lege in Comitibus latâ, firmum ratumque id haberent. Ad hæc ita breviter dictum.

Non mediocrem parere admirationem Regi ea, quæ jam proponerent petita, oblitos videlicet natalis soli legum, per quas non

Bb

lice-

*Denegat
Rex, nec
ullatenus
per leges
bona sua
obligari
posse dicit.*

liceret Regibus absque omnium Ordinum consensu bona proventusque suos ullis conditionibus onerare. Nec Senatum consentire posse, multò minùs scripto cavere, quem jurata fides stringeret: & quâ ratione tandem id oneris Reipub. imposerent, debito præsertim contracto in extero solo, apud hominem externum, nullo Reipub. commodo, inque causa dubia, cujus æquitas in incerto foret. Nolle itaque Regem, nolle Senatum in patrias peccare leges, quibus ille patrocinium tutelamque deberet, horum verò muneris esset, providere salvas fartasque esse. Proponi id quidem deliberationi Ordinum posse, à quorum id unanimi penderet suffragio, se verò non refragaturum concordì omnium voluntati.

*Premia,
stipendia se
exsolutu-
rum polli-
cetur, sub-
actò Im-
perio Mo-
schovitsco.*

Jam verò præmia & stipendia nihil dignius justiusque, quàm reddi exercitui optimè merito bellicæque gloriâ illustri, nec esse alienum Regem, annueréque, ut omnia æra militaria probè deductis calculis à primis belli exordiis, suo ordine procederent, quoadusque propitia fata Imperium Moscho-

schoviticum sive consilio sive armis potestati Regiæ tradiderint: atq; tunc tranquillo admotum regimini, certumque ac securum Imperii possessorem, è proventibus, gazâ, ac vectigalibus universæ Moschoviæ ea se persoluturum, quæ deberentur stipendia; provideret interim exercitus, & ita suas institueret rationes, ne summa, quam exposcerent, totius Moschoviæ censum superaret. Quodsi verò ad præfixum tempus, decimâ videlicet ab obtento Imperio hebdomade, sua non reciperent stipendia, securitatem exigendorum ex formula pactorum iis præberet Severia Rezanensisque ditio, ambæ à milite possidendæ, quarum agri uberes ac suâ fertilitate nobiles sufficerent.

Ultimò tandem proposuere Regi petieréque; videlicet, trimestre stipendium ad reparandam armorum, equorum, castrensisque supellectilis jacturam, refectos eâ liberalitate Principis promptiores fortioresque ad promovendos ejus conatus futuros. Deinde quæ in posterum facerent stipendia, quorum initium esset à die Natali Christi Ser-

*Ad extre-
mum pe-
cuniæ tri-
mestris sti-
pendium,
& non-
nulla ad-
huc postu-
lata inse-
rentur.*

vatoris nostri sacro; proximò, non minora censerentur iis, quàm quæ exercitus regius acciperet: commilitones suos mutilos & à vulneribus invalidos, munificentia recrearet, refunderet sumtùs, quos Ordinum Ductores ad delectùs habendos ducendùmque in Moschoviam militem, è propriis erogassent facultatibus. In jus, si quis tempore belli vocatus, non comparuisset, causaque cecidisset, aut intèrea, quamdiu Martia sequerentur signa, vocandus esset, ei beneficio regio prorogaretur dies, rescriptumque daretur temporaneæ libertatis. Ad extremum iis Ducibus, Tribunis, ac Centurionibus, prout suo quisque est adscriptus Ordini, parerent, salvâ supremi Copiarum Ducis auctoritate, cuius honori nihil se derogare velle, profiterentur.

Et postulata tale à Rege tulere responsum: Munificentiam ac liberalitatem maximè Regibus competere, nisi illam quandòque tenues ærarii sisterent prohiberentque census, quod jam exhaustum tantis impensis quis non adverteret? ac proinde trimestre stipen-

stipendium non posse exercitui numerari, certam ei nihilominus summam donativi Certam summam donativi nomine Rex pollicetur. nomine offerre Regem pro sua clementia, partim ære, partim diversis exsolvendam mercibus, iis præsertim, quæ exhausti militis inopiæ succurrerent. Experturos quoque illos beneficentiam regiam, quos Ad reliqua postulata respondet. iniqua fors belli durius tractasset, & ad miserandam perduxisset invaletudinem. Tribunos Centurionésque è privato peculio expensam summam recepturos ex stipendiis integerrimè & ad amissim sibi persolvendis. Rescripta regia ad remorandos juris progressus, sumeret quisque veteri usitatoque Cancellariæ more. Disciplinam exercitus sub eorundem Ducum, Tribunorum, ac Centurionum imperio retineri permaneréque, id verò etiam optare Regem: ad extremum hortari, præciderent tandem aliquando importunas ambages, cogitaréntque agere se non cum homine ignoto extérnoque, Hortatur ne secum ita agerent scrupulosè & temerariè. cuius pollicitationibus hucusque elusi, servilis patientiæ dedissent documentum, Regem ac Dominum esse, qui & præteri-

teritis mederi incommodis, & gloriam nomini Polono ac Reipub. emolumenta afferere decrevisset: nihilque sibi reliquum fecisset, præter felicem Imperii sui rerumque gestarum recordationem aliquando apud seram posteritatem non ingratham. Pollebatur quoque Rex iturum ad illos Palatinum Braclaviensem, munitum plenæ facultatis mandato, statuendi decernendique, si quæ tractanda negotia occurrerent, modò illa ad æquitatis normam attemperarent. In eum modum expedita Moschorum ac exercitus Demetriani Legatione, abière è castris legati, ea quæ cum Rege constituerent, iis, quorum intererat, relaturi.

Quis tandem exitus fuerit illius Demetriani militis brevis narrantur. Sed me jam urget necessitas non interrumpere comprehendendi narrandique consilia exercitus illius, quæ secuta sunt, & quemadmodum corpus illud bellicosi militis validum firmumque, ac in totius Moschoviæ terrorem compactum, dissolutis veluti artubus, divisisque per tumultum militibus, in partesque sectum, labefactatis conciderit viribus.

Et

Et gliscebant indies hinc atque inde suspensiones militum, quasi à partibus abducti & stipendiis, & donativis, præmiisque artificioso Legatorum Regionum commento spoliarentur, promissisque tantum alerentur, quæ vel opportuna occasio, vel feliciter confectum eluderet bellum. Hinc absentem jam Stadnicium Castellatum Præmissiensem, & Ludovicum Veiherum diris devovebant, pessimam quæ secum agerent fidem, exprobrantes: jamque invisis nominibus (prout insolentis militis jubebat furor) ignominiosos appingebant titulos, execrantes freudentesque ad Legationis Regiæ mentionem. Ac Duces quidem & Primores sui constantes propositi, tenacissimè Regi adherabant, militum longè plures, turbulentiora magis quàm honesta spectabant. Quippe is constabat exercitus pleræque incondita multitudo, bellis civilibus assuetâ, quæ dulcedine prædarum illectâ, quam sibi certo ex hoste destinabat, proindeque inquires, belli Moschovitici occasione arreptâ, ad ficti Demetrii famam exteræ militiæ nomen dederat,

à Demetrio se abductos queruntur.

Duces ac Primores constantissimè Regi adherent.

Sola fex militum tumultuatur.

à Deme-
trio largis
promissis
excitata.

rat, & quidquid maximè turbidum in Polonia seditiosumque fuit, eò concesserat, totâ Republicâ, veluti ab exhausta sentina, jam felicius respirante. Tantòque ad tumultum proniores erant, cum stipendia ampla, pollicitationes Demetrii, ingentes totius Moschoviæ opes animum subirent, quas promptius à Demetrio obtenturos se sperarent, cum quo & contumeliis nonnunquam agere absque ullo respectu Principis didicissent; proindèque ab illo facilius extorsuri: hinc verò Regia Majestas oculos perstringeret, armatâque terrorem incuteret, tantam haud passura insolentiam. Nec Demetrius quiescebat spargendo in exercitu seditionum semina, quæ literis includebat blando verborum lenocinio refertis. Compellabat illos commilitones, quorum robur, constantiam, res fortissimè gestas, mirificè extollebat, spectatam implorabat fidem, cui afflictas spes suas credidisset. Jam supplex ac squalidus ne se desererent orabat, illorum virtuti acceptum laturus Imperium, cujus asserendi causâ sanguinem fu-

Et per liti-
ras, opum
ingentes
spes facien-
tes.

fudissent, magna cum facultatum suarum jactura. Ostendebat deinde Imperii opes, ampla laborum æumnarumque præmia, ingentia offerebat donativa, moxque adfuturam, si durarent, promittebat mercedem. Esse adhuc integras Provincias quæ se agnoscerent sequerenturque, servarent & illi juratam fidem, ad eam se tanquam ad tutissimum recipere asylum, in quo plurimum virium præsidiique reponeret, illam se denique per omnia sacra iteratis vicibus implorare.

Sed ea quæ à Demetrio mittebantur, etsi lecta auditâque, incitabant militem novus motus cupidum; validiora tamen erant à Marinæ in castris degentis præsentia illecebrisque, quæ blandis fufurris, velut mollioribus Zephyris, militares permulcebat aures, qui ab inquieti animi excepti milite, mutabantur in asperum horridumque Boream impetu suo Castra agitantem rapientemque. Quippe fæmina ingens animi, manipulos intervifere, signa adire, largitiones polliceri, orare, notos fidôsque per contu-

Acrius
Marina
commovet.

Variis ar-
tibus etiam
ultra sex-
um.

bernia immittere assueverat, didicerátque iis artibus, quæ verecundiæ quandóque vim inferrent, militum animos pellicere, ad retinendos in fide Demetrio datâ, & quæ ad avocandos à Regiis partibus plurimum haberent efficaciam.

*Dunenſes
Kozaci
primū
ſeditionem
erumpunt.*

Ac primū Dunenſium Coſacorum ipſius inſtinctu impulſuque erupit ſeditio, qui ſpretâ Ducum auctoritate contemptoque imperio, ſervatis ordinibus, explicatis ſignis, pleno die, univerſo inſpectante exercitu, è Caſtris exceſſere, Calugam ad Demetrium contendentes, fruſtra ipſorum Tribuno Zarucio reclamante ac per vim retinente. Cui jam impar, advocat Rozyinium copiarum Ducem, is tantæ impatiens inſolentiæ, raptâ propere inſtructâque ſuorum legione profugos aggreſſus, ad ſatietatem cæcidit, duobus millibus interfectis, reliquis verò ad caſtra compulſis, cæteris iis que paucis, quos fuga ſervaverat, ad Demetrium elapſis.

*Ceduntur
a Rozyinio.*

*Marina è
caſtris ſu-
git.*

Interim Marina facti conſcia, ſátque motuum ſe concitaſſe rata, qui difficulter con-

conquieſcerent, penéque ſecura, non deſerendam à plurimis militum. Demetrii ſui fortunam, nocte intempeſtâ clâm è caſtris exceſſit cum duabus fugæ comitibus ancillis, ſexu diſſimulato, virumque habitu, arcu, pharetrâ mentita, celerrimis equis Calugam properavit: relictis in cubiculi menſa literis, quæ feſtinati abituſ exercitui rationem redderent. Et ſiquidem ſtylus index eſſet animi, ac præcipuus veteris ævi Philoſophiæque pater inſpecturus adoleſcentem viſurûſque, loqui primū juiſſet, non abs re exiſtimo literas Marinæ Latino fideliter donatas ſermone proferre, imaginem generoſi ingenii & ultra muliebrem audentis ſexum, exprimentes.

*Litteras ſe-
dicioſas re-
liquit in
caſtris.*

Naturæ inſtinctu mutæ animantes brutâque rationis expertia infeſtos declinare conſueverunt iſtûs, neque ullam adeò negligentem ſui reperiri feram, quæ adverſos non fugiat reformidétque caſûs: & cur id homini vitio vertendum foret? quem Deus ſupra bel-luas præſtantiori extuliffet jure, ac intellectu veluti quadam divinitatis ſuæ portione condecoraſſet, ejus ſibi plenè tutelâ cuſtodiâque reſervatâ. Et proſectò

*Quales
illa.*

Regum ac Principum Divinam Majestatem singularem gerere curam, quotidiana docet experientia, quæ unâ cum tam sublimi quam in terris esse voluit, cuiusque ipse promus ac condus esset regnantium prærogativâ, partem quoque illis cœlestis infuderit consilii, meliora tutiorâque suggereret, futurorum admoneret, ac in omnes casus præsidia subministraret, cordâque suâ Divinâ præpotentique manu flecteret regerétque. Cui ego omnia accepta referens, quemadmodum me rerumque mearum summam, supplex ipsi permisi; ita ejus patrocínio confido, certâque sum, me ipsius beneficio à contumeliis procacis linguæ criminationibusque vindicandam, quas hominum effrænis licentia suæque negligens famæ ac honoris, protervè objiceret. Neque in me ipsam crudelitate peccare volo, negligereque ea ac dubiæ permittere fortunæ, quæ cuiusvis probo intimè curanda sunt, nec infra brutorum infelicem sortem detrudi cupio. idque non tantum fæminei sexûs genius meticulosus, sed ratio mihi ipsa dictat, ut rebus meis prospiciam, & eas declinem contumelias, quæ mihi ab illis imminerent, quibus defensio nominis honorisque meum esset concredita. Impetitum honorem, læsam famam, oppugnatam dignitatem, quam soli debeo supremo Numini, plenum dolore ingenti-

que

que maestitiâ cor vix patitur. Intercessere cum perditissimis quibusque nescio quæ negotia, inter commensationes & temulenta convivia, quot scyphi, tot intentata opprobria, & ab iis quidem, quibus vitam, nomen, honorem, meique status integritatem commiseram. Horrebat animus inque continuo versabatur metu, cum non tantum dignitas mea periclitaretur, quam se erepturos summo cum dedecore ac ignominiâ minabantur, sed & cum vita peteretur, in quam à nonnullis factæ essent conspirationes, dum clam abreptam, alieno subdere Imperio, velut captivam, destinaissent. Quamobrem quemadmodum pati non potui, ut inter eorum manus, qui sanguinem appetebant meum, ludibrio velut exposita versarer: ita nunc avertet hoc facinus Deus, ne quispiam me resque meas velut in mercatum adducens, de privatis suis commoditatibus lucroque licitationem exercere possit: aut certè gratiam alterius cum meæ dignitatis jacturâ aucupari, per summam perfidiam, quæ suaderet incitarétque me prodere, eorumque reddere manibus, quibus nihil juris non modò in meam personam, sed neque in hoc competeret Imperium: Aderit ultor perfidiæ perjurique Deus, mihi verò protector tutorque supremus, cui absente patre, matre, propinquis orbata, amicorum comparente nullo, defen-

fore

Ruzyni-
um carpit.

Regem
perstrin-
gu.

fore vacua penitusque derelicta, dolorem mœrorumque meum committo: sequor adactâ necessitate maritum, & ad illum me recipio, cui sacramento obstrictam fidem debeo, nominisque mei integritati consultum esse cupio, ac post tot turbas motusque pacatè in arce mea respirare, justi ac supremi Iudicis innocentiae meae præstolatura decretum. Quem iteratò testor, quod, quemadmodum famæ, dignitatis, ac jurium meorum integritatem plenè retineo, cum sim Domina Populorum, Moschoviæ Imperatrix; Nobilis Polona, externam potestatem nullatenus agnoscam, ita prospectura bonum ac commodum eorum militum, qui virtutis, gloriæ amantes, sacramentique sui sunt memores, DISCEDO.

Literale-
sta à mili-
te sumul-
tum ingen-
tem exci-
tant.

A discessu Marinæ iterum miles in rabiem prolapsus est, & magni ac implacabilis motus dedit initium: primò festinatus ipsius abitus, deinde literæ scriptæ non sine occultâ in Regem insectatione, & contra Duces, Tribunos, ac præcipuos in exercitu querela, quam fœmina in luctum suique commiserationem composuerat; cæterum sub specie doloris verborumque tristi involucro, vindictam, motus, ac seditiones texerat,

rat, graves mox accendit offensiones, quæ subito ita exarserunt, ut eas nec Tribuni, nec ipse armorum Dux Rozynius extinguere posse arbitraretur: plûsque adferebant incentivi, contumeliæ, probræque Ducibus cumulata: ac, ut in talibus discordiis singulorum audacia valet, ab illis sæviendi sumunt principium, nec tantum minas intentant, sed strictis gladiis invadunt Rozynium, palam vociferantes. Itane, Rozyni, tuo fastu ac temulentia pulsum Demetrium sequitur exul conjunx pari extrusa arrogantia; ubi Principes? & cujus jam sequemur auspicia? ubi jurata fides? cur stipendia nostra præmiaque emerita proditum is? desertorem te jam non Ducem compellamus nostrum infamis transsfuga? & Regionum vanis deluse emteque promissis. Redde exactos Principes perfide? & cui vis exercitum objicere lanienæ, ipse eandem mox subiturus es. Hæc dissonis ingeminantes vocibus reprimere contraque niti volente Rozynius, admota vis, explosisque in illum fistulis ferreis, non procul a pernicië erat, nisi se cauto subduxisset consilio vir aliàs fortis audaxque, non alio occurrente tunc subsidio, quàm cedere,

Rozynius
strictis
gladiis ap-
petitur, &
vocibus
contume-
liosus.

Declinat
inopertum
furenti-
um.

ve-

velâque submittere tantisper, agglomeratis furiosæ tempestatis fluctibus.

At quis Neptunus illos tam felici sedasset tridente? continuo itaque æstu seu fessi, & in quem sævirent non comparente, sive nonnullis Centurionibus omni suspicione apud exercitum vacuis ideoque gratioribus anitentibus, subsedere ad tempus, non tamen planè integræque redditâ malaciâ. Aliquantum quievissè videbantur, exspectabantque subsidium illud & donativû, quod sibi Rex in responso Legatis dato promississet. Quod, etsi non satisfecisset turbidis plurâq; poscentibus, ideo maiorem summam aut seditiosis conatibus extorquere volebant, minisque, aut certè ad suum iterum Demetrium redire parabant, & pristino adhærere fœderi.

*Refedit a-
l quantum
tumultus.*

*Quem Re-
gi nunciat
Komorovius.*

Edocebatur quotidie Rex nec ignorabat in quem exarsissent tumultum milites Demetriani, accurrerat namque è castris Komorovius, nuncians permultos iterum suum spectare Demetrium, misissèque ad eundem Legatos significantes, nolle se illi deesse, si stipendia parato ære quamprimum per-

persolveret, affirmabátque certò Mlocius, habere Demetrium Octuaginta millia communium florenorum prompta, nec difficulter maiorem conquiriturum summam, proinde verendum esse, ne iterum exercitum in suas pertraheret partes, Regémque magnis, quæ inde impenderent, implicaret difficultatibus. Idem asserebat Obalcovius, in super addens: Fremere exercitum indignarique nullam sibi à Rege pecuniam mitti, quam nisi Palatinus Braclaviensis, qui propediem venturus sperabatur, adferret, non est quod huc veniret, quippe vi ab ingressu castrorum excludendus, si verò contrà tenderet, prælio etiam armisque excipiendus.

*Et Obalco-
vius.*

Potocius.

Admonuere quoque Regem literæ Joannis Sapiehæ dissidiorum secessionumque in illo exercitu, ubi non aliæ audirentur voces quàm pecuniam flagitantium, aliàs difficulter contineri posse in officio copias, irritosque futuros & Regis conatûs, & Regionum Legatorum sollicitè impensam operam.

*Et Joannes
Sapieha
per literas.*

Verùm sueta Regis cunctatio, illorumque,

Dd

Rex ob-
viam u se-
ditioni
cunctan-
ter.

Quæ cen-
tum milli-
um sum-
mâ cele-
ritus missa
sopiri po-
tisset.

Nec sub-
sidia pro-
missa ex-
pectata.

que, quibus plurimum fideret consilia, im-
maturam malis adferebant medicinam. Et
postulata quidem militum in immensum
excreverant, quibus nec suâ dignitate nec
Reipublicæ salvâ Rex annuere posset, tan-
tæque satisfacere insolentiæ, quæ propo-
suisset conditiones immodicas: nihilomi-
nus constat potuisse quantâcunque liberali-
tate conciliari animos, illâque ipsa summa
centum millium celerius missa, quæ exigua
licet exercitui videretur, tamen vel solo
fulgore æris prompti paratque perstrinxis-
set militum oculos, stitissetque furentes,
expectaturos non dubiam Regis mayo-
rémque munificentiam, cuius jam fidem
fecisset tam promptè numeratum donati-
vum. An sequiora consilia, an tenuitas
ærarîi in causâ fuerit, haud mihi promptum
est asserere, celeritatem in exsequendis ne-
gotiis, et præcipuè ad insolentem lenien-
dum militem promptitudinem defuisse, pro
comperto habeo. Nam interim & auxilia
nulla comparebant, copiæque ad suppetias
ferendas promissæ, proindèque Scopinus
Suy-

Suyfcius numerofo auctus exercitu edo-
ctus, Demetrianorum vires & fugâ Impo-
storis quasi semotis auspiciis, & internâ se-
ditione labefactatas, fortunam experiri sta-
tuerat, fidebátque armorum suorum robo-
ri, quod si intulisset, certam sibi pollicebatur
victoriam, cuius jam præclara haberet initia,
restituto suæ libertati Coenobio Trinitatis,
coactoque diuturnam solvere obsidionem
Sapiehâ, cui pabulandi rei que cibariæ &
annonæ prospiciendæ facultatem è vicinis
ademerat agris, atque obsidentem ipse gra-
viùs obsidebat. Nec Scopino quispiam
tunc rei militaris peritior habebatur, quip-
pe cautus consilio providusque, castra opti-
mè firmare munitionibus palisque præ-
acutis noverat, quos bis mille eum in usum
curribus vehere solitus erat: manu impiger
disciplinæque militaris tenacissimus, sui que
septentrionis frigora in societatem pugnae,
cùm opus esset, advocans. Et recedentem
Sapieham hærentemque Demetroviæ, ag-
gredi constituerat, tredecim Moschorum,
duobus Germanorum millibus armatus,

Imminen-
te interim
Scopino,
qui Sapie-
ham solve-
re obsidio-
nem Coeno-
bis Trinita-
tis fecerat.

6 Millia-
ribus à
Coenobio
Trinitatis
fecerat.

*Habent in
suo exer-
citu pedes
soleatos.*

*Solearum
apud Mo-
schos hie-
re usus.*

*Simile
quid Hol-
landi ha-
bent.*

pedites soleatos secum trahens, qui expedi-
ti per nivis frigore constrictæ superficiem
ac in duriorē congelatæ crustam celerri-
mè pervolarent, tela jacerent tantò certius,
quantò agiliùs, præsertim cum Polonis
graviori armaturâ equisque impeditis, non
sine magno incommodo inter altissimas
Moschoviæ nives in locis iniquissimis
colluctandum foret. Usitatum id Moschis
conficere soleas ligneas, tenues, longas
pedes quinque, latas unum, antrorsum re-
curvas, quas calceis adaptant, ut non mo-
dò per glaciem, sed per summas nives sum-
mâ ac incredibili pernecitate in omnes par-
tes expedito flexu decurrant, feras infe-
ctentur occidantque, & miræ velocitatis
edant specimina. Sed hæc terriculamenta
non adeò affecerant Sapieham, virum bel-
li scientem artisque militaris præclarum,
qui aliquoties gravem Scopino cladem
intulerat, vincique posse docuerat, ubi uni-
ta virtus & consentientium Tribunorum
animi conspirassent. Et quia aberat com-
mune vinculum concordia, ideo major
in

in exercitu Demetriano metus, scripse-
râtque ad Regem Rozynius, auxiliares im-
plorans legiones, & Solticus cum Mo-
schis Proceribus apud Stanislaum Zolkie-
vium armorum Ducem eas flagrantissimè
urgebat.

Designaverat Rex Joannem Potocium
Palatinum Braclaviensem qui subsidiarias
legiones contra Scopinum duceret, qui-
bus addiderat Rozynium cum suis equi-
tum Germanorum turmis: & opportunè
quidem decretum auxilium corruptit mora
Potocii varia effugia protrahendique cau-
sas neccentis. Namque primùm incusata lo-
ci distantia unde sibi currus & equi itineri
faciendo necessarij adducerentur, ante
quatuordecim dies se non posse proficisci
affirmabat: deinde, se equidem è vestigio
iturum respondit, haberet tantummodo
sub signis justum militum numerum, ferret
pecuniam Demetrianis promissam quanto-
cius numerandam, sine qua se nolle se impe-
tui seditiosorum objicere, cum præsertim
vacuas nudasque manûs armatis dexteris se

*Rex Joan-
nem Poto-
cium ad
ferendas
suppetias
designat.*

*Cunctatur
ille, varias
mora ne-
cens cau-
sas, primò
speciosas.*

salutatuos minitarentur. Ad extremum pressus mandato Regio, iussusque maturare iter; ni faceret, videret quale suæ Majestatis rebus detrimentum & exercitui extremum impenderet discrimen. Annuit octo dierum interposito intervallo, intra quod impedimenta & copias expediret, ipse postmodum secuturus.

Ita ille cunctando perdidit rem: & dum tam diu abitum parat, nusquam castris egres-
sus est, maximâ bonorum consiliorum ja-
cturâ, quibus & Regii conatus promoveri,
& exercitus ferocia leniri potuisset. Sed
altiora Potitium spectasse comperio: quip-
pe vir apud Regem primariæ auctoritatis
timebat illi quidpiam per absentiam detra-
hi, quam æmulorum, ut ipse interpreta-
batur, malevolentia carpendo imminue-
re potuisset. Videbat Regem in totâ illâ
Smolensci obsidione suis inniti consiliis,
penéque belli summam ad se detulisse, ima-
ginarium titulum Ducis copiarum retinen-
te Zolkievio: ideo nihil antiquius habuit,
ne se absente ad alium quempiam negotio-
rum

*Sed alias,
ne absen-
tem æmuli
carpendo è
gradu Re-
gia gratia
deicerent.*

rum arbitrium atque ipsa potentia transfer-
retur. Reputabat quoque se militis sedi-
tiosi exponi turbis, ad quas componendas
si nihil attulisset remedii, periclitaturam
subitò suam existimationem, quam inte-
gram hucusque servaret, carpendique ipsius
gesta æmulis non defuturum amplissimum
campum. Neque verò militem conquiesce-
re posse, ubi non comparerent æra, hæc
tantum offa latrantes Cerberos egregiè mi-
tigari, eloquentiam, dexteritatem nihil pro-
desse irritatis inopiâ egestatèque, quæ sur-
das haberet aures, manûs verò oculatas.
Jam verò qui resisteret Scopini potentia du-
biis militum animis nec inter se cohærenti-
bus, ipsiusque detrectaturis Imperium,
cùm suis tantum Ducibus parere nossent,
cæterum illum tantum ut auxiliarem, non
ut Imperatorem ipsorum signis accessurum.

Atque ita dum Potocius suæ apud Re-
gem potentia studiosus cunctatur, ac Zol-
kievium iis objicere turbis, quæ de illius fa-
mâ auctoritatèque detraherent, cogitat, &
Rex promissum differt donativum, frustra

*Existima-
tionem.*

*Ob dili-
tum dona-
tivum &
subsidi-
um
miles ef-
ferre.*

in-

in dies milite præstolante munificentiam Regiam, iterum seditio malè pressa erupit. Circumventos se à Legatis Regiis clamitantes, qui vanâ stipendiorum pollicitatione elusos aliò impulissent, in easque ambages ac rerum suarum incertitudinem coniecissent: non esse aliud medium reparandi dedecoris accepti, vindicandæque injuriæ, quàm si eorum possessiones in prædam acciperent, qui ejus consilii Regi auctores existissent. Et jam designabant bona fortunâque Zbarascii Præfecti Cremenecensis, Mareschalci Lithvaniæ, & Cancellarii: interea nec Regis parcebant nomini, qui vitam & sanguinem largè sibi devotum nec unius trimestris numerato stipendio gratus facilisque rependere vellet. Jàmque in illo exercitu omnia turbida, nec ad obedientiam miles compositus vigilias obibat, Tribunorum jussu aspernatus stationes deserebat, cuncta denique impetu agebat, à tergo verò impendebat ferox potensque Scopinus, in omnesque rei gerendæ occasiones intentus. Quocirca & metu adventantis hostis

Doro-
stai-
scii &
Sapiehæ.

Du-
sto-
rum impe-
ria asper-
natur.

hostis cui jam impares essent, & solutæ disciplinæ militaris insolentiâ adacti, præmissis impedimentis vasisque conclamatis castra incendunt, fidèque sibi mutuo datâ servatis ordinibus Osipoviam, quò tormenta avexerant, contendunt, inde verò iterato ad Regem Legatos expediunt, Alexandrum Zborovium, Vilamovium, Sczucium, nihilo mollioribus instructos mandatis, quæ ut semel intenderant extremè, ita ne remitterent, adduci nullatenus potuerunt. Questi sunt desideriis suis non respondere prout sperassent benignitatem Regiam, ac in æquissimis postulatis serepulsam esse passos, insertum donativum exile, tantis copiis insufficiens, cæterum nec stipendiorum suorum quæ hætenus meruissent, ullam securitatem obtinere potuisse. Incusabant Legatos Regios qui & Demetrium Castris expulissent, & tam amplâ militem præmiorum spe lactassent, quæ deinde in dubium vocarentur: verendum jam esse, ne aliam viam irritatus miles ineat exhaustas suas rationes reficiendi,

Castris
incensis
Osipovi-
am abis.

Legatos
ad Regem
misit.

Cum ve-
teribus po-
stulatis.

E e

ciendi,

ciendi, refarciendorumque damnorum. Atque illud responsum quod nuper Legati exercitus attulissent, ansam dedisse deferendorum Castrorum, evertendæque totius biennii gloriæ: conquerentem quippe militem nihil sibi penitus concedi darique à Rege, in immensos efferbuisse motus, inde secutam secessionem ingentisque tumultus, qui coëgissent aliò migrare, præsertim verò jam apertis lateribus dissolutisque, & in omnem vim prævalido hosti patentibus.

*Rex idem
quod &
antea re-
spondet.*

Hæc illorum Legationis summa, nec Regi aliud responsum dare visum, quàm id quod jam dedisset: nec ipsius Reipublicæ dignitas patiebatur, eam iniqua postulantis militis proterviæ objicere. Legati mollius à Rege habiti contentique, discessere ad exercitum, sed jam Duce vacuum, sublato interim è vivis Rozynio supremo armorum Præfecto, viro militiæ strenuo ac bellicâ laude præclaro, quem vis morbi Voloci exstinxit. Atque cum & Legationis suæ summam non ad mentem militum avidè quid

quid à Rege adferrent expectantium, exposuissent, & morte Rozynii veluti sacramento soluti magis magisque insolescerent, spretâ benignitate Regiâ, turmatim ad veterem abiére Dominum, spe præmiorum amplisque evocati pollicitationibus: remanentibus nihilominus plerisque primorum, & prout fidem dederant, Regis obsequium præferentibus. Et ex Legione quidem Zborovii hastatorum equitum centuriæ sex, Andrea Mlocii legio integra, Romani Rozynii olim Ducis, Vilamovii, kopincii, Lanckoronii, Vilkovii, Rusieci, Marchocii equitum turmæ pleno numero, præter Bobovii mancama, cujus pars ad impostorem defecerat, in Regias transivere partes. Cæteris Calugam contendentibus non leve addidere robur Joannis Sapiehæ legiones, quæ hætenus Regi fidissimæ constantisque, nunc visæ nutare, desertoque Rege iterum ad Impostorem transire. Comperio nihilominus in actis diurnis, Sapieham à Rege accersitum in castra venisse,

*Turmatim
ad Deme-
trium par-
copiarum
secedit.*

*Primores
cum non-
nullis tur-
mis Regi
adherent.*

*Excepto
Sapiehâ,
qui cum
suis Legio-
nis im-
postori
adhaeret.*

25 Marti

*Rege ita
permissen-
te.*

cia, non quod suis legionibus hominem vanum adipiscendi Imperii causâ fulciret, sed ut illo prætextu armorum distineret tantisper Suyscium reparantem colligentemque copias, ne penitus undique solutus metu, Regi Smolenscum obsidenti gravior imminere posset.

*Turma
Regias
partes se-
cuta Re-
gem per
nuntios
advenit.*

*Donati-
vum pe-
tunt.*

*Zarucium
commen-
dant.*

Et ii qui Regiis adhæserant auspiciis, Regem suæ erga illum fidei constantisque animi certiores faciunt, missis Lanckoronio ac Bobovio primariæ notæ Centurionibus, petuntque, susciperet promptam eorum voluntatem gratus hilarisque, eaque prosequeretur clementiâ ac liberalitate, quam ipsorum exposcerent merita. Promissum centum millium florenorum donativum quantocius mitteret, in reliquis acquiescere se responso regio, quod per Legatos multoties ad se missos dedisset, peterentque tantummodo ne ea exciderent animo, quæ benignus obtulisset. Denique Zarucium notæ fortitudinis bellicorumque operum virum de meliori notâ commendant.

Non absque singulari encomio fidei & debitæ

debitæ erga se observantiæ Rex Legatos dimisit, gratiam suam commilitonibus relaturos, cujus primum jam dedisset indicium in numerando centum millium donativo, quod etsi nunc exiguum à tenui proveniret ærario, non tamen liberalitati Regiæ limitem præscriberet. Et ubi se faventior explicuerit fortuna, effusuras suæ Majestatis manûs copiosiores munificentiam, debitam fido suoque obsequenti Principi exercitui. Irent jam, & ut consociavere animos, consociarent & vires, conferrent cum Ducibus consilia, urgerent premerentque hostem, eaque præstarent, quæ Rex à fidelibus subditis, Patria verò ab optimis expectaret Civibus.

*Rex an-
nus po-
stulatus*

*Hortatur
ut contra
hostem so-
cietas ar-
mis perge-
rent.*

Sed illud donativum serò transmissum fuisse constat, indeque insolentior miles factus, & dum expectat in omnem libidinem effusus, regiis copiis accedere noluit, plurimumque negotii facessivit jamjam manûs cum hoste conferturo Zolkievio, quod suo loco & ordine dicendum erit.

Hic tandem exitus fuit Demetrianæ militiæ,

*Mitua
Demetria-
na quam
tum p. a.
stera n
M. d. n. s.
2. 1.*

*Im. d.
Demet. n.
avocatio
Re. publica
n. r. 1.*

lib. 2.

litia, quæ ultra biennium urbem principem obsidione pressit, Basilii Suyscii vires non distinxit solum, sed attrivit fregitque, ad extremum tantum Imperium fatigavit, ut valido robore constantique oppugnantium virtute tremefactum, in ruinam nutaret. Ac profectò eam militis avocationem abalienationemque à Demetrio obfuisse vehementer Regi ac universo Poloniae Regno, secuta inde postmodum pernicies ac immensa malarum congeries aperuit. Subibant in mentem prudentiorum consilia, quæ neglecta, aut ab æmulantium subversa livore, publico malo spernebantur. De quibus cum nonnihil superius commemoraverim, liberiùs ea jam ab eventu, sumtâ occasione, accusare possem, sed uberius id mihi enarrandum erit, ubi in illa incidero tempora, cum peracto bello Moschovitico horrenda in patriam seditiosi militis conjuratio erupit, cui importuna à Demetrio legionum avocatio, & prælargæ Regnòque graves Legatorum Regionum pollicitationes ansam dedere. Bellorum optimi exitus tum vel

vel maximè expectandi sunt, cum brevi compendio alienâ impensâ, alieno periculo ducuntur: ea omnia benigna fors Sigismundo Regi detulerat, ut etiam inter alienos conflictus, pugnas, certamina, illi sine sudore ac sanguine, denique otioso spectatori alienarum calamitatum victoriæ palmam promitteret: corruptit æmulatio quidquid fuit optimum consilii, Rege nimium illa, quæ sibi finxerat idola, adorante.

Verum præposteris facti subito infelix comparuit fructus, armatus videlicet Suyscius, sed quem iterum inimica exarmaret Fortuna. fors, memorandùmque illudentis orbi rotæque instabili insidentis Deæ relinqueret exemplum. Namque detractò diademate, excussò sceptro, spoliato purpurâ, capucium, scipionem, demum sagum cuculatum induit, fecitque è Principe Monachum, è Monacho captivum. Atque ad ea accuratius referenda jam Stylum verto.

H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER QUINTUS.

*Suyfcus
solus obsi-
dione Me-
tropolis,
fugatoque
Demetrio
vires suas
circumspe-
cit.*



*Deme-
trium.*

Bafilii Suyfcus, qui etsi ductu patruelis sui armorum supremi Ducis, præclare aliquoties rem gessisset, nunquam tamen audaces poterat exercere spiritus, quoadusque hinc subditorum in urbe tumultuantium seditiofas audiret voces, inde verò Demetrianis castris sibi Metropolitique gravioribus arctius stringeretur premereturque. Sed profugiente Calugam Demetrio, exercitu illius in seditionem concitato distractoque, parte ad veterem abeunte Dominum, parte cum

cum præcipuis Tribunorum Centurionumque accedente Regiis copiis, castris desertis exustisque, velut molestâ, quâ biennium ferè constrictus tenebatur, compede solutus, circumspectare vires suas coepit, quibus & populis formidandus compareret, & eas Regi Smolenscum obsidenti audacior ferociorque ostentaret opponeretque. Et per hæc quidem tempora peritissimum Ducem feliciterque arma tractantem Scopinum Suyfcium sustulerat, cui obfuit populi favor, celebris nominis fama, & vitia Basilii carpentis ingenua libertas, meticulosis Tyrannorum auribus ingrata, ideoque ultimi exitii certissimum indicium. Huic ad inferos eunti addiderat crudeli supplicio comites, plerosque familiares militiaeque socios, & quoscunque sciret beneficio illius obnoxios obstrictosque, licet belli artibus clarissimos, quibus, etsi egeret in tanto curarum æstu constitutus, eorum tamen virtutem vitamque suæ posthabuit Tyrannidi.

Erat Scopinus Suyfcus præter generis
Ff nobi-

*Interea
Scopinum
Vtrum
bellandi
peritissi-
mum sus-
tulit.*

*Quid ei
obfuerit.*

*Ejus Elo-
gium.*

nobilitatem ætatis floridæ, duorum & viginti non amplius annorum, magnis ingenii corporisque dotibus præditus, iudicii ultra ætatem maturi, staturæ formæque elegantis, fortitudine animi roboréque præcellens, bellicarum rerum apprime intelligens, & qui externos milites scitè tractare nosset; proindèque delectus ad conducenda è Suecia subsidia, cum quibus de stipendiis deque belli gerendi ratione convenerat: utpote iis vicinior, siquidem Palatinum majoris Novogardiæ ageret: profectò si vixisset, magnum rebus Fratris sui Magni Ducis addidisset incrementum, Polonis verò ad tot quæ secutæ sunt postea, victorias remoram.

*Germano
Fratris
Demetrio
regimen
exercitus
commisit,
viro non
adeò mili-
tari.*

In extincti locum tradit imperium armorum germano Fratri Demetrio, tutius securiùsque in ejus sinum spes suas deposuisse collocassèque ratus: non magnæ quidem dexteritatis ac fortitudinis viro, si non tam militarem spectasset scientiam quàm fidem, quàmve ab eo & ab auxiliaribus exterorum copiis exspectabat. Namque
apud

apud suos populares omnia intuta erant tædio enormis Tyrannidis, ideóque invisi Principis, quorum pars maxima votis, desideriis, suffragiis, ad Vladislavum Regis filium inclinabat, & ad celeriolem in penitiora Imperii exercitûs adventum anhelabat.

Nec tardum venerat à Carolo Sudermanniæ Principe subsidium, odio in Sigismundum Suyscio facilè confociato. Namque nepote per summam injuriam è Suecia pulso, rapti ut esset securior sceptri, hostem se non in Livonia modò, sed etiam in exteris profitebatur terris; prævidebátque, si faventior fors Moschoviæ totius Vladislao deferret diadema, arctiore res suas loco constitutum iri, magnorum Imperiorum præpotentibus Dominis jus hæreditarium tanto validiùs propugnaturis. Ac invenio notatum à nonnullis, ex vi foederis partitos inter se fuisse Carolum ac Suyscium Regis Provincias, quasi certissimæ victoriæ indubitata spolia. Ille Livoniam sibi destinabat, hic cum territorio amplissimo

*Carolus
Suecus au-
xilium
copias
Suyscia
mittit.*

*Canunt
ambo tri-
umphum
ante vi-
ctoriæ.*

Civitatem arcemque Polocensem, quam Stephanus Rex, Moschoviæ terror, olim ereptam avulsamque à Magno Lithvaniæ Ducatu felicibus armis receperat restitueratque: & quo se firmiore nexu obligarent, ablatas olim à Moschis finitimas Suecorum arces restituit Carolo Suyscius, magnâ adhæc pecuniæ summâ transmissâ numeratâque, quæ ad exercitum sufficientem conscribendum satis esset; cuius pars Livoniam invaderet, cæteræ verò legiones subsidiariæ in Moschoviam properarent.

*Suyscius
arces Sueco-
restituit &
pecuniæ
summâ.*

*Auxilia
Suecica
magnum
addunt
momentum
rebus
Moscho-
rum, cum
clade et-
iam Polo-
nicarum
copiarum.*

Atque illæ permultum momenti rebus Suyscianis addiderant: quippe statim ab adventu Duce Ponto de la Garde, Kiernosicium Tribunum veteranum ad Novogardiam Majorem unâ cum copiis ad interuersionem deleverant, ut vix ipse suæ cladis nuncius Tusinum evaderet: & Zborovius iniquam expertus Martis aleam ad Tuerum, relictis hosti inopinato & summâ celeritate advolanti irruentique impedimentis & equis plurimis, cum suo milite fugâ se ad tutiora receperat loca, ulciscantibus exte-

exteris cladem sibi illatam ad Torcicum à Zborovio, ubi post atrocem conflictum mille equites Germanos, sex millia Moschorum conciderat.

Et ea quidem diversis gesta temporibus: *Supplemen-
tum à Ca-
rolo.* at posteaquam Carolo innotuit, Regem cum exercitu in Moschoviam penetrasse, & populum Regiæ Domûs adorare venerarique fortunam, non desistebat nova contrahere auxilia, ac ex Gallia, Anglia, Scotia, Belgio, Germania milites arcessere, & inter tot metus languenti Suyscio quamprimùm succurrere. Itaque recenter, prout ex duobus captivis Anglis intellectum est, miserat cum Eduardo Hornio tria millia in supplementum cæterarum legionum, quæ diuturniori militiâ aut attritæ, aut certè continuis imminutæ bellis erant; ita ut universus externæ militiæ exercitus octo millibus tam peditum quàm equitum constaret, (quanquam nonnulli, quorum ego sententiæ subscribo, sexmillia tantum fuisse referant.) Militavere conductitii Anglorum Scotorumque plurimi, pauciores Belgæ ac Ger-

Mille sub
sex signis.

Is præfici-
tur Pontus
de la Gar-
de & E-
duardus
Hornium.

Moschi
triginta
multa bel-
latorum
armant.

Interea
Rozynius
caute dis-
cesserat.

Germani, Gallorum equitatus præstantiâ
numeróque superabat, Ductore Petro de la
Ville egregio spectatóque in bellis Tribu-
no. In universas verò copias habebat impe-
rium Pontus de la Garde & Eduardus Hor-
nius, ille Generalis, Suecicæ militiæ Præfe-
ctus, notus Livonicâ, quam à ducibus no-
stris acceperat clade, quorum triumphalem
currum captivus secutus est: hic verò alacer
gloriæque avidus, & ad bellicam laudem
egregio assurgens conatu. Ad hoc extero-
rum subsidium præcipuum fidissimúmque
Suyscii robur, triginta millia bellatorum
suppeditavit Moschovia, præter eos qui
in præsidiis arcium attinebantur, aut à reli-
quo disjuncti exercitu suis cum ductoribus
Polonos infestis oppugnabant distinebant-
que signis.

Neque verò Rozynius absque prudentis
Ducis cauto discesserat consilio; castraque
illa, etsi per tumultum seditionémque dese-
rere cogeretur, ita tamen per vicina Urbi lo-
ca disposuerat legiones firmaverátque, ut &
tutum militi præberent receptum, & iterum

si

si occasio ferret Moscuam oppugnandi, ad
ipsâque moenia excurrendi aditum liberum
haberet: intercluderet verò hosti armis
strenuè objectis iter ad castra Regia Smo-
lenscum usque, secus omnia aperta habi-
turo. Ac opportuniore arces Civitatésque
præviderat quas tueretur, Volocum, Osi-
poviam, Mosayscum, Rzovam, quarum
quoadusque hostis non potiretur, difficulter
arma explicare proferreque poterat. Ve-
rùm is jam militaris insolentiæ gnarus, edo-
ctusque, disciplinæ vinculo solutum militem
discinctúmque, pro victo debellatóque cen-
seri, signa infert audacter, misso Volviovo
qui Rozynii tergo insisteret, Volocique
expugnandi occasiones captaret. Juvit
Moschi Ducis conatûs Rozynii mors, quam
militum secuta sunt dissidia, indéque nulla
tuendi præsidii cura, quod desertum subito
relictúmque, paucis Dunensium Cosaco-
rum equitibus servandum commiserant:
ii verò vix conspectâ oppugnatione exces-
sere, Volviovo minori quàm speraverat
conatu, captæ arcis gloriam concedentes.

Et

Locis op-
portunio-
ribus iusto
imposito
præsidio.

Sequitur
Volvio-
vus, &
post moriē
Rozynii
Volocum
expugnat.

Rozynii
Elogium.

Et quandoquidem Romani Rozynii mors immatura, & vitæ ipsius & pervetustæ familiæ ultimam attulit periodum, libet viri fortis brevi elogio excitare lectori memoriam. A Narymunto Gedimini filio, ut fertur è Ducibus Lithvaniæ, ducebat sanguinem, inde illi summa nobilitas aucta majorum ipsius illustribus facinoribus, quos bellicis operibus claros Russorum Annales memorant, & exstantia Kioviæ monumenta elegantibus inscripta encomiis fidem faciunt. Atque ita conspirantibus natalium suorum decoribus Rozynius non defuit, primæque militiæ rudimenta contra excurrentes Tartaros infestantisque Russiam feliciter deposuit: mox ab altero Impostore Demetrio in Moscoviam evocatus cum selectis legionibus adfuit, ab eoque universo exercitui summo cum imperio impositus est. Ei dum tenaciùs adhæret, sesqui anno usque ad adventum regium Basilii Suyscii electi Moschoviæ Ducis vires ita distinuit fatigavitque, ut Imperii sui haud securus esset. Namque commisso primùm apud Bel-

Calusien-
si dicto.

Belchoviam oppidum memorabili prælio ingentem illius exercitum fudit fugavitque, alterum ad Chodincam fluvium nec minorem summâ felicitate profligavit, cæsis Moschorum millibus quatuordecim, ipsorumque Duce Basilio Masalscio capto: ad extremum Basilii Suyscii Majestatem exarmatam, unius tantùm Metropolis ambitu inclusit; positisque ad Tusinum castris, obsessam tenuit pressitque: deinde Rege adveniente in Moschoviam fictum deseruit Demetrium, turbatisque per seditionem militum animis, dum Voloci subsistit gravi correptus morbo, sexto Idûs Aprilis extremum clausit diem: ætatis suæ anno trigesimo quinto. Delatum ad castra Regia cadaver militari exceptum luctu, indeque eductum squallidâ totius exercitus pompâ Ducibusque atratis comitantibus, Kioviâ devehendum. Mortuum disertis verbis Christophorus Dux Zbarascius laudavit, militique pro exhibito viro tam illustri pietatis officio, gratias egit: ad prolixam Zbarascii orationem respondente pari sermonis ubertate Kriscio

8 April.
1610.

21 Junii.

G g

Pro-

ProCancellario Regni, cum summo Rozy-
nii ejusque rerum gestarum encomio, Kio-
viæ demum in templo sodalium Divi Do-
minici tumulo illatus est, cujus id non ex-
tremæ laudis fuit, quod primus & familiæ
suæ ultimus ad gremium Romanæ Eccle-
siæ redierit, à quâ Græco schismate infecti
maiores sui recesserant.

*Osipoviam
auxiliares
Suecici
tentant.*

*Mille
quingen-
tos Piafe-
cius scri-
bit, alii
bis mille
nume-
rant.*

Interim ad Osipoviam majori labore
virtutēque certatum est, cujus expugnandæ
partes sumserant auxiliares Suecici recen-
ter adducti, ideoque primum specimen
roboris bellicæque scientiæ daturi erant.
Et valido arx Civitasque tenebatur mili-
tum præsidio, tormentis egregiè munita,
nuper huc è desertis advectis castris: capro-
pter occasione temporis insidiari hostis
mallebat, quàm apertam inferre oppugna-
tionem. Recensitis igitur copiis, locatis-
que in subsidium Moschorum millibus ali-
quot in urbis viciniâ, omnes latere jubent,
certisque abditis locis collocant, ex impro-
viso namque summâque celeritate fortu-
nam experiri decreverant. Interea Petrus
de

de la Ville Gallicæ Legionis Tribunus, af-
sumtis circiter quingentis Gallis noctu ad-
moveri jussit ad portam lignei propugna-
culi adinstar septi Cænobio lateritio præ-
tensi, æneum piloclastrum. Applicata ma-
china nemine sentiente illico tantâ violentiâ
flammam evomuit ac sparsim impulit,
ut portâ effractâ ac dissiliente, aditum Gallis
irrupentibus aperuerit. Jamque & arcis
primum vestibulum & Civitatem Galli
conclamantes victoriam intraverant, cum
miles è Cænobio quod firmitus infederat
ruere, proturbare hostes, lætosque successu
summovere incipit: tantoque impetu ac
ferociâ inVectus est, ut plerosque fortiter
resistentes obtriverit, reliquos expulerit.
Ex altera verò parte Rusiecius cum suâ le-
gione accurrit, progressusque extra Civita-
tem novâ clade hostem, suis ferentem sup-
petias, affecit: pugnatum utrinque animosè,
ita ut pedes cum pedite, eques cum equite,
immoto consistens passu pertinacissimè de-
certaret, donec constanti illorum virtute
loco motus, atque sub ipsos tormentorum

*Petrus de
la Ville
Gallis pi-
loclastrum
applicat.*

*Felici effe-
ctu, Gallie
Victoriam
inclamantibus,
qui
mox fortiter
rejectis
expulsiq.*

*Et à Ru-
siecio casi
fugique.*

Moscho-
rum su-
pra mille,
Extero-
rum 500.
ictus compulsus, cæsus profligatusque, dis-
sipatis Ordinibus fugâ sibi consuluit, eam-
que ad quatuor milliaria extendit, ibi de-
mum quietem locumque respirandi nactus
suasque recolligendi ac resarciendi vires.

Non sine
aliqua Po-
lonorum
clade.
60 Desi-
derati.
Cæsarum numerum magnum fuisse constat
ingentemque illatam stragem, nec nostris
incruentam stetisse victoriam, non quod
multi, sed quod primores è Centuriis com-
mitones in conflictu cecidissent. Itaque
pulso rejectoque hoste propugnaculum
illud ligneum exurunt, Coenobium latere

Qui ite-
rum Coe-
nobium la-
teris mun-
tunt.
cocto cinctum muniunt firmantque vallo,
additis insuper operibus ad declinanda ho-
stium tela peropportunis. Deinde victoriæ
nuncium diversis itineribus per celerrimos

Victoria
nuntium
ad Zboro-
vium &
Kazano-
vium mit-
tunt, subsi-
dia orant.
tabellarios ad Alexandrum Zborovium
& Martinum Kazanovium Viasnam mit-
tunt, qui auxilii sibi ferendi necessitatem
docerent, & hostis à recenti clade conster-
nati perturbatique ad internecionem de-
lendi, occasionem monstrarent. Non

Sed hos
non exspe-
ctant.
exspectavere tamen Zborovium & Kaza-
novium, quorum uterque ex condito Ca-
rovum

rovum convenerat, jamque junctis auxilia-
ribus copiis Osipoviam contendebant pu-
gnæ cum hoste avidi, locique tam opportu-
ni tuendi conservandique solliciti: cum
miles semel in licentiam effusus assuetus-
que seditionibus, iterum in dissidia ac tu-
multus efferbuit, nullâ aliâ occasione
(siquidem omnia ad defendendam arcem
abunde suppetebant) solâ tantum accen-
dente, cui jam assueverant, insolentiâ. Va-
rias itaque scissi in sententias varia propo-
nebant consilia, alii servandam arcem sua-
debant, subsidiâque quæ propediem ad-
forent expectanda, nonnulli Calugam spe-
ctabant suumque Demetrium Impostorem,
in cujus iterato transirent partes: cæteri Re-
gi faventes fidique, illuc animum & quid-
quid erat virium, convertebant. Ita discre-
pantibus inter se votis animisque, Osipoviâ
relictâ desertisque tormentis, quæ ad arcis
præsidium suffecerant, tali qui furentium
solet esse impetû, in campum extra Civi-
tatem progrediuntur: ubi castris tumul-
tuariè positis confederunt. Interim ab

Inter se tu-
multuan-
tur.

Osipoviam
deserunt
cum tor-
mentis.

Extra ci-
vitatem
castris con-
federant.

Monetur hostis à transfuga de tumultu turbarisque castris.

Advolat & castra adoriuntur.

Dissipat ac cadis.

uno è transfugis monitus hostis è nupera clade sese recolligens; militem Osipoviâ tumultuantem excessisse agmine incompósito, turbatis Ordinibus, castrisque confedissee quibus nulla munitio, vigiliæ nullæ securitatem præberent, nulla Ducum imperia audirentur, jurgiis dissidiisque omnia ferverent, proindèque militem ceu lymphatum insanientem opprimi, ac præteritæ cladis dedecus egregio facinore deleri compensarique posse. Lati eo nuncio hostes, & abolendæ infamiæ & Osipoviæ potiundæ cupidi, subitaria expeditioni mox sese accingunt, deliguntque ducentos externæ militiæ equites, Moschorum verò quingentos: post celerrimè advolant, & drepente ingenti clamore sublato incompòsitâ castra adoriuntur, trucidatis qui primi occurrerant, stragem terrorémque inferunt, perturbantque laxatos Ordines: nam & Tribunorum Centurionumque auctoritatem seditio labefactarat, & Ordinem militarémque disciplinam insolentia ademerat: mox longè plures à paucioribus dissipati,

pati, palantes per agros vagantur, tergis acrius instante hoste cadentéque, alii fugæ ademto spatio opprimuntur, cæteri dum per paludes coenofasque eluctantur voragines, misere hausti absorptique, plerique capti, inter quos ductus est Philaretus Patriarcha faucius, ac nonnulli Moschorum Proceres, qui ab Impostore Demetrio ad Regem transiverant. Russecius veteranus Tribunus, sed cui miles seditiosus negaverat obsequium, ægre ad Zborovium evasit, tantâ tamque properâ suorum clade attonitum, cui unica discordia præbuisset occasionem. Fusis fugatisque nostrorum copiis, hostis patientem Osipoviæ arcis portam ingressus, locum summè opportunum Regiis conatibus obtinuit, præsidioque imposito lætus discessit. Pari involutæ sunt fato reliquæ arces maximo ad victoriam Sigismundi futuræ adjumento, & quibus castra ad Smolenscum ceu vallo tegerentur. Rzoviâ Cosaci ejecti sunt non sine dedecore, amissis namque suorum trecentis, cæteri fugâ salutem quæsilvere, summo cum Germanorum

Russecius evadit ad Zborovium.

Osipoviâ, viam habent Moschi.

Rzoviâ, ceterisque locis ejus cuncti præsidarios.

norum peditum tripudio, qui secundo flu-
vio Volgâ cum tormentis clâm vecti, re-
pentinâ irruptione præfidiarios oppressere.
Sed maximè Mosaysci perditî jactura Re-
gios affecit: urbs loco commodissimo ad
oppugnandam Moscuam excursionésque
in hosticum faciendas sita, quæ non viribus
sed proditiōe subacta in Suyscii potesta-
tem venit. Præerat cum imperio urbi
Wilczek, is certum fidumque hominem
ablégat, qui doceret Suyscium de Urbis de-
dendæ consilio, maturaret ille dummodo
quantocius validam manum in conspectum
arcis oppidanorumque promoveret. Atque
jam securus adventantium Suyscianarum
virium, quò se fidentiùs proditorem cela-
ret, proditiōemque callidus obtegeret,
nunciat Kazanovio, venire duodecim mil-
lium Moschorum exercitum ad oppugnan-
dum Mosayscum, sibi quidem non deesse
defendendæ Urbis animum, cæterum tan-
tis copiis absque subsidio imparem esse.
Ibat Kazanovius ferendi axilii promptus ala-
cérque, cùm in itinere didicit Wilczkum
matu-

*Mosay-
scum
Wilczek
prodit.*

maturatâ proditiōe fraudéque Suyscianis
copiis obvium egressum, Urbem arcém-
que dedidisse, & Moscuam proditiōis suæ
laturum præmia abiisse.

Sublato amotóque infessarum arcium
præsidiorumque metu, pedémque referre
coactis Demetrianis quondam copiis, liber
ille & campi Dominus, Moschorum exer-
citus felici audaciâ ubique re confectâ, ex-
plicatis passim volitabat signis, jamque ho-
stis vel ejecti vel amoti securus, majora ag-
gredi constituit. Coniunctis itaque viribus
laboranti diuturnâ obsidione Smolensco,
succurrere decreverat, experiri primùm ni-
hilominus volebat fortunam, quæ hætenus
in expugnandis arcibus à partibus ipsius mi-
litabat, eandémque ad Bialam civitatem
cum arce munitissimâ totiùsque Severiæ
post Smolenscum nobilissimâ, admotis ma-
chinis & pertinaci obsidione eripiendam,
in subsidium advocabat. Non paruit ta-
men illa votis hostium, & quemadmodum
pulsâ per seditiones tantisper ultura milita-
res tumultus ad illos transiverat, ita mox

*Moschus
crescit ani-
mus, qui
Smolens-
cum obsi-
dione libe-
rare intru-
dunt.*

*Sed pri-
mum Bialam tenta-
re volunt.*

Hh

vir-

*Cui Gosievius
præstavit,
Regique
asseruerat.*

virtutem fortitudinēque Alexandri Gosievii Præfecti Velisiensis reverita, lateri ipsius perpetuò individua comes adhæsit. Et ipsius tunc præsidio tenebatur Biala, quam ille sex mensium pressam debilitatāque obsidione, unius sæculi spatio Moschorum servituti obnoxiam, pristino restituit dominio: id verò quemadmodum evenerit, breviter referam.

*Quæ ratione &
quam fortiter.*

*15 Novemb.
1602.*

Demetrius Impostor cum dedentium sese urbium arciumque prona reciperet obsequia, Bialam nimie pertinacem expertus est: miserat itaque ter mille Cosacos Zaporovienses, qui refractariam aut obsidionis tædio, aut certè vi in suam cogerent potestatem. Sed illi certiores de Regiis ad Smolenscum castris facti, nunciant per legatos, spreto Impostoris mandato se Regia imperata libenter facturos, ejusque copiis sese associaturos. Mittitur illico à Rege Gosievius cum aliquot peditum signis qui obsidioni cum imperio præesset, ordinarētque arcis oppugnandæ necessaria, quibus miles suā tantummodo velocitate levibusque instru-

structus armis vix sufficeret: præsertim cum arcis satis munitæ validæque, sexdecim præfidiariorum millia imposuisset Dedosinus loci territoriique Præfectus, vir manu, consilio audax. Et Gosievius quidem confestim ab adventu suo rem strenuè gessit, legiones Cosacorum recensuit, stationes disposuit, operibus cinxit, ad extremum Dedosino Palatino ad colloquium evocato deditiōnem suavit, ni extrema pati vellent. Renuente illo seque ad defensionem fortissimè comparante, Gosievius interim à transfugis edoctus arcem aquæ inopia laborare, quam præfidiarii per occultos ac subterraneos meatūs è vicino peterent stagno; rescindi subito aggeres imperat, omnemque emittit aquam exsiccātque, ita ut foetentes ejus reliquias luto inhærentes, obsessi in scrobes puteosque derivare cogerentur. Ad extremum cum & vires Gosievius sapius exeruisset, arcemque tormentis, milite invasisset, mordicus sese tuentibus Moschis, quos externæ machinæ ad diditionem compellere non poterant, omnibus

Hh 2

tor-

tormentis gravior interna fames expugnavit. Namque à tanto defendentium numero ad quatuor millia redactos, maluit Palatinus has quoque militum reliquias servare, suadentibus id præsertim nonnullis partium Regiarum Moschis, ut indubitatae Sigismundi se permitterent clementiæ. Atque ea omnia virtute ac dexteritate Gosievii effecta sunt: quippe arx cum omni apparatu ac instrumento bellico dedita est, Palatinus cum milite Regi fidem obsequiûmque detulit, Principi Vladislao Sacramentum dixit, cætera quæ cum illis Gosievius pepigerat conveneratque, juramento utrinqui firmata.

13 April.
1610.

Huic itaque arci urbique recens acquisitæ jussu Regio præerat Gosievius, vir ut ad expugnandam strenuus, ita ad defendendam tuendamque fortissimus. cujus bellicæ virtuti prudentiæque militari tutò commissa, hostium conatûs irritos fore experti ducis vigilantia pollicebatur. Sed hostis præteritis tumidus victoriis, ibi quoque palmam quæsit. Selectis itaque (prout captivi

captivi duo Angli retulère) Moschorum equitum peditumque quatuor millibus & quingentis, ducibus Chounacio & Boratinio, Anglorum item Gallorumque duobus millibus & quingentis cum Legato Eduardo Hornio, præter agrestium colonorumque turbam, ad oppugnandam Bialam properavit. Eorum adventu cognito Gosievius obviâ progressus, fortè in septingentos equites mixtis tam Moschorum quàm externorum manipulis agmina præcedentes incidit, collatisque signis fudit, nonaginta Moschis desideratis, quadraginta exteris captis, sedecim ultrò ad eum transeuntibus: cæteris fugâ dilapsis, quos insequi nec tempus nec occasio patiebatur: quippe arci timebat, ne se absente longiusque progressu periculum adiret, paucis ibidem remanentibus præsidiariis: propterea sufficisse interim ratus, hosti tam pospero primæ salutationis officio animi imperterriti reverentiam incussisse, in arcem se recepit. Atque ea clades commoverat hostem: namque subito superveniens, & collato

Moschi
cum exter-
nis auxi-
liaribus
duce Hor-
nio ad
Bialam
properant.

Gosievius
prodit ob-
viam, &
septingen-
tos ex ho-
stibus fra-
gat.

In arcem
se recipit
& prodito-
res punit.

H h 3

clàm

clàm per exploratores consilio suis cum popularibus qui in arce erant dubiæ erga Regem fidei, iis injunxerat quatenus sub primum oppugnantium impetum injecto sparsim igne arcem inflammarent, tum verò pedites sclopetis majoribus armatos subire iussit, equitibus verò ut peditatum sequerentur, mandavit. Sed patefactâ per Germanos transfugas fraude, sumtoque de proditoribus supplicio, erumpit illico Gosievius militum suorum alacritate fretus, quos peditatui opponit, equitatum verò hostilem eminus tormentis petere jubet. Fit atrox pugna, hostisque qui oppugnatum arcis moenia ibat, erumpentium prædiariorum audaciâ in prælium evocatus, mox pulsus cæsusque, ad extremum dissipatis agminibus recessit, nocte dirimente conflictum, quò honestiùs victæ partis ignominiam tegeret, ni illam subsequens dies ostensâ ducentorum cadaverum strage, prodidisset.

Hostem ab arce summo vet.

Ducentis casis.

Tantæ cladis elusique conatûs impatiens Hornius, qui Bialæ capiendæ subito spem con-

conceperat, literis per tubicinem missis cum Gosievio certavit, dicens: se non ad oppugnandam venisse arcem, imparatum videlicet destitutûmque tormentis, iisque rebus, quæ subvertendis propugnaculis munitionibusque usui essent, sed ad pugnam justique prælii aleam committendam, quam cur in patenti detrectaret campo mirari se, cùm & nobilitate & laude militari claresceret: non est quod se efferret jactaretque de felici successu, qui ei contra primam legionem suam contigisset, produceret interim centum hastatos equites adversus totidem suos, visurum uniuscujusque haud dubia experimenta virtutis: cæterum de commutandis captivis mitiùs secum transigeret. Respondit modestè Gosievius: Quod non oppugnandæ arcis gratiâ sed militis sui que visitandi causâ venisset Hornius prælii committendi avidus, infelicitatis id suæ esse, quòd tanto hospiti in finibus ditionum Regiæ Majestatis, aut certè longiùs ab arce non occurrisset. Sed cùm ei, qui pro officio Tribuni militaris sanguinis dispensator esset,

Hornius cladis impatiens Gosievium literis compellat.

Pugnam offert.

Respondet Gosievius.

esset, circumspectè agendum foret, ut expensi supremo Judici iustas poneret rationes, nec scivisset quod genus hominum, aut cuius sequerentur militiam; non absque temeritatis notâ ad committendum prælum se properaturum fuisse. Satis erat contra septingentos, exploratrices aliquot hastatorum velitumque decurias præmittere, quæ primæ salutationis officium peragerent. Progressum se quoque fuisse cum parte exercitus, diutiùsque expectasse, donec & tempestas ingruens & hostis haud compars signum receptui canere iussisset. Centum hastatos equites adversus totidem partis alterius libenter se mittere velle, ferret parvulam moram, facturum se copiam optatæ ad satietatem usque dimicationis. Quod verò de commutandis ageret captivis, exercitum se habere integrum, nemine militum desiderato: significaret ille quos attineret, scirètque, suos in Christianorum devenisse manûs, ita tractandos prout pietati consentaneum foret. Cæterùm cum à Suyscio Hornio ipsiùsque legionibus, prout aliunde in-

*Nec de-
tractas pu-
gnam.*

intellexisset, militaria non procederent æra, venissetque Hornius in exterarum regiones & gloriæ acquirendæ & stipendiorum causâ, adjiceret potiùs Regi suam operam, quem universa Moschovia ultrò arcesseret venerareturque, relaturum maiorem gratiam, ampliora stipendia, præclariora præmia ab eo, qui & regio stemmate ortus, & Rex esset, quæ frustra à parricida & proditore expectaret Suyscio, quem non generis prærogativa, non ullus natalium decor extulisset, sed alienum sceptrum per scelus ac flagitium arripuisset.

Accepto responso Hornius perspectâque veterani Ducis virtute, quam in vanum lacerasset, tumidumque potiùs hostem ac sui jactantem redderet, sub prima noctis vigiliâ signa movit Rzoviam versùs, tribus ab arce leucis eadem nocte emensis, celerimèque iter suum Rzoviam profecutus est, adventantis Zolkievii cum copiis nuntio territus, non absque tamen clade quam Cozaci à Kazanovio missi, intulerant, captis impedimentis curribusque, deletisq; iis, qui

*Hornium
ad Regias
partes in-
vitat*

*Hornius
accepto
responso
Rzoviam
recedit.*

*Et Gossie-
vius à Re-
ge in ca-
stra len-
gue excipi-
tur.*

27 Junii
1610.
Sapicha.

*Felix ho-
stium ar-
morum
successus,
Regis
percellit.*

ad eorum custodiam remanserant. Et Gossevius post captam servatamque Bialam in castra regia adveniens, solenni gratulatione omnium est exceptus, tulitque à Rege in publico Senatûs confessu militumque coronâ luculentum fortitudinis suæ elogium, perorante nomine Regio Cancellario Lithvaniæ, ejusque facinora, quæ & tunc & alibi in re militari edidisset, quæsitis verbis, summa cum laude recensente. Sed hæc ut postea evenere, ita alium narrandi poscebant locum, nisi me necessitas rem non interruptè tradendi huc perduxisset.

Redeo ad regia castra, quæ felix hostilium armorum successus perculit, crebrescente indies vulganteque famâ, deditiones arcium, urbiumque, copiarum olim Demetrianarum clades, quæ hostili pressæ robore, pedem recipiebant, suâque seditione debilitatæ Moschorum ingruenti potentia hæc sufficiebant. Auxit metum reputantium patere hosti ad Smolenscum incessuro apertam viam, & imminenti Moschorum impetui castra exponi, damnantibus

bus plerisque advocati à Demetrio militis consilium, cujus humeris subsidiariis tutius ea moles belli incubuisset, quæ jam gravior Regi, ipsiusque ferenda legionibus, esset. Et præmissus quidem erat Martinus Kazanovius, qui se Alexandro Zborovio conjungeret, utque, si exercitus Demetrianus iis quæ sibi à Rege propositæ fuerant conditionibus acquievisset, tentaret omnes rei bene gerendæ occasiones, hostemque distineret. Fecit quidquid erat sui officii vir magnanimus, namque, prout Zolkievio scribit: observari à se in id unicè intento, quò conatûs hostium consiliaque vergerent, omnesque circumspicere occasiones, vellèque præcludere facilitatem itinerum ad regia tendentium castra, firmatis præsidiis quâ hosti eundum esset locis, id tantum sibi obstare, videlicet dissolutum militem, castrensis disciplinæ oblitum, continuis seditionibus ferventem, detrectantemque imperium ductorum, ac in omnem projectum lasciviam, cui contemptis rectoribus per summam licentiam nimium indulgeret.

*Præmissus
est Kazanovius qui
junctus
cum Zborovio
viri-
bus hostem
distineret.*

*Viasma
5 Martii
1610.*

*Tandem
Zolkie-
vium
summum
copiarum
ducem ire
jube.*

Post maturam tandem deliberationem Stanislaum Zolkievium Palatinum Kioviensem Rex advocat, eundique ad illum exercitum necessitatem exponit, videlicet: supremo armorum Duci tantò promptiùs parituros, quantò debitam secum ferret ad eos emeritæ auctoritatis reverentiam, ab eo & disciplinam militarem restitui posse, & dissolutas in ordinem reduci legiones. Et quandoquidem hostis ingrueret, non pateretur recentibus victoriis elatum insolescere, reductisque ad obedientiam agminibus, suas quoque iis consociaret copias: tenderet adversus ferocientem reprimeretque, & Smolenscum eunti armis objectis iter præcluderet. Moniti quoque Moschorum qui in castris erant Proceres, ut iter versùs Moscuam adornarent, unà cum nostrorum signis eò profecturis. Sed Zolkievio abitum paranti trepidus supervenit nuntius, Bialam magno conatu ab hoste peti, auxiliaria Suecorum signa, & Moschorum non contemnendum ad oppugnandam obsidendamque venire exercitum.

*Solticus
& alii.*

Qui Bialam ab hoste peti edocet.

Go-

Gosievius quoque recens deditæ captæque arci metuens, quod ad diuturnam obsidionem ferendam à pulvere tormentario & recibaria imparata esset, subsidia ardentissimè flagitabat.

Zolkievius qui magnopere sibi laborandum existimavit in acceleratione subsidii, subito duo millia equitum, pedites mille præcedere imperat, tum Palatino Braclaviensi Potocio relictâ ad Smolenscum exercitus Regii Vicariâ curâ, tormentis eorumque suggestibus Szembergio, amoto inde Vaxmano, commissis, ipse copias suas secutus est, quæ longè minores iis erant, quas Potocius sibi delegerat, cum illi à Rege contra hostem eundi eadem necessitas imposita fuerat: & Zolkievius conscius exiguarum quas traheret virium mox aperto objiciendarum discrimini, maluit tamen forti & imperterrito animo fortunam quò se duceret, sequi, quàm ad Smolenscum desidère, cujus expugnationem difficilem semper prævidebat prædicebatque. Nec minus egregii singulis quibûsque cohorti-

*Ideoque
properat,
quibus
cum copiis
& earum
ductori-
bus.*

7 Junii.

*Hæc ex
Zolkievii
Com-
mentario.*

Castella-
nus Cra-
coviensis
fuit.

Leonis
Sapieha.

hortibus turmisque Præfecti numeraban-
tur. Stanislaus Konicopolius structor men-
sæ Regiæ (quem incisorem vulgò vocant)
Velunensis Præfectus, rerum militarium
usu clarus, gestis postmodum amplissimis
in Republicâ honoribus insignis, & à mor-
te Zolkievii supremus Regni Poloniæ ar-
morum Dux. Alexander Balabanus vir
ad Martiam natus palæstram, ex sorore
Zolkievii nepos. Dux Poricius, Nico-
laus Strussus Præfectus Chmielnicensis &
paternâ bellicâ gloriâ & maternâ Potocio-
rum clarus, rebûsque gestis in Moschovia
& alibi celebris. Joannes Sapieha Præfe-
ctus Slonimensis Lithvaniæ Cancellarii fi-
lius, Olizarius, Nievidovius, Herburtus
Præfectus Tlumacensis, Malinius, Chwa-
libogus, aliique, omnes veterani & militari
laude conspicui.

Sed Hornius posteaquam Zolkievium
iisque ductoribus animosè Bialam prope-
rantem intellexisset, fugiens belli aleam, &
multarum palmarum inclyti Ducis felicita-
tem timens, tum (prout retulimus) à Gosie-
vio

vio fortissimè repulsus crebrisque excursio-
nibus fatigatus, deseruerat arcem, citatòque
cursu Rzoviam acceleraverat. Zolkievius
comperito Hornii discessu, & metu obsidio-
néque solutâ Bialâ, remissis ad Regia castra
Slonimensi & Sandecensi Præfectis, duo-
bus insuper Centurionibus suis cum co-
hortibus, tergis hostium inhærere, & ad
Moschorum exercitum, quem Duce Deme-
trio Suyscio ad Mosaiscum ingentem con-
stitisse fama vulgaverat, die noctéque pro-
perare decreverat. Festinandi ea postre-
mum inerat ratio: videlicet insolentia illa-
rum legionum, quæ, etsi ad regias inclinaf-
sent partes, ne tamen propinquioris hostis
occasione funestius quidpiam attentare au-
derent, præsertim cum dubiam illorum
fidem proderent nutantes animi, licentia
effrænis, & turbidarum mentium seditiosa
consilia: ad quæ avertenda ivit citato cursu,
relictis impedimentis, nec sibi, nec militi
parcens, quorum singulis præter hunc cui
insiderent, alterum fessore vacuum ducere
equum imperavit, commodius si fortè ali-
cubi

Comperito
Hornii
discessu li-
beraque
Bialâ con-
tra hostem
tendit.

Sapieha
& Lu-
bomier-
scio.

Et quidam
citato cur-
sis relictis
impedi-
mentis.

cubi derepentè pugnae offerretur copia, ex eo bellaturis, quem nullum onus fatigasset. Advolat itaque mox vicinus Zborovii illarumque legionum castris confedit. Deinde edoctus, Demetrium Suyscium cum universis copiis Mosaysci commorantem pramississe Gregorium Volviovum, & Ducem Jelecium cum decem millibus Moschorum, qui ad Carovum oppidum (ita à conditore Borissio Magno Duce, seu Caro vulgariter appellatum) locum magnopere opportunum interciperent, firmoque retinerent praesidio. Et illi (prout mandatum erat) jam advenerant, castrisque trans fluvium oppidum alluentem positis, castelloque intra paucos dies excitato, in omnem sese vim communiverant. Quam hostis audaciam intuitus, à contumacium legionum receptu fugae similiore, desertique perperam loci ignominia accensam, statuit cum sine mora aggredi, fidentiùs ferociùsque insultantis impetum repressurus. Igitur nocte quieti data promovet copias, mediique milliari intervallo à Carovo universo cum exercitu sub-

Interim cognoscit Volviovum & Jelecium Moschos cum numeroso milite ad intercipiendum Carovum pervenisse.

Quos statim aggreditur.

subsistit: immoto Zborovio, cæterisque legionibus detrectantibus recusantibusque Imperatorem sequi.

Habebat in animo Zolkievius suadente Zborovio ipsemet eorum adire stationem, eosque pro concione alloqui, quidve suo milites deberent Imperatori admonere, sed cum illi temere pertinaciterque negarent praesente Zolkievio se in concionem prodituros, mittit illico Nicolaum Herburum Praefectum Tlumacensem qui indignam viris militaribus objiceret exprobraretque insolentiam, querereturque, non eo honore, eaque grati animi significatione illorum excipi Imperatorem, quem à suis olim commilitonibus expectasset: orare nihilominus obtestarique per amorem patriæ, resipiscerent aliquando, acciperent tandem Ducis sui imperium, conjungerentque copias, tollerent infamiam quam illis sequior irrogaret sexus, castraque per summam libidinem Veneri dedita, iterum prout viros deceret, armorum Deo restituerent. Quod si verò illis offensionis causam præberet

Compellat primum per Herburum Demetrianos milites insolentes.

Ad conjungendas copias hortatur. Marti.

Cum spe donatur.

K k

non

*Cum spe
donativi.*

non persolutum donativum, id esse prope-
diem numerandum, cum id hactenus per
summam itinerum difficultatem viarum-
que non licuisset latrocinia.

*Respunt
illi obse-
quium
ni donati-
vum sol-
vant.*

*Centum
millium
floreno-
rum.
ad 29
Junii.*

*Interim
spem faci-
unt conso-
ciandorum
armorum,
si necessitas
ingrueret.*

*Zolkievi-
us contem-
nit insolent-
iam, et abiit.*

Tacitus ad illa, quæ de disciplina militari
soluta objecerat Herburtus, hæsit miles,
veterem subito exorsus querelam promif-
sumque donativum acrius urgere coepit,
quod nisi ad præstitutum solveretur diem,
frustra ab eo expectari obsequium, secus
aliter sibi consulturum. Ne tamen omnem
humanitatem reverentiâque exuisse vide-
retur, adjecit spem, videlicet, si interim
urgens necessitas periculûmque ingrueret,
non deserturum se Imperatorem, ei que
venturum auxiliarem.

Zolkievius qui nihil de sua imminutum
vellet auctoritati, néve demissiùs agere vi-
deretur, aut quæsitam illorum gratiam ap-
pareret, eoque maiorem quasi supplex Im-
perator augeret insolentiam, destitit, ne-
glexitque illorum contumaciam: reputans
eo contemptu perstrictos, faciliùs ad sanio-
rem redituros mentem, proinde non am-
pliùs

pliùs compellatis abiit. Jam etenim non
minore opus erat celeritate in tanta hostis
vicinia, cujus ut stationes, vires, situm loci
quem suis caperet castris, observaret, cum
paucis equitum signis procurrit. Et ve-
nientem præmonitus hostis subitanè exce-
pit pugna, peditum signis & equitum co-
hortibus aliquot immissis, quæ ab ingressu
aggeris pontisve arcerent: sed in eas forti-
ter invectus, ultra pontem & aggerem pa-
lantes summovit, & circumvectus oppidum
ac loca positusque contemplatus, eodem
quo exierat, ad castra rediit die, nemine suo-
rum amisso, duobus ex hoste captivis du-
ctis, & altero quidem non vulgaris notæ
quingentorum velitum Tribuno.

*Hostium
stationes
& situm
castris
commo-
dum spe-
culantur.*

*Non absq[ue]
velitationis-
bus hostis
insanctis.*

23 Junii.

Sequenti die motis castris acieque instru-
ctâ, sub oppido Carovo prope aggerem qui
torrentem in stagnum influentem contine-
bat, constitit. Moschi pridianæ velitationis
dedecore accepto non ausi in apertum pro-
dire, inter arbuta quæ infra aggerem ex-
creverant, cum eoque velut eundem effece-
rant parietem, nec non in ipso aggere inter

*Nobilis
erat Smo-
lensensis.
24 Junii.*

*Zolkievi-
us explica-
tâ acie sub
Carovo
constitit.*

*Hostis ad
aggerem
in fidiis
fruitur.*

exiles foveas à recenti pluvia undarúmque impetu excavatas, ac partim humo egesta excitatas collocant aliquot Sclopetariorum centurias, quas monuerat Volvievus, ut, si hesterno fervore aggerem Poloni tentarent invaderéntque, illi ex insidiis felici collineatione scloporum invasores peterent arceréntque. Sed Zolkievius suspicatus inter fruteta arbuſtáque hostem latere posse, militem ab ingressu aggeris prohibet, simulátque non ulterius se velle progredi, cùm tacitus in animo noctem transgrediendo occupandóque destinasset. Interim Moschi ubi Zolkievium nihil attentare immotúmque ad aggerem consistere nullá ampliùs promovendorum signorum curá, animadvertunt, pertæsi moræ, inter foveas commeare invicem capitáque secum conferre incipiunt: visi ab excubante milite, subitóque fit certior de insidiis Zolkievius, mox inscio nec opinante hoste summo silentio adversam aggeris partem pedatum aliquot signa petere jubet, hostémque insidias struentem aggredi imperat. Fungitur

*His elusis
aggerem
aggreditur
& pugnat.*

gitur officio miles strenuè, veniunt subsidarii Cozaci, ex equis defiliunt, pugnatur utrinque, feliciùs à Zolkievianis, qui pulso hoste aggere potiuntur, & in fugientem longiùs invecti ultra fluvium qui à pedite faciliùs quàm ab equite propter uliginem transiri poterat, palantem cædunt fugántque. Volvievus fugá suorum cognitá, mittit ter mille pedites equitésque subsidarios, qui suis cedentibus præsto essent, & peditatum Zolkievii cui non tam promptum ab equite sperabat auxilium, intercluderet. Ac Zolkievius pontem à Moschis rescisum celerrimè refici mandaverat, & traductis equitum turmis prælium cum hoste committit, nec incruentum: cæsis propè centum partis adversæ militibus, captis que nonnullis, reliquis intra Castellum à Volvievo & Jelecio illorum ducibus nuper exstructo rejectis repulsisque. Apud Zolkievianos omnium jacturam (quæ tamen in milite cæso saucióque minima) mors Martini Weiheri facile superavit, & victoriæ lætitiam confudit, & exercitum gravi damno,

*Martinus
Weiherus
occumbit.*

nec impari Zolkievium dolore affecit. Is namque post edita sæpius magnæ fortitudinis documenta, cum animosiùs magis quàm cautiùs sub ipso Castello in hostem sese infert, plumbeâ trajectus glande occubuit.

Ejus Elogium.

Ac in hunc summæ expectationis virum multa concurrebant. Pater illi Ernestus Weiherus nobili & antiquâ stirpe ortus, familiæ suæ in Polonia sub Augusto & Stephano Regibus claritudinem auxit. Ductor Germanicarum legionum pedestrium præclaris bellicis facinoribus notus, & Regi & Zamoïscio tunc summo Imperatori carus, magnorùmque in re militari operum administer fuit: tulerátque à Stephano meritorum suorum non vulgare præmium Præfecturam Pucensem & Tigenhofiensem. Domicilium in Prussia fixerat uxore ductâ ex vetustissima nobilissimâque Mortesciorum familia, ex hac liberos complures sustulit. Ludovicum Koscierinensem Marieburgensem Præfectum, Joannem Pucensem Radzinensem Præfectum, deinde Pala-

Palatinum Culmensẽ. Melchiorem ejusdem dignitatis successorem Præfectum Szluchoviensem, Demetrium Castellanum Gedanensem, Martinum recens extinctum, qui omnes bellica in domo innutriti, militarem prudentiam velut hæreditariam habuere. Ex quibus duo tunc cum Rege in castris aderant; Joannes Germanicæ legionis Tribunus, & Ludovicus equitum hastatorum ductor, ad quos tristem nuncium de cæde fratris misit Zolkievius, communicato cum illis dolore simul & allevamento ex commemoratione virtutum ejus.

Occupato aggere Imperator, pedites mille quingentos, & Cozacos ultrâ tendere jubet, sinistram aggeris partem propinquam hostium castello peditatui attribuit, ad dextram Cosacorum carraginem collocat, ipsemet cum reliquo exercitu cis lacum castris confidet. Ac eo ipso die redeuntibus è prælio copiis, supervenit Alexander Zborovius cum duobus millibus equitum & quingentis. Ergo profectus ad illas legiones Zolkievius quarum jam furor & con-

*Zolkievius militi
stationes
assignat.*

*Zborovius cum
copiis ad-
venientem
gratè ex-
cepit.*

contumacia aliquantùm subsedisset, hilari vultu magnâque grati animi significatione venientes excepit, hortatûsque est, ut semotis altercationibus officii sui erga Regem & Patriam memores essent, forentque interim gratiæ Regiæ certi. Auditus summo cum silentio observantiâque, ac inclinante jam in vesp̄eram die, mittunt qui ab Imperatore peterent, num eos promissi donativi intra octiduum persolvendi certos ac securos redderet, id si obtinerent, duceret Imperator quò vellet, promptos alacresque duros voluntatis promptitudinisque suæ erga Regem Patriamque luculenta specimina. Ad hæc Zolkievius: Donativum certo certiùs habituros sanctè se spondere, fidem suam verbo interpositam octidui spatium circumscribere nolle, cùm tempus illud arctum variis obnoxium casibus esset. Responsa deliniti quievêre, mox in citeriore torrentis ripa, quæ & aggerem & Imperatoria castra ad dextram habebat, stationem designatam obtinuêre ceperêque.

Et jam accessu legionum suisque copiis
potens

Et promissio donativo ad obsequium reducit.

potens Zolkievius hostem in dies arctiùs premebat stringebatque, insuper Castellum & castra Volvievii ac Jelecii quatuor subito è transversis trabibus terrâque aggestâ excitatis propugnaculis, in eâque inductis plerisque centuriis, & aquationem & pabulationem prohibebat. Ad extremum densis ubique stationibus concludebat, fugæ occasionem ad quam vicina invitabat silva præripiens: infessâ adhæc crebro milite firmatâque quæ Mosaiscum ducebat viâ, quod inde adventantes Moschorum, & subsidiarias exterorum turmas, fama tulisset, spesque erat ad eas redactum angustias hostem, ante Demetrii Suyscii adventum brevi debellandum. Sed nec ille segnior tardiorque in adventando, jamque Mosaisco & cum eo quidem quem numerosum traherat exercitum, moverat. Collegerat confeceratque partim è Moschis partim externis ultra quadraginta millia equitum peditumque, atque inter primores in exercitu comparuêre Moschorum Satrapæ clari nobilesque, Andreas Gallicinus, Daniel Mic-

Castellum & Castra Volvievii quatuor propugnaculis stringit.

Cum spe brevi debellandi.

Demetrius Suyscius cum exercitu movet.

Palatinos vocant.

L I

ciocius,

ciecius, Jacobus Borutinius, Basilius Buturlinus, non ferendi tantum Volvievo Jelecióque auxilii securi, sed delendi cum suis copiis Zolkievii, diuturnæque obsidionis tædio liberandi Smolensci spe tumentes.

8 millia-
ribus.
Zolkievius
de hoste
certius con-
silium re-
quirit.

Fit certior Zolkievius illos octo passuum millibus ab oppido Carovo præteritam egisse noctem, confestimque advocatis in consilium Tribunis Centurionibusque quærit: quid è re commodóque censerent? an hostem celeritate occupandum præveniendúmque esse? an eo ubi constiterint in loco exspectandum? assentientibus plerisque antevertendum suæ in hostem expeditionis nuntium, ingentésque illius copias subitario insperatóque aggrediendas impetu. Zolkievius in neutram partem dictâ sententiâ velut deliberabundus è consilio excessit. Statuerat ille apud se hosti obviam ire, celandi verò propositi causam dederant complures in exercitu Moschi, quorum verebatur proditorem, ne Suyscium aut Volvievum sui admonerent consilii. Quapropter relicto universo peditatu qui nuper

nuper excitatas munitiones Castellâque servaret, continuâque scloporum explosione negotium hosti facefferet, tum & equitum Cosacorum turmis selectioribus, ad distinnendum fatigandúmque crebris excursionibus Volvievum, iisque omnibus Jacobo Bobovio viro expertæ virtutis ac fortitudinis præfecto, ipse jam propè in umbrante vespérâ, summo silentio, Tribunis Centurionibusque, scripto monitis, quem quisque in procinctu itineris servaturus esset ordinem, Clusinum versùs contendit, ductis equitum millibus quinque. Namque ad suos bis mille quos è Regiis eduxerat castris, adjecti ter mille partim è Zborovianis, partim è Cozacis Piaskovio & Juasina ductoribus, eam in universum efficiebant summam. Sanè tunc apparuit, non pro numero fuisse robur, ampliúsque in rebus bellicis vires quàm homines posse.

Nocte itaque totâ quæ mense Julio brevior, iter suum profecutus est Zolkievius: & quatuor confectis milliaribus ante diluculum ad hostem pervenit Clusinum præ-

Peditatum relinquit & Cosacos ad destinandum Volvievum.

Ipse summo silentio noctem Clusinum versus contendit.

Non tam à numero militum quàm ab illorum robore servatus.

Pervenit ad hostem.

4 Junii.

*Spe futura
Victoria
tumentem
contemnens
etque
Zolkie-
vium.*

*Volmaria
Lyonie
Civitas.
Zolkie-
vius*

tergressum. Et ille quidem certus victoriæ quam à paucitate exilique Polonorum numero tumidè præfidentèrque sibi pollicebatur, nullis cinctus excubiis somno adhuc indulgebat, tanto etiam contemptu, ut solà sui exercitûs famâ fugandum à Carovo Zolkievium existimaret, nec expectaturum tantum imminentis sibi Moschoviæ robur. Et Pontus externæ militiæ dux ad fastum Demetrii suam quoque adjecerat arrogantiam. Namque pridianâ vespërâ à Suyscio convivio exceptus jactabundus retulit: captivo olim sibi ad Volmariam oblatam fuisse à supremo Polonarum copiarum Præfecto togam pellibus mardurinis suffultam, habere se quoque nunc pelles zebellinas quas mox capiendo Zolkievio non absimili rependeret officio. Verùm ille ultra spem hostium animosior, expergefecisset proculdubio Moschos tantopere suæ securitati indormientes, ni moram attulissent viarum molestiæ, quarum iniquitate duo tormenta campestria hæserant, & antequam omnes copię è silvis cœnosisque anfractibus elucta-

ctarentur unius horæ intercesserat interval- lum, distinuerátque Imperatorem. Attulê- re quoque remoram promptiùs celeriùsque invadendi hostem sepes in transversum per campum quâ patebat aditus ad Moschorum castra præstructæ, intèrque eas duo pagi maximo futuri Zolkievio ejûsque militi damno, si eos immissis Sclopetariis perti- naciùs insedissent. Atque ita dum & sepes perfringuntur, & pagi incensi fumant, tunc primum Moschi collucente flammâ exper- recti excitatîque, sensere adesse ducem in- trepidum audacemque cum exercitu cujus comtemtor hostis numerum non robur in- victamque animi fortitudinem computas- set. Ac legio Alexandri Zborovii cõ- festim in acie dextrum latus occupat, sini- strum, Nicolai Strussi Præfecti Chmielni- censis. Et illius latera tergumque cingebant subsidiariæ Martini Kazanovii & Ludovici Veiheri turmæ, quorum ille præsens, hic per Vicarium Samuelem Dunikovium aderat, huic Imperatoris legio ferebat auxilium, cui Joannem ducem Poricium præfecerat, reli-

*Qui ho-
stem exci-
tat sepius
perfractis
& pago-
rum in-
cendio.*

*Tum
aciem or-
dinat*

Zborovii

Strusi.

quæ equitum centuriæ hinc & inde sparsim reservatæ, in omnesque dispositæ sunt eventus. Piaskovius suis cum velitibus locum ad virgulta quæ levo cohærebant lateri cepit.

Idem faciunt Moschi.

Jam hostis quoque excitatus instructam opposuerat aciem mirâ loci opportunitate usus, pro quo lacus, silvæ, sepes pugnarent: sinistrum cornu Demetrius Suyscius Moschis equitibus attribuerat, peditatum à tergo ponere silvas virgultaque collocarat, laboranti equitatu quasi ex improvviso subsidium futurum. Ad dexteram prominebant sepes, quercinæ altæ in longum latumque extensæ, inter quas ceu obtento vallo Pontus & Hornius externæ militiæ peditatum statuerat, equitum Raitrum turmis additis, quæ & tergum servarent, & auxilio legionariis essent.

Pugna ad Clusinum cum Moschi.

Animatis itaque brevi sermone militibus Zolkievius signum pugnæ dari jubet, ac ii quibus mandatum erat in Moschos celerimè inveci, conferti cohærentesque summo impetu hostes impellunt, novas interim recentisque Zolkievio submittente turmas,

turmas, & quo ardore hostem aggressi sunt eodem percurrunt, ut diutiùs Moschi impressionem non ferrent, animisque victi, simul pavore offusi, in præcipitem effusi fugam dilaberentur.

Qui sterminantur.

Sed ex altera parte malè habebant militem sepes exterorum aciei præstructæ, nec antea intellectæ, cum nec vitari nec circumiri possent, atque ideo primùm alacritatem fortissimè procurrentium signorum fregissent, tanto promptiùs usum scloporum expediente pedite, quanto securiùs inter sepimenta receptus, veluti vallo tegeretur. Constat ter onerandi explodendique spatium temporis habuisse peditem, maximâ gladium effusâ procellâ plurimis virorum equorumque inferente stragem. Non ideo tamen cessare animis Poloni, eodemque quo coeperant ardore pugnam capeunt, eaque constantiâ & contemptu mortis, ut adversus ingruentium vim telorum, equis summo cum impetu adactis primas percurrerent sepes, jamque in peditem acriùs inveci obvios sternerent proculcarèntque.

Acrior & difficilior cum exteris propter sepes.

Com-

Qua op
duorum
tormento-
rum &
peditum
peritum
puni Po-
loni.

Et fugant
hostem.

Cujus
equitatus,
se opponit,
& stre-
nuè rem
gerit.

Comodè duo illa tormenta campestria superatis viarum difficultatibus sub tempus ipsum prælii advenerant, unà cum centuriâ peditum, quibus ad hostem sepibus pertinaciùs inhærentem, directis explosisque non infeliciter, secuti pedites Zolkieviani veterani & diuturniori militiæ usu assueti, pauci quidem sed quibus multum animi audaciæque inesset, rectà in hostem feruntur, à quo fortiter excepti, amissisque aliquot ex suis commilitonibus nihil inde consternati, ruunt animosiùs, sepes perfringunt, locoque pertinaces movent, ad extremum hostis impar furori alacritatque dimicantium proximam silvam effusâ petiit fugâ.

Sed equitatus hostilis sese opponens laborantique pediti subsidio veniens, redintegrato prælio acriùs Zolkievianos distinxit: & his quidem strenuè sed non expeditè rem gerentibus quòd hastis carerent, ac licet recentes turmæ auxiliares hastatæ advolarent, parum proficiebant, cum ejusmodi armorum usum angustia locorum inter

ter quas velut in cavea certabatur, ademissent. Ita ancipiti Marte quatuor horas pugnantibus, cum undarum adinstar modò hi modò illi pellerent repellerenturque, subito ad latus hostium cohortes, & prima quidem prætoria Imperatoris, altera Stanislai Koniecpolii, demum Alexandri Bablabani illatæ victoriæ dedere principium: quippe quo fervore hostem aggressæ sunt, eodem nullo quietis vel recolligendi se spatio dato, maxima cum strage cladèque agebant submovebantque ultra ipsorum castra carragine cinctâ.

Nec interim cessatum à turmis Strussii, Herburti, Vasicinii, Firleii, Dunikovii, Copicinii, qui cum illa exterorum militia non sclopiis sed gladiis (qui finis pugnarum celerior esse solet) acerrimè decertantes, illos tandem fudere fugaverunt. Et tunc certè compertum est quanta sit in equitatu vis militisque veterani ardore: quippe in hac cum exteris pugna tam iniquo arcto que sepimentis loco, magno sudoris cruorisque dispendio constitit victoria, tantæque cer-

M m

tan-

Poricius
& Widzga
periclitantur.

Stephanus
Widzga
Regum
Ecclesiastus.

Ejus praelii
fortiter
gesti penes
quos laus.

tantum pertinacia erat, quantò magis fervebat irrupentium audacia, multi equis amissis miscentium sese incurfantiumque manipulis penè obtriti, inter quos è præcipuis dux Poricius duobus suffossis pedester certare coactus est. Joannes Widzga Herburti Subcenturio fortissimè dimicans, jamque cadaveribus opertus, adducentis equum agasonis beneficio vix evasit. Felix bellicà laude gloriâque vir, sed longè illustrior feliciórque Stephano Filio Abbate Sieciehoviæ, Vladislai Regis magni nominis Ecclesiaste, cujus doctrina, prudentia, blandèque in aures influens suada, non unius aulae Polonæ, sed universæ Christianitatis meretur theatrum. Ac in pugna eas quas superius retulimus cohortes, Imperatoriam, Koniecpolii, & Balabani, primam obtinuisse laudem comperio: deinde eas quæ cum exteris tanto conatu laboréque dimicarunt, permultum ad victoriam contulisse, ad extremum universi militis eo die pugnacissimi egregiam virtutem dignam fuisse, quæ ad imitationem exemplumque poste-

posteritatis extenderetur. Sed & Zolkievium ex inserto traditòque cum cæteris postulatis Adamo Zolkievio & Petro Borkovio ad Regem indice, invenio, eos præcipuè Ordinum ductores Regiâ gratiâ munitentiâque cohonestandos commendasse. Strussum videlicet Præfectum Chmielnicensem, Alexandrum Balabanum, & Poricius, Herburtum, & Srzedzinium. Certè quis quantùsve ille conflictus fuerit ex literis Imperatoris ad Cancellarium Lithuaniae datis patuit, in quibus de parta feliciter victoria nuncians scribit sat modestè: *Equidem fateri necesse est fuisse hoc praelium, quod mirari quisque jure potuisset, ingens & cruentum: certatum ancipiti Marte pugnatumque tres amplius horas, magnum hostis cœgerat exercitum, exteri milites veterani: agebatur apud eos de gloria ac stipendiis, apud nos de summâ rerum. Erat necessitas in toto, spes in virtute, salus ex victoria, fugæ locus nullus: pugnarunt milites ut viros fortes decebat, hostium magna pars cæsa, non sine jactura quoque nostrorum: effectum id maximè, quod exteros unicam Suysciani roboris spem nobis junxerimus.*

Cum Zolkievii ipsius testimonio & Enrico.

Ejusdem litera de hac pugna. Leonem Sapieham.

6 Junii è castris ad Carolum.

Post praelium redeunt ad castra exteri.

Quamvis nuntiant, sed Polonos impetum facere volentes ad colloquium evocant.

Rescindere id nituntur Pontus & Hornius.

Fuso hoste restabant exterorum nationum castra non quidem neglecta à Zolkievianis, sed quia copias distrahi & vincen-
tium attenuare numerum minimè è re commodoque videbatur, plerisque equitatum Moschorum fugientem insequentibus ideoque dispersis, proinde ab iis tunc capiendis supersedere visum; Atque id conspicati Galli, Angli, Scotique & cæteri quos in silvas latebrasque infelix praelii fors con-
cerat, paulatim recollecti progrediuntur, castra iterum occupant, muniunt, seque ad defensionem parare incipiunt. Id posteaquam à milite victore compertum est qui jam in horas & momenta affluebat redibatque, eodem impetu parique quo pugnaverant ardore in hostium castra fertur: confestim exteri quantis se animis irritatus peteret miles conspicati, attonitique colloquium petiere. Id verò posteaquam Pontus della Garde & Eduardus Hornius comperere è silvis suisque reduces latibulis, (primi namque sub initium pugnae desertis legionibus turpissimè profugerant) illico tra-

tractatùs rescindere conantur, turbas motusque cient, compellant legionarios admonentque dedecoris, ipsi turpi fugâ infames. Zolkievius jam victoriæ securus tunc Domino exercituum supplex ac venerabundus grates persolvebat, aderatque Sacerdoti sacris operanti, cum intrepidus suæque pietati insistens interim maximis viribus castra oppugnari imperat, copiasque succedere jubet. At exteri iterum perterriti, spretâ Ponti Hornique auctoritate, exutoque suis ducibus obsequio. Galli omnium primi, quos secuti reliqui Adamo Zolkievio linguæ morumque exoticorum optimè gnaro, & quem obsidis loco habuerant, cum iis transigente, in hæc deditiois consensere capita: Abirent redirentque in patriam incolumes, armati, aut quò vellent, pro singulis interim jurarent Centuriones, neminem in posterum adversus Poloniae Regem in Moschovia militaturum, qui verò se turmis Regiis associare cuperèt, id cuique liberum esset.

At Demetrius Suyfcus supremus Moschoviticarum copiarum dux nec dum ex-

Zolkievius castra oppugnare imperat.

Terrantur exteri sequi dedunt hostis conditiones.

Demetrius Syrius cum suis viris recolligit, post fugit.

ciderat spe refarciendi reparandique exercitus, si externæ militiæ robur residuum sibi adjungeret, erigeretque recenti immutatum clade, & amplâ præmiorum pollicitatione iterum ad recolligendas animaret vires. Sed posteaquam Pontum Horniûmque nihil apud illos effecisse, quin contemptâ prostratâque auctoritate recessisse animadvertit, inanésque essent ingentium opum ac donationum pollicitationes, desperabundus è Castello nocte præteritâ excitato munitioneque sese ejicit, adeò effusè fugiens, ut summam celeritatem insequentium anteverteret, multis nihilominus fugæ comitibus cæsis stratisque. Quanquam nec ipse evasisset, nisi noto strategemate insequentis militis retardasset fervorem, cujus aviditati in propatulo castrorum, vestes, argentum, suppellectilem, pelles pretiosas veluti venales exposuit, ita equorum celeritatem stitit, & insequentium avidos ne progredierentur ulterius detinuit oculos, manusque ad paratam animavit prædam. Ferebatur, ipsum quoque amisso equo nudis pedibus per sil-

Insequentium celeritatem eludit.

Quo strategemate.

vas

vas errabundum latuisse, & vix Mosaiscum primo, ad urbem deinde salvum evasisse. Castra Moschovitica, tormenta bellica, & quidquid in iis erat opulentiae suppellectilibusque prædæ victorum cesserunt. Insuper & quæ triumphum exornarent, ipsius Demetrii fugientis spolia relata, rheda, ensis, galea, clava, supremi in exercitu regiminis insigne.

Numerus cæsum difficultius iniri poterat, maximâ fugientium hostium parte inter silvas saltusque insequentium gladiis concisâ: invenio nihilominus in nonnullorum actis diurnis, quindecim millia Moschorum partim cæsa, partim capta. E Proceribus dux Joannes Boratinus cecidit, Basilus Buturlinus & Jacobus Dzenidovus captivi ducti: exteri non minorem octingentis peremtis cladem accepere. E Polonis centum & septem equites occubere, inter quos periit primæ notæ Centurio Stanislaus Lanckoronius veteranus equitum ductor: Saucii centum & quatuordecim, equorum magna fuit jactura, ducen-

Moscuam.

Castra capiuntur omni prædâ referta.

Numerus in prælio ab utraque cæsum.

Stanislaus Lanckoronius occubuit.

tis viginti sex interfectis, totidem penè à vulneribus invalidis.

*Zolkievius à pugna redux Volvievum re-
primit.*

*Ad dedi-
tionem
hortatur,
profligati
Demetrii
seriem edo-
cet.*

*Vide lib.
4. supe-
rius.
Tradit se
Regi cum
quinque
millibus
Moscho-
rum.*

Reversus altero à conflictu die Caro-
vum Zolkievius, contumacem Volvievum
victoriâ excursionem laceſſentem signa re-
preſſit, miſſoque Soltico juniore Moscho-
rum Procere & Adamo Zolkievio nepote,
monuit, ne temerario impetu iniquis Mo-
ſchoviâ adverſaretur fatiſ, quin potiùs ce-
deret, Regiâque experiretur clementiam.
Faſtuosè arrogantèrque reſpondenti more
gentiſ, mox ſeriem Demetrii Suyscii pro-
fligati enarrant, prædam ſpoliâque oſten-
dunt, captivorum numerum exponunt: videret jam ſi militiſ triumphantiſ furorem ſuâ ſtimulatum contumaciâ experiri vellet, tunc proſectò nullum gratiâ favoriſque locum futurum. Ad profligati Moschorum exercitûſ nuncium concidit animo Volvievus, interim conditiones deferendi Vladislao imperii ad Smolenſcum cum Michaële Soltico initas, perferri ſibi poſtulavit, quibus viſiſ lectiſque, Caſtellum, arma, ſigna, militem, ſequè Regiâ permiſit voluntati:

con-

confeſtîmque quinque Moſchorum millia exercitum Zolkievii auxère Regiaſ profeſſi partes, quibus jam acceſſerant quoque Gallorum, Anglorum, Scotorumque dedititiî manipuli, malè acceptiſ mulctatiſque Ponto & Hornio, qui præmiſſiſ ſuiſ impedimentis ac paucis Sueciſ ac Finnonibûſ comitantibus Pohorilum ſeſe recepère, ubi Petrus de la Ville nobiliſ Gallorum Tribunus è morbo invaliduſ decubuit. Sed ibi quoque ſeditione ortâ à cæteriſ exterorum profugiſ, impedimentis & ſuppellectili ſpoliati, iis tantum quas eo die induerant veſtibus donati abière. Quamquam ut concatenata eſt ſemper malorum ſeries, neque ſolitaria infelicitas miſeros perſequi ſolet, ita cum laceſſiſ militum abeuntes reliquiſ fugaces viroſ aſſecuta eſt, novæque expoſuit cladi. Namque in ipſiſ Moſchoviâ finibûſ iterum profligati, Sueciam inglorii, milite, armis, Imperio, famâ exuti, repetière.

At partæ ab Imperatore victoriâ nunciuſ poſteaquam Regia complevit caſtra, egit Rex agique ab univerſo exercitu voluit

Nn gra-

*Pontus &
Hornius
Pohorilum
fugunt.*

*à profugiſ
ſpoliantur*

*Caſi ad
Lagodam
duciſ Solti-
ci Palati-
ni Mayo-
riſ Novo-
gardia.*

*Rex egit
Deo gratias
pro ob-
tenta vi-
ctoria.*

*Ensem sa-
cratum &
galerum à
Pontifice
accepit.*

*Qui Epi-
scopus
Luceori-
ensis
obiit
1634.
Paulus V.
Pontif.*

*Legati à
victore
exercitus
ad Regem
veniunt
15 Julii*

grates Dei clementiæ, & Sacro Missæ offi-
cio solenniter peracto, pro concione Pater
Stephanus Societatis Jesu transmissum à
Pontifice Romano amplissimum indul-
gentiarum diploma ad Regi ejusque militiæ
Coelitum implorandam opem, recitavit
promulgavitque, atque ab eodem obtulit
gladium galerumque solenni sacratos ritu
Achacius Grochovius, quod munus Regi
perferendum Pontifex Nicolao Volscio
Aulæ Regiæ supremo Præfecto Romæ tra-
diderat, is verò per Grochovium ad castra
transmiserat.

Venère deinde ab Imperatore & universo
victore exercitu Legati ad Regem, Nicolais
Strussus Chielnicensis Præfectus, Alexan-
der Zborovius, Adamus Zolkievius, Ce-
chovius, Bialoskorcius, Otorcius, Wuia-
kovius, Vlescius, Ramutus, signa ex hoste
spoliâque tradidère, recensueréque quæ
partim apud Imperatorem, partim in exer-
citu adhuc reliqua essent, magna cum Zol-
kievii ejusque consiliorum ac virtutis laude
militumque fortitudinis deprædicatione.

Petiere

Petière trimestre stipendium, quod more
majorum celebri partâ victoriâ exercitui vi-
ctori extra ordinem in vim donativi præ-
miique dari consuevisset, injectâ quoque &
veterum stipendiorum quæ sibi deberentur
mentionem. Militibus faucis belloque cruen-
tissimo attritis solatium à munificentia Re-
gia postularunt. Oravère quoque, habe-
ret Rex parem eorum rationem in confe-
rendis magistratibus facultatibusque qui
cum Imperatore nunc militarent absentes,
atque eorum qui in Regiis præsentibus ades-
sent castris.

Patuit tunc campus disertissimo Kriscio
ita jubente Rege in summas Zolkievii mili-
tisque excurrendi laudes, quibus egregias
illas & præliares animas extulit, detulitque
omnibus Regiam gratiam, quam partim in
conferendis sibi à Rege dignitatibus, par-
tim opulentiore ditandi censu, certò sibi
pollicerentur. Ad postulata tardius respon-
sum, in causâ fuit morbus Regius, qui in-
gravescens penèque fatalis, diutiùs tenuit in
castris Legatos: dimissi nihilominus spe in-

*Trimestre
stipendi-
um petunt,
& milus.
bus faucis
solutum.*

*Respondet
nomine
Regis
Pro Can-
cellarius.*

*Et postu-
latis an-
nuunt.*

N n 2

jectâ

ad 25.
Augusti.
decem
millia.

Smolen-
scenses in-
venitur
parta de
suis spolia.

Non ta-
men mo-
retur Se-
himus.

jectâ donativi recipiendi, faucibus quoque certa æris numerata transmissâque summa.

Audita Smolensci visâque ingentis lætitiæ signa, tormentorum, scloporum repetitæ explosiones, festi tympanorum tubarumque cantus, nihil obstinatis profuere animis. Admota jussu regio dispositâque per vicinas arcis munitiones relata à victore exercitu spolia, ita ut ex moenibus ab hoste dignosci inspicique possent. Videbant signa turmarum Moschoviticarum, tum & ipsius Demetrii Suyscii vexillum album aquilâ bicipiti nigrâ insigne, rhedam, clavam militaris Imperii decus, plurâque victi debellatâque hostis non dubia argumenta, quæ vel expugnare contumaciam, vel feroces oculos obsessorum percellere possent. Hæsit Sehinus & quasi solus totius Moschoviæ moraretur fata, nec animo nec viribus cessit, ita ut in maiorem lapidesceret pertinaciam.

Sed longè diversa per universam Moschoviam facies erat, tantò graviore Suyscianorum tristitiâ, quantò propiores se peri-

periculo intelligerent. Et Carolus Sudermanus ad profligatarum legionum nuntium furialibus accensus facibus exarsit ita, ut barbam velleret, in coelum ac Superos horrendam jacularetur blasphemiam, Regem proscinderet, ultionem minitaretur, excubias per confinia Moschorum indiceret, arces milite, commeatu firmaret, denique in furorem ac amentiam versus (cujus ille impetui sæpius obnoxius erat) nec suis parceret Suecis. Fortasse ad Augusti Cæsaris exemplum se composuit, quem cæso Quintilio Varo adeò consternatum Historici tradidère, ut per continuos Menses barbâ capillâque submisso, caput interdum foribus illideret, vociferans: *Quintili Vare redde legiones*. At ut dispares moribus Principes, ita dispari ingenio causâque, cum illum amor boni publici Romanique Imperii salus ad impotentem compulerit tristitiam, hunc implacabile odium raptique per summam injuriam Imperii conscia mens, lacerantisque interni tortoris ictibus faucia, ad furibundam exstimulavit moestitiam.

Carolus
Suecus an-
dâ suo-
rum clade
fuit.

id retulit
nuntius
ad caltra
veniens
i No-
vemb.

Suetoni-
us in Au-
gusto.

Post vi-
ctorem
arces re-
cuperan-
tur.

Moscu-
am.

In urbe
post cla-
dem acce-
ptam tre-
pidatio &
motus.

Interim complures Moschoviæ arces Victoris fortunam sequutæ sunt, redieréque iterum ad obsequium: Osipovia, Rzo-
via, Zubcovia, Mosaiscum, aliâque oppida explicandis per Moschoviam copiis opportuna, ac indies major dedentium sese confluebat numerus, Principis Vladislai nomen adorantium, patente etiam ad ipsam Metropolim securâ liberâque viâ, è qua permulti Nobiles ad Zolkievium transfugæ victoris animum præoccupantes festinavêre, animantes: accederet ad urbem certò totius Imperii sede ipsamet haud invitâ potiturum. Et profectò cum tristis totâ urbe invaluit rumor, pugnatum infeliciter cum Zolkievio, tantâque acceptam cladem quantam Polonus cruore satiatus voluisset: jamque complures ex fuga & pavore sese recipientes per intervalla cernerentur, tantopere trepidatum est, ut paucis post diebus tumultu exorto Basilii Suyscii in metam populis steterit, ad quem & linguâ procaci, & furioso collimarent impetu. Accusabantur infausta regnantis auspicia, asserebantq; ,
ob

ob illius deliria universum plecti populum, ipsi acceptas clades, nutantemque Imperii fortunam referentes. Namque iratos Superos Imperantem haud pati posse, qui invito coelo populisque sceptrâ teneret, mitiorâque Moschoviæ remeatura sidera, si Regnum linqueret deponerétve, augurabantur.

Atque hæc Zacharias Leponovus aliquot millibus nobilium aulicorumque stipatus, omni deposito metu reverentiâque Suyscio exposuit. Excandescente illo ad eam verborum licentiam, cultrumque arripiente quo videbatur inopinatam sermonis ulturus libertatem, altâ voce exclamat Leponovus: *siste inquit Suysci impetum, ni hisce manibus* (eas mox intentaverat vir procerus robustusque) *elidi comprimique velis*. Secuta ingens omnium acclamatio præcipuè Chomutovii & Joannis Soltici, concitatòque ingenti tumultu è palatio sese proripiunt, descenduntque in aream in quâ Duces Moschoviæ populum pro concione alloqui solent, ea verò, cum tantæ hominum multitudini capiendæ non sufficeret, pari quo venerant

In Suysci-
am insur-
gunt.

Leponovus
Suysciam
compellat.

Proceres
& populus
consultant.

Suyfcio Imperium abrogant.
 nerant impetu, iisdemque auctoribus ar-
 cessito insuper Patriarchâ & illustrioribus
 è Senatu Moschovitico viris, extra portam
 in patente campo consilium ineunt, Impe-
 rium Suyfcio abrogant, mittuntque qui
 universorum ordinum declararent volun-
 tatem.

27 Julii. Ergo jam ad præscriptam diem frequen-
 tes Moschorum Proceres qui tunc in urbe
 aderant, omnisque Nobilitas aggregatque
 vulgi & universorum ordinum ingens mul-
 tudo rectâ ad palatium contendunt: un-
 de Basilium Suyfcium Moschoviæ Ducem
 & totius Russiæ paulò ante Dominum, re-
 lictâ fortunæ suæ sede excedere, abdicarèq;
 se Imperio quod per quadriennium gesse-
 rat, jubent: mox eadem quâ venerant pom-
 pâ detractis Imperii insignibus attonitum
 stupentemque deducunt ad gentilitiam,
 quam privatus incoluerat, Suyfciorum do-
 mum, firmissimis septam vallatamque cu-
 stodiis, quibus præfecere Duces Lykovum
 & Nagium, Fratres quoque Demetrius &
 Joannes Suyfcii, iique quos charos olim
 fortu-

*Post ad
 Palatium
 omnes va-
 dunt inde-
 que exau-
 ctorum
 ad Suyfcio-
 rum do-
 mum de-
 ducunt.*

*Quam
 præsidis
 firman.*

fortunæque suæ fidissimos habebat affeclas,
 arctius detenti custoditque. Theodoro
 Mscislavio Duci vicaria totius Imperii ge-
 rendi administrandique cura omnium con-
 sensu demandata est, dictumque ab univer-
 sis Sacramentum mutuò sese obstringenti-
 bus adversus Impostorem, qui falsi Deme-
 trii titulo jurèque simulato per summum
 scelus ad Imperium aspiraret: interim sin-
 gulorum votis in Vladislavum Principem
 pronis propendentibusque.

At Suyfcius licet tam arctâ septus custo-
 diâ teneretur, libertatis suæ asserendæ adi-
 piscendique iterum Imperii, varias inibat
 tentabatque vias, clàm cum iis conferebat,
 quos sibi domique suæ addictos non ig-
 norabat, & sclopetarios auro donativisque
 pertentabat, illorum ope auxiliòque non
 contemnendo (quippe octo millibus homi-
 num ea constabat militia) ad perditæ maje-
 statis iterum emergens fastigium. Sensere
 Proceres subdoli hominis fallaciam clan-
 destinòsque conatùs, è quorum manda-
 to mittitur illico Leponovus, qui Suyfcio
 san-

*Mscisla-
 vium duci-
 tur Vica-
 rius Impe-
 ris.*

*Suyfcius
 tentat vias
 sese è custo-
 dia expe-
 diendi.*

*Leponovum
 mittitur
 qui illum*

*Lepono-
vius mitti-
tur, qui
illum ad
monaste-
rium de-
trudat ha-
bitu Mo-
nachus ve-
stitum.*

sanctioris in clauſtro vitæ capeſſendæ ne-
ceſſitatem nunciaret, aſſumptoque monacho
è Cudovo Coenobio, ab eodem inter plu-
rium detinentium manûs reluctanti obni-
tentique caput monaſtico ritu attonſum
eſt: demum ſago cucullato indutus, trahis
imponitur: vehiturque monaſterio inclu-
dendus.

*Zolkie-
vius victo-
riam per-
ſequitur.*

*Mofaiſcū
venit ibi-
que ſubi-
ſtit.*

Zolkievius interim qui non tantum vin-
cere, ſed victoriâ uti ſciret, hoſtem in remo-
tiora Imperii perſequi atque ipſam aggredi
Metropolim decreverat, rebûſque ex ani-
mi ſententia ad Carovum fluentibus, au-
ctior & externo, & Moſchorum regiarum
partium exercitu, Moſaiſcum verſus ſigna
promovit, ibique tantisper ſubſtitit rei ge-
rendæ captaturus occaſionem. Et poſtea-
quam tumultuantium in urbe populorum
motûs detrufumque è palatio ad clauſtrum,
è Principe Monachum factum Suyscium
non ingrato univerſæ Moſchoviæ ſpecta-
culo exhibito, intellexit: tum & Impoſto-
rem à victoriâ Zolkievii erectum, magnis
itineribus cum Sapiehanis legionibus ipſo-
que

que Sapieha, expilato obvio Paphnutii Cœ-
nobio ablatoque inde belli nervo; ſub ipſa
confediſſe Metropoli accepit, literas ad
Theodorum Mſciſlavium Senatûs Mo-
ſchovitici Principem cæterosque primo-
res dedit, quibus ſuam operam contra falſi
Demetrii conatûs detulit, expoſuitque, ha-
bere ſe in mandatis à Rege laboranti urbi
cum auxiliaribus adeſſe copiis, & nefarii
latronis huius auſûs inhibere ulciſci que: ad
extremum velle ſe cum illis inire conſilia,
quæ ad pacem tranquillitatēque & ſiſten-
dum Chriſtianum ſanguinem pertinerent,
maturarent itaque ſecum conferre, & be-
neficiū auxiliūque quod illis ultrò à Re-
ge ejusque filio Vladislao Principe offerre-
tur, grati lubentēſque ſuſciperent. Scri-
pſit & aliam epistolam in Suysciorum cauſa,
ne quid in illorum vitam fortunāſque dere-
pente durius ſtatuerent, & ampliffimis fa-
miliæ illuſtrioris in Moſchovia recensitis
meritis, ſuadet ſervandos potiùs permit-
tendosque benignitati Regiæ & Vladislai
Principis. Quid moverit Imperatorem ad

*Literas
ad Mſciſ-
lavium
ſcribit &
auxiliū
contra Im-
poſtorem
pollicetur.*

28 Julii
1610.

*Alterum
quique
mitti in
cauſa Suys-
ciorum.*

Mosaisco
2 Augu-
sti.

Et cur id
facit.

Suyfcianum patrocinium ex accuratis rerum gestarum Commentariis nihil liquet: & ipsemet Regi scribens nullâ ratione appositâ, nudè nunciat: *Gravibus de causis visum est dare eo in negotio literas ad Proceres eo exemplo, quod Majestati Vestræ mitto.* Ablegaverat quidem Joannes Suyfcius Joannem Divovum sclopetariorum Præfectum, certosque nobiles, qui intercessorias à Zolkievio obtinerent, quibus clementiæ Regiæ & Principis famam spargeret: at si divinare licet, existimo cautum prudentemque ducem alia spectasse consilia: quippe edocebatur, urbem in tres scissam esse factiones, quarum primam auctoritate Patriarchæ nixam (quæ apud illos summa) suadentis Imperium uni è Patriis indigenisque (designabat tacitè Basilium Galicinum) deferri: alteram Zachariæ Leponovi immensis pollicitationibus corrupti, Impostorem summo promoventis conatu: tertiam eamque validissimam Mscislavii pro Vladislao Principe omnibus viribus annitentis, quocirca existimabat Zolkievius, servandos in omnem even-

eventum Suyfcios; quos iterum ad dirimendas factiones illorum turbis immisceret, utpote homines subdolos, vaferrimos, motibusque ciendis idoneos.

Intellecto itaque urbis statu, subitâque & tragicâ Imperii conversione, versus Mosaiscum iter direxit ut propior Moscua esset, exploratâ interim per literas voluntate Regis, quid facto amplius opus esset? & quem in finem ulterior armorum consiliorumque progressus dirigendus foret? petitâque à Rege Alexandro Gosievio Præfecto Velisiensi ad se veniendi facultate, quem utpote Moschoviæ peritissimum, ad negotia tractanda adhiberet. A Mscislavio Moschisque Proceribus deinde literas accipit, adempti Suyfcio Imperii causas prolixè continentes edocentisque: vocatos universos Moschoviæ Ordines ad Monarcham è supremi Numinis instinctu eligendum. Monebatur ab iisdem Zolkievius, ut Sapieham ipsiusque legiones cædibus & incendiis grassantes ab Impostore abduceret, victumque tradi procuraret, id si efficeret, commodius

A Mscislavio literas accipit.

dius cum illo ex communi Ordinum consilio acturos de iis, quæ pacem tranquillitatemque totius concernerent Moschoviæ.

*Legati
Moscho-
rum subsi-
dium à
Volkievio
contra Im-
postorem
petunt.*

*Negat
ille, cur?*

*Tandem in
conspicu-
tum ur-
bis venit.*

*4 Augu-
sti.*

Jamque unius miliaris intervallo ab Urbe, universo cum exercitu constiterat Zolkievius, cum derepente Legati à Proceribus Moschis advolant, iterum contra vim Impostoris Demetrii ferociter urbi insultantis subsidia anxie flagitantes. Negavit ille, neque se mittere velle, nec posse respondit: cum sibi non constaret quo erga Regem ac Principem animo essent, abrumperent tantummodo moras, nunc tranquillandi Imperii tempus instare, nec certarent secum crebris literarum missitationibus, quæ in immensum summo cum temporis dispendio procederent. Ad eum modum dimissis Legatis, mox ipsos cum omnibus copiis secutus, in conspectu urbis comparuit: castrisque ante moenia positis cum universo exercitu confedit. Ita injectus Moschis celeriora consilia arripiendi stimulus, confestimque utrinque mutuo colloquio diem, locum assignant. Destinatur à Zolkievio

kievio Stanislaus Domaracius & Alexander Balabanus qui cum illis conferrent. Centuriones & bellicâ laude & natalibus clari, ambo Græcæ religionis eoque genti gratiores: additi è Moschis Regi fidioribus Joannes Solticus, Dux Horostinus Palatinus olim Roslaviensis, & Volvievus, quibus ad conditum venientibus locum obvii fuere Dux Joannes Tricurovus, Theodorus Colisovus Senatui à secretis, Joannes Chlebovus: & salve more gentis utrinque dicto, Domaracius exposuit: Regem precibus Moschorum evocatum ad ferendam inclinatis Imperii ipsorum rebus opem advenisse, adesse tempus urgendi ea quæ concupiscerent consilia, satisfacturam votis non difficulter clementiam, quam implorassent, Regiam. Excepere sermonem Domaracii non sine gestientis animi indicibus Moschi, asserentes: unicum esse Moschorum desiderium Principem Vladislaum, quo imperante aurea iterum è postliminio reditura essent Monarchiæ sæcula, quæ nunc ferrea gravi cum detrimento incumberent. De cæteris

*5 August.
locus par-
thenium
Cœnobi-
um.*

*Destinan-
tur ad col-
loquium
cum Mo-
schis Do-
maracius
& Bala-
banus.*

*Et collo-
quuntur.*

*Moschi
religionem
ritus Gra-
ci in Vla-
dislao ma-
ximè re-
quirunt.*

*hac maxi-
mam facie
difficulta-
tem*

*a 5 julii
ad 26.
rejectionem
interim
hac questio*

*ad aliud
tempus.*

ris quas regnatura ferrent conditionibus minus se laborare, sola accederet religio, eam namque si Græcis ritibus accommodaret, juraturos confestim in nomen Principis. Sed cum Domaracius negasset, validisque rationibus adductis differuisset, Principem Imperii causâ nullatenus se à Religione Catholicâ Romanâ abduci dimoverique passurum, finis colloquio impositus est, rejectoque tam difficili ad Zolkievii cum Proceribus Moschis congressum negotio, pacatis discessere animis.

Et sanè haud facile dictu est quantum pertinaciter suæ Religioni inhæserint Moschi, permultumque ea attulerat difficultatis colloquendi Zolkievio cum Proceribus Theodoro Mscislavio, Basilio Gallicino, Theodoro Seremeto, Daniele Miececio, cæterisque: pluresque effluxere dies, antequam suadentis Zolkievii prudenti facundiâ flecterentur duriores animi. Nec tamen aliter quievère, quam iterum rejectâ eâ quæstione vel ad adventum in Urbem Principis, vel certè per Legatos quos mitterent, cum ipso-

met

met felicius transigenda. Oblatas interim alias conditiones quas Imperaturus sanctè observaret Princeps, cum plerasque enormes minusque possibiles refutasset, rejecissetque Imperator, non alias se concessurum juraturumque palàm ostendit, quàm eas in quas volente Rege & Senatûs & Proceres Moschi, Duce Legationis Soltico, ad Smolenscum convenissent. Annuentibus facile Proceribus. pactorum formula scripto concepta evulgataque est, ingenti populorum lætitiâ: quippe in tantam erant subito effusi, ut & præteritarum calamitatum oblit, affulsisse sibi Vladislauum pacis tranquillitatisque felicissimum jubar, invicem gratularentur, & ad Vladislai nomen profundè sese inclinarent, ipsiusque auspiciâ festo applausu sequerentur venerarenturque.

Rebus itaque constitutis firmatisque, utriusque partis benevolo consensu, fixa sunt extra urbem tentoria duo & magnitudine & capacitate insignia; in quibus duæ excitatae aræ Crucibus ac Divorum imagi-

Pp

fo-

*De cæteris
conditio-
nibus
transigit
Zolkie-
vium,*

*quas iura-
mento fir-
mat.*

*27 Au-
gusti.*

*Idem &
Moschi
faciunt.*

solennique supplicantium ritu Clerus universæ Urbis attulerat. Hinc legiones Polonæ micantibus signis festoque apparatu splendida, inde Moschorum miles comparebat, ingensque effusa multitudo campos texerat. Tunc Zolkievius unâ cum Tribunis ac Centurionibus nomine Principis in eas jurat, in quas consenserat conditiones: Moschi antequam Sacramentum dicerent, compellati sunt à duobus primæ dignitatis Ecclesiastici Ordinis Viris in eum modum; Processisse se Sanctissimi Hermogenis totius Moschoviæ Patriarchæ auctoritate ac mandato, eo quem cuncti cernerent solenni ritu, ut in hac Cleri præsentia Magno Monarchæ Vladislao Sigismundi filio Principi Poloniæ, quod felix faustumque esset Magno Moschoviæ ac totius Russiæ Duci ac Imperatori feliciter Electo, Proceres ac Ordines universi sanctam ac vitalem Crucem more patrio oscularentur: eidem Monarchæ vero ac legitimo Domino se suæque omnia privata ac publica, communem Patriam, Imperium universum dederent ac man-

id est iurarent.

manciparent. Acclamantibus universis & consonâ lætâque voce Vladislao Magno Duci ac Imperatori vitam, felicitatem, victoriam precantibus, mox Mscislavius, Galicinus, Seremetus, Mefecius Senatûs Principes: inde cæteri Proceres, Magistratus, prout cuiusque dignitas, conditio, locûsque ferebat, ad aram venerabundi procumbentes, juravere, Crucemque acclines (quod genti maximum iuramentum est) osculati sunt.

Nollem lectorem in prolixâ pactorum Conventorum narratione immorari, ne, prout diversi sunt legentium animi, longa rerum series tædium fastidiumque pariat, nisi me validissimæ stringerent rationes, quas omnes referre supervacaneum esse duco, una pro omnibus facile suffectura. Annis ab hinc dum hoc scribimus propè quindecim, cum Vladislavus Rex pacato feliciter Septemtrione perpetuæ pacis condiciones indulgeret Moschoviæ, ea adjecta fuit, quâ ex suâ benignitate juri suo in Moschoviam cedens, redditurum se illis insuper

*Cur pacta traditi
Imperii
Vladislao
referat
auctor.
1634.*

pollicebatur autographum pactorum Conventorum, suæque in Magnum Moschovia Ducem Electionis diploma, ne rei gestæ apud se existeret nota, quam & chirographa & sigilla, cæteraque evidentissima proderent documenta. Interim excusso diligenter archivo sollicitè ubiq; & apud hæredes Zolkievii requisitum, nusquam compa-ruit, stupente Rege ac Senatu, Moschis verò, prout natio suspicacissima est, malà fide secum agi reputantibus, nec aliter conquiescentibus: donec Rex verbo suo cavisset Regio affirmassetque, se penitus ubi lateret ignorare, quod si reperiretur, certo certius remittendum. Nec deinde inventum plerisque vel à Sigismundo Rege, vel à Zolkievio suppressum autumantibus, sed ab hoc præcipuè, quod ob tam egregiè præstitam operam nullam grati animi significationem, quin potius indignationem Regiam tulisset, ut suo memorabimus loco. Si itaque ipsum autographum pactorum inclementia perdidit, neque enim hucusque compareret, etsi compareret jure meritò Moschis restitu-

*Autogra-
phum
pactorum
interit nec
hucusque
reperi-
puit.*

tuendum foret, exemplar dum recens adhuc esset facti memoria in privatorum actis diurnis annotatum, ex iisque transcriptum, nosse intererit, ut Vladislai Principis gloria & virtutis Polonæ decus ad feram extendatur posteritatem. Ad eum igitur modum conditiones oblatis Imperii Vladislao sese habuere, Electionisque tale diploma fuit.

*Bene precante permittentèque sanctissimo Her-
mogene Patriarcha Moschovia ac totius Russiæ,
nec non Metropolitanis, Archiepiscopis, Episcopis,
Archimandritis, Igeomenis, ac sancta universi
Cleri Synodo. Ex consilio consensuque Procerum,
Nobilium, Provinciarum, Præfectorum, Audi-
corum, Secretariorum, Dapiferorum, Cubiculario-
rum, Tribunorum, Patriciorum, Evocatorum,
Mercatorum, Sclopetariorum, Cosacorum, rei
tormentariæ Magistrorum, & cujuscunque statûs
hominum qui sub Magno Moschovia Imperio
continentur. Nos Nobiles Theodorus Joannis
Filius Mscislavski Dux, Basilus Basilii Gali-
cinus Dux, Theodorus Joannis Seremetus Dux,
Daniel Joannis Micciecius, nec non Nos supremi
Consilii Majores, Secretarii, Basilus Telepnoro, ac*

*Diploma
Electionis
Vladislai
in Ma-
gnam
Moscho-
via Du-
cem.*

Thomas Lugovius instituimus colloquium cum Magni Monarchæ Serenissimi Sigismundi Regis Poloniae ac Sueciæ, Magni Ducis Lithvaniæ &c. &c. Palatino Kioviensi Copiarum Regni Poloniae supremo duce, Rohatinenſi, Camionacenſi, Caluſienſique Præfecto, Stanislao, Stanislai de Zolkwia Zolkiewski, inuimusque consilium de eligendo Magno Volodimiria, Moschovia, ac totius Imperii Russiae Monarcha Duce ac Imperatore: statuimusque ac decrevimus, ut beatissimus Hermogenes Patriarcha Moschovia totiusque Russiae, nec non Metropolitani &c. &c. ac sancta universi Cleri Synodus, Proceres item ac Nobiles &c. &c. Omnisque conditionis homines ac universi Ordines Imperio Moschovitico parentes, mittant magnos Legatos ad Serenissimum Sigismundum Poloniae ac Sueciæ Regem, Magnum Lithvaniæ Ducem oratum, ut Magnus Monarcha Sigismundus Rex filium Vladislaum Principem in Volodimiria, Moschovia, ac totius Russiae Imperium assumi sinat concedatque. Quod quidem sanctissimus Hermogenes Patriarcha Moschovia ac totius Russiae, nec non &c. &c. & universi Cleri sacra Synodus à Deo precatur, maximæque cum lætitia ac desiderio Principem Vladislaum in verum ac legitimum totius

totius Russiae Monarcham expetit.

Nos verò universi Proceres, Nobiles, Provinciarum Præfecti, &c. &c. ac omnes Moschoviae Ordines & statūs universi ac singuli qui Moschovitico continemur Imperio, Magno Monarchæ Vladislaui Principi Sigismundi filio, nec non ejus stirpi ac posteris liberisque sacræ ac vivificæ Crucis osculo juramus, nos eidem Principi, ejus liberis, stirpi, ac posteris in ævum servituros, bonum omne procuraturos optaturosque, non secus ac antecessoribus Dominis Nostris Magnis Moschoviae Imperatoribus Magnisque Ducibus optabamus procurabamisque, nihil mali in eum attentaturos, neque machinatos cogitatosve quidpiam in ejus perniciem, nullumque alium tam è Moschis quam exteris, præterquam solum Monarcham Vladislaum Principem, in Moschoviae Imperium promoturos collocaturosque.

Conditiones verò, è quorum præscripto Monarcha Vladislaiis hoc totius Russiae Imperium administraturus esset, dedimus in scripto. Nos Nobiles Theodorus Mscislavski cum sociis, copiarum duci supremo Stanislao Zolkiewski, juxta quod scriptum Nos quidem Nobiles & socii tranſegimus, vice
autem

autem versâ idem conditiones comprehensas nobis Nobilibus &c. &c. & sociis prædictus Stanislaus Dux manu suâ subscripsit, sigillo munivit, juramento firmavit, quod ille omnesque ejus Tribuni ac Centuriones pro Magno Monarcha Serenissimo Rege, & pro Vladislao Principe ipsius filio, nec non pro utroque Imperio, Regno videlicet Poloniae ac Magno Ducatu Lithuaniae, denique pro se suisque copiis ac universo exercitu Sigismundi Regis præstitere. Quod autem diploma Nos Proceres Stanislaus Duci manibus nostris subscriptum & sigillis communitum dedimus, eos continebat articulos.

Posteaquam propitio Deo, & illibatâ Deiparâ Virgine, ac Magnis Moschoviae tutelaribus & Thaumaturgis Petro Alexio, Joanne, cæterisque Divis faventibus, consentiente Serenissimo Sigismundo Rege, Magnus Monarcha Vladislavus Sigismundi filius Volodimiriae, Moschoviae, totiusque Russiae Imperium adeptus fuerit, ingreditur Urbem principem Moscuam, & inaugurabitur in Vlodimiriensem Moschoviae totiusque Russiae Magnum & inclytum Imperatorem, diadema, sceptrum, cæteraque Imperii insignia sumet è manu Sanctissimi Hermogenis Patriarchae Moschovitici, more ritûque antiqui-

tiquitus à præcedentibus Moschoviae Imperatoribus usitato.

Templa Divino dicata cultui tam in urbe quàm in oppidis, arcibus, pagis, totoque Imperio, honore prosequetur, exornabit, nec ruere desolarique sinet.

Sacras Dei, Deiparæ Virginis Castissimæ, Divorumque imagines, nec non miraculis illustres Sanctorum cineres venerabitur, iisque profundam exhibebit reverentiam.

Inclytum Sacerdotum Clerique universi Ordinem debito honore afficiet, nec sese in illorum munia, resque ipsorum Ecclesiasticum statum concernentes, ingeret.

Quemlibet fidem veterem & orthodoxam ritûs Græci retinere sinet more antiquo, nec Romanam aut quampiam aliam diversam contrariamve invehet invehique patietur, nec Templa, Oratoria alterius ritûs in arcibus, pagis, aut quibusvis universæ Moschoviae locis ædificabit locarive sinet. Ut autem, quod ardentem Zolkievius urfit, in Urbe Moscua unum ad minimum religionis Romanæ Templum pro Polonis Lithvanisve hominibus in obsequio Monarchæ manentibus exstruatur, Princeps Vladislavus ex consilio Patriarchæ, Sacri Ordinis, Procerumque id statuet. Interim inclytam Græcam fidem nulla in re violabit,

neque ullo afficiet dedecore, quin sartam, tectam, florentemque conservabit, nec à veteri majorumque fide quempiam ad Romanam aut aliam quamvis ullo modo compellet adducetque. Judæos penitus ab universo Moschoviæ Imperio arcebit excludetque, neque negotiationum causâ ingredi patietur.

Attributas ab Imperatoribus olim, aut Nobilibus, Templis ac Cœnobiis possessiones, redditus annuos, Eleemosynas sive æris signati, sive frugum non adimet, iisque integerrimè gaudere sinet. Dimensa omnia, sportulas, panes, nummos è thesauro Ducis erogari solitos more antiquo Cœnobiis templisque conferet, nec imminuet, quin augebit.

Nobiles Provinciarum Præfectos, Aulicos, Secretarios &c. &c. ac omnium Ordinum Moschoviæ homines gratiâ suâ & amore fovebit, & pro cuiusque dignitate, gradu, more majorum honore prosequetur. Moschoviticas Ducales ac Nobiles familias, exteris advenisque non posthabebit, tum honores & dignitates, stipendia, sportulas, domicilia, possessiones, hæreditates, quas hæcenus quisque possedit, præsertim verò paternas facultates nemini adimet. Advenas, qui ab exteris regionibus ad obsequium priorum Ducum in Moschoviam commigrarunt, penes illorum
anti-

antiquas possessiones, stipendia, domicilia conservabit.

Nobiles Provinciarum Præfecti &c. &c. Omnes denique incolæ jura omnia, dignitates, ac officia sua obtinebunt. Polonis verò & Lithvanis hominibus nulli magistratus, nulla publicorum negotiorum administratio concedetur, neque Palatinorum dignitas officiumve illis dabitur, nec Civitatibus locisve ulla cum potestate præficientur. Quos verò Polonos Lithvanosve in Urbe obsequii causa Princeps retinuerit, iis stipendia annua largietur pro cuiusque conditione & dignitate.

Fus more veteri atque è legibus Russici Imperii dicetur, quod si indigenæ corrigendi firmandique juris causâ mutari aliquid voluerint, siquidem rem justam petierint, eî petitioni Monarcha ac Senatus Ordinesque assentientur.

Serenissimo Sigismundo Regi Poloniæ ac Magno Duci Lithvaniæ & ditionibus ejus, Regno nimirum Poloniæ ac Ducatu Lithvaniæ cum Magno Monarcha Principe Vladislao Sigismundi Filio, & cum universis Russicæ Monarchiæ ditionibus sancta pax, inviolabilis societas amicitiaque esto in perpetuum, neque ulla ex parte litibus, bellis, aliâve occasione violetur. Inimici utrique Imperio communes
sunto,

sunto, & si qui Regnum Poloniae, Magnum Ducatum Lithvaniae, aut Russiae Monarchiam bello impetere aut invadere voluerint, communibus utriusque Principis viribus propulsantor. In confinibus Tartarorum communia utriusque Imperii praesidia habentor, de quorum praesidiorum ratione & modo, Monarcha Princeps, ubi Russiae Imperium obtinuerit, è Senatûs consilio dispiciet, statuet, agêtque cum Serenissimo Rege.

Dolo malo aut colore quopiam quaesito caedes Moschis inferri nullo modo patietur, nec domicilia possessionesque adimi. In Poloniam Lithvaniamque aut in alias regiones Monarchiae Moschoviticae homines ne abducantur, neque vicissim Lithvani Polonique inducantur, uxores liberosque violare neque in praedam abigi sinet.

In fontes cujuscunque statûs & conditionis homines, non, nisi ex jure aut Senatûs judicio Magistratuûmque decreto, animadvertetur. Conjuges ac liberi qui criminis non conscii nec complices fuerint, aut quibus id invitis admissum fuerit, plecti non debent, sed omni jure suo fruuntur gaudebuntque, neque eis possessiones haereditariae, domicilia, facultatesque adimentur. Criminis non convictus neque judi-

judicio damnatus nemo plectetur, nemo proscribitur, nemini possessio domûsve auferetur. Qui sine haerede obierit, ejus facultates cedent proximis agnatis, aut quem ille haerodem moriens scripserit. Atque iis de rebus Monarcha cum Senatu cognoscet, absque eo nihil statuet.

Quoniam verò eo tempore, quo Apostata volente Demetrius prior. omni Moschovitico Imperio interfectus est, multi quoque in Urbe Moscua tam Moschi homines quam Poloni Lithvanique utrinque caesi sunt, id factum perpetuâ sopiatur Amnestiâ.

Captivi Poloni ac Lithvani cujuscunque conditionis sint, Zolkievio supremo armorum Duci reddantur, quod si qui adhuc remanserint, ii conquirantur & absque pretio liberi dimittantur. Idem & Moschis cujuscunque conditionis hominibus & sexûs captivis fiat.

Reditûs Imperatorios seu Ducales ex arcibus, possessionibus, teloneis cauponisque, Monarcha Princeps exigere mandabit, more antiquitus usitato: alias nullam illorum factururus accessionem. Missurus verò est Princeps ad arces ac territoria per belli injuriam vastata, homines certos, qui explorent & inquirant ac in tabulas referant desolata bona,

quibus immunitatem vectigalium concedet: Nova autem tributa consentiente Senatu imponet.

Mercatoribus Moschoviticiis in Polonia ac Lithuania, viceversa Polonis ac Lithvanis in Moscovia negotiatio libera esto, tam in urbe quàm cæteris arcibus oppidisque, ab iisque Telonea veteri & usitato more exigantur.

Colonis agrestibusque è Lithuania in Moschoviam, non verò è Moschovia in Lithvaniam transire ac migrare liceat.

In fluminibus Volga, Tanai, Faina, Tarca, sintne retinendi Cosaci necne, è Senatûs consilio statuet Monarcha.

De arcibus Moschoviticae ditionis, tam iis quæ præsidio Polonorum ac Lithvanorum tenentur, tam quæ Impostori sese dediderunt, Zolkievius copiarum Dux ita nobiscum transigit: ut Regia Majestas ac filius ejus Serenissimus Vladislaius eas omnes Moschovitico restituat Imperio: Magni verò Legati qui Moschovitici Imperii Nomine ad Regem propediem mittentur, de impensis in militem factis, illorumque stipendiis persolvendis transigent. Quantum verò ad Smolenscum attinet, exoranda erit Majestas Regia à Zolkievio, datis ad eam li-
teris

teris, ut ab oppugnatione vique abstineat.

Impostor, qui se Demetrium Joannis magni Ducis filium mentitur, conjuncta cum Moschis Proceribus operâ oppugnandus erit à Zolkievio, curandumque, ut aut vivus aut mortuus in potestatem veniat. Quodsi Urbem Moscuam impetierit tentaveritve, incumbet Zolkievio juncta manu eum submovere, ac prælio cum illo decernere. Eo autem capto, aut interfecto, reducendæ erunt Zolkievio copiae Mosaiscum versus, aut aliò, prout cum Proceribus transegerit, ibique reditus Legatorum à Rege & mandata illi expectanda erunt. Joannem Sapieham ejusque legiones ab Impostore abducat Regiusque conciliabit partibus: Si verò Impostor cum exercitu Moschovitico ab Urbe recesserit, Polonorum verò ac Lithvanorum exigua quæpiam manus illum comitata fuerit, Zolkievio una cum Proceribus Moschis incumbet cura, eum citissimè persequi, providereque, ne plus Christiani Sanguinis ab eo fundatur, ac novarum rerum in hoc Imperio detur occasio.

Marina Mniscii Palatini Sendomiriensis filia, interfecti Apostatae Gregorii Otrepovicii conjux, quæ moderno etiam Impostori adhæsit, Imperatricis titulum ne usurpet, & ne quidpiam contra Mo-

Moschoviticum Imperium moliatur, in Poloniam reducatur coërceaturque.

Supremus copiarum Dux Zolkievius in Urbem Moscuam Polonos, Lithuanos, Germanos, aut cujuscunque gentis milites, tam qui ipsius quàm qui Joannis Sapiehæ imperio parent, absque consensu Procerum non intromittet. Si verò commeatus causâ milites mittendi erunt, habeant literas patentes Zolkievii, quibus si caruerint, non admittantur, nec mittendi viginti numerum excedant.

Moschi, si quis ad illorum Schisma transire vult, necessarium volunt, ut iterum baptizentur juxta ritum Græcum.

Ad extremum Monarcha Vladislai Princeps Sigismundi Filius ea omnia executioni mandabit, quæcunque Legati ab eo & à Regia Majestate supplices petierint, juxta hujus instrumenti & Pactorum formam. Ut autem Serenissimus Princeps Vladislai lavacro ad Græcæ religionis ritum initietur, eamque amplecti velit, nec non de rebus controversisque omnibus, quæ inter Polonicum & Moschoviticum Imperium adhæc usque funesta tempora intercesserunt, certi aliquid statuatur: pax, amicitia, societas perpetua inter eadem Imperia constituatur, quandoquidem Zolkievius iis de rebus nullo mandato à Rege munitus esset, ita nobiscum transigit: ut eorum omnium definiendorum causâ mittant Proceres

atque

atque universi Ordines &c. &c. Legatos ad Regiam Majestatem, ac Serenissimum Principem Vladislai.

In horum autem fidem & robur, præsens Pactorum & juramenti nostri Instrumentum, Nos Proceres Dux Theodorus Mscislawski, Dux Basilus Basili Galicinus, Dux Theodorus Joannis Seremetus, Dux Daniel Mezecki sigillis nostris munimus. Nos verò Secretarii Basilus Tclepniem ac Thomas Lugowski manibus nostris subscripsimus. Datum in Imperiali ac Metropoli urbe Moscuâ Anno à condito Mundo 7118 Mense Augusto.

Juxta
Kalenda-
rium Ro-
manum
A.D.
1610.
27. Au-
gusti.

Pactis utrinque jurejurando stabilitis, reducem tranquillitatis amœnitatem, vernantisque temporis felicitatem offuscabat pertinaciter ad Urbem cum exercitu hærentis Impostoris nebula, ad quam discutiendam auspiciis Vladislai, veluti Orientis Solis felicibus radiis, arma virisque sunt conversæ, animis mutuò in hostem conspirantibus. Et oppugnantem quidem summo impetu Urbem, incendia flammisque spargere conantem, repressere Moschi strenuè fortiterque: hærebat ille nihilominus Sapiehæ ipsius-

Pactis fir-
matis ob-
stat Impo-
stor ad
Urbem
hærens.

R r

*Zolkievius
ad Sa-
pieham
ejusque
legiones
misit.*

ipsiusque legionum confusus robori, quamvis postmodum ab adventu Zolkievii aliquantum detumuisset. Ergo ad Sapieham ipsiusque copias ablegat Imperator certos comilitones, qui docerent universam Moschoviam & Urbem Principis Vladislai imperium accepisse, non esse cur Impostori amplius adhærerent vanisque pollicitationibus se ludi finerent, persuaderent ei potius, reciperet se ad gratiam Regiam, indeque haud dubiam expectaret munificentiam: illos verò præclarius gloriosiusque Regi suo operam collocaturos. Ferocius ad ea acriusque respondentes non tulit Zolkievius, commotioremque signa movet, advocato Moschorum subsidio, ac per ipsam Urbem portis ultrò ab alacritate Civium Procerumque patentibus, ducit, nihilque tale opinantibus aut metuentibus Demetrianis, summo mane sub ipsorum castris instructâ acie constitit. Tunc, vocato ad colloquium Joanne Sapieha Centurionibusque, armati ducis præsentia exterritos milites faciliores invenit, æquioraque postulantes. Ad extremum

mum stipendiorum securos certosque reddidit: & si illis tantopere cordi Impostoris causa esset, interpositurum se pro illo supplicem ad Regiam Majestatem sponndit.

*Tandem
ipse cum
exercitu
venit, &
ab Impo-
store abdu-
cere vult.*

Aberat Impostor tertio à castris milliari, hærebátque cum Sua Marina in Coenobio quodam, & posteaquam militem nutare alióque propendere, & Zolkievium crebrius cum Sapieha conferre sensit, quin à proditore Moscho edoctus sui obsidendi subitòque opprimendi consilium, clam elapsus, fatalem fugæ locum Kalugam repetiit, comite Marinâ celeri impositâ equo.

*Vulgo na
Ugresie
dictum.*

*Impostor
cum Ma-
rina Kalu-
gam fugit.*

Oblatam multoties gratiam munificentiamque Regiam spreverat arrogans Impostor, stimulante animum ferocem impotentis superbique ingenii fæminâ Marinâ, & quæ degustatâ imperandi temporariâ dulcedine, verecundiam, patriam, cuncta denique imaginariis dominii titulis posthabebat. Jam verò & legiones illæ Impostori adhærentes omnem penitus reverentiam, & quam debebant Regi exuerant observantiam. Ausæ insuper legatione compellare

*qui multo-
ties gratiâ
Regiam
sprevit.*

*Legiones
adhuc ipsi-
us partes
invenitur.*

*Legatos
ad Regem
mittunt.*

*spernun-
tur.
Potoci-
um.*

fastuosâ, victoriarum bellicorûmque faci-
norum immensâ prædicatione, suisque Do-
mini laudibus & encomiis infarcitâ. Atque
per eosdem Legatos porrexere conditio-
nes Regi ab Impostore ad amissim im-
plendas, si ad adipiscendum quod illi jure,
ut ajebant, deberetur Imperium, Regio
promoveretur conatu & auxilio. Est mihi
ad manus Legationis hujus Commenta-
rius & conditionum exemplar, in quo re-
ferendo longior esse nolo, cum ab homine
vano & qui nihil præter Titulum haberet
imaginarium profectâ, mox à Rege spretâ,
explosâque ab universo exercitu fuissent.
Legati vix obtinuere ut in conspectum ve-
nirent Regium, ad Palatinum Braclavien-
sem remissi, coram quo si quid haberent,
exponerent fusius. Interrogati quâ fronte
ea adferrent ab eo, qui bis unius hominis
personam mentiretur, qui Deum con-
vitiis incesset, religionem fingeret:
cum nullam sequeretur, fidem frangere
perquam familiare sibi haberet. Moniti
denique ut Patriæ, Regis, honorisque sui
memo-

memores, infamem defererent militiam,
accederent verò iis partibus, quò illos virtus
& patriæ ipsorum commoda Regique debi-
tum vocaret obsequium Et legationis qui-
dem hujus fuere minùs grata capita, præci-
puè Joannes Kasimierscius, Matthias Jani-
kovius turbarum seditionûmque incento-
res, quibus adjuncti erant mitioris ingenii
viri Joannes Bilinius, Thomas Vchlicius,
Matthæus Budzanovius; ille quidem Cen-
turio, hi Commilitones. Verum paulò post
operâ Sapiehæ indefessòque studio tradu-
ctâ in partes Regias copiar, deferuere Im-
postorem, cum ipsum causâ jam & fortuna
defereret.

*Capita
hujus Le-
gationis
ingrata.*

*Tandem
operâ Sa-
piehæ dese-
runt Im-
postorem.*

Namque tribus abhinc circiter Mensi-
bus ultimum tragoediæ actum cruento fini-
vit Epilogo. Desidebat profugus Calugæ
adhærente exiguo Nobilium Moschorum
globo, plerisque Donensium Cosacorum
& Tatarorum stipatus signis, odium in Po-
lonos spirans, fortunæ verò ut non nimiùm
fidens, ita non desperans, quamdiu & vita
& aliquid superesset armorum, momentis-

*27 De-
cemb.
1610.*

*Ejus mors
& Elogi-
um.*

que res suas æstimabat, quas ad extremum relapsas gentis inconstantia fides lubrica, iterum erigere posset. Inciderant fortè ipsius Tatarum in Czaplicii Poloni Centurionis turmam, eaque dissipata captivos aliquot minoris notæ homines Calugam adduxerant. Lætus Impostor victoriâ, ac si penitus debellatum esset, subito perfusus gaudio prandet hilariùs, indulget genio, mox assurgens ab epulis ac trecentis Tataris duce illorum Petro Vrozovo nuper sacro Baptismatis fonte tincto comitatus, cæterisque Moschis extra Urbem arcemque animi causâ progreditur. Tum adduci imperat aliquot trahas mulso ac vino adusto onustas, delectaque, prout rigor hyemis ferebat, planitie, in patientiori campo in omnem sese effudit lætitiâ. Tatarorum præcipuos ad hilaritatem invitat, propinat bibique majoribus poculis, personat campus ebriorum vocibus; cum in ipso bibentium largiùsque sese ingurgitantium fervore, Petrus Vrozovus meditatum aggreditur facinus, Tataros immitit, qui à Nobilium Moschorum cæde ini-

Calu-
gam.

initium faciunt, ipse obtruncat Impostorem, ac in partes concisum cadaver vestique detractâ spoliatum, relinquit, arrepto versùs Moschoviam cum suis Tataris itinere continuatoque.

Ferunt Vrozovum contumeliâ ignominiaque accensum in illius conspirasse necem: quippe ejus jussu immeritum verberibus exceptum fuisse carcerisque squallore castigatum constat, è quo non ita pridem ad ultionem solutus prodiisset. Pronis quoque in eandem Tataris ob illatam Kazimoviensi Regulo mortem, quem Impostor prodicionis suspectum trucidarat. Cæde Impostoris exterrita Marina ex arce in urbem evolat, planctu fletuque omnia complet, sparsis crinibus nudum pectus ferro confodiendum ostentat, versa deinde in furias Cosacos Dunenses in reliquam Tatarorum manum armat immittitque, & propè ducentis cæsis non suo parentavit Conjugi.

Hunc exitum vitæ sortitus est, quisquis ille fuit, qui in Demetrii genus, fortunam hæ-

Marina à
cæde Im-
postoris
fuit.

hæreditatem immigrare voluit, atque universæ illufit Moschoviæ: fatis intrudentibus hominem natalibus ignotis, cuique neque lar neque focus esset, nullique mortaliū compertus: qui simulato jure, Suyfcium arrepti nefariæ sceptri anxium, pertinaci bello in armis teneret, detestantibus quidem Moschis larvati Impostoris personam, sed malentibus redituræ felicitatis momenta præstolari ignotum dissimulando perferendoque Demetrium, quàm sub continuo eoque gravi & crudeli Suyfcianæ Tyrannidis jugo, in gemitu, lachrymis, vitæ incerti contabescere. Et Polonorum legionibus cædes popularium suorum quas ultum ibant, & præda spe devorata universi Imperii, personato adhærere Principi suasit, cum ab homine & privatim abhorrerent, & palàm præsentem etiam convitiis proscinderent, contumeliis afficerent. Certè Judæum fuisse suspicionem movit inter fugientis è castris suppellectilem repertum Thalmut, multique Hebræi codices, & Syngraphæ Judaïcis exaratae characteribus.

raçteribus. Cæterùm Superos irridere, Numen procaci linguâ laceffere solitus; ad extremum rudis, barbarus, crudelis, avarus, subdolus, lasciviâ libidinèque infamis, crapulæ deditus, totus ex sceleribus flagitiisque conflatus, indignus qui ficti etiam Principis nomen sumeret, ad cuius tuendam auctoritatem nec formam, nec unicam haberet virtutem, præter Polonorum robur Moschorumque ad præsens simulata obsequia &c.



Sf

H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER SEXTUS.

*Vladislai
Electio in
Magnum
Ducem
Moscho-
via ma-
gnâ populi
lætitiâ ex-
cipitur.*



Nterea ad famam Electi in Magnum Moschovia Ducem Vladislai, immensa populorum confluebat multitudo gratulantium invicem festoque tripudiantium apparatu, Eum sibi benignitate Numinis contigisse Principem, quem votis ac desideriis jam pridem expectiissent: simul cogitationibus sermonibusque revocabant adversa infestaque, à quibus jactati fuissent, quorum jam securi sub tanti Principis auspiciis super omnes casus æumnasque con-

constitissent. Personabat unicum in Urbe Vladislai Nomen, passimque juramentis omnis Moschoviticæ originis stirps à sceptro excludebatur, quin & nonnulli sortes in Nomen Principis ciebant, auspiciæque explorabant, iis verò ad votum fluentibus, momento totam Urbem idem faciendi corripuit ardor, plerumque successibus lætis provenientibus, universisque conclamantibus, utendum esse auspiciis tam fortunati Principis, quibus nihil impervium esset, cunctaque se ultrò submitterent. Et hic quidem vulgi animus affectusque fuit, apud quem nihil unquam est mediocre, tristibus deprimi allidique, gaudio immodicè attolli, & ad cujusque auræ lenem motum facile impelli agitarique solito.

At Proceres, ubi sat lætitiæ dedissent, ad publica convertuntur munia: ac primum Sacer Ordo templa precibus Uni Vladislao faustis implet, tum ejusdem nomine populis edicta proponuntur, mittunturque ad Provincias recens Electi Principis titulo sigillisque munita diplomata, ablegantur primarii ad excipiendum Juramentum Novo-

*Ejus no-
mine edi-
cta propo-
nuntur.*

*Cetera Ci-
uitates ad
juramen-
tum eidem
discendum
inuitan-
tur.*

*Zolkievio
Regni infi-
gnia tra-
dunt.*

*Suyfcius
deditur
una cum
fratribus.*

*Præsidium
Polonum
in Urbem
inducitur.*

gardiam Majorem, Toropeciam, Velico-
lucos, Plefcoviam, cæterâsque arces ac di-
tiones, haud abnuentes detrectantésque
ejus imperium, quem Urbs primaria pronis
adorasset studiis. Aperiuntur thesauri ac
vetus Ducum Moschoviæ ærarium, tra-
dunturque Zolkievio Regni insignia, pecu-
nia aurea argenteâque Electi Ducis Nomi-
ne inscripta cuditur: ad extremum produ-
citur è claustro Basilii Suyfcii dediturque
Zolkievio, infelix Princeps nec suo tutus
asylo, sequuntur fortunam fratris Deme-
trius & Joannes Suyfcii invisa Moschis no-
mina, & quorum memoriam perpetuo
abolere silentio cuperent. Et illum qui-
dem Osipoviam amandatum Pauli Rucii
custodiæ Imperator commisit, hi à Nievia-
dovio Bialam ducti ibique mansere detenti,
tum demum in Urbem petentibus ultrò
stimulantibusque Moschis præsidium indu-
citur, dispositis legionibus excubantibus
attendentibusque ad lubricam oppidano-
rum fidem.

Tribus universa Metropolis dividitur se-
pimen-

pimentis, (seu ut illi vocant arcibus) sin-
gulis ambitu capaci amploque eductis, in-
miram crassitudinem ac altitudinem moeni-
bus cinctis, quibus sua quoque nomina in-
dita. Ac primum quod candidâ obductis
calce muris albicantibusque splendeat turri-
bus, Alborum moeniorum nomen accepit:
alterum vulgò Kitaigrod indigetant: ter-
tium Krimgrod vocatur, ubi Regia sita in-
génisque spatium, quantum duorum fluvio-
rum Moscux ac Neglinæ complexus obti-
net. In eas igitur arces Zolkievius valida im-
mittit præsidia, ac densatis stationibus mu-
tuâ sibi ope manum porrigentibus univer-
sam complectitur Metropolim. Alexandri
Zborovii legioni Alba moenia cessere: Ka-
zanovius cum suâ Kitaigrodum occupat,
Imperator Krimgrodum Regiamque infe-
dit. Atque ut omnem contentionum præ-
cideret occasionem, æquè è Moschis ac Po-
lonis iudices legit constituitque, qui exori-
turas lites paribus deciderent suffragiis, se-
verèque in delinquentes animadverterent.
Moschi verò, ne quid legionibus deesset,

*Ejus di-
stributio
per Urbis
partes, de
quibus
obiter di-
ctum.*

certa territoria ad subvehendam annonam
rémque cibariam petendam assignavère,
unde affatim proveniebat magno cum mi-
litum commodo, diuque suffectura erat,
si debitâ parsimoniâ futuri temporis ratio-
nem habuisset.

*Zolkie-
vius de
transacti-
ad Mo-
scum ne-
gotio Regi
nuntiat:*

*eius conse-
cti celer-
tas carps-
it ab a-
mpulis.*

Rerum hæcenus in Urbe gestarum se-
riem Zolkievius Regi misso nuntio expli-
cat, deque adventu Legatorum certio-
rem facit. Sed jam in aula perstringebatur ab æ-
mulorum malevolentia negotii tam subito
confecti celeritas, quod in longiorem tra-
here extenderéque moram è re commodó-
que Regio censebant. Quamquam non com-
modum illud, quod tantopere sollicitos te-
neret, erat: namque uti prævidebant Zol-
kievium à castris distractum, & parvis se-
ptum contra potentiam Moschorum copiis
non levibus implicandum curis, ita contra
illorum votum felix & torrentis adinstar
rapidus victoriarum cursus, angebat percel-
lebatque æmulantium animos, ad cuius illi
fructum decerpendum advolare cupiebant:
ut penès Zolkievium inchoati operis labor,
pe-

penès illos impositæ coronidis gloria ho-
nórque maneret. Hinc quamprimum ex-
pugnandi Smolensci ardor Potocios cepe-
rat, ut captâ quantocius pertinaci arce, Re-
gem in penitiora Moschoviæ pertraherent,
suis consiliis, apud quem se non ignorabant
unicè dominari, de rebus Imperii illius
transacturum. Et pleni spe fiduciâque citò
capiendæ debellandæque, eandem fortis-
simis universo cum exercitu admotis ma-
chinis oppugnarunt, impetum sustinenti-
bus præsidariis repellentibúsque, non abs-
que clade invadentium, cumque nihil profi-
cerent, fuisse ejus sententiæ non neminem
scio, ut relictâ obsidione Rex pergeret ad
Urbem rectâ, cujus jam Imperiique plenè
seculo accessurum Smolenscum certò con-
sideret, nec refragaturum Sehinium pro-
nis obsequiòque mancipatis Vladislao Prin-
cipi Moschorum Proceribus. Verùm exi-
stimationis Regiæ famæque intererat sesqui
anno obsidionem continuatam haud dese-
rere, nec à tergo relinquere nobilissimæ
Provinciæ munitissimum propugnaculum,
Lith-

*21 Augu-
sti.*

*Domara-
cium &
Gosie-
vium.*

Lithvaniæ verò conterminum, Sehiniumque bellandi peritum, parendi verò novo Principi incertum, & quem fluxa gentis fides ad res movendas facile impelleret: consultius facturum fuisse Regem, si ab ingressu suo in Moschoviam in ejus penitiora penetrasset, aut certè sub ipsis obsidionis initiis, Smolensco tantisper relicto, ivisset integer virium, famæ, gloriæ, duorum de Imperio litigantium certamen armatus diremturus.

*Sed culpâ
vacuum
agnoscunt
postmo-
dum per-
spectis ra-
tionibus.*

At præterita ut censurâ notare promptum est, ita corrigere haud expeditum, culpâ tamen Zolkievium vacuum agnovère postmodum ii, qui gloriæ ipsius infensi eos sparsere sermones. Namque, licet voluisset summam rei in eam opportunitatem attemperatè protrahere, quoad Rex victrices urbem versùs promoveret aquilas, aut certè absens mandatis suæ voluntati consonis crebriùs instrueret, prævidebat vir occasionum captandarum non segnibus, apud eam, cum eaque se versari gente, quæ tam expeditè fidem frangeret atque daret, ve-

rebatúrque, ne cunctatione nimia Principem avidè ad sceptrum vocantium animi elanguescerent, præsertim cum fervida eligentium studia, & Patriarcha homo clàm factiosus suæque religioni metuens, & Impostor favorem per emissarios miro artificio prehensans captânisque, restringere satagerent. Urere & Moschorum Proceres, omnémque damnabant moram; at magis acrior accelerandi negotii Zolkievium urisit cura: namque videbat exercitui nulla procedere stipendia, sine quibus bellum difficulter posse trahi intelligebat, imò Tribuni, Centuriones, militésque Prætorium ejus circumsteterant cum ea denunciatione, se vacuos stipendiis amplius nec militare velle, nec posse, quos ipsa penuria & egestas à sacramento absolveret, provideret itaque illorum commodis Imperator numerato ære quantocius. Atque iis rationibus transacti ad urbem negotii celeritatem Zolkievius Regi excusavit, apud quem pacta cum Moschis inita, consuetâ æmulorum interpretandi licentiâ, continuò carpebantur.

T t

In-

*Legati ab
Ordinibus
Moscho-
via ad Re-
gem veni-
unt.*

Interea non ultrà cunctati totius Moschoviæ Ordines, legationem instituunt, nominantque Philaretum Rostoviæ ac Jaroslaviæ Metropolitum, Ducem Basilium Basilii Galicinum, Ducem Danielelem Joannis Mezecium, Thomam Lugowski à secretis: cósque cun selecto Nobilium, Aulicorum, numerosoque comitatu mittunt ad Regem Smolenscum obsidentem. Deductoris munere instructo à Zolkievio Nicolao Herburto Præfecto Tlumacensi, qui diploma Electionis Vladislai in Magnum Moschoviæ Ducem, in manus Regias traderet. Rex verò & legationis & conditionum admonitus, quas, quoniam minimè probabat, ideoque moderaturus erat, decrevit Legatorum animos paulisper inflectere emolliréque magnifico ac splendido apparatu, quem in eis excipiendis adhiberet. Præmissus itaque Christophorus Zbarascius Præfectus Cremenecensis cum lectissimis militum signis, ornatissimâque Aulicorum ac Nobilium manu, qui succedentes castris & salutaret, & ad stationem deduceret. Ad-

Excipiuntur à Christophoro Zbarascio præ castris, deducunturque.

diti iisdem honoris humanitatísque causâ tres parastatæ, Viri gravissimi, Janussius Skumin Tyskievicius M D L. Notarius, *Parastata
iis addita.* Kochanovius Venationis Regiæ supremus, & Albertus Miaskovius Regi à Secretis. Succamerarius postea Terræ Leopoliensis & Vladislai Regis ad Cæsarem Turcarum Legatus. Statio sub tentoriis ultra Boristhenem assignata, additi sexcenti pedites per speciem honoris custodes exploratorésque.

Eâdem quâ venerant magnificentiâ paucos intra dies in conspectum Regis adducti, *Regem ad-
eunt.* primùm ab osculo manûs honorem accepere, deinde sedente Rege legationem stantes in submissam compositi venerationem exposuere, cujus proluxioris summa hæc demum fuit: Rexisse hæctenus Imperium Moschoviticum Basilium Suyscium, sed iratis *& allo-
quuntur.* Superis Numineque haud favente, cum & arces invitum illi deferrent obsequium, & populorum continuis flagraret odiis, unde intestina erumperent mala, tumultûs, seditiones, tantâque effusio sanguinis, quanta ad totum Imperium inundandum mergendum.

dúmque fatis esset. Annuisse tandem illum cessisséq; universorum Ordinum precibus, abdicasséque se Imperio, quod imploratâ Divinâ ope, & Castissimæ ac intemeratæ Virginis Deiparæ, Sanctórumque Tutelarium precibus adjuti, unanimi consensu volentes lubentésque detulissent Magno Moschoviæ Monarchæ Ducique Vladislao Principi, dixisséntque eidem sacramentum in præsentia Stanislai Zolkievii Supremi Copiarum Ducis, paritérque juratè spondentis pro sua Majestate Regiâ, Principe Vladislao, exercitúque universo. Orare itaque, ratum id haberet Majestas Regia, non denegaret supplicanti Moschoviæ Filium, atque ad scepra capeffenda quanto-
 cius mitteret, sereno vultu afflictum populum recreaturum, avidéque exspectantium desideria expleturum. Tantò verò futurum gratiorem, si more antecessorum Moschoviæ Ducum eandem coluerit ritûs Græci religionem, ejúsque Baptismo initiari (quod unicum totius Moschoviæ votum est) voluerit. Cùm verò nonnulla superessent con-
 ditio-

ditionum capita, quæ Zolkievius judicio Majestatis Regiæ prudentique reliquisset trutinæ, idcirco super iis explicandis expendendisque velle se cum Senatu colloquium instituere, modò id Rex annueret. Responsum accepere Legati à Leone Sapieha Cancellario Lithvaniæ nomine Regio verbis magnificum, plenúmque encomii tam prompti pronique studii universorum Moschoviæ ordinum erga Majestatem Regiam ejúsque Filium Vladislaum Principem: Quod, ut grato libentique animo exciperet Rex; ita plus momenti fideique accessurum illorum dictis speraret, si eas quas adhuc adferrent conditiones, ad omnem inflecterent facilitatem, quorum trutinam benignè committeret Senatui, eorúmque mutuis congressibus colloquiisque.

Et congressi quidem multoties cum Senatu Legati, prout crudas attulerant conditiones; ita eas rationum pondere emolliri mitigarique pro innatâ genti pervicaciâ haud sinebant. Namque præter toties repetitam & ad ravim usque decantatam reli-
 gionem,

*Respondet
 Leo Sapie-
 ha Cancel-
 larius
 Lithva-
 niæ.*

*Legati
 cum Sena-
 tu de con-
 ditionibus
 disceptant,
 quas du-
 riores pro-
 ponunt.*

*De reli-
gione.**De comi-
tatu Prin-
cipis.**De Uore
ducenda.**De Smo-
lenscs obfi-
dione sol-
venda.**De condi-
tionibus in
Comitiis
approban-
dis.**De mi-
tendo
quantocius
Vladislao.**Octob.
& No-
vemb.*

gionem, cui miro zelo unicè cavebant ean-
démque Principem profiteri volebant: co-
mitatum exiguum futuro Monarchæ è Po-
lonis Lithvanisque præscribebant, quos
nec finitimis arcibus munitionibusque cum
imperio præponeret, nec ullis publicis ap-
plicaret negotiis: Uxorem destinabant non
ex alieno petendam Orbe, sed è veteribus
Russorum familiis, contendebantque om-
nes sibi restitui arces, prout eas ante belli
tumultuumque initia possedissent. Obsi-
dionem Smolensci mox Vladislao traden-
di, solveret Rex, abduceretque universum
exercitum in Poloniam, metúque libera-
ret Moschoviam. Firmaret: iurando unà
cum Senatu conditiones approbandas una-
nimi Ordinum consensu in Comitibus legé-
que, atque ejus rei causâ suam interponeret
auctoritatem: Ad extremum mitteret da-
retque omni morâ cunctationeque præcisâ
Vladislaum Filium, summè ipsius præsen-
tiam expetenti desiderantique Moschoviæ.

Post gravissimas tandem disceptationes,
post repetita iteratâque, quæ duos menses
absum-

absumerant, colloquia, deinde interventu
Zolkievii ex Urbe tunc reducis, ad cuius
reditum volentes & consilia & pertina-
ciam distulerant, eò adducti sunt, ut ad fu-
tura Regni Polonia Comitibus brevi ordini-
bus indicenda, conditionum tractationem
rejicerent, meliori omine tunc decidendam.

Sed cum interim Principis Vladislai in Mo-
schoviam festinatum urgent adventum,
quo non aliud pacandis rebus tranquillan-
doque Imperio censerent efficacius reme-
dium; Rex vero nullum eis daret respon-
sum, Senatores è contrario ita jubente Rege

palàm contenderent, ut Regi insimul cum
Filio Sacramento se obstringerent: con-
sternati eâ denunciatione Legati, aver-
sisque jam erga Regem ac Vladislaum ani-
mis, alia volvere incipiunt spēsque tacitè
premere, ex hac occasione partes quoque
suas in prehensando Imperio postea habitu-
ri. Et quoniam ea Regis cunctatio & sce-
ptum Moschoviticum partum feliciter è
manibus excussit, & immortalis gloriæ
decus penè exstinxit, consilii auctores &
rationes exponam.

Inter

*Rejiciunt
tandem
earum
conditio-
num tra-
ctationem
ad futura
Comitia.**Interim
Vladisla-
um sibi
missi po-
stulant.**Senatores
Regem in-
simul cum
Filio ad
Moscho-
viticum
Imperium
promove-
rent.
Consterna-
ti inde Le-
gati, aliam
enim vol-
unt.*

Confilii
hujus pra-
posterarum
rationes et
auctores.

Vide su-
perius
lib. 4.

Inter decumanos tumultuum fluctus ja-
ctata Moschovia, extinctâ veteri Ducum
stirpe, prout jam retulimus, Unum respicie-
bat Vladislaum Principem, cui summam
deferret regiminis; seu tædio popularium
suorum arroganter crudelitèrque domi-
nantium mota, seu metu armati Regis, fa-
tiscentique per dissidia Imperio potenter
imminentis, seu pronis in juvenem Prin-
cipem studiis, qui felicius novam Ducum
familiam ordiretur. Vota desideriaque po-
pularium suorum aperuerat Michaël Sol-
ticovus publicâ Legatione, Rege quidem
hilari vultu augustæ domui novam orna-
menti accessionem excipiente, sed quod
ipse diadema suo prius imponi capiti cupe-
ret, adultiori postmodum filio tradendum.
Hinc cum ambiguo responso dimissus Sol-
ticovus cæterique Moschi, videlicet: *si ita
omnino in fatis fuerit, prius pacem ac tranquillitatem
in Imperio Moschovitico stabiliendam esse, tum à
dando filio Regem non futurum alienum.* Ne verò
Moschorum postulatis animum accommo-
daret, non parùm contulère Potocii, penès
quos

quos consiliorum militarium erat summa,
nec vulgaris auctoritas, haud æquiores
Zolkievio, cujus rerum gestarum gloriam
suis officere luminibus rebantur, præfer-
tim cum illi nullo operæ pretio ad Smolen-
scum desiderent, huic omnia prospere éque
voto cedere animadverterent, ostenderent-
que, totam ejus expeditionis summam pe-
nès Zolkievium, nullam penès Regem futu-
ram: illorúmque instinctu missus erat à Rege
Alexander Gosievius, & Theodorus An-
dronovus ad Zolkievium & Mscislavium
Moschorum Procerem, qui illum mone-
rent, Regis potissimùm causam in deferen-
do Imperio ageret, huic persuaderent, tutiùs
expeditiùsque Moschoviam Patri Regni
æviq; maturo, quàm filio teneræ imbecil-
lisque ætatis committi, adultiori à Patre tra-
dendam. Sed Gosievius & Andronovus
tardiùs ad Urbem venerant, confectis ante
biduum à Zolkievio rebus, dicto ab utrinq;
Sacramento, evulgatâq; Principis Vladislai
in Magnum Moschoviæ Ducem Electione:
eapropter præposteram censebant operam,
manum

Potocii
Regem à
dando
Moschis
filio debor-
tantur,

illorum
suasum
itur Go-
sievius &
Androno-
vus Mo-
schus ad
Zolkievi-
um, ut
Patri
causam
ageret.

Sed illi
veniunt.
30 Au-
gusti

*Kriscius
inter cate-
rore ejus
consilii
auctor.*

*Et de Leo-
ne Sapieha
id quoque
dictum.*

manum negotio sibi commissio admove-
re, præsertim apud gentem subdolan ac suspi-
cace, & à Rege averfi abalienatque ani-
mi. Ferunt & Felicem Kriscium Regni
ProCancellarium Potociorum subscripsisse
sententiæ, quanquam mihi non adeo com-
pertum; existimo tamen virum Principis
intelligentem eò licet tacite repugnantem
flexisse vela, quò validior voluntatis Regiæ
impelleret ventus. De Leone Sapieha Can-
cellario Lithvaniæ fidentiùs id à plerisque
notatum, eò quòd sapius Moschorum per-
tentaret animos flecteretque ad dicendum
Regi Sacramentum, quâ de re questi apud
Zolkievium eidem præbuerant occasionem
Sapieham compellendi, sed ille impositâ
sibi à Rege necessitate factum excusavit,
cujus mandata invitus exsecutus fuisset: &
postmodum Zolkievius in suo Commenta-
rio Sapieham ab eâ suspitione liberat,
quem suis adhæsisse consiliis tenacissimè
memorat.

Rationes ejus consilii negatque ad Mo-
schorum postulata Principis, jam mihi
prom-

promptum est referre ab inspectis Gosievio
datis à Rege ad Zolkievium & Mscislavium
mandatis. Ac nonnullæ à blanditia suaden-
tium profectæ videbantur, videlicet: præ-
ferri Patri Filium, ejus ætatem objici im-
maturam inexpertemque consilii turbidis
Moschorum ingeniis, unicam teneramque
spem è sinu Patris abripi, in lubrico barba-
ræ gentis folio collocandam, tantò cum
evidentiori discrimine, quantò paucior
è Polonis ac Lithvanis comitatum Regna-
turo præscriberent, interim exercitus con-
festim amoveri, ac extra Moschoviæ limi-
tes abduci contenderent: denique ita cir-
cumscriberent, quò magis omni nudatus
præsidio, fraudi obnoxius esset Regius ju-
venis, ac pro perverso fastidientium Recto-
res genio iterum tolli exstinguique posset,
quandoquidem gens illa ex vanis supersti-
tionibus fidem lubricam, è vitâ moribusque
barbaris animos pervicaces, immanitatem
pro jure, servitutem pro natura projectam,
exiguo honesto temperatam, licentiam
pro consuetudine haberet. Quam angus-

*Rationes
negati
Principis
ad Mo-
schorum
postula-
tam.
datis è
castris
22 Aug.
1610.*

*Imbecilla
as frau-
dibus &
dolis expo-
sita.*

Cicero
Tuscul. 5.Rex ipse
potius dia-
dema su-
meret, de-
ponendum
postmo-
dum in fi-
lii caput,aliter fa-
cturus, si
dei dato
Lublino &
Vilna
maculam
inferret.

sto loco Regia arctarentur solatia, vita Prin-
cipis inter metûs, pericula anxia foret, ve-
lut appenso è lacunari equinâ setâ gladio
quotidie cervicibus impendente. Pergeret
Rex potius & Moschos seditionibus attri-
tos, cladibus confectos, armis ad extremum
subjugaret premeretque, victor genti jura
daret, sumeret diadema, quod pace stabilitâ
ordinatisque Imperii rebus in filii caput se-
curè deponeret, majori obstringendi bene-
ficio, cum id non à Moschorum fallacibus
studiis, sed à benevolentia Patris obtineret.
Neque verò salvâ fide Regiâ Principem
Moschis concedi posse; namque confestim
è Comitibus comparuerat Rex in generali to-
tius Poloniæ Dicasterio Lublini, & post-
modum in totius Magni Ducatus Lithva-
niæ Vilnæ, palamque professus erat, ire se ac-
cingique ad expeditionem Moschoviticam
publici boni non alicujus privatæ accessio-
nis causâ, nullis suis commodis præterquam
Reipublicæ inserviturum, & quidquid ar-
mis acquireret, nihil inde sibi suæque proli
omnia Regno lubentem volentemque con-
serva-

servaturum. Evulgata per rescripta ea Regis
voluntas in Conventibus Provinciarum,
missæ ad Senatum Ordinésque literæ: si
verò jam evecto ad Imperium Moschoviti-
cum Vladislao Filio, pollicitis non respon-
derent facta, quanta iterum daretur occasio
rerum novarum cupidis, excitarentur scin-
tillæ nuperi belli Civilis cineribus dolosis
sopiti, pateret funestis dissidiis Respubli-
ca, erumperent animis inhærentes suspicio-
nes Regem absolutum affectare domina-
tum, quem imposito finitimis potentibus
que populis Filio, velut ingenti potentia
suæ firmamento, junctis viribus, consocia-
tâ ope auxiliisque eo certius assequeretur.
Compellandos itaque primùm Ordines,
vellent suaderentve Vladislaum Princi-
pem Moschovitico præfici Imperio. Atque
huic potissimum validissimi argumenti ba-
si tota moles incubuit consilii, cum tantâ
ejusdem deprædicatione & jactantiâ apud
omnes Poloniæ Ordines, ut legenti mi-
hi illorum temporum, sive datos Legatis
ad Conventus Provinciales Commenta-
rios,

Non abs-
que suspi-
cione affe-
ctati abso-
luti domi-
ni,et hæc po-
tissima
erat ratio,
cum sum-
ma Regis
deprædica-
tione.

Seneca
lib. 1 de
clementia
Cap 1. &
2.

Belli Ci-
vilis.

Sed aliter
aliis sen-
tiant.

rios, five in ipso Comitiorum exordio proponentis Nomine Regis Cancellarii deliberationum materiam, audire videar exclamationes Senecæ eloquenter assurgentis ad Neronis sui vocem exquisitis cumulandam elogiis. Fatigabantur declamantium ingenia, Regem naturam, affectum exuisse, denegato Moschis Filio, solam sibi Rempub. scripsisse hæredem, quam liberis & carissimo Domûs suæ Regiæ anteponeret pignori solatióque. Et eâ quidem ratione (si assentationis abesset suspicio) famæ Regiæ nonnulli succurrendum censebant, cui plurimum novissimæ seditionis incentores detraxerant, sparsis apud populum amplificatisque vanis de Rege absolutam ambiente dominationem rumoribus.

At profectò super eo Moschovitico negotio alia gravium virorum comparuit mens, ita censentium: Oblatam delati Imperii occasionem Principi Vladislao festinatius arripiendam esse, fidemque servandam, quam conscio Rege Zolkievius dedisset. Immaturam ætatem Principis frustra obtendi

obtendi, si moderandæ tuendæque viri rerum usu & militari clari scientiâ admove-
rentur, inter quos emineret Zolkievius: is interim adesset adolescenti Regio, consilio, armis, securitati dignitatique prospecturus, Moschorum Primoribus non ingratus, quorum animos tractare peritissimè nosset. Duriores impositas condiciones vana terri-
culamenta esse præsentia expetiti Principis leniendas, veniret tantummodo, ad illam oris venustatem, adolescentiæ decorem, benignum oculorum aspectum, velut pulcherrimi Sideris radios, effera duratæque corda in amorem subito colliquescentia, ruitura in venerationem recentis & tantis suspiriis expectatæ Majestatis, eandemque mox tracturam Provincias, si quæ adhuc dubiæ obsequii nutarent. Multa plerumque imponi à populis novis Principibus, multa eisdem polliceri Regni causâ, quæ deinde benevolentia populorum, dexteritas consul-
lentium, & clementia regentium attemperaret: ad extremum bonis consiliis nihil arduum difficilèque. Néque eas conditio-
nes

nes tantopere premere, quas annuentibus Moschis ad Comitia brevi cum universis Ordinibus peragenda Rex differret, salvâ suâ fide verbóque Regio Lublini Vlnæque dato: quandoquidem nihil è re sua comodóque faceret, negotii totius summâ integre Universorum Ordinum arbitrio consensuque relictâ. Mitteret tunc Princeps Moschorumque Proceres Legatos ad Comitia, exspectarétque quid Polona censeret Respub., quibus mediis foedera iniret stabilirétque, sibique à vicini populi prospiceret potentiâ, ac Principis recens Electi velut pia mater carissimi filii consuleret securitati, pertinaciæ Moschorum audentiùs obviam itura, si præsertim interea Princeps Imperii sedem vicinâsque Provincias veterano insideret milite, quem sub prætextu tractandarum conditionum nec adhuc finiti negotii tranquillatíque Imperii detinere augeréque posset, atque eo fræno imposito duram Moschorum cervicem quoquò libuerit circumagere. Exspectarent quoque ibidem legiones laborum præmia

mia emeritâque stipendia, quæ illis promissa ex ærario nuper acquisiti deberentur Imperii, aliàs in patrio solo per summam injuriam repetenda: ad extremum videret Rex, quanto ob denegatum Vladislavum Poloniam implicaret bello; grave illud & anceps cum propositi jurisque sui tenace ac irritatâ gente futurum, cui non deesset speciosus titulus ad occludendum Imperii aditum receptumque, & quam dicto licet sacramento rupta violatâque à nostris fides facile absolveret. Et hæc quidem fuit alterius consilii summa: consulti namque à Rege per literas missis celerrimè nuntiis, Primores Senatûs in tres abiêre sententias, ac primam hanc præcipuamque, quam jam retulimus, fuisse non ignoro, alteram quæ integrum negotium penitus ad futura rejiceret Comitia, tertiam declarandum esse ex templo Vladislavum Magnum Moschoviæ Ducem, sed tanquam beneficiarium Regni, eo more, quo Palatinus Valachiæ constitui soleret. Sed ultra cæterorum vota suggerentibus Potociis fixum erat Regi negare

Ex illo-
rum lite-
ris.

Moschis filium immaturum Imperii, cuius sibi potius acquirendi copiam non defuturam rebatur.

*Regene-
gante fili-
um Lega-
ti Moscho-
rum aver-
sâ mente
aliò incli-*

Interim Legatorum invitantium vota non expositâ citiùs clariùsque de Vladislao mente paulatim ad perjurium inclinabant. Basilius Gallicinus palàm implorabat Regiam fidem, clàm labefactari gaudebat, qui se quoque parem Imperio ferret, spēsque suas aleret turbido commodiùs promovendas. Neque enim ille unquam Regiis Vladislai partibus fidus erat, qui simulato pro tunc obsequio universorum Procerum calculis potentiæ conspirantium cedens, suum quoque illibenter adjecerat. Et Philareti Metropolitæ Legatorum Primarii suspecta erat propensio, insertus namque per affinitates Moschorum Ducum familiæ, regnatricem in Filio sanguinem suspiciebat, fatiſque permittebat. Jam verò à Regis negantis Filium constantiâ animati, quisque seorsim clàm spes suas sopitas excitat resque novas ambo moliri incipiunt, illud suæ defectioni obtendentes velum, videlicet.

*Resque
novas mo-
liuntur.*

delicet, Zolkievii Pactis sacramentoque vim illatam.

Ac non difficilis concitandi populi expectatione suspensi dabatur occasio, dum culpam in Sigismundi Regis immoderatam dominandi cupidinem referrent, exaggerantes, quantopere eam Filio suo præhaberetur. Quamobrem non cessabant per literas ac secreti conscios apud populum Regi odium conciliare, Patriarcham suapte naturâ turbidum Religionis ritûs Græci mone-
re, videret, quantum illi à Rege sacrorum suorum tenaci immineret discrimen, cuius ambitioni haud tutores Moschorum permitti, qui tranquillandi pacandique Imperii curam jactaret, jugum verò durius sacris juxtâ ac profanis & exitium meditaretur. Non absimilibus querelis Nobiles Aulici in comitatu Legatorum degentes, ad suos missis epistolis crebriùs Urbem implebant. Ac super omnia redeuntium è castris Regiis vultûs moestiores observabantur à populo. Cum etenim viri primarii complures quotidie confluerent ad exorientem Prin-

*Regi apud
populum
odium
conciliant,
& præci-
pue apud
Patriar-
cham.*

*Moscu-
am.*

*Tum &
redeunties è
castris Re-
gis pri-
marii
Moscho-
rum.*

Conque-
runtur
apud Zol-
kievium.

Qui ex
Urbe abi-
tum parat.

cipis Vladislai Electi Ducis fortunam, quam apud Regem Patrem submissi venerarentur, & celeritate promptitudinēque obsequii gratiam favorēque occupare festina-
rent, aliò officii illud genus alacritatisque deflectere jubebantur: nempe commutato in Patris personam quod filio dixissent sacramento. Et in eam sententiam non verborum tantum lenociniis, sed propè minis ad eam adhibitis à Proceribus jussu Regio se trahi indignè ferebant. Et indignationis quidem causā sumptā à frustratione ingentis spei acrius cum Zolkievio expostulare, delusosque se à Rege ac Primoribus è Senatu apud eundem & passim apud suos populares querulabantur. Jámque suboluerat Zolkievio & æmulorum sua quotidie gesta perstringentium malevolentia, & in Urbe murmurantis vulgi Procerumque indignatio, opertis quidem tum in Regem odiis, at mox in apertas inimicitias usque ad perniciem publicam erupturis: proinde ad discessum sese ex Urbe maturandum comparat, ratus præsentia suā, deductoque probè

probè regiminis sui calculo medicinam adferri posse malis, quibus & Poloniam & Moschoviam implicandam in posterum prospiciebat: seu desperato fortasse apud pertinacem Regem remedio, prudens Dux subducere in tutum auctoritatem suam, quā maximè apud Moschos polleret, cupiebat, imminuendam procul dubio, si inconstantis vulgi acclamationibus & verborum rusticitate, novisque quotidie probris aures suas continuo verberari sineret.

Accingentem se itineri Zolkievium convenit Dux Mscislavius centum Nobilium comitantium stipatus globo, abitu-
que dissuadet, videlicet, ejus præsentiam rebus Moschorum conducere plurimum, & præsertim (verba illius sunt) ad rixas inter militem & populum præcavendas. Polonis innatam esse insolentiam, quæ nisi coërceatur, contemptus exterorum impatientes Moschos, in tumultum erumpere posse. Ad hæc blandè Zolkievius. Vestra
agitur causa quæ mihi properati itineris necessitatem imponit: ab eo exoraturus Majestatem Regiam, ut votis ac desideriis omnium Magnum Ducem Vla-
dislaum

Hunc dis-
suadet
Mscisla-
vius.

Pergit
Zolkievi-
us respon-
dendo
Mscisla-
vio.

dislaum expectantium satisfiat, tantò majori in posterum sperans me reducem excipiendum lætitiâ, quantò nunc abire parantem anxie sollicitèque illorum detineret affectus. Interim quod ultrò alacres suo Monarchæ dixissent Sacramentum, integrâ servarent fide: militis præsidarii nullam metuerent insolentiam, cur æque id suæ relinquerent, eandem disciplinam apud legiones mansuram se absente, quam præsens illas continuisset. Tum Mscislavius: Pergeret bono omine auctorque Regi esset præcisâ omni morâ convocandæ ad Comitia Nobilitatis, venturos ibidem Moschorum Legatos qui de utriusque Imperii negotiis tractatûs instituerent, valorem, robur, auctoritatem ab universo cum Rege consentientium Ordinum Conventu habituros accepturòsque. Neque enim se ignorare nihil firmum ratumque apud Polonos statui definitumque posse absque publicâ lege Comitiorum, quibus finitis, ne differret ampliùs suum in Moscoviam adventum Vladislaius Magnus Monarcha, id se orare unice peterèque à Zolkievio, exhiberet ea Majestati Regiæ supplicantium vota.

Interim
Zolkie-
vius indu-
cit Urbis
præsi-
dium, cui

Quâ in re cum ille operam suam prolixiùs detulisset, inductis ad Urbis præsidium quater mille & quadringentis militibus, iis summo

summo cum imperio præficit Alexandrum Gosiievium Præfectum Velisensem virum <sup>præficit
Alexan-
dram Go-
sievum.</sup> spectati animi consiliique, & quò non alius peritiùs gentis nosset ingenium, sagaciùsque secretos & mirâ calliditate obtectos animorum sensûs & investigaret & deprehenderet. Erant in Urbe mille quingenti Germani, Galli, Scoti, cæterique externæ militiæ pedites, qui à pugna Clusinensi Zolkievio adhæserant, quorum ille veritus inconstantiam, ne persolutis haud promptè stipendiis fidem frangerent, octingentos ex iis legit atque in præsidio relinquit: cæteros ex Moschovitico ærario numeratâ pecuniâ contentos reddidit, simulque exauctoravit illorum operâ non ampliùs usus: idque cum ingenti Moschorum plausu; namque illi parùm favebant exteris, quorum insolentiâ sub regimine Basilii Suyscii irritati, adscititiam hanc execrabantur militiam. Deinde per vicinas arces eoque & Urbi in officio continendæ, & Moschorum conatibus reprimendis opportunas, Nicolai Strussi & Poricii Ducis copias distribuit, <sup>Per vici-
nas arces
Urbis co-
pias distri-
buit.</sup> quas

Severiam
Joanni Sa-
pichæ com-
mittit.

quas Viasmæ, Mosaisci, Verei collocat. Et quia plerique inter milites saucii egentisque erant, depromptis ex ærario Moschovitico decem millibus aureorum, jussu Zolkievii egestati languentium subventum est. Centuriones verò tum & Tribuni occultâ largitione deliniti, persuadere militi, ut promptè mandata Imperatoris exsequeretur. Severiam ad res novandas proniorem Joanni Sapichæ Præfecto Usviatensi tuendam observandamque committit, cujus legiones Zborovianis paribus æquatae auctorataeque stipendiis, in Regium nuper transierant obsequium.

Abiturus
præsidia-
rios milites
alloquitur.

Atque ita distributo exercitu, Tribunos, Centuriones, Militesque paucis alloquitur: *Metropolim Dei benignitate ac virtute vestrâ insedimus, servandam Vladislao Principi, quem universæ Moschoviae suffragium Magnum Ducem ac totius Rusiæ Dominum pronuntiavit: credite milites, non tam arma vestra, non circumstantia pila, non animi invicti constantia, quàm disciplina militaris, modestia, inoffensaque cum incolis conversatio eam tutari conservareque poterit. Hoc illa tuta erit præsidio,*

sidio, his invicta munimentis Vladislao retentura est Imperium: videtis Moschos præteritæ popularium vestrorum nimium memores licentiæ insolentiæque, proindeque subveritos publicas prædas, continuas rixas offensionesque, me Ducem vestrum à vobis ægre dimittere voluisse, quem scrupulum ut ex animis suspicacibus evellerem, fidem ipse meam Mscislavio cæterisque Primoribus obligavi, certus mei promissi speique præsertim ab hoc delectu militum, quibus præesse viros sui decoris memores, & de fide suâ sollicitos non ignoro. Et si non mea fides vobis erit cordi, certè dictum pro Vladislao Sacramentum stringet vos, reputantes in vestro sinu honorem ac dignitatem optimi Principis depositam conquiescere, vestris manibus sceptrum ac diadema tanti Imperii teneri, feliciter adveniēti tradendum. Nam si se superbius Domi suæ à vobis Moschi haberi senserint, resument non ægre hostiles animos, ruptaque concordia rumpent facile & illud, quod nuper alacres jurassent, obsequium. Providendum itaque ne gloriosi exercitus labores, ne Vladislai tam sublimi virtutum suarum Regiarum præmio cujusquam licentiâ frustretur, quæ, si minima comparuerit, haud impune transmittatur, vindicetur illico, ut prius audiant militum animadversionem Moschi,

ſchi, quam illorum querimonias militum præfecti. Ad extremum memores eſſent ſui Imperatoris, ejuſq̃ præſentiam in animis ſuis haberent, cogitaréntque, perpetuò ſibi adeſſe, à quibus ille affectu non diſcederet, ſed cum iis inſimul apud Regem compareret, illorum merita, fideliffima obſequia, labores exantlatos, cruentiffimi belli damna, munificentia liberalitatique Regiæ commendaturus. Jamque iter aggreditur deducente eum honoris cauſâ Mſciſlavo cæterifque Proceribus magnâque Nobilium coronâ, deinde ingens populorum frequentia partim per vias occurrentium, partim è ſpecularibus tectifque domorum proſpectantium, geminatis vocibus abeunti diſceſſum felicem precabantur.

Tandem iter aggreditur.

Præ Caſtris Regis à ſenatu, aulâ, milite ſplendide excipitur de ducunturque.

8 Nov.

Appropinquantem Regiis caſtris exce-
père ſuis cum Tribunis ac Centurionibus
equitum peditumque turmæ, progreſſo
obviam Senatu Aulâque Regiâ, omnium-
que nomine Leo Sapieha venientem recen-
tium victoriarum palmâ decorum Ducem,
trahentemque ſecum Baſilium Suyſcium
olim Moſchoviæ totius Monarcham nunc
captivum, verbis & lætitiæ & honori ipſius
ap-

appoſitis, ſalutavit. Atque uniuerſa illa
præcedentium comitantiumque turba feſto
cum applauſu variifque lætitiæ ſignis jam
tunc triumphare incipientem, ad ſuam de-
duxit ſtationem. Nec diſtulit Zolkievius
altero ab adventu die Regis oſculari ma-
num, & parta ex hoſte tropæa reportatâſ-
que laureas ejus auſpiciis ac felicitate gratu-
lari, tum verò expoſitis militum fortibus fa-
ctis collaudatifque, Regiæ liberalitati ſua-
rum adminiſtros victoriarum luculenter
commendavit: deinde Baſilium Suyſcium
exauctoratum potentis Imperii Ducem,
ipſiuſque fratrem exhibuit ſpectandos, tra-
diditque captivos. Semotis poſtmodum ar-
bitris geſtorum ſuorum rationem reddidit,
confectique apud Moſchos negotii pro-
greſſum cauſaſque edocuit, oravitque Re-
gem, ne partum feliciter pro Filio Impe-
rii ſuis è manibus elabi pateretur, memi-
niſſet obſtrictæ Sacramento Moſchis fidei,
ac Principem Vladislaum clemens beni-
gnuſque celerrimè indulgeret. Hæc eſſe
nunc ſupplicum ad Majeſtatem Regiam

Sequenti die Regem adiit, ſalutavit.

Baſilium Suyſcium captivum tradit unâ cum fra- tre.

Deinde re- rum à geſtorum rationem reddit.

vota, quæ ne ob minùs promptam averfâ-
que Regis voluntatem in contumaciam de-
generent erumpântque, verendum esse.

*Excipitur
à Rege fac
benignè,
sed gesta
ejus im-
probante.*

Exceptus Zolkievius ut non pro spe sua, ita
neque alieno Regis animo strenuam qui-
dem operam bellicâmq; fortitudinem col-
laudantis, sed minùs ea probantis, quæ cum
Moschorum natione in rem Vladislai
Principis transegisset, nullisque Rex pote-
rat dimoveri rationibus prudentissimè
actorum summam referentis Zolkievii, cu-
jus in mente contraria sententia paucorum
suafu altissimas fixerat radices.

*Legati
Moscho-
rum aper-
tè defi-
cunt.*

*Basilium
Gallicinum
cum De-
metrio
Impostore
confert.
Joanne
Voroti-
nio &
Tyroho-
vo.*

Jâmque ejus primi acerbi ac insipidi ap-
parebant fructûs: videlicet Philareti & Gal-
licini cæterorumque Legatorum ac Mo-
schorum in castris Regiis penè aperta defe-
ctio. Namque præter disseminatos per uni-
versam Moschoviam, sparsosque per Ur-
bem sinistros de Rege rumores, ad conci-
tandam seditionem accommodatos, prodi-
tio Basilii Gallicini conferentis per literas
cum Impostore Demetrio cæterisque con-
juratis innotuerat, ex quæstionibus habitis
de

de duobus captivis Kozacis in Urbem ad-
ductis. Et Suecia homini turbido fallacique
suam quoque concrediderat ambitionem:
quippe à milite excubias agente interceptus
est Moschus literas Caroli Sudermaniæ
Principis ad Gallicinum deferens, Impe-
rium filio suo postulantes. Idem quoque
minis etiam interpositis Pontus de la Gar-
dia suaserat, ut abscederent Moschi à suo,
quod in Vladislai Sigismundi Filium
contulissent, suffragio, securius illud datu-
ri Domini sui filio, aut certè cuiquam è Pro-
ceribus indigenis. Atque nisi proditoria
mens Gallicini Suecis innotuisset, parùm
æquis oculis fortunam Vladislai Principis
intuentis, nunquam spes suas & innatum er-
ga Sigismundi Domum odium aperuissent
credidissentque. Nec fatis erat de foris ex-
citare turbas, accedebat vetita à Gallicino
ejusque collega Smolensci deditio, in quam
missis ab Urbe literis consensere Moscho-
rum Proceres, & obsessorum inclinabant
animi, solo obstante Sehino, cujus pertina-
ciam clandestinis nuntiis Gallicinus acue-

*& Sueci
spes suas
ill. ape-
runt, Ca-
rolis filio
Imperium
postulantes.*

*14 No-
vemb. al-
lata ad
castra
Ponti li-
teræ,*

Gustavo.

*Smolensci
deditio nem
prohibet*

*Per trans-
fugas cum
Sehino con-
ferri.*

bat: obibátque jam non Legati sed explora-
toris munus, cùm & consilia invadendæ
arcis propalaret, edocerétque Sehinum,
quam in partem interior cautiórque vires
suas converteret. Ac Joannes Skuminus
Tyskievicius vir pro officio suo cautus dili-
génsque, conspicatus ignotam sibi perso-
nam sæpius cum Gallicino conferentem,
petit: quid hominis esset, illóque respon-
dente unum è famulatio suo esse, intermi-
natus Gallicino, si contrarium comperisset,
sciret præ foribus hospitii suspendendum.
Quamquam intercepti à Sehino ad Gallici-
num ab eodémque vicissim transfugæ com-
meantes, torturis quæstionibúsq; admoti
retulère, ambos proditoria moliri consilia;
solumque Gallicinum remorari deditio-
nem, magnam spem Sehino ostendantem.

*Sehinus
cum suo
Smolensco
haret in
quam se
inclinet
partem.*

Atque is tum erat Smolensci status, qui
turbatis in Moschovia rebus, exauctorato
Basilio Suyscio, Electo novo Principe,
adhuc fluctuaret, & Sehinus incertus con-
sili, dubius hæreret quò se verteret & in
quam inclinaret partem, & fortasse ad me-
liora

liora aspirantem, aliò Gallicini fraus detor-
sit. Procerum quidem Moschoviæ prom-
ta patebat voluntas arcis tradendæ: præ-
miserant enim cum mandatis ad Sehinum
Molcanovum & Soloviecium, ut in electi
Ducis Vladislai nomen juramentum præsta-
ret Smolenscòque cederet: idem & Le-
gatis in commissis datum erat, qui iterato
admoniti nuntio, ut imperarent Procerum
nomine suòque, ne diutiùs Sehinus eas ne-
cteret difficultates: sed ii arcessiti à Senato-
ribus, nihil sibi de arce dedenda injunctum
esse ab Ordinibus retulère, atque iis, quas
nuper attulisset nuntius literis, se acquiesce-
re non posse, quibus sigillum Patriarchæ
deesset. Vocati verò ex arce ad colloquium
obsessi, acceptis summâ cum observantiâ li-
teris, lectisque, sacramentum se quidem di-
cturos Vladislao Principi respondère, ar-
cem verò non Regi sed Magno Duci ve-
nienti è vestigio tradituros. Cùmque urge-
ret nuntius & qui cum eo aderant Polono-
rum Primores, inspicerent diligentius lite-
ras, quæis continerentur expressa mandata
de

*Proceres
Mosche
Smolens-
cum tra-
dere ju-
bent.*

*3 Januarii
1611.*

*Obsessi sa-
cramen-
tum Vla-
dislao d. ce-
re volunt
arcemque
ad Regem
tradere,
non Regi
præstare.*

de dedendâ arce Regi, dicendôque Sacramento, nec de Regia addubitare clementia, cui tutò vitam fortunâsque suas committerent: relatuos se ea Sehino daturôsque propediem responsum receperunt. Postremò Isaykovius Regius Aulicus ab Urbe adveniens, literas Regi, Legatis, Sehinoque attulit, & quidem quò plus inesset fidei auctoritatîsque contra hæcenus usitatum mòrem, Mscislavii cæterorûmque Moschoviæ Procerum nominibus subscriptas, absolutôque cum imperio mandantes arcem Regi dederent, imponderentque finem molestæ controversiæ, ponentique obicem tranquillandæ Moschoviæ. Resumto itaque cum obsessis colloquio, postulavêre Poloni, reciperent in arcem septingentos è militibus Regiis, insimûlque Regi & Principi Vladislao solenne dicerent sacramentum. Lætâ ut videbatur fronte institutos coepêre tractatûs, sed illico apparuit diuturnum illud fore colloquium, tenebatur namque artibus Gallicini implicatus Sehinus ulteriori intentus occasionî, quam fug-

Isaykovius nova Sehino ex Urbe adfert mandata.

17 Februarii.

Instituunt cum obsessis colloquium.

Sed lentius procedit.

suggerebat clàm proditor Legatus.

Fortè per hos dies miserant ad Regem partim in Urbe partim in vicinis degentes locis legiones Nuncios, acrius stipendia efflagitantes, quibus summæ, ad quam devenissent egestati, subvenirent: deinde Moschoviæ novos tumultûs edocentes, Lepunovique apertam rebellionem, qui conspirantibus ducein se haud impigre obtulisset. Subolvit Gallicino ea militum Legatio ejûsque causâ, jussitque Sehinum tamdiu moram disceptando trahere, dum aut legiones inopiâ angustiusque fessæ secessionem facerent, aut Leponovus auctus viribus copiisque, quæ jam ad illum magno confluebant numero, Metropolim aggrediretur, Regem tunc procul dubio recentibus involvendum curis, omissurûmque Smolensci oppugnationem, cujus nova necessitas aliò avocaret arma. Et Legatis cordi erat mora, quod sperarent terendo dies per hujusmodi congressus se tantum temporis insumtuos, quò & quietem obsessis oppugnationibus fatigatis tantisper concederent, & elapsâ rei gerendæ

Ob milites per nuntios acris stipendia flagitantes.

Inde moram trahere jubetur Sehino à Gallicino seditionem sperante.

à 17 Feb.
ad 30
Martii.

Tandem
Seb. nus
colloqui-
um dissol-
vit, quo
prætextu.

Non at-
tentis con-
ditionibus
quas Re-
gi propo-
nebant.

dæ opportunitate Regem succrescentibus distinerent difficultatibus, ipsi verò interim spes suas promoverent. Compertumque est quadraginta quatuor dies colloquiis congressibusque cum obsessis & Legatis absumptos. Atque ubi jam Lepuni rebellionem adolevisse seditionemque majores sumsisse vires, famâ percrebuit, averſâ aliò mente Sehinus colloquium dissolvit: se quidem, inquit, velle ad exemplum Urbis juramentum Vladislao præstare, arcem nihilominus nulli præterquam Electo Magno Duci tradere. Cum verò aliam Urbis cæterarumque munitionum, aliam Smolensci conditionem esse dicerent Senatores, Regem hîc præsentem armatumque insistere, & quantum illi gloriæ in oppugnando accederet; tantum in deferendo decederet: transfigeret iis potiùs conditionibus, quas Rex benignus offerret, aliàs sciret non discessurum irritò conatu. Atque eas conditiones mox obtulere, recipe- rent in arcem ducentos quinquaginta milites Regios, qui unà cum Moschorum præsidio

sidio excubias agerent, portas clauderent aperirèntve, communem hostem ingruentem mutuis arcerent viribus: Archiepiscopus & Palatinus Sehinus submisſe ambo Regem supplicèſque venerarentur, & certam æris summam ad persolvenda militum stipendia conferrent, cætera benignitati clementiæq; , quam illis verbo Regio deferret, securè committerent. Sed pervicax animus Sehini ita obduruerat, ut ad nullam penitus emollesceret conditionem, ad eam tantum respondit quæ de inducendis in arcem militibus proponebatur: Vereri se furorem militis Poloni, qui tot cladibus suorum irritatus levi de causa intra mœnia accendi posset atque in vindictam exsurgere, decretum sibi esse extrema potiùs pati, quàm aut Smolenscum Regi dedere, aut militi nihil nisi minas spiranti, Se, Urbem, fortunâſque Civium objicere. Inerat Sehino infractum animi robur, quod memoria patris ejus ex- cuebat, qui sub Stephano Rege in expugnatione arcis Sokol fortissimè pugnans occubuerat: proindèque sæpius inter suos

Ad unam
tantum
respondet
Sehinus.

Unde illi
tantum
audacia.

familiares parem jactabat audaciam, moriturum se potius quàm Smolensco cessurum multoties dictitans. Neque posthac obsessi ad ullum comparuere colloquium pervicaciâ solâ fortes, mox ferro flammâque & excidio arcis castigandi.

Offenderat Regem Legatorum subdolè secum agentium temeritas, & felix negotiorum cursus ipsorum fraudulentis interversus artibus: remittendos itaque in Poloniam statuit, ibidémque detinendos. Edocebatur quippe crebrioribus nuntiis ab ipsâ Urbe sæpius venientibus, quæ agitent cum conjuratis consilia, & quantum pacis interesset publicæ turbulentorum duces procul ab Urbe habere, & aliò relegare. Quocirca convicti perfidiæ à nobilioribus è Smolensco transfugis, quam palàm apud Zolkievium in illorúmque præsentia detexere, vocatque deinde ad stationem Lithvaniæ Cancellarii assidente Senatu exposita est illis in Poloniam abeundi necessitas, ac ut quantocius se itineri accingerent, Regem ita velle mandaréque. Et relegationis

Rex Legatos in Poloniam remittere destineréque statuit.

Sapiehæ 6 April. Lithuania Cancellarius voluntatem Regiam, ejusq; causas Legatis exponit.

nis causas disertissimè Cancellarius explicuit: objectâ fraude dolóque, qui Legatos minùs deceret, derogasséque juri gentium quod nullatenus allegare possent, transgresso Legationis suæ limite, spretis Procerum Moschoviæ à quibus missi essent mandatis, turbis seditionibúsq; apud populares suos concitatis, inculcatóq; erga Regem ac Principem Vladisláum odio, conjuratorum promotis consiliis, Sehino à Smolensci deditione spe venturi subsidii avvocato deterritóque, Leponovo ad perfidiam rebellionémq; maturandam animato accensóque. Ad extremum turbatis totius Imperii Moschovici rebus, quas pro Legationis munere sibi injuncto tranquillitati restituere debuissent.

Exterriti ad tam inopinatam abeundi denuntiationem Legati, tergiversari, orare, obtestari, jura gentium allegare incipiunt, variáque nectere effugia: ad extremum petiere, ut non tanquam captivi & perfidi, sed inviolatâ Legatorum auctoritate mitterentur: verum severioribus coërciti verbis mutare derepente stationem suam jubent.

Turbantur Legati, varia neclunt effugia.

23 April. jubentur, validâ circumdati militum manu, tandêmque navibus impositi & curæ Joannis Skumini Tyskievicii Magni Ducatus Lithvaniæ Notarii & Alberti Miaskovii Regi à Secretis commissi, quos Rex & honoris & præsidii causâ illis addiderat (occultabatur namque adhuc honestâ custodiâ captivorum nomen, concessâque erat Legatorum persona, quam salvam ad Vladislavum Principem deferrent) secundo Boristhene in Russiam appulere, deductique Kamionkam Zolkievii Præfecturam, ad adventum Regium in Poloniam substitere.

Displicebat nonnullis & maximè Zolkievio Legatorum in Poloniam abitus, quos salvo jure gentium haud relegari posse censebat, & inter duos graves ejusdémque instituti Religiosi Theologos excitatam fuisse legi controversiam, juréne id an injuriâ factum? comperióque unum ex illis difficilem se præbuisse (non absque summa invidia odióque) viris Principibus ad expiandum à noxis animum, prætendentem consilia violatæ legationis, quorum aucto-

res

res sextitissent, ideóque non absque scrupulo veniam à se impetiri posse: Verùm deductis eis, quas retulimus ad amissim, rationibus expensisque, & quæstio sopita, & Zolkievius conquievissè videbatur.

Dum hæc apud Smolenscum geruntur, imminebat fatalis turbo, qui iterum lubricam Moschoviæ commoveret fidem, & resoluta felici calore Favonii in amorem Principis populorum corda, sensim gelido afflatu in glaciem stringeret. Et ex iis quidem initiis ita postmodum obriguere, ut nec ad benignitatis oblata editæque specimina, nec ad armorum jus Electi persequentium ardorem, ullatenus eliquescerent. Exigua illa tumultuum fuere initia, & in herba opprimenda, nisi aliter fatis visum fuisset, quæ Regiæ Domui ostendere eam felicitatem, sed ostendere tantum neque ultra frui permisere: fortassè ut cum Poëta dicam, ni miùm vobis Sigismundi propago & Polonæ gentis gloria visa potens Superi, propria hæc si dona fuissent. Ac Regis prout retulimus cunctatio, recusantis contra populi vo-

ta

Tandem
navibus
imponun-
tur dedu-
cunturque
in Polo-
niam.

Oritur
mox qua-
stio, juréne
an inju-
riâ Legati
detentis suc-
cinitis?

Deductis
rationibus
sopitur.

Rerum
Moscho-
viticarum
status ite-
rum con-
vertitur.

Virgil. 6.
Æneid.

Cui Regis
cunctatio
& ambitio
occasionem
facit.

*Cui Regis
cunctatio
& ambitio
occasionem
facit.*

*Primus
Hermoge-
nes Patri-
archa po-
pulos con-
citavit Reli-
gionis præ-
textu.*

ta Vladislauum sine mora Moschovitico ad-
movere Imperio, deinde privata, prout ipsi
interpretabantur, ejusdem ambitio, sce-
ptrum sibi sub persona filii deferri cupien-
tis, animos Moschorum nutare fecerat: eâque occasione arreptâ complures seditio-
si, moribus ingenioque lubrici, Urbem
sinistris de Rege complebant permiscebant-
que rumoribus, & per totum Imperium
juratam Pactorum fidem à Zolkievio unius
Regis ambitione labefactatam, criminaban-
tur, pleraque verâ juxtâ ac falsâ ad concitandam multitudinem fingentes spargentesque. Et à discessu statim ex Urbe Zolkievii, cujus ut pote cauti prudentisque Ducis
reverebantur præsentiam, erupit infidus
Regiis partibus Hermogenes totius Moschoviæ Patriarcha, classicumque populis
cecinit primus. Is supremâ Sacri Ordinis
auctoritate abutebatur ad seducendum vul-
gum imperitiores, & pietatis prætextu
odium erga Regem ac Principem celans,
identidem ingeminabat auguraturque:
imperante Vladislao Religionem ritus Græ-
ci

ci non fore diuturnam, cui à Romana post-
modum inducendâ certum impendêret exi-
tium. Atque ad locupletiores majorum Ci-
vitatum incolas mercatoresque crebriores
dabat literas, dehortabaturque à dicendo
Principi Sacramento: caverent sibi, inqui-
ens, ab imminente veterum Sacrorum peste
exitioque. Occultis hæc primùm quidem
acta conjurationibus, conspirante mutuis
consiliis arcanisque literis cum Patriarcha
Basilio Gallicino, spēsque suas, quas ad Ma-
jestatis usque fastigium projecerat, spectato
homini mirēque sibi faventi concedente.
Sed posteaquam vixisse Demetrium cæsum-
que à Petro Vrosovo nuntiatum est, con-
jurati ferociores facti, cum duorum timerent
potentiam, unius metu soluti, palàm Re-
gias oppugnant partes, simulatamque ha-
ctenus observantiam in aperta odia inimi-
citiāsque convertunt. Hinc urbana plebs
insolentiùs agere cum præfidiariis Polono-
rum legionibus, rixari, in seditiosas voces
erumpere, omnemque penitus Electi Prin-
cipis exuere reverentiam, ad extremum

*Cum quo
conspirat
Gallicinus.*

*Regis &
Imposito-
ris.*

A a a

Mo-

Moschorum Proceribus suæ fidei constan-
tibus obsequium denegare.

1611.
Procopius
Leponovus
conspira-
tionis dux.

Et jam apparebat quantam infausta novi
anni primordia rerum vicissitudinem por-
tenderent, cum Procopius Leponovus
apud Pereaslaviam Rezaniæ promovendæ
conjuratiōis ducem se obtulit, ad quem se-
curè seditiosi confluerent: nec impigre co-
pias contrahit armatque, cum iis Metropo-
lim petiturus, quam exturbato Regio præsi-
dio suæ factioni liberam integrâq; assere-
ret. Convolabant plerique ad arma incento-
re Patriarchâ, qui Religionis sono turbidum
quemque excitabat, & Leponovus insti-
tiam armorum obtendens, propalansque,
ruptam à Rege Zolkieviôque fidem, proin-
de nullo jam populos sacramenti obnoxios
vinculo, absque omni scrupulo in foedus
coire posse. Adjungitur conjuratorum
partibus Zarucius fidelis Impostoris affec-
ta Cosacorum Dunensium dux subdola à Le-
puno pollicitatione illectus: videlicet spon-
dente, se cæsi Demetrii filium, cui adhuc te-
naciùs adhærebat, pulsus Polonis ad Impe-
rium

Aliev Za-
rucius

rium Moschoviticum promoturum. Jam
verò in diversis vasti septentrionis Pro-
vinciis Prosovecius & Demetrius Trube-
cius colligebant militem, quo Lepuni au-
gerent copias, attentis adhuc in Urbe vulgi
auribus animisque, ducem rebellionis avi-
diùs expectantibus, qui hucusque ad me-
ditatam deesset perfidiam: at ubi illum
comparuisse armatumque sensere, tantò
alacriùs in necem Polonarum conspirant
legionum.

Prosove-
cius &
Trubecius
Lepuni au-
gent copi-
as.

Erumpentis rebellionis compertæque
proditionis à Michaële Soltico cæterisque
Nobilibus Moschis, spectatæ erga Regem
fidei admonitus Alexander Gosievius, vir
militiæ strenuus prudensque, & quem præsi-
dariis in Urbe copiis summo cum imperio
Zolkievius præfecerat, extemplo Proceres
ac Nobiles ad concionem advocat. *Ecquid id
esset? cur tam subitâ se polluerent perfidiâ? notas sibi
eorum prodiones, patere conjuratorum consilia, & in
ea, quam sponte liberis suffragiis dedissent Electo Prin-
cipi fidem, nutantes animos. Atrox eos profectò medi-
tari facinus multorum civium sanguine eluendum. Re-*

Gosievius
rebellione
compertâ
Moschos
alloquitur.

vocarent sibi in memoriam fidem Magno Duci obligatam, evellerent, si quas perditæ & seditiosi homines sinistras de illo inferuissent suspensiones, nec paterentur à paucis usque sceleratis ac mendacibus credulitatem suam circumagi. Irent obviam proditorum conatibus, comprimerent factiosorum audaciam, nihilque à Rege ac Principe exercitūque metuerent, præsidio non exitio sibi futuro. Quod si pergerent pervicaces, decretum sibi suisque legionibus esse Regis ac Electi Magni Ducis Vladislai causam ad extremum tueri spiritum, immorieturque ut viros fortes militaresque decet; at non inultos, quorum mors populorum constaret cæde cruorisque diluvio, & urbis igne ferroque castigandæ vastitate. Deinde ad Patriarcham versus: Tu verò, inquit, Hermogenes pessime tanti fabricator doli, totiusque rebellionis incentor, ni desistas, expecta quæ manent seditionis nefariæ auctorem pænæ, nec tutum te esse credas summi honoris reverentiâ, quam pietatis exemplo potius obtinuisses, non sceleratâ perfidiâ minus Sacri Ordinis decente Antistitem contaminasses. Et negantem se quidpiam proditorium moliri, subito certis evidentibusque prolatis indiciis convincit, apponitque custodes, qui censoriâ facultate gestus, acta, mores ipsius obser-

Et Patriarcham oburgat eique custodes apponit.

observarent, perpetuòque lateri hominis adhærerent.

Nihilominus mitiores Moschi admonitione Gosievii effecti, cum ad præsens fidem obsequiumque simularent pollicerenturque, interno verò animi sensu contumaciam & prodicionem callidè tegerent, non diu quievêre: jamque aggregatam ad Leporum multitudinem copiarumque numerum edocti, ferociores præsidario militi insultant, cujus delendi seque eo unico metu liberandi conspiratione factâ occasionem quærunt. Ad urbanum populum qui pro magnitudine Metropolis ingens, (centum octuaginta millia ædium recensita tunc fuisse, sunt qui tradidere,) plurimi ex oppidis pagisque indies confluebant refugii quidem specie prætextūque, sed prodicionis conscii subsidiarias vires armæque adferentes, quin & miles à Lepuno clam sparsimque immixtus inducebatur celabaturque, immixtusque plebi ad destinatam tenebatur rebellionem. Atque respectu tanti populi qui centenis millibus computari poterat, præsi-

Non desistunt Moschi turbare.

Piascius.

clams miles in urbem inducitur.

6 ad mi-
nimū
millium.

Præsidia
vis in
omnem
eventum
se muni-
unt.

Populus
tumultua-
ri & mili-
tem irrua-
re incipit.

29 Mar-
tii.

præsidium Regium exiguus videbatur ma-
nipulus, sed veteranus miles exercitatusque
imbellem non computabat turbam, quæ suâ
cæde cladéque manus tantum pugnantium
lassare posset, & quas infederat arces Krim-
grodi Kitaigrodi que, contra omnes inva-
dentium assultus egregiè muniverat, & Al-
borum moeniorum sepimentum ampliori
circulo illas duas Urbes suis quamque mu-
ris inclusam cingens, ædibusque plerum-
que ligneis frequentissimum, valido firma-
rant præsidio. Jámque impatiens populus
instructaque conjuratione audacior, non
desinebat militis irritare patientiam, jurgia,
rixas ferere, plateis catenas ferreas obten-
dere, palamque legiones laceßere provo-
caréque, denique non continere impetum
quin summâ vi orto ingenti tumultu eas-
dem invaderet oppugnarétque. Aderant
mixtæ turmæ Lepunianæ clam in Urbem
immissæ receptæque, addebántque conju-
ratis robur nihil nisi cædem ultimúmque
exitium Polonis minitantibus. Sed accur-
rentes ad Gosievium Tribuni Kazanovius
Zbo-

Zboroviúsque, & animatis quas ducebant
copiis, hostilem mox repressère audaciam,
editâ sex millium (ut à nonnullis observa-
tum reperio) strage. Cum verò nec mo-
dus adultæ conjurationi opprimendæ sup-
peteret, & plebs irritata magis magisque in
odium ac ultionem efferverceret, quin tan-
tæ Urbis magnitudini tuendæ propugnandæque
numerus impositi præsidii non suffi-
ceret, quem extenuare inconsultum esset:
visum est Gosievio Krimgrodi & Kitaigro-
di arces suis singulas munitas propugnacu-
lis insidère, quæ tutiorem legionibus rece-
ptum præberent. Interim multitudinem
populorum conjurantium, quorum capita
adinstar Hydræ pullularent, Herculeo labo-
re domandam suscepit, Urbemque ædium,
incolarum frequentia celeberrimam, Albis
muris circumdatam, (unde illi nomen)
flammâ quinque in locis sparsâ suppositâ-
que succendi jussit. Et appositam facilém-
que materiam ignis nactus, in ædes, veluti
lignorum strues, debacchatus, corripit subi-
tò depasciturque ingenti populi clade, mi-
feran-

Reprimi-
tur cum
clade

Piafecius.

Tandem
Urbs in-
cenditur.

30 Martii
quæ inci-
derat in-
diem
Coene
Domini.

*Miseran-
dum spe-
ctaculum
Urbis in-
censa.*

*Et à flam-
ma & à
milite fu-
rent.*

*Ad 60
millia.*

*Perit An-
dreas Gal-
licinus
& Patri-
archa in
carcerem
compingit-
ur.*

serandóque spectaculo: dum alii flammis ambusti ædiúmque suarum involuti ruinâ miseri intereunt, alii ad restinguendum accurrentes incendium, à milite aut ferro confodiuntur, aut sclopiis appetiti transfiguntur, tormentis undique interea reboantibus stragémque agglomeratâ, si uspiam compareret, inferentibus multitudini, passimque grassantibus præsidariis, cædibúsque sævientibus absq; discrimine sexûs ætatísque. Legi in actis diurnis illorum temporum centum circiter millia Moschorum interiisse, si viris sæminas puerósque adnumeres: quanquam nonnulli in paucio-rem contrahant numerum, mihi profectò non liquet, existimo tamen tam populosæ urbis incolas, & festinato incendio & milite præventos, paucos evasisse incolumes, clausis adhæc ubiq; effugiis, & penè biduo continuato incendio furoreque militis plurimos consumi necessum fuit. Atque in hoc tumultu periit è primoribus conjuratis Andreas Gallicinus frater Basilii apud Regem Legati, & Patriarcha Moschoviæ detractis officii.

officii dignitatísque suæ insigniis in carcerem detrusus est, locum suæ proditi-
onem postmodum verò fatalem. E Polo-
nis pauci desiderati, plurium interitum
prædæ inhiantium prohibuit Gosievius
Zboroviúsque, retractis subito animatís-
que: prosequerentur alacrius victoriam, eâ
partâ prædam quoque illis cessuram. Ab-
sumptâ itaque præcipuâ ac populosiore Me-
tropolis parte incendio, avulsisque à tam
vasto corpore validissimis lacertis, vacua
habitatore, & à tergo tuta, Gosievius Al-
ba moenia, illorúmque propugnacula, dis-
positis stationibus, parti copiarum defen-
denda assignat, quæ hostem deforis immi-
nentem primo in aditu fatigarent, & si acri-
or graviórque ingrueret, facilem ad cæteras
munitiones receptum haberent. Restabat
trans fluvium Moscuam, suburbium am-
plum, hostisque, si illud occupasset, commo-
dum, Sclopetariorum colonia vulgò dictum,
id quoque incensum exustumque, opportu-
num quippe inde & recipiendi auxilii, &
ex urbe erumpendi facilitatem commodi-

*Præsidarii
Alba
partem
insidunt.*

tatémque prævidebat Gosievius.

*Fami-
liam pro-
videt Go-
sievius.*

Et hætenus quidem prudentissimè ab illo prospectum, unicum tamen summèque periculosum diligentiam illius solertiámque effugit, admissa videlicet intra propugnacula omni extero hoste infestior sæviórque fames. Namque rei cibariæ inferendæ ante exustam urbem nulla illi cura, maximámque annonæ copiam ignis absumsit quæ posthac difficulter haberi poterat. Sive adventantium è propinquo auxilium copiarum securior Gosievius, sive celerius componendæ rebellionis ab armato Rege spe, diuturniori bello haud se implicandum existimaret, ideóque comportandæ annonæ non adeò intentus esset. In primis quidem motuum exordiis concitataque plebis rabie advolarat Mosaisco suis cum copiis Nicolaüs Strussus Præfectus Chmielnicensis, distinuitque non infelici armorum progressu Metropolim tendentem Lepunum Zaruciúmque. Et Gosievius Kosakovium Kurakinúmque Moschum cum aliquot equitum centuriis miserat, qui ad Volodimiri-
riam

*Hostes ta-
men disti-
net.*

riam Prosovecium Dunensium Kosakorum turmas trahentem profligaverant: ad extremum Urzescium cum cataphractis equitum, Rucium verò cum levis armaturæ militum signis, hostibus Colomnensi itinere Moscuam versùs tendentibus opposuerat. Sed Lepunus affluente indies armatorum conjuratorúmque numero, tum & Zarucio Prosoveciòque cum suis copiis accedentibus seseque jungentibus auctior, (præsertim cum legiones Sapiehæ insolentiùs agerent, neque tum ullas ferre vellent suppetias) & validitate virium securus, passimque deficientium & populorum & urbium circumspectans studia alacritatémque, Metropolim contendit, statimque ab adventu suo Alba moenia à Polonis infessa summo cum impetu oppugnat, quorum medietate positus, præsidiariis alteram partem usque ad Mzekiciam portam fortissimè strenuèque defendentibus, postremò tanto robore fretus Krimgrodum Kitaigrodúmque cum parte illà muri Polonos retinentes obsidione cinxit, unico ad fluvium Moscuam loco

*Lepunus
Polonos
oppugnat
& obsidet.*

manente libero, cujus beneficio subsidia com meatumque obsessi aliquoties recepere indeque erumpentes hosti novas subinde attulere clades.

Januarii
1611.
ad Ju-
nium.

Quinque mensium acta laborésque ad Metropolim hætenus retulisse sufficiat, relictaque interim Urbe ulteriorique obsidione & obsessorum progressu, commodius postmodum nec interrupta serie referendo, redeuntem ad Regia castra calamum lectorem non gravatè secuturum existimo, qui tantisper expugnatione pervicacis Smolensci triumpho Regis totiusque Poloniae festivo plausu exhilaratus, iterum ad calamitosum tragœdiæ Moschoviticae finem, triste luctosumque spectaculum deducendus erit.

Rebellio
Moscho-
rum Re-
gem an-
xium te-
net.

Tenebat anxium Regem festinata Moschovitici populi rebellio, eoque gravius quod adulta in magnum armatorum numerum excrevisset: atque jam non tantum Metropoli timendum erat, ne excusso præfidiarii militis jugo oppressisque legionibus, refractaria liberiùs inolescere, sed & castra Regia in maximo versabantur discrimine,

mine, cum omnia penè consilia proditoribus paterent, Et per exploratores cognitum erat, Moschorum nobilium & Cofacorum Dunensium aliquot collecta millia decrevisse simulatâ, quam Regi ultrò ad castra venientes deferrent, fide, ac interim illorum obsequii securo, (conscio hujus prodicionis Gallicino) aut in arcem Sehino auxiliares captatâ occasione irrumpere velle, aut certè ex insidiis Regium adoriri exercitum. Idem quoque nuntiabatur ab iis qui Bialam cum imperio tuebantur: validam videlicet Moschorum manum quæ decem millibus constaret, ad Regia contendere castra, incusseratque metum is nuntius ducibus ac Tribunis imminuto præsertim extenuatâque tunc exercitu, partim in diversa Moschoviæ sparsis ablegatisque turmis, partim nonnullis unâ cum suis ductoribus in Poloniam remissis. Acriùs deinde commovit Regem, Senatum, militesque in ipsis castris exorta proditio, cujus princeps erat è Proceribus Moschis Joannes Michaëlis Solticus indubitata apud Regem fidei,

Deinde in
castris pro-
ditio Joan-
nis Solitici.

Strada
decad. 1.
lib. 7.

tantoque majoris æstimationis. Infesta tunc itinera cædibus ac latrociniis habebantur ab agresti conjurataque Moschorum plebe, saltusque ac silvas obsidebant, crederes silvestres Gheusios ab Hollandia illuc commigrasse, prima olim Albani Ducis in Belgio terriculamenta. Coercendi impune grassantis latrocinii curam suscipit Joannes Soliticus Regique suam operam prolixè defert: à quo obtentâ facultate Moschorum Nobilium cæterorumque qui in Regio aderant fidi exercitu turmas armat, educitque. Jamque longius à castris provectus omnique metu liber, Regem procaci compellat epistolâ, obsequium denegat ejuratque. Atque homini contumaci impune cessit læsæ Majestatis injuria: nam Nicolai Potocius cum copiis missus ad retrahendum ex itinere coercendumque rebellem, nullibi assequi valuit, fortasse jam passim conspirantium associatum multitudini.

Et rei
numma-
ria penu-
ria, ob
quam mi-
les ad Re-
gem nun-
tios mittit.

Super hæc omnia exedebat Regis mentem, quod summâ rei nummaria premeretur inopiâ, miles verò indies importu-
niùs

niùs instaret æràque flagitaret: & is, quidem qui Metropolim servabat ablegatis ad Regem Jacobo Bobovio veteri Centurione & Andreâ Rusiecio viro militari, non absque minis debita poposcit stipendia, exposita ad majorem sui commiserationem summâ egestate, in quam eos conjecisset ferè per biennium emeritæ pecuniæ procrastinatio, deinde equorum omnisque castrensis suppellectilis jacturam, quæ non nisi præsentire reparanda esset. Ad extremum ingruere hostem armis numeroque validum, cujus potentiæ impares essent, ni ociùs missâ perditum legione Rex laborantibus succurreret. Quodsi nihil obtineret & à Rege munifico liberalitatis, & suorum amante subditorum auxilii, relicturos se vacuum præsidio Urbem minabantur, præfigebantque quartum Aprilis diem, ultra quem vacui æris subsidiique diutiùs subsistere nequirent. Talibus quoque nuntiis fatigabatur Rex, à cæteris legionibus quæ Mosaisci vicinisque Urbi locis confederant, passim frementibus diuturnæ militiæ mercedem,

cedem, & simul missionem flagitantibus.

Remedium horum malorum non aliud præsentius quam si Filium Moschis daret, omnes censerent.

Tot tantisque curis involuto Regi, extinguendæ rebellionis serpentisq; per universam Moschoviam contagiosæ proditionis præsentissimum dabatur remedium, si Filium Vladislavum non denegaret Moschis id unicè petentibus, cum ea sola cunctabundi Regis tergiversatio turbis prætextum daret: quod sibi quoque in literis acerbioris stylo exaratis à Soltico rebeli objici exprobrarique non ignorabat, & Gosievius Kazanoviûsque in primis motuum initiis per epistolas edocebant, frustra aliunde sedandi populi quæri rationes, quæ ab adventu Principis felicissimè promanarent, alioquin ea irrita omnia casura, tantis hucusque impensis, tantoque acta conatu. Insuper miles Legatis, quorum proximè mentio facta est, injunxerat: orarent supplices obsecrarentque Majestatem Regiam, sisteret Serenissimum Principem daretque Moschoviæ, præsentia ipsius & seditiones, & seditioforum ausus certò certius componendos. Hæc autem quamvis intentius

ex-

exquisitiûsque cumularentur, nihil propterea Rex mutavit, qui adeò dati semel acceptique consilii in omni vita tenax fuit, ut ad Stoicæ cujusdam constantiæ (nisi fortasse illa pertinacia veriùs appellanda esset) se conformaret exemplum, immotûsque maneret: nec opportunitati occasionum, nec tempori, nec rationibus cederet. Cujus quidem pertinaciæ satis luculentas dedit sæpius poenas, Paterno amisso Regno, & expulso è manibus Moschovitico sceptro, cæterisque cladibus, quas ille nihilominus constanti spectavit vultu, quasi infra suam constituisse Majestatem videretur, si nonnunquam tumentibus concitati populi fluctibus vela submitteret, à suoque vel palmam recederet proposito. Non acceptatâ itaque efficacissimâ tranquillandi Imperii ratione, aliam cum Senatu inquisivit. Suggesterat non nemo, quoniam Moscho-

Rex illud postponit.

Aliud proponitur ne ipse armatus ad Urbem iret.

via studia sua affectumque in contumaciam ac rebellionem vertisset, iret ipsemet ad Urbem, ostenderetque se armatus tumultuantibus Moschis, compositurum haud

Ccc

du-

dubio præsentia suâ populorum motûs, & proditoria disturbaturum consilia. Quod si pertinaces animi detrectarent benigni Regis imperium, quæreret armis jus sibi suo ductu & auspiciis, non verò Filio Principi asserendum. Nec displicuit consilium, assensuque Regio comprobari videbatur, & de adornando itinere Metropolim versus passim agitabatur, quâ viâ eundum esset? quæ seditiosorum duci Lepuno copiæ opponendæ, multaque dicta cogitataque in tam curiosâ proficiscendi sollicitudine, in qua nihil profectionis inesset præter speciem. Nam Rex cunctator neglectâ hac etiam sententiâ, quamvis ipsius primum arrisisset palato, nolebat obsidionem Smolensci deferere, omittereque arcem, reputationis famæque suæ non leve momentum: statuitque interim dilatâ præsentia, ducibus ac Tribunis committere, qui & vim hostilem arcerent, & conjuratorum armatos conatûs armis quoque disturbarent, ulterioribus malis, quæ ingruerent, ipsemet prospecturus.

Primum non displicet.

Deinde & hoc postponitur.

Et

Et subito ad legiones partim in Urbe præfidiarias, partim Mosaisci cum Nicolao Strusso Præfecto Chmielnicensi celebri Tribuno degentes, & Proceres universosque Moschorum Ordines allégat viros, & Natalibus & rebus bellicis illustres: Adamum Zolkievium Præfectum castrorum, Vitovium Tribunum Parcoviensem, Przyemscium, Pacium, Grzymultovium, præmisso Komorovio qui de illorum adventu nuntiaret. Militibus spem non tardam liberalitatis munificentiaque suæ facere jubet, interim annuere se, ut è diripiendæ Urbis prædâ, rerum suarum tenuitati consulerent, certique essent insuper propediem adventantis auxilii. Moschos verò commonefacere mandat juratæ fidei dictique sacramenti, ac ut in turbarum auctores incentoresque serio animadverterent, castigaréntque perduelles, unitaque cum exercitu Polono virtute irent obviam conspirantium signis. In subsidium verò designantur Sapiehanæ Legiones, sed quia frequentius contumaces, post multas difficulta-

Legatio ad Legiones expediuntur.

In subsidium designantur Legiones Sapiehanæ.

Ccc 2

tes

tes varióſque cum iis institutos tractatús, Regiæ liberalitatis certæ ſecuræque, demum paribus, quæ cæteri mererent, ſtipendiis auctoratæ ad obſequium traductæ: tandem per Stognievum unum è commilitonibus notæ virtutis probatæque fortitudinis Virum ſuam detulére promptitudinem, jamque ſe Metropolim verſus, in hoſtémque tendere Urâ flumine tranſmiſſo nuntiavére. Miſſas propere ad eas è caſtris Joannes Sapieha vetus illarum Dux iſſque carus, qui & cum imperio illis præſſet, & gratiæ munificentiaque Regiæ certiores faceret. Atque eæ omnes copiæ cum Struſſianis junctæ, octo millia lectiſſimorum habuére militum. Jam verò, penès quem ſumma rei eſſet, & univerſam regeret moderareturque cum ſupremi Ducis auctoritate militiam, arceſſitur per expeditos nuntios Carolus Chodkievicius in Magno Ducatu Lithvaniæ Generalis armorum Præſectus, Livonicis nuper victoriis clariffimus, & ob ſingularem prudentiam dexteritatémque par negotiis tractandis expediendíſque.

*Carolus
Chodkie-
vicius ad
univer-
ſam mili-
tiam re-
gendam
arceſſitur.*

Pro-

Propoſuerat quidem in ſecreto Senatús conſilio Potocius Palatinus Braclavienſis Stanislaium Zolkievium Palatinum Kioviensem armorúmque ducem, ad compri-
mendos Moſchoviticæ rebellionis tumultús perquam idoneum, eúmque unicum tanti negotii rerúmque gerendarum capacem palàm profeſſus erat, deducantibus hinc nonnullis, quaſi æmulum victoriarum famâ celebrem, domitíque & pro Vladislao aſſerti Imperii gloriâ ubique clarum, iis difficultatibus turbíſque conſultò objiceret, ex quibus haud gravatè emergeret, nupérque cum omnium applauſu reportatæ laureæ offuſcaret laudem. Sed ut ſubtilia hæc aulicorum commenta fuiſſe non negaverim; ita ego crediderim potiùs non averſo animo proſpicientem Potocium, perpendentémque, quantum mali turbarúmque jam immineret Moſchoviæ, quibus nec ipſe militaribus curis feſſus damnáque valetudinis ſentire incipiens, quæ illi intra paucos dies mortem acceleravére, par eſſet, ſolius Zolkievii fortitudini dexteritatíque tantum apud ſe tribuiſſe, ut quem-

Zolkievius à Potocius propoſitus ad pacandas turbas.

Ccc 3

ad-

admodum pacati tranquillatque Imperii felicibus armis cautoque consilio auctor esset, summamque apud Moschos auctoritatem reverentiamque haberet eandem, si præsertim valido robore armorum septam iterum referret; ad saniora consilia mentemque non gravatè reducendos existimaret. Idem iisque rationibus egerat cum Zolkievio semotis arbitris Andreas Bobola

Bobola idem cum Zolkievio agit.

Archi-Camerarius Regni, & quia hominis unicè in aula dominantis id erat consilium, plerique à Rege profectum existimabant; nisi tempus aliter docuisset: præsertim cum Rex non ægre Zolkievium abeuntem in Poloniam dimitteret; fortasse negligere se simulavit ipsius operam, quem sciebat difficulter retineri posse. Et Zolkievius quidem non negabat Regiæ Majestati imperandi esse potestatem, sibi verò imperata exsequendi debitum relinqui officium: considerabat nihilominus adventum suum in Moschoviam nihil turbatis seditiosorum animis profuturum, si ad eos vacuus Principe veniret, quem se adducturum (id videlicet

Zolkievius denegat suam operam, cur?

licet sibi maximè incultantibus Moschis) sanctè pollicitus fuisset, in eaque abalienatione & querimoniis de non præstita servatâque fide, atque adeò in eo periclitantium rerum statu, ad certam accessurum ruinam supremi Ducis contemptum. Quid enim perduellibus opponeret nullas denegati Principis admissuris rationes, armâne iterum, quibus hætenus & Electi Ducis partes Regiæque nominis existimationem tutatus fuisset? nec illa se promptè expedire posse inter legionum seditiones ac minas, nullis procedentibus stipendiis: satis exercitus egestatem diu à se sustentatam, partim licentiâ severius coercitâ, partim pollicitationibus promissisque mitigatâ, jam adventanti Duci absque aliquâ Regiæ liberalitatis notâ nullam fore auctoritatem, quàm hinc exprobrantes labefactatem fidem, insultantésque populorum voces, hinc milites æra flagitantes acrius impeterent convellerentque. Neque hoc æquo animo ferre posse, nullam à se præstitâ operæ, tanquam ingrati Regi, rationem haberi, si-

fidissima consilia postponi, è quorum neglectu certa Moschoviæ, quod sæpius prædixisset, rebellio provenisset. Quapropter frustra se ad compescendos tumultuantium motûs vocari, unde nullum fructum commodumque Regi allaturum speraret, & suo evidentissimum regimini arcefferet dehonestamentum.

Hâc Zolkievius excusatione usus est, adjectis insuper valetudinis suæ incommodis: sed spreti à Rege servitii fidelisque operæ ultra modum memor, adduci non potuit, ut, unde summâ cum gloriâ abierat, jam inglorius populisque suam fidem desiderantibus invisus rediret. Nec in castris Regiis æquiore morabatur animo, circumspiciebatque omnes in Poloniam abeundi modos, perspectâ Regis haud propensâ erga se voluntate, vidensque quæ ad Præfecturam suam pertinerent, rarò secum communicari, sed rebus unius aut alterius arbitrio definitis, in speciem se vocari vir serius & ad priscae severitatis imitationem compositus, nullisque aulæ blanditiis assentationibusque

que obnoxius, indignabatur. Et desiderii sui compotem fecit trepidus ab Hungaria nuntius, adferens Gabrielem Bathoreum res novas molientem arma Poloniæ minitari, urbemque principem summo in discrimine versari. Educatus ille olim fuit in Polonia apud Sigismundum Cardinalem Patrum, Regis verò Stephani ex fratre nepotem, quo cæso sublatoque, ad Bathorem Esethi Dominum Arriano dogmate infamem, se contulerat, à quo non aliâ adoptatus conditione fuit, nisi prius ejuratâ fide Catholicâ in qua natus nutritusque esset; impiam nec Christianam profiteretur adoptantis religionem. Ac intra exiguum tempus illo extincto, in amplissimam hæreditatem diuturno quæsitam ævo successit. Tum adolescens luxu lasciviâque diffuens, temerariis opportunus consiliis, seditiosis quibusque Hungaris ad se confluentibus, quorum tunc ob patrios motûs recentemque à Rudolpho Cæsare defectionem plena erat Pannonia, ingentem comparat potentiam. Mox Transalpinam Daciam seu Molda-

Zolkievius abeundi è castris occasione sumit à Bathoreo Polonae summis ci-

quis ille Bathoreus.

*Turca ac-
cessionem
Moscho-
via Sigis-
mundi an-
eius filio
suspectam
habet.*

viam invadit, ejusque Palatinum Radulam pellit fugatque, & felici rerum successu elatus jam aggredi primum Daciam, deinde & Poloniam cogitabat, quam per absentiam Regis omni externæ injuriæ irruptionique patere animadverteret, non sine spe sibi injecta à rerum novarum cupidis sibi que olim notis. Movit suspicionem, Bathorei audaciam ab indulgentia Turcica excitatam fuisse: namque Otthomanus Moschoviæ Imperium ad Sigismundum aut ipsius filium transferri nolebat, subverebaturque novam accessionem vicino Regi potentia: proinde serio Patriarchæ Constantinopolitano injunxit, ut pro ea religione, quæ illi cum Moschis communis esset, dissuaderet disturbarétque illorum populorum propendentium in Regem aut Principem Vladislai vota, idque tunc ex literis Otfinovii in illa degentis aula cognitum est.

Ergo intellecto discrimine periculoque imminenti Poloniæ, Zolkievius palam suam operam in Senatu Regi detulit, ut, quoniam hic minor sui ratio ad Smolenscum ha-

haberetur, iturum se perlibenter diceret ad reprimendos Bathorei conatus, cum id potissimum suæ Præfecturæ incumberet, incursiones hostium à finibus Regni arcere propulsarétque. Annuit Rex ipsius voto, cumque abiturus Regiam oscularetur manum, submissèque sua deferret obsequia, si illis ad Smolenscum uti Majestas Regia è re commodoque suo judicaret, convasatis licet rebus, jamque in ipso procinctu itineris, non moraturum, se tamen obtemperare mandato Regio, cujus id arbitrio relinqueret. Respondit Rex: Iret iam bono omine, quandoquidem abitum suum tantopere in votis habuisset, itinerique ac cinctus esset, & pericula Regno impendentia à Bathoreo ipsius exposcerent præsentiam. Non adeò bene animati Regis erga Zolkievium responsum audivère Proceres, obstupueruntque: dolebant plerique dimitti Virum præstantem in tanto turbarum curarumque æstu, cum maximè experti Ducis multoque rerum usu exercitati Senatoris indigeret Rex consilio, quod frustra expectaret à

Rex Zolkievium è castris in Poloniam mittit.

Et quidem inconsultè.

Palatino Braclaviensi, gravissimè cum supremo luctante morbo. Neque etiam consideraret abitu Imperatoris minui exercitum, quem suæ sequerentur copiae, satîs jam exhaustum, abductis à Joanne Skumino, Tyskievicio, Kalinovio, Snopkovio compluribus equitum peditumq; turmis, quibus nunc maximè egeret. Et ita quidem error errori accumulabatur pessimo Regis fato, optimâ perduellium fortunâ: ita plerumque adempto saniore consilio ulciscantibus Superis Principum aut immoderatam ambitionem, aut pertinaciam. Interim Zolkievius è castris, Palatinus verò Braclaviensis quartum post diem è vita excessit: de quo Viro illustri claroque, quod in aliis fecimus, deincepsque facturi sumus, juvat hîc pauca nosse.

25 Aprilis.

Joannes Potocius Palatinus Braclaviensis mortuus.

29 April. 1611.

Ejus Elogium.

Vetus in Cracoviensi terra dominium Potok Potociorum familiae cognomen dedit, nobilitas antiqua gentis, sed posteaquam in Russiam suas deduxit colonias, illustrior splendidiorque haberi coepit: quippe Russia Turcarum Scytharumque Regnis contermina, ideoque barbarorum furori obno-

obnoxia, juventuti Polonæ campum exercendæ virtutis bellicæ exhibet, cujus ut ingens præmium est gloria, partique decoris æterna tropæa; ita eorum plerique illecti dulcedine, è patriis sedibus in nobilissimam terrarum partem commigrant, animosè fortiterque ibidem victuri: invitante etiam fertili felicique glebâ, ut quod olim de Asia Magnus Orator dixit, hoc jure merito elogium Russiæ tribui possit: sive ubertatem agrorum, varietatem fructuum, magnitudinem pascuorum, & multitudinem rerum, quæ ex eâ exportantur, spectes. In hac igitur florentissimâ Provinciâ clarissimis ortus natalibus Joannes Potocius, patrem habuit Nicolaum Præfectum Camenecensem & Chmielnicensem, virum Sigismundi Augusti temporibus militari laude insignem: atq; ita in bellica domo natus educatusq;, quantum à suis majoribus Martialis animi traheret, multa dedit specimina. Et primùm quidem sub Stephano Rege quem in Moschovia bellantem secutus erat, non tantum fortissimi militis munia exple-

Cicero pro lege Manilia.

D d d 3

vit,

vit, Martiâque suam probavit indolem, sed & Ordinum ductor rebus præclarissimè gestis tantò Regi carior fuit, quantò sæpius in oculis Principis virtutum militarium maximi æstimatoris, fortis, animosus, hostiûmque cruore purpuratus comparuit. Ac deinde Joannes Zamoyscius vir togâ sagôq; eminentissimus ejusdem invictum animi robur admiratus, militiæque peritiam, omnium suarum expeditionum non commilitonem tantum, sed & consiliorum participem habuit: quippe cùm in iis ineundis expediendisque sive in castris, sive inter arma, præstantior nullus Potocio esset, dignum Zamoyscius judicaverat, cui universi exercitûs cura rectè tutòque committi posset. Et quanquam in bellis plurimis Viri egregia virtus inclaruisset magnorum ducum obsequens imperio, postmodum suo quoq; ductu quid quantumve valeret, ostendit, cùm cæso à Zamoyscio Michaële, qui utrâque Daciam sexaginta millibus hominum armatis suis ereptam Palatinis invaserat, restitutisque veteribus Dominis Potocio eas Provincias

Vala-
chiam &
Molda-
viam.

Hieremiâ
& Si-
meone
Mohilis.

vincias tuendas commiserat, relictis quatuor millium equitum turmis quibus cum imperio præesset. Atque iis cum copiis post abitum Zamoyscii Michaëlem reparatis viribus collectisque exercitûs sui reliquiis tumentem, Daciæque imminentem, & fortissimè repressit & ad satietatem cecidit, ut Michaël paucis comitatus servis vix ipse suæ superfuerit cladi. Certè uni Potocio veterem restitutum firmatûmque dominatum debuit Mohilarum familia, namque & ab abitu Hieremiæ iterum Daciam sub signis ingressus, factionem adversam Turcicis Tartaricisque auxiliis prætumidam, fudit compescuitque, & Constantinum ipsius filium juvenem, paterni Imperii freudentibus etiam Turcis compotem fecit. Sed is mox à Tomsa Regni æmulo conspirantē Otthomanorum potentiâ appetitus, vitæ & Imperii terminum habuit: frustra ferente opem Stephano Potocio cum lectissima juventutis Polonæ manu, qui fraternis elatus victoriis parem sperabat fortunam, quæ Joanni viro ut forti, ita cau-
to

to prudentique propitia fuit, hunc deinde temerario pugnante impetu deseruit, quam temeritatem hostis contemptus acceleravit, cuius poenas, profligatus à Tomša & captivus Constantinopolim ductus, luit. Et hæc quidem Stephani Potocii cum Mohila affinitas, cuius filiam Mariam uxorem duxerat, ad augendas Potociorum opes potentiâque erat peropportuna: penè tamen Rempub. in discrimen adduxerat, connivente plurimum Potociis Sigismundo Rege, cuius illi favorem notâ expertâque in bellis Civilibus fide promeruerant: adeò ut soli præ omnibus acerrimi dignitatis Regiæ violatæ vindices timerentur. Ac potissimum Joannes in omnium oculis erat, qui cum fratribus Jacobo & Stephano lectissimas veteranorum equitum adduxerat turmas, robur exercitus Regii primum potissimumque. Et in prælio Guzoviensi pugnaturus Rex cum civium suorum rebellium copiis, collocaverat ad dextrum cornu Chodkievicium, ad sinistrum Zolkievium, suis cum legionibus supremos

tunc

tunc armorum duces, illius verò curæ imperioque mediam aciem experto multisque bellis exercitato milite prævalidam commiserat, tantâ tunc cum laude rei bene gestæ, ut si verum fateri licet (verba sunt illustris motuum Civilium scriptoris) *suis copiis suâque virtute totam pugnae molem sustineret.* Eam postremam victoriam Rex Majestatis suæ stabilimentum Potocianæ virtuti acceptam retulit, exindeque eum munificus Princeps compluribus Præfecturis, deinde verò à decessu Janussii Ducis Zbarascii Palatinum Braclaviensem dixit, qui honor tanquam sublime domus Potocianæ ornamentum, beneficio Regum diu apud illos mansit, sex usque ad hæc tempora ex eadem familia eundem gerentibus. Ad extremum tandem Martiæ assuetus palæstræ, Regi in Moschoviam expeditionem paranti libens adfuit adhæsitque: ducentorum octuaginta equitum hastatorum, & trecentorum pedum ductor, deinde verò in absentia Zolkievii Moschoviam felicibus peragrans armis universi ad Smolenscum exercitus summo

Ille Lith-
vanæ, hic
Poloniæ.

Lubieni-
us lib. 3.
Motuum
Civil.

E e e

cum

cum imperio Præfectus. Quo in munere non tam ætate, quàm laboribus curisque bellicis fractus, ætatis suæ sexto & quinquagesimo in castris decessit.

A morte Palatini Braclaviensis suadentibus nonnullis Procerum, expeditus erat tabellarius Rege consentiente qui Zolkievium ex itinere revocaret, quem ille Orsæ affecutus, minimè reditum persuasit: excusante Zolkievio, se non expresso Regis accessi mandato, sed id suæ tantummodò committi voluntati arbitrioque. Neque sibi Rex diutiùs laborandum existimabat quem Palatino substitueret, propensior in Jacobum Potocium Castellanum Camenensem defuncti fratrem, virum præclaræ fidei & spectatæ virtutis, eumque exercitui cum imperio præesse voluit: invito Christophoro Dorastayscio Supremo Lithvanæ Aulæ Præfecto, obtestantèque in absentia ducum in exercitu, Rege præsentē soli Marschalco id muneris jurisque competere, & nullà quidem se motum ambitione contestari, prospicere velle interim ne suæ dignitati

Joanni Potocio fratrem ejus Jacobum Rex substituit.

Frustra obnuente Dorastayscio Lubanensis Marschalco.

gnitati officiique auctoritati deinceps præjudicium aliquod inde creari posset. Dremittit Rex litem Potocio æquior: nullam legem exstare penitus inquiring, cujus id beneficio Marschalcus arrogaret, sibi liberum esse cui vellet armorum tradere imperium. Atque ita æmulantium conticuere dissidia, & interventu Leonis Sapiehæ Lithvanæ Cancellarii, inter Potocium & Dorastayscium exortæ similitates contentionesque conquievêre.

At non Regis conquiescebat animus diuturnæ pertæsus obsidionis, continuisque succrescentis indies conspirationis rumoribus everberatus: denique anxius, ne miles ob non persoluta tanto, quo ad Smolenscum considerat tempore, stipendia, fessus impatiensque, in seditionem erumperet. Neque ulla promendi numerandique æris occurrebat facilitas, quæ non nisi ab universo Poloniae Ordinum unanimi pendèret consensu: ejusque rei causâ indixerat Rex Comititia proximo celebranda Autumno. Et quandoquidem præsentem iis interesse

Rex multis pressus angustiis

in Novembre.

oporteret, tantò magis sollicitus tenebatur, si relictà integrâ obsessorum pervicaciâ abiret, potiundæ in posterum arcis incertus, & militis ferocientis haud securus ægre ducibus suis parituri, quem vix Majestatis suæ reverentia contineret: assumturóque procul dubio conjuratos majores spiritûs, quos accenderent turbarum incentores sinistre malitioséque spargentes, Regem sub Comitiorum specie desperanti similem è Moschoviâ excessisse. Ergo Rex fortunam tentare statuit Smolensci aggressionem ad Idûs Junias indicit, partitis distributisque ad eum modum oppugnantorum copiis viribûsque: Orientalem arcis partem quam statio Cosacorum cingebat, Jacobus Potocius Castellanus Camenecensis supremus tunc armorum dux invadendam suscipit. Australem, quâ Boristhenes fluvius præterlabitur, Christophorus Dorastayscius Magni Ducatûs Lithvaniæ Mareschalcus, & Bartholomæus Novoduorscius Eques Melitensis Prætorianæ militiæ Præfectus. Ab Occidente, qua ex parte suggestus eminebat

Smolenscum aggre-
ssus.
13 Junii.

Copias di-
stribuit.

bat tormentarius, moeniâque arcis diruta fuere, quorum ruinam vallum præaltum largiore fossâ præcinctum, ab obsessis erectum, obtendebat, Stephanus Potocius Præfectus Felinensis suis cum turmis constitit. Inter Meridiem & Occidentem perditatus Germanicus Joannis Weiheri Præfecti Pucensis collocatus, cui in absentia Tribuni, ejus legionis vicarius Neinkirchius præerat.

Et nec dum albescente die (quanquam illic accedentibus Solstitii diebus lucidæ plerumque noctes, ut finem, quod etiam de Britannia Tacitus ait, & initium lucis exiguò internoscas discrimine) primus cum suis procurrit Castellanus Camenecensis, militique in ferendis scalis mixtus incorrupto ducis honore, quam ipse tulerat scalam pari ardore ope aliorum subnixus admoveat & in murum evolat. Præeuntis ducis exemplum secuti cæteri alacres, certatimq; moenia scandunt subeuntque. Moschi inopinatâ aggressionem perculsi, ad arma conclamant, æris campani sono præsidiarios

Lib. de
vita Agri-
colæ.

Potocius
Castella-
nus Ca-
menecensis
primus
murum
scandit.

Ecc 3

oppi-

Deinde
Veihers
peditatus.

Pugnatur.

oppidanósque periculi admonent. Jam & peditatus Veiheri ab altera parte scalarum beneficio in murum evaserat: ita clamore ab utrinque exorto accurrentibus hinc atque inde defensoribus, pugna in moenibus duodecim desuper cubitorum latitudine patentibus committitur, qualis esse solet inter aggredientes audacésque atque inter inopinantes ac perculsos. Ac ne tanta vis ad propulsandos invasores è moenibus incumberet, occupatus undique tenebatur hostis, hinc à sclopetariis continenti explosione grandium tuborum fatigabatur, inde miles certatim muros scandens, demum tormenta muralia, quorum alia in turre, alia in muri partem, alia ex suggestibus tormentariis in ipsam dirigebantur arcem, avertebant.

à Dorastayscio & Novoduorscio sub-
sidium ex-
spectatur.

Neque tamen occupato à Polonis muro captæ arcis integra spes affulgebat, cum intra ob præcipitem locum desilire tutum non esset, exitum verò descensumque occurrentes Moschi conglobatis agminibus observarent defenderentque, totum urbis excidium à Christophori Dorastayscii Marchalci,

schalci, & Bartholomæi Novoduorscii Equitis Melitensis virtute ingenioque expectabatur. Et ita quidem dum à pugnantibus desuper, & ad ipsos, quâ patet ex arce in moenia gradus, hostis undique distinetur, Novoduorscius opportunè subter observatum sibi perspectumque non longè à porta Cryloviensi sub ipsis moenibus canalem, seu colluviarium ferreis clatris munitum qui in vicinum Boristhenem ex arce ejectamenta sordésque deferebat, piloclastrum æneum applicat, contemptoque periculo suâ manu accendit: id verò tantâ violentiâ confestim ignem sparsim impulit, ut ad triginta cubitos in longum, latum verò duodecim, murum dejecerit. Patente stratoque jam per ruinas aditu Dorastayscius & Novoduorscius primi irrumpunt, sequente Prætorio milite cæterisque legionibus, clangore tubarum, tympanorum sonitu penetratæ arcis dato signo. Tunc primum magis à defensoribus trepidari coeptum est, stupentibus ad tam vastam moeniorum ruinam, eoque potissimum loco, quem nullis for-
sionibus

Novodu-
orscius
Piloclastrum
admo-
to muri
magnam
partem
disjunct.

Prætorio
milites
& cætera
Legiones
irrumpunt

Bateria. murorum vallo prætenſæ oppoſitum contendunt, hoſtes ibidem agglomerati deſertâ ſtatione, aggere, tormentis, diffugiunt: Stephanus Potocius ſuâ cum legione ſuperatâ prælargâ difficilique foſſâ, vallum conſpicuæ altitudinis ſummâ cum moleſtiâ tranſcendit, & Dorastayſcius iterum ad portam Ducalem accurrit, ibique aggeſtam humum ob-
 jicibus trabibûſque præſeptam diſjici mandat, reſerâtque, quâ patente, eques pedêſque irruit, ſit undique atrox cædes, ſtragem inferente tantâ furiâ milite, quantâ plerumque in excidiis urbium evenire ſolet. Quippe & diuturnæ obſidionis mala, & contumaciam deſenſorum, & exercitam ferociûs in commilitones rabiem, ultum ibant.

Et multitudinem utriuſque ſexûs ac omnis ætatis, & præſidiariorum pleroſque deſenſione deſperatâ, ad templum latere ſtructurum cinctumque fuga rapiebat: cùm
 inter

Stephanus
 Potocius
 vallum
 tranſcen-
 dit.

Tu reliqui
 milites per
 portam
 ducalem à
 Dorastay-
 ſcio aper-
 tam, ir-
 ruunt,
 ſtragem
 inferunt.

Incola &
 milites ad
 templum
 confu-
 giunt.

inter promiſcuam cædem curſitantiûmque militum furorem, turris ſive ab hoſte, ſive è piloclaſtro diſjiciente moenia, injectâ flam-
 mâ ignem concipit, tantoque citiûs corripuit, quantò ab aſſervato ibidem pulvere bellico ſuccenſo, majorem vim habuit impetumque, dejectis ſeptem propugnaculo-
 tum ſaſtigiis, depaſtiſque intus trabibus, & quidquid ligneum fuit. Sed magè atrocior pernicioſiorque ſubitò emicuit flamma in ædibus paulum ſupra Ducalem portam ſitis, cujus cauſam tunc ignotam habuere, quòd crederent ardentibus propugnaculis evolafſe ignem delatumque facilem corripuiſſe materiam: verum certò poſtmodum com-
 pertum eſt, Moſchos auctores incendiî exſti-
 tiſſe, nempe ut perditis rebus idem victos vi-
 ctoreſque prædâmq; omnem involveret. La-
 boravit in exſtinguendo tectorum incendio permultum Chriſtophorus Dorastayſcius, propoſitòque præmio ad ſedandas flammâs obvios ſtimulabat, qui perpenderet quan-
 tum intereſſet prædas non corrumpi, ſed
 fruſtra, cùm cæteri milites manipulatim per

Ingens ex-
 citatur in-
 cendium
 cuius
 Moſchi
 auctores.

*Ignis tem-
plum cor-
ripit,*

*pōst ad
subterra-
neos specūs
ubi pulvis
bellicus af-
servaba-
tur, per-
vadit.*

vicos viasque distributi, ad spolia quaquaversum discurrerent, & ignis à validiore aura sumtis viribus, non in proxima tantum grassaretur ædificia, sed velut commilitonem agens rapiditate incredibili omnia pervagaretur. Jamque illud templum lateritium Archi-Episcopi sede nobile, confugientisque utriusque sexus populi multitudine refertum, convectorumque auro, argento, supellectili, mercibusque pretiosis, ac abditis in fornicibus Civium mercatorum fortunis opulentissimum, protinus occupat, crepitantique ac ubique sequaci flammâ circumdat: inde in subterraneos in vicinia specūs sulfureique pulveris receptacula penetrans, mille quingentas tonnas singulas duorum modiorum capaces corripuit, tantoque cum fragore erupit, ut tellus dehiscere, ruere coelum videretur, ac si mixta terræ motui tonitrua, fulgura, exitium jam orbi minitarentur: corruentibus passim ædibus tam sacris ac profanis, nutantibusque moeniorum propugnaculis, motisque. Secuta hinc ingens populi clades: quippe templo dis-

disiecto, alios vis ignium illico exstinxit, *Miserabile perem-
sum ho-
minum
spectacu-
lum.* alios fumus ac pestifer halitus exanimavit, alii in sublime elati terræ iterum allisi, alii inter lapides trabesque comminuti discerptique, ad extremum omnis illa supellex prædives, Mercatorumque ac Civium opes concremata, nusquam comparuere. Certè miserabilis illa fuit clades, quam Moschi extremè contumaces ultimâque accensi desperatione arcessivere, advocato velut in subsidium mortis igne, cui vitam fortunâque suas ultrò devoverent. Visi namque sunt argentum, aurumque, vestes, & quæ pretiosiora haberent, in flammâ conijcere, eodémque semetipsos præcipitare.

Atque ita intra quatuor circiter horas, arx florentissima hostiumque contemtrix cædibus ruinisque corruptam se vidit. Trahebatur inter captivos Sergius Archi-Episcopus Smolensci ab ara avulsus, ad quam veluti sacris operaturus splendido in ornatu constiterat, mox spoliatus acceptoque vulnere cruentus. Adjunctus ejusdem infortunii comes Petrus Joannis Horcacovus, Palatinus

*Capitur
Archi-
Episcopus
Smolensci.*

tinus minoris ille tamen auctoritatis, & qui Imperanti Sehino subesset. Solus desiderabatur Borissius Sehinus præcipuæ notæ Palatinus, Smolensci Hector, ipsiusque factorum mora: proditus tandem ab imbelli mulierum fugientium turbâ, asserente vivere Sehinum incolumen, uniûsque propugnaculi sepimento paucis cum comitibus inclusum latere, unde fortasse adhuc speraret effugium. Et mox accedente ad propugnaculum milite restitit, veritusque ejusdem sævitiam, quam Tyrannide in captivos exercitâ, irritaverat, quempiam è Tribunis aut ducibus arcessi postulat, quod ni fieret, mori se purgentem malle, quàm furentium discerpi laniarique manibus: accurrit Castellanus Camenecensis, cuius ille è vestigio se permisit tradiditque potestati cum uxore filioque.

*Tandem
& Sehinus
Palatinus.*

*Smolen-
scum ex-
pugnatur
die sacro
Divo An-
tonio Pa-
tavino.*

Hic tandem exitus oppugnationis fuit fausto Divi Antonii die, cuius sacros Cines Patavium veneratur, qui piè invocatus, arcem à centum annis deperditam suo apud Deum patrocinio legitimo Domino restituit,

tuit, & quidem cum exigua oppugnantium jacturâ, è quibus vix quindecim in conflictu cecidere, totidemque penè quos prædam avidiùs sectantes hostis confecit. Uno tamen viro forti strenuoque desiderato Centurione Stanislao Goreccio. Ex præsidiariis aliquot interiøre centena, è plebe plurimi conflagravère, visabanturque corpora ambusta passim jacentia, iis præcipuè locis quibus ignis maximè debacchatus est. At militum præda quam Rex in commune conferri jusserat ex æquo divisurus, ne inter prædatores rixæ occasio foret, cujus jam aliqua initia comparebant, non magna visa est, quia eam cum igne maximè in subterraneis fornicibus prædabundo partiri coacti essent, meliorem opulentiorémque consumente: exiguâ militi desuper portione relictâ. Reperta in arce tormenta muralia quinquaginta, minora partim fracta, partim è moenibus propugnaculisque dejecta ducenta, bellici pulveris non magna còpia quia ab igne consumpta, globorum ferreorum, plumbi vis ingens, res cibaria in annum adhuc suffectura.

*Cum exi-
guâ Polo-
norum ja-
cturâ inter
quos desi-
deratus
Goreccius
Centurio
Equitum.*

*Præda non
adeò ma-
gna quia
ab igne ab-
sumta.*

*Hofium
caforum
maximo-
rumque
numerus.*

*Potocius
Regis Vi-
ctoriam
suo mili-
tūque
nomine
gratula-
tur.*

*Idem facit
Dorastay-
scium auli-
corum no-
mine.*

*Novodu-
orfcus
Eques
Meluensis
laudatur.*

Præfidiariorum numerus ad bis mille & septingentos ipsius Sehini calculo dedu-ctus. Cæterum toto obsidionis tempore tam ex defensoribus quàm plebe, cæde, morbis horrendè grassantibus, transfugiis, ultra septuaginta hominum millia periëre.

Postero die Castellanus Camenecensis suo exercitūque totius nomine Regi victoriam gratulatus est, militum fortia facta extollendo, qui tantis laboribus, diuturnæque obsidionis tædio invicti eam peperis-
sent, proinde liberalitatem munificentiamque Regiam meritos supplices expectare. Et Christophorus Dorastayscius Marschal-

cus, Prætorianarum légionum virtutem de-
prædicavit: insuper promptam Aulici co-
mitatūs operam, præcipuè verò eorum, qui
nullis auctorati stipendiis inter honorarios
bellatores comparuissent, quorum meri-
ta tantò magis conspicua essent, quantò
singulari alacritate opes suas & vitam Prin-
cipi impendissent. Ac super omnes lau-
dabatur Novoduorfcii virtus, qui non aliud
à Rege expectaret posceretque præmium,
quàm

quàm unicum Ordinis sui cui ille adscri-
ptus esset, & singulare patrocinium. Re-
spondit Rex disertissimis Krisicii Pro-Can-
cellarii verbis: collaudando egregia facino-
ra ducum militūque, quorum ipse spe-
ctator fuisset, oblataque Regiâ gratiâ, ju-
cundam sibi fore memoriam omnium in
conferendis dignitatibus Magistratibūque
ac ampliore censu, idque sibi certò pollice-
rentur à sua liberalitate & munificentia.
Cujus mox ibidem fructum tulit Potocius,
ab accessione earum, quas olim frater ges-
serat, dignitatum. Namque Regio ore Pa-
latinus Braclaviensis, & Præfectus Came-
necensis renunciatus est. Et persolutis
supremo Victoriæ Datori exercituū-
que Domino submissee gratiis, militi in arce
captâ epulum præbuit, faustis interim vo-
cibus personantibus gratulantibūque, vi-
ginti mensium laborem felici tandem ter-
minatum exitu.

Præterire hîc non possum rem, quæ sub id
tempus accidit, memorandam, à Zolkievio
suis in Commentariis relictam observatam-
que.

*Meliten-
sis.*

*Rex mili-
tibus gra-
tiam suam
& munifi-
centiam
offert.*

*Potocius
Palati-
num Bra-
claviens-
sem renun-
ciat.*

*Militi
epulum
præbet.*

que. Inter rudera à pulvere tormentario in sublimē eiectionis effractique templi, gregarii milites persæpe rimabantur inquirebantque latentem prædam: cum subito gemitum exaudiunt, statimque rudera, lapides terramque amovent. & ecce attoniti reperiunt marem & faminam spirantes viventesque. Famina quidem hausto puriori aëre confestim exanimis concidit: alter ad castra perductus, cum vinum adustum & balneum poposcisset, hausto vino non supervixit. Sedecim dies ruderibus cooper-
Mirum de duobus absque cibo per sedecim dies superstitionibus.

tos cibi potusque expertes vitam protrahere potuisse, omnibus certè admirationi fuit, dignumque visum quod accuratius observarent traderentque posteritati.
Causa diuturnioris obsidionis enarrantur.

Diuturnioris obsidionis pertinacisque moræ causas brevi jam edisseram verborum compendio, ut perinde belligerantium errata lectori constent, atque triumphantium laureæ. Obsederat Smolenscum Rex citò potiundæ arcis spe plenus, eam fecerant nonnulli qui in turbido Imperii Moschovici statu, Præfectum ipsius nullius auxilii sub-

subsidiique certum ac securum, ad Regis præsentiam denuntiationemque dediturum opinabantur. Jam verò ubi numero milite iustoque penè exercitu infessam, oppidanorumque pari numero refertam inaudivère, opinioni suæ & eò fortius insistebant quòd annonam comportatam octuaginta aut amplius millibus alendis insufficientem, brevique consumendam credebant. Sed ubi & literæ Regis deditorem suadentes imperantesque ad arcem missæ, vix auditæ fuère, evocatique ad colloquium obsessi discretè respondere: se dicto Sacramento Suyscio, duobus Dominis parère nolle, nec posse salvâ fide, quam vitâ suâ potiore haberent, tunc primum apparuit rem cum pertinaci hoste futuram. Et fortasse Rex loci capiendi fiduciâ (quæ bellantibus plerumque pernitiosa) fretus, imparatior ad oppugnandum accesserat: quippe pauca tormenta obsidionalia adduxerat, quæ antequam à Livonia cæterisque arcibus comportarentur, plures effluxère Menses. Nec machinatores bellici aderant ejusque scientiæ periti,

Incerta spes mihi que si ducia.

Res ad oppugnationem instituendam haud provisæ.

G g g

unum

unum si demas Theophilum Szember-
gium, prout illa ferebant tempora, aliquan-
tum peritiorum, neque in tempore arcessi-
tum, quem Zolkievius in locum Vaxmani
hominis rem tormentariam minùs intelli-
gentis, substituerat. Ac super hæc in lon-
gum obsidionem extendit æmulatio du-
cum, malum quod in bellis ac Republica
vitabitur semper, nunquam tamen exclu-
detur, extrema militiæ Regnorumque per-
nities cum ultimo Regnorum, Regumque,
ac Rerumpublicarum excidio desitura. De-
tulerat Rex in universo exercitu Imperium
Zolkievio Palatino Kioviensi, cum quo
nihil nisi in speciem communicaret, Poto-
ciorum verò audiret æquior sequereturque
que consilia: illorum pleraque arbitrio defi-
niret, quin exclusis cæteris visus est cum
illis solis de modo ducendi belli, oppu-
gnandæ arcis, totiusque expeditionis sum-
mâ differere. Hinc indignatio Zolkievii
veteris expertique ducis qui nullius aucto-
ritatem super suam esse vellet, & quidem
rebus præclare gestis, victoriis reportatis,
exer-

Æmula-
tio ducum.

23 Augu-
sti.

exercitu optimè administrato, emeritam
Regisque Stephani bellicosissimi Principis
& Joannis Zamoïscii præclarissimi ducis
judicio auctam. Inde illi minor obsidionis
cura, quam aliena interturbarent consilia,
remissiùsque in oppugnando agebat, nec
sine aliquorum querelis, præcipuè homi-
num adversæ factionis, qui ejus oscitantiam
carpebant, odium falsò conciliantes, quasi
in præsentia Regis negligentia peccaret, qui
per ejus absentiam mallet suæ quàm illius
gloriæ famæque invigilare. Atque ut hæc
perperam dicta factaque sunt; ita certò
compertum habeo, à sola æmulatione re-
missiorem minùsque diligentem officii sui
fuisse. Legi in actis diurnis exquisitè con-
scriptis, Cancellarium Lithvaniæ suo Se-
natùsque nomine præsentem Karlinio Vete-
rano milite egisse cum Zolkievio: illius vi-
delicet negligentia imputari Smolensci ir-
ritam hætenus oppugnationem, militis per-
cauponas irritamenta scelerum, luxum, de-
fidiàmque, dissolutam castrorum discipli-
nam, ageret proinde quod Imperatorem

Zolk evio .
m nov obsi-
dionis cu-
ra.

Sapieha.
25 April.

7 Junii.

deceret, amoveret à se culpam omnem, famæque suæ & existimationi aliter consulere. Sed Zolkievius paucos intra dies leviter se apud Sapieham excusans, forte fortuna campum suæ virtuti absque æmulis exercendæ nactus, è castris libens excessit, triumphaturus ex devicta domitâque Moschoviâ ducibusque captis, prout jam memoravimus: cum etiam per ejus absentiam nihil singulare, summo cum imperio relictus Joannis Potocius Palatinus Braclaviensis, præstitisset.

Crebra
minùs op-
portunè
cum hoste
colloquia.

Jam verò & crebris cum hoste colloquiis frustra effluebat tempus, quod fatigando oppugnandoque extremâ vi impendi expediebat. Instituta quidem oppugnatio aliquoties fuit, nihilominus semper non absque aliquo oppugnantium defectu ac errore, hoste fortissimè sese defendente ad omnesque intento conatus: cum pro vallo moenibusque acrius certaret, & cuniculis ac fossionibus eodem sub terram loco transverso tramite occurreret. Ad extremum miles æris vacuus, haud promptè ducum imperata exaudie-

audiebat: quippe Rex unico ab Ordinibus & quidem tardius concessio tributo, bello se huic accinxerat, non expenso deductoque probè calculo, ac proinde non procedentibus stipendiis, seditio indies timebatur. Atque eæ fuere potissimum rationes in viginti Mensium spatium prorogatae obsidionis, ^{Et miles ob stipendia non perfoluta contumacior.} cuius ampliorem narrationem iis relinquo, ^{à 1 Octobris 1609 ad 13 Junii 1611.} qui aliquando Sigismundi gesta posteritati tradituri sunt.

Pietatem ipsius præterire non possum, ^{Pietas nihilominus Sigismundi Regis magna.} cuius toto obsidionis tempore magnis Principibus imitandum reliquit exemplum: ac inter castrenses curas non ab armatis legionibus numerosoque exercitu præfidenter exspectabat victorias, sed ab ipso exercituum Domino, à cuius favente dextera & militum pendere robur, bellorumque eventus. Hunc itaque voto precèque placare non destitit, indictis supplicationibus pro felici obsidionis successu: Coenobium Itlebi & Borissi sacris destinatum mane & à meridie visitare solitus, totoque tempore quo ad Smolenscum hæsit, nihil de suâ re-
G g g 3 mitte-

1 No-
vemb.

mittebat pietate, quam ubique suâ augebat præsentia & exemplo: festis præcipuè diebus cum publico & incruento adesset sacrificio, & sacrum audiret Oratorem. Et recurrente luce quæ Corporis Domini memoriam referebat, intererat supplicationi, quæ in castris exquisito apparatu militari-que pompâ peracta est. Cœlites quoque in subsidium peculiari advocabat cultu, ac Principem militiæ cœlestis Michaëlem Orsæ veneratus est, quæ in Urbe sub ipsius adventum Patres Societatis templo ipsius honori dicato fundamenta jecerant. Ac inter medios armorum strepitus, quo esset erga Divorum cultum animo, abundè declaravit, scriptâ ad Pontificem Maximum epistolâ, quâ petiit: Sanctum Ignatium primum Societatis sub Nomine Jesu congregatæ Parentem, publicæ Catholicorum venerationi exponi, tanquam suæ in Moscho-viam expeditionis tutelarem. Libet nonnulla epistolæ proferre verba: *Rem constanti Christiani Principis pietate dignam esse judicabit, ut negotium Canonizationis B. Ignatii Societatis Jesu*
sæpe

4 Septem.
1609.

Paulum
Quin-
tum.

Data è
castris 27
Novem.
1609.

sæpe & diligenter aliàs per me S. V. commendatum, nunc vel maximè prece & obsecratione in memoriam S. V. revocarem, dum vota ejus in hac expeditione mea præsentissima exposco. Quâ enim aliâ ratione magis patrocinium hujus Beati lucrifacerem in cœlis, nisi promovendo causam sancti honoris ejus, eâ quâ par est contentione & pietate, in terris. Hos verò meos apud S. V. pro eo conatus, magis ac magis movet auctior indies in eundem Beatum per universum Christianum Orbem cunctorum eximia pietas & devotio: cujus uberes difficillimis & iniquissimis Regnorum meorum temporibus expertus sum & ipse non rarò fructus. Hanc benigni Regis pietatem obtinuisse existimo cœlitus tardam licet Smolensci victoriam, sed exercitui incruentam, & penè miraculo similem, in tanta hostis callidi versutique vigilantia, tunc rebus suis fatali sopore indormientis.

Sed tam fastidiosi tædii recens victoria oblivisci fecerat, & Rex post datos paucos lætitiæ dies gratulationibus militari-que plausui ad indicta properabat Comitia. Ordinatis itaque Smolensci rebus, cætera curæ imperioque Jacobi Potocii Palatini Bra-

Rex Potoc-
cio ad Ex-
ercitum
relieto
Vulnam
ruit.

7 Julii.

Braclaviensis commisit, eundemque archiepiscopum prefecit: post ipsemet suam cum aula splendidamque deducente comitatu Vilnam concessit Lithvaniæ Ducatus Metropolim; & in Urbe opulentam populosamque maximo cum triumphi apparatu exceptus, inter archiepiscopos triumphales, Civium militariter instructorum ordines, ignium hilaria, Musicos concentus ad palatium processit, & à Regina Constantia Coniuge, & Principe Vladislao filio Victor Triumphansque confatus est.

*Regis ab-
itus victo-
riam per-
didit, qui-
bus ex
causis.*

Magno Imperatori vitio id olim datum est, quod vincere sciret, victoriâ autem uti nesciret: & multorum is vincentium error fuit, à quo nec Sigismundum immunem plerique voluere. Censebant namque victoriâ esse continuandam quæ se ultro offerret, pacandæque Moschoviæ ipsa ultro porrigeret Regi lauream: Consternatos videlicet Moschos Smolensci excidio, jam & ipsos conjuratos nutare, multos nec dum pro rebellionem concordem esse, præcipuæ Nobilitatis auctoritatisque viros Regias

tueri

tueri ac fovere partes, si motis in interiora Moschoviæ castris conjungeret triumphalem exercitum cum Strussi & Sapiehæ legionibus, præsentem Regem & rebellium dissipaturum consilia, & faventium stabiliaturum confirmaturumque animos. Tuta à tergo esse omnia, an & eos ipsos conjuratos urbem obsidione prementes subituros pugnae aleam cum victore exercitu? veteranis legionibus? ipsoque Rege inspectante? cum ea obsidentium multitudo non tam exercitati militis robore, quam turbidi populi constaret colluvie. Atque ita urbe liberata obsidione, advocatis compellatisque Moschoviæ Ordinibus, omnia in meliorem statum reduci posse, certo certius esse. Jam verò abeunte Rege pacatisque rebus imponendum esse validum urbi præsidium militesque per stationes vicinas distribuendos, adventum aut Regis reducis, aut Principis Vladislai expectaturos. Insolentiam legionum seditionemque metuendam esse minimè, si interim proventus censusque Moschoviæ inspicerentur examinarentur-

H h h

que,

que, unde illis æra procederent: aut certè depromeret Rex ex veteri Ducum Moschoviæ ærario gazâque, aurum argentumque, deductoque stipendiorum calculo divideret inter milites, egestatèque illorum solaretur: residuam summam expeditiùs postmodum à reduce Rege vel Principe Vladislao persolvendam. Nec esse quod Rex iter ad Comitìa obtenderet, nullam iis moram futuram, si acceleraret, armâque ostentare ac inferre non cunctaretur, unius mensis spatio feliciter omnia terminari posse, majorique gloriâ auctum non tantum Smolensco, sed universâ detriumphatâ Moschoviâ ad Comitìa rediturum, aliàs partem tantum victoriæ non integram secum allaturum.

Non attento optimè consulentium voto sententiâque Rex, nihil nisi reditum meditabatur, sive bellicarum pertæsus curarum diuturnâque fessus obsidione, sive quòd fideret missis subsidiis, traditâque armorum & rebellionis opprimendæ curâ Carolo Chodkievicio experto prudentique duci, qui

qui Tolocini Regiam manum osculatus erat, ibidèque mandata acceperat, absque sua præsentia res in feliciorè statum reponi posse. Nec diutiùs Vilnæ commoratus Varsoviâ movit, & ad præfixum Comitiorum diem læto cum applausu comparuit. Et ubique, præcipuè tamen à Senatu & Equestri Ordine exquisitis gratulationibus Victor salutabatur. Auxit publicam omnium lætitiâ Zolkievii triumphus, quem memorabilem duxit. Ibat, eques Imperii Moschovitici domitor, provectæ ætatis rerumque gestarum famâ celebris dux, præcedebat splendidus numerosusque equitatus è Tribunis, Centurionibus, lectissimoque milite veterano, festo insigni ornatu constans. Sequebatur Basilius Suyscius unâ cum fratribus germanis in curru sublimis, peditatûs famulitiique coronâ cinctus, mox ab ipso Zolkievio ductus in palatium ubi Rex cum Senatu Ordinibûsque confederat, omnibus videndus exhibetur, traditurque Regi gravissimè sententiis exemplisque variis attemperatâ oratione, quâ

Oppidan Al-
bæ Rus-
siæ.

Rex Vil-
na Varso-
viam ad
Comitiâ
properat.

Zolkie-
vius is in
Comitiis
trium-
phans ca-
pitulos
Suyscios
publicè
tradit.

Majestatem Regis, Reipub., felicitatem gloriâque extulit, ex debellata Moschovia victoque ipsius, & vasti Septemtrionis dissitarumque ad Caspios usque montes Hyrcanumque mare gentium Monarchâ: petitisque ex antiquioribus & recentioribus Historiis, quarum summè peritus erat, exemplis rarò visis auditisque, recentem comparavit victoriam. Atque hunc Regis Smolenscum expugnantis & Zolkievii Suyscium tradentis triumphum, spectare licet in palatio Varsoviensi inter auro cælata laquearia eleganter depictum peritissimi artificis Dolabellæ Itali manu, expressasque ad vivum non infeliciter superstitum tunc Senatorum Aulicorumque ac Procerum effigies ornatûsque: perjucundum profectò posteritati spectaculum, quod & magnorum virorum in Repub., optimèque de Patria meritorum Civium exhiberet memoriam, & ad præclare facta victricibus illorum tropæis seros nepotes excitaret.

HI.

HISTORIÆ
VLADISLAI
POLONIÆ ac SUECIÆ
PRINCIPIS,
LIBER SEPTIMUS.



N tam effusâ omnium *Prosperè res gesta in Moschovia immo- cam laci- tiam in a- nimis Po- lonorum excitant.* lætitiâ consultantium mentes judiciâque confundi videbantur, certò sibi persuadentium, devictam Moschoviam brevi futuram Poloni sceptri additamentum: tantâque victoriæ fiduciâ gestientes acceperat animos, ut jam de ea in Provinciam redigendâ ordinandâque multorum sermo esset. Pauci fuere qui reputarent & militis bellantis stipendia, & exortæ conjurationis initia progressumque; illa æquiori exa-

Hhh 3

mina-

*Inde pa-
rum pro-
vident de
stipendiis
militum.*

*Moscho-
via ante-
rim se in
pristinum
statum e-
rigit.*

minata calculo, proindeque magnis difficul-
tatibus Rempub. implicatura, hanc verò in-
dies crescentem auctisque viribus prævali-
dam, victoriarum serenitatem brevi obfu-
scaturam. Et quidem rebellionis minorem
tunc Ordinibus fuisse curam à comtemptu
hostis victi multoties, depressique, facilé-
que in posterum subjugandi provenisse
comperio; ad stipendia verò persolvenda
exiguum interim concessum stipendium:
quippe bello in hostico alendo tantisper
suffectura rebantur, cum uberiora ex Im-
perii domiti vectigalibus censuque exspe-
ctarent, sperarentque bellum citò profligatum
iri. Atque interim dum in aula Regia
publicoque Comitiorum concessu triumphatur,
Moschovia depulso fræno victorem
excutebat Polonum, non tam à virtute
roboréque suo, quàm ab æmulantium
ducum & Tribunorum dissidiis animosa.
Id verò, prout acciderit, jam mihi promptum
est referre, exponeréque lectori, quomo-
do gens internis motibus concussa & aliunde
acceresito Domino, cui jam dixisset Sacra-
men-

mentum, obnoxia, armis domita pressaque,
inops consilii, iterum sese in pristinum
erexerit reposueritque statum. Neque id
sine admirandâ fati potentiâ, quæ postea-
quam ad fatietatem in tam potenti Septem-
trionis Imperio Orbi Cristiano exhibuisset
ludos, Polonum victorem, velut ad certas
horas theatralem sustinentem personam, è
scena excedere iussit, Moschoviam verò
suis moribus ac pristinis legibus restituit,
imposito è Primoribus indigenis Principe,
ejusque firmato Imperio, quod ad suos,
qui nunc regnant, extenderet posteros.

Accrescentem indies Lepuni conjuratio-
nem rebelliumque armatorum copias mo-
rabatur non improspere eventu Alexandri
Gosievii Præfecti Velisiensis singularis in-
dustria & Martialis spectati Ducis virtus,
detinebantque ab extra tendentem hostem
Nicolai Strussi turmæ auspiciatò sæpius cum
eo rem gerentes dimicantesque, prout supe-
rius memoravimus: instabat nihilominus
pertinax Moschus, neque suorum etiam im-
minutus clade desperabat tolli opprimique
præsi-

*Gosievii
rebellium
Moscho-
rum obvi-
am it.*

lib. 6.

præsidium Polonum posse, ad quod oppugnandum obstinata populorum conflueret rabies, totaque concitata in ultionem sese accingeret propediem Moschovia. Jam Leponus medietate Alborum moeniorum potitus, sat gravem obsidionem minabatur, cum Krimgrodi Kitaigrodique arctioribus sepimentis præsidiarium conclusisset militem tantoque animosior ab abitu Regio in Poloniam evaserat, quanto consternatior excidio Smolensci, triumphantis victricia exspectaret metueretque arma, quibus promotis, nutantibus præsertim seditiosorum animis trepidantibusque, dissipata rebellio certo certius evanisset. Atque integro sex mensium spatio à discessu Regis fortiter ab utrinque certatum est, pervicaciter nihilominus semper inhærente hoste, quem animaret fessi militis Poloni languor insolentiùsque agentis, & desertâ statione abitum in Patrium summâ contentione apparantis furor, tum frequentia nostratum dissidia, æmulationes non ignorabant Moschi, eaque illis passim à transfugis speculac-

*Sed ii ab
abitu Re-
gis animo-
siores, non
persistunt.*

*Ab Julio
ad De-
cembrem*

*Æmula-
tio dissi-
dia Polo-
norum
audentio-
res faciunt.*

culatoribusque innotescabant.

Interim Gosievius non destitit sæpius hostium frustrari consilia, retardare impetum, nihilque omittere quod ad regiminis sui curam, vigilantiamque strenui ducis pertineret: ac præcipuum potissimumque rebellium ducem Leponum, insigni stratagemate aggressus est: Donensium Cosacorum copiam grande conjurati exercitus conficiebant robur: accesserant namque partibus recens sui ducis Zarucii traducti operâ, cui Impostoris conjugii tenaciùs adhærenti, Leponus subdolè spem fecerat, ejus filium pulsus ejectisque Polonis ad Imperium evehendum. Ergo Gosievius ut & Leponi vires Cosacorum nudatas auxiliis debilitaret infringeretque, & Moschos apud exteram militiam in suspicionem adduceret, Leponi epistolam sigillumque simulat, quasi mandatis popularibus suis subitam Cosacorum cædem ultionemque in quam omnes ad præstitutum diem animosi exsurgerent. Missa per secreti conscium epistola, & fortè seipsum ex condicto prodente tabellario, à

*Gosievius
Leponum
tollit, quo
stratage-
mate.*

I ii

Cosa-

Cofacis intercepta, lectaque ingentem excitavit tumultum: mox Leponus tanti doli fabricator quæsitus inventusque, cum nullius se scripti literarumve conscium esse per omnia sacra contestaretur, juraretque hostium eam esse imposturam fraudemque, frustra Superos testes suæ innocentiae advocans, à furenti occiditur milite: incusso cæteris Moschis metu, quorum abhinc fidem suspectam Cofaci haberent. Cesserat Gosievio fati fortunatè dolus extincto Procopio Lepono, cui apud suos populares præter elegantem proceramque corporis formam, iudicium acre, in rebus agendis industria, militiæque peritia famam comparaverat: sed nihilo depressiores Moschi tam atroci inopinatoque rebellium ducis exitu facti, mox Trubecium sufficiunt cautum, occasionum momentorumque bellorum captatorem sedulum.

*Lepono à
conjuratis
Trubecium
substitu-
unt.*

*Fames in-
terim in-
valescit &
præsidia-
rios affli-
git.*

Verum inter crebros præsidiorum cum hoste conflictus, ut nullis ex præliis, ita per inopiam & labores miles fatiscibat: invalescente præsertim fame, quæ ipso

ipso hoste gravior, acerbiora minitaretur. Ibat serpenti malo obviam provida mens Gosievii & communicato cum Joanne Sapieha Præfecto Usviatensi consilio, mutatoque ab illo subsidio quod vir magnanimus libens obtulit: jamque excursuro suâ cum legione com meatus rei que cibariæ conquirendæ causâ, è singulis præsidiorum Centuriis delectos addidit equites, ipsiusque immiscuit turmis. Gnarum id hosti lætoque quasi depulso Sapieha, qui unicuique ex adversa Metropolis parte suis cum copiis confidens decertansque rebellium infringebat conatus: tum compertis præsidiorum extenuatis Centuriis, quæ dimidio suarum virium pabulaturas Sapiehæ suppleverant turmas, denique invitante tempore, quod in multos dies effluxurum antequam redirent copię, certò pollebantur: quippe è longinquiore Moschoviæ terris pabulum petendum erat, quod in vicinia exercitus ultro citroque continuo com meatantes absumserant. His itaque momentis felicique occasione rei gerendæ ex-

*Joannes
Sapieha
sua cum
legione
pabula-
rum ex-
currit.*

*Moschi
interea
oppugnant
Peronos
& autus
interclu-
dunt.*

citatus hostis, summo cum impetu præsidium Polonum invadit, oppugnat, tanto ardore mortisque contemptu, ut & defensores Alborum moeniorum, quæ hucusque tuebantur, propugnacula deserere coegerit, omnemque aditum ad arcem intercluserit, arctiori indies obsessos premens circumvallansque coronâ.

*Sapieha
fert obses-
sis auxi-
lium.*

In eas præsidarii redacti angustias, cum inde cum hoste, hinc verò cum invalescente acrius pugnarent fame, arctiori indies pressi discrimine, de subsidiis ut non desperabant, ita eorum accelerationem ardentibus expetebant votis. Et aliquot septimanis inclusi coarctatique, accepere reducem Sapieham: is namque de Commilitonum edoctus periculo, per speculatores reditus sui nuntium ad Gosievium deferri imperat, monetque, ut sibi deforis oppugnatus hostem animosâ ab intra erumpentium præfidiariorum virtute succurreret. Nec cunctatus Sapieha, pluribus in locis in Moschos summâ contentione impetum facit, ac potissimum in eam incubuit partem locum-

cumque, unde obsessis auxiliorum accessum opportunum hostis ademerat occluseratque. Nihil invium ardori oppugnantium militum fuit, quorum hi per cædes clademque hostium enitebantur perrumpebantque; illi nando fluvium superantes aperiebant inclusos aditus, tantâ cum hostium consternatione, ut relictis Castellis fortissime in omnem eventum munitis, illos terga vertere coegerint, & festinantibus inter hæc curribus alimenta obsessis latè patefactâ viâ intulerint.

Hostes depellit & annonam infert.

At alia ex parte erumpentes præsidarii minus opinantes perturbatosque exterruere, reputantes videlicet non tantum roboris animique habituros fuisse, nisi ab inductis novis, ut rebantur, in arcem auxiliis (quæ tamen nulla fuere) audaciam resumissent. Ignari accensam latrantis stomachi bilem famelico militi tunc pro subsidio fuisse. Itaque è proximis pulsi stationibus hostes pedem retulere, urgentibusque legionibus interceptis, Alborum moeniorum propugnaculis ejecti, quidquid tanto labore ac sudore pepererant, foedè cæsi palantesque de-

*Et erumpentes præfidiarii ad vi-
etiam plurimum
contulere.*

*Quam in-
tegram
amulatio
eripuit.* feruere. Nec arduum videbatur exscindere
penitus hostem, eoque die tam auspicato
integrâ potiri victoriâ, sed id Tribunis pa-
rûm provisum erat, dum à non nemine
Chodkievicii adventantis gloriæ consuli-
tur, eidemque subsidii laus minùs opportu-
nè quæritur.

*Chodkie-
vicius ve-
nit perim-
gratus mi-
liti.* Et adventantem Chodkievicium supre-
mum ducem cum Livonicis copiis averso
animo excepere legiones: sive quod Lith-
vani Ducis inassuetæ essent obsequio, ideò-
que ejus imperium detrectarent, sive quòd
insolentiæ suæ conscia, rigidum discipli-
næ militaris exactorem metuerent. Com-
perio quoque exasperatam militum erga
Chodkievicium voluntatem à Jacobi Po-
*et Potocio,
qui non
fert amu-
lum.* tocii Palatini Braclaviensis Præfecti Smo-
lensci immissariis: quippe fatali malo æmuli
impatiens, offensus credebatur, cum, se
posthabito Chodkievicio summum in Mo-
schovia armorum regimen contulisset Si-
gismundus Rex, ægréque patiebatur, si
quid ei à rebus egregiè gestis decoris famæ-
que proveniret, quâ absque consorte gau-
dere,

dere, veluti unicus armorum consiliorum-
que apud Regem sibi faventem arbiter,
peroptabat. Ab eventu certè patuit discor-
dia ducum, & publicâ re privatis simultati-
bus posthabitâ, omnia in præcipitium acta,
eoque compendio hostem victorem eva-
sisse, Polonóque non ita pridem trium-
phanti insultasse.

Sed à conflictu illo importatâque in ar-
cem annonâ, segniùs jam agebant præsi-
diariæ legiones: nullo Chodkievicii respe-
ctu, nullóque obsequio: sive illos crebra
cum hoste pugnandi necessitas, & hinc tæ-
dium belli occeperat, sive quod magis cre-
diderim sueta insolentia, cui olim in sui De-
metrii castris innutriti erant, & per absen-
tiam Regis magis magisque aucta stimula-
bat accendebátque. Ergo solitâ contuma-
ciâ à Rege per Legatos ad Comitata missos,
libere palâmque denuntiant: præstolari se
lubentes Principis Vladislai Magni Mo-
schoviæ Ducis adventum, quem si Regis
differret cunctatio, ituros se relictâ Metro-
poli repetiturosque à Repub. tot annorum
eme-

*Præsidia-
rii milites
insolent-
cunt.*

*Regi per
Legatos
denun-
tiant, nolle
se amplius
stipendia
expectare.*

1612.

emerita stipendia : adhuc quidem patientiam suam ad sextum Januarii diem extendi posse, abhinc non est quod Rex amplius suam expectaret operam. Interim cum à Rege ex veteri Moschoviæ Ducum ærario fati auri argentique, ac pretiosissimæ suppellectilis (prout inferius memorabimus) accepissent, quæ plus quàm in unius anni stipendium rectè expenso calculo iis legionibus suffecisset, nihil tamen de suâ remittebant ferociâ, omnia per lasciviam libidinemque agentes, adhortationes monitæque Regia contemnebantur, nihilque proficiebant ducum Tribunorumque rogantium preces. Ferrent videlicet tantillam moram quæ Vladislavum Principem sisteret, neu se tam immani scelere invadendæ per seditionem Patriæ polluerent, induerent aliam dignam viris militaribus mentem, nec tot annorum gloriam bellicamque famam unâ tam impotenti offuscarent insolentiâ. Frustra hæc surdis licentiæque avidis ingerebantur : mox ad conditum Januarii diem turpi flagitio desertâ statione inter minas stre-

Tandem
tum mi-
garis non
possent, ab-
eunt.

strepitusque è Moschovia excessere, relictâ exiguâ copiarum parte, quæ reliquâ thesauri Ducum Moschoviæ expilatione delinitâ, obsequium longiori addixerat tempori.

Imminutum secedentium turmarum vi-
ribus præsidium angebat Chodkievici-
ducem militaris disciplinæ tenacem, non
exuerat tamen spem servandæ tuendæque
arcis, si evacuata jam seditiosorum fece, re-
sidui veterani militis concordî promptæque
parendi infessâ virtute teneretur. Venerat
quoque in subsidium accitus Nicolaus
Strussus Præfectus Chmielnicensis, addu-
ctis equitum peditumque numerosioribus
turmis, eas non ægre suppeditante Jacobo
Potocio: namque servatæ Metropolis palmam
prærepturam se Chodkievicio existimabat,
si transmissum subsidium à suo dependeret
nutu, & Nepotis ex sorore suam non grava-
tè aucturi gloriam, imperio regeretur. Et
Strussus Potocii mandato suoque genio fe-
rocior, non ante Metropolim suas induxerat
copias, quàm tradito sibi supremo in arcem
præfidiariumque militem regimine: Chod-

Chodkie-
vici-
secessio mi-
litaris an-
git.

Venit
Strussus
cum novis
copiis,

Regimen
sibi in Ur-
be dari
postulat,

K k k

kie-

Obtinet
invito
Chodkie-
vicio.

kievicio quidem invito, qui & Gosievium inde detrahi, suamque sperni auctoritatem querebatur, dissimulante tamen cedenteque necessitati, publicique boni causæ. Nec abnuebat Gosievius, qui cautus sagaxque futurorumque providus, liberari se eo munere clam gaudebat, ne per tot annos emeritæ gloriæ ultra periculum faceret, prospiciebatque, quantum militum insolentia, ducum æmulatio, nostris portenderet perniciem clademque: senseratque alium tantopere regimen ambientem, luiturum poenas præposteræ ambitionis.

Abcedit
inde Gosie-
vium non
invitum.

Strussi re-
gimen stu-
dia mili-
tum exci-
tat diver-
sa.

Atque ab adventu Strussi quotidianæ erumpebant similitudines: missum pro Gosievio Strassium, oppositum Chodkievicio æmulum prout alterutri favebant milites, nunc factum laudantes, nunc vituperantes: scissisque in partes studiis tanquam in acie concertabant. Inde ab utrinque segniùs agere tam in ferendis quam in recipiendis subsidiis, dum quisque suâ virtute, veluti mutuae opis haud egens, ad gloriam aspirat, & ne hic vel ille alienæ sententiæ indigens

digens videretur, in diversa deterioraque transibant. Expendebat nihilominus Chodkievicius singula belli momenta, distinuitque integrâ æstate hostem, perque medias acies intrepidus sæpius alimenta com meatumque obsessis invehebat. Ultimum militarium operum Chodkievicii fuit animosa in Septembre obsidentis hostis oppugnatio; primum namque hostilem exercitum prodire in aciem ausum fortissimè summovit, deinde summo cum impetu intra moenia aggressus, Castellis eiecit, aditum ad arcem aperuit, peditibus quingentis recenter à Nieviarovio adductis immixtisq; mox quadringentos currus cibaria onustos invecturus; interim dum miles prælio fessus vires aliquantùm reficeret, Moschi re-collecti densis agminibus irruunt, com meatum intercipiunt, currus diripiunt. Strusso Præfecto præsidii frustra inspectante, nec suis cum turmis peditatûque consurgente, sive ne partem victoriæ cum Chodkievicio communicatam haberet, sive quod non multum sibi laborandum in acceleratione

Chodkie-
vicius ho-
stem de fo-
ris distinet.

póst aggre-
ditur Ca-
stellaque
eiecit, an-
nonam
invectu-
rum.

Hostes re-
collecti
com mea-
tum inter-
cipiunt
Strusso in-
spectante
neciferentia
opem.

subsidii existimaret, ex quo partæ laureæ decus penès solum expeditionis ducem futurum esset : gravi profectò rerum subsequutâ iacturâ, neque ullatenus in posterum compensandâ. Atq; ex tunc fatali æmulationum vento adeò impulsâ fortunæ rotâ, ut quæ in sublimi steterat jam conversa, totius Moschovitici Imperii spem in præcipitium ferret.

*Legio Sapiehana in
seditionem
prorump-
tu abijt.*

Neque in posterum Chodkievicio tam prompti expeditæ ferendi auxilii nulla suppetebat ratio, cum legionem Sapiehanam turbidis Commilitonum incitatum consiliis exemplisque seditio incessisset. Tangebant legionarios infectæ cum iisdem conspirationis mœror, meminerant se paribus auctoratos stipendiis parem exercuisse militiam, cur jam non pari motu consociationeque armorum æra sua flagitarent rescerentque. Accendebat insolentiam furor, et æmulatio discordiæque ducum, quæ exacerbati spreto contemptoque imperio, eadem cum licentiâ insolentiâque, relictâ Metropoli, stipendia, donativa ferocius inclamantes, abiêre, seditioso foederi nomen daturi.

daturi. Tantum audendi fidæ aliàs spectatæque legioni occasionem præbuit mors Joannis Sapiehæ Præfecti Usviatensis, cum quo Tribuno summa quæque in bellis patratæ, raroque sine ea victor Sapieha : jamque rectore vacua, veluti tam cari capitis soluta obsequio, ad eam processerat insolentiam.

*Occasio-
nem sedi-
tionis præ-
buit mors
Joannis
Sapieha
Tribuni.*

Non absque summo omnium dolore decesserat Sapieha claris ortus parentibus, qui non modò vetustissimæ ac triumphalis domus suæ merita, sed etiam strenuè suam operam fasumque multoties pro Rege ac patria sanguinem, haud vanus memorare posset. Bellis Livonicis clarus, in quibus Ordines duxit & ad Kirchholmum memorandæ illius victoriæ à Chodkievicio è Suecis re-

*Ejus Elo-
gium.*

1605.

portatæ, magnum momentum occasioque fuit : quippe dextro cornui præpositus, in sinistram Suecorum alam quâ Polonos circumveniri concludique posse Carolus speraverat, fortissimè suo cum equitatu irruens dissipavit, turbatisque Ordinibus nutantem hæctenus victoriam suis partibus ac-

K k k 3

ce-

24 Sep-
temb.
obiit.
1612.

Paulum.

cedere fecit. Inde cum victricibus signis tumultuantem Moschoviam ingressus, maxima spectatæ fortitudinis memorandaque reliquit tropæa. Vir hostium etiam confessione clarissimus, Severiam Magno Duci Moschoviæ Vladislao præfidiis servavit, Metropolim ruptis moenibus, hostibus cæsis eiectionisque, annonâ in vectâ, immisso exercitu, tenuit, ac ibidem Krimgrodi in aureo Ducum Moschoviæ palatio, aureum militem ac Tribunum festina mors abstulit, accelerata partim bellicis laboribus indefessoque militiæ studio, partim insolentis militis continuis seditionibus lasciviâque victorias suas corrumpentis pessundantisque. Liberos sustulit ex Ernesti Veiheri patris militiâ clarissimi filiâ, & fratrum bellicis operibus eminentissimorum sorore, in quibus effulsit utriusque parentis hæreditaria imitatio: quorum unum Castellatum Vilnensem, alterum Palatinum Vittepcensem vidimus: & hunc quidem ad præscriptum paternarum virtutum in oculis Vladislai Regis ad Smolenscum, & sua & avita

avita feliciter promoventem decora, referent illorum temporum annales.

Atque ut intempestiva mors Sapiehæ anno superiore acciderat, ita sat incommodè ejus legionis insolentiâ exarserat: & post edita constantis animi fideique indubitata facinora, in qua permultum spei viriûmque Chodkievicius reponebat, à turbidis incensa, ferociora pacatioribus prætulit consilia. Cæterum nihil æque obsessos ac fames affligebat, in recipiendis ^{Obsessos fames affligit.} commeatibus hætenus incuriosos: & quia Strussus Chodkievicio discors bonum publicum privatis simultatibus impediēbat. Neque tamen dux in re frumentariâ parandâ segnior, longinquis itineribus percurfando, quæ propius obtineri nequibant, alimenta conquirebat. Id verò ut Moschis ^{Chodkievicius in penitiora Moschoviæ ali-mentoribus} cognitum est, in penitiora Chodkievicius Imperii abiisse, prævisumque à tam frequenti alimentorum subvectione bellum diutiùs trahi posse, nullo rebellis conjurantisque Moschoviæ fructu: eapropter primas intendunt curas, quò spem omnem auxilii

*Moschi
interea
omnes adi-
tus ad ur-
bem præ-
cludant.*

auxilii à fluvio præciderent, festinatis ac-
cessibus, Castellis, propugnaculis aditus o-
mnes arcis occupant, insident, muniuntque:
& tantò arctiori indies obsidione immi-
nent, ut nullum vel ex arce effugium, vel in
arcem inferendi subsidii pateret locus, &
non nisi à coelo venturis hostibus daretur
via. Concitatâ insuper recenti classico uni-
versâ Moschoviâ, ad commune propera-
bat incendium, constatque ultra centum
millia armatorum obsidentium Metropo-
lim comparuisse.

*Chodkie-
vicium sub-
sidium non
potest ferre
obsessis, &
abit.*

Reducem Chodkievicium commeatu
onustum novæ excepere curæ, namque
aliâ, quàm reliquerat, obsidionis faciem
repererat: arcem Castellis impositis circum-
vallatâ, deinde sparso trans flumen pedi-
tatu eam ab hostibus inessam partem, unde
obsessi sperabant externam opem, simul cis
flumen elatos aggeres tormentis compor-
tatis munitos, hostium numerum ultra
modum auctum, denique virésque suas im-
becillas & secessione militari attenuatas re-
putans, sine quibus temerarios potius co-
natûs

natûs quàm fortes judicaret, ad fatalem
æmulationem discordiâque ingemuit,
retractisque copiis obviam Regi advenienti
Viasmam perrexit. Premebat jam obsessos
gravissimè ciborum inopia, quâ adacti duo-
bus penè supremis Mensibus ad devoran-
dos canes, feles, mures, lorâque madefa-
cta tenuitèrque concisa & elixa adacti fue-
rant. Horret animus refossa cadavera re-
cens humata, raròque & miserabili exem-
plo occisos ultrò alios pecudum adinstar,
ut esuriem latrantis stomachi sedarent: ad
extremum quidquid Saguntus calamitatis,
quidquid nuper Harlemum ab Hispano ob-
sessum sensit inedia, id totum sensere ob-
sessi, certi potius in confertos ruere hostes,
nisi interposito juramento, vitâ, armis,
suppellectili donatos emissuro se polliciti
fuissent. Eâ conditione dedita arx, quam
mox solita Moschorum elusit perfidia.
Strassium namque fidem sibi juratam da-
tam exprobrantem, cæterosque Tribunos
ac Centuriones tetro includunt carceri, in
milites sæviunt acrius, undis, laqueo, ferro,
exilio,

*Obsessi fa-
mem cibis
fœdissimis
imò &
corporibus
humanis
sedant.*

*Per Sep-
temb. &
Octobr.*

*Dedit se
tandem &
contra fi-
dem da-
tam in illos
Moschi
variè sæ-
viunt.*

exilio, & quidquid rapida barbaries cladium excogitare poterat.

*De sistendo
quantocius
Vladislao
in Mo-
schovia
Consilium
Zolkievum.*

Obtestatus Regem à principio fuerat Stanislaus Zolkievius supremus copiarum Præfectus, docueratque succressenti Moschorum rebellionem malisque quibus universa conflictabatur Moschovia, conflictandamque validius in posterum præsentiebat, remedium adferri nullum posse, nisi à Vladislai Principis Electi Magni Ducis maturatâ præsentia: & Moschos habituros beneficii loco adventum Principis. Idem suadebant Procerum multi, quin & legiones id unicum exposcebant flagitabantque, ut Filium populis sibi ostenderet, omnes motus & occulta nonnullorum consilia disturbaturum: Rege ad hæc semper immoto, consiliumque, quod contrarium suggesserant ii qui ejus gratiam favoremque in bellis super omnes emeruerant, perquam tenace. Jam verò posteaquam adultam Moschorum rebellionem exercitibus insultare, obsessos in Urbe primariâ ab extrâ propugnaculis, intus fame premi coarctarique legio-

legiones seditione concitatas, stationes deferere, omniâque in pejus ruere, partumque Imperium Principi Vladislao nutare elabique è manibus sceptrum intellexit, serò tandem, quod damnaverat, reducendi sistendique Moschis Principis Filii consilium cepit: Ordinum quoque Poloniae exstimulatus querelis, prævidentium, tantas è Moschovia calamitates in Rempub. aliquando redundaturas.

*Quod Rex
damnaverat
tardè
jam ap-
probat.*

Et res quidem in ruinam inclinatas solâ adhuc celeritate erigi restituique posse prudentiores judicabant. Sed dum Rex cunctabundus moras nequit, Reginam totamque aulam tardigrado itinere Vilnam usque secum ducit, inde primum contra hostes moturus, adulta jam appetebat æstas, potissimumque bellandi effluebat tempus. Festinationem Regis impedivit miles non adeò promptus paratusque, quippe ab ejus cunctatione occasione sumtâ plerique jam veterani copiaeque numerosiores obsequium exuerant, ac in stativis degentes, quarum in summa affluentia gementibus

*Sed nimis
lenè &
cunctan-
ter.*

*Nec miles
Regem se-
qui vult.*

colonis degustatâ dulcedine, damnabant gelidi Septemtrionis militiam, exciderâtque ex animis toties expetitus Vladislâus Princeps, cui in Imperio adipiscendo vitam suam virésque devoverant. Præcipuum exercitûs robur duæ Germanorum peditum legiones erant, ductoribus Theodoro Denhoffio & Ursenbergio, non desperante Rege relictas Smolensci equitum copias haud gravatè se secuturas. At ubi cum Principe Vladislao Smolenscum venit, qui jam in contubernio patris erat, contumaciores expertus est equites, adversisque rem geri fatis indoluit. Neque ferores militum animi flecti mitigarique poterant Regis eos pro concione proprio alloquentis ore, tamque demissâ benignitate: cum tandem suo cum comitatu solitoque præsidio abeuntem, sive verecundiâ tacti, deserti in tam arctâ necessitate Principis, seque in medios hostes attenuatis viribus præcipitantis, sive à suis Tribunis Centurionibusque gravi exposito inculcatoque flagitio excitati, mille ducenti equites Viasmæ

*Chidua
peditum
Legiones
sanctum
adherere.*

*Equites
obsequium
denegant.*

mæ sunt assecuti. Ac inter eas difficultates militumque contumaciam annotata sunt quoque tristia omina infaustum iter portendentia. Discedenti namque Regi Smolensco per eam portam eundum erat, cui à Ducibus Moschoviæ nomen inditum, vulgòque Ducalem vocant: jamque transitum paranti advenientique casu cancelli pensiles ruptis desuper retinaculis decidere, aditumque ita præstruxere, ut nec loco moveri, nec in sublime expeditè iterum attoli possent: Rege coacto ad vicinam deflectere portam, per quam exiret. Infaustum profectò augurium ab occlusa ad Imperium Moschoviticum portâ, calamitosus docuit comprobavitque exitus.

*Vix tamense-
quuntur.*

*Smolensco
malo oms-
ne egredi-
tur.*

Substitit Rex Viasmæ mediâ inter Smolenscum & Metropolim Urbe, anxius de præsidiarii militis obsessorumque discrimine, expectabatque indies Chodkievicii suis cum copiis adventum. Et ille quidem præsto adfuit, cujus explorato Rex consilio quò arma inferenda exercitusque promovendus esset, suavit, ut Metropolim ver-

*Viasma
subsistit.*

*Promo-
vet signa
Metropo-
lim ver-
sus.*

*quam de-
ditam au-
dit, obse-
susque mi-
seri exerm-
enatis.*

sus contenderet, & obsessis subsidio futurus, & rebellibus metum incussurus: non deesse adhuc è Primoribus fidos constantēque Principi Moschos, ad cuius aspectum læti advolarent, ac proinde & Vladislai præsentia & armis conjuratorum dissipandos conatus. Mota signa jubente Rege, & vicinior Metropoli castris ad Fiedorouicum positis constitit, cum tristi perculsus nuntio audit, obsessos ab atroci expugnatos fame, victosque Metropolim dedidisse, & contra juratam pactorum fidem Strussium primæque notæ Tribunos carceri mancipatos, reliquos misere excruciatos enecatosque. Super hæc redierant mille equites præmissi Metropolim, qui hostiliter sub ipsis excepti moenibus, & Moschis colloquium cum ipsis dedignantibus renuentibusque, in fecto negotio desperatisque rebus retrocesserant. Et quod sperabatur maximè præsertim, sparsa ubique de adventu Vladislai fama, Moschorum nullus in castris Regiis Electum Ducem salutaturus compellaturusve comparuit: omniāque viscebantur hostilia,

op-

oppida ab armatis infesta occlusaque, pabulatores Regii ex insidiis appetiti: ad extremum instanti acri hieme gelūque, & bel- *Hostilia omnia ex-*
landi opportunitate sublatā, Rex conversis *persur tandem*
signis aduersis cedens fatis, primò Smo- *hieme in-*
lenscum, inde in Poloniam non absque *gruente.*
gravi jacturā & gloriæ & Imperii Moschovitici, mœstus rediit. Atque hic exitus fuit famosæ expeditionis Moschoviticae, *In Poloni-*
cæ, *am mœ-*
cujus initia ut læta auspicatāque, ita *stus redit,*
exitus tristis ac calamitosus erat, abrupti successus, elusæ spes, votāque ad vanum reductæ magnæ Victoriæ: Earum verò vicissitudinum frustra humanus intellectus in æternitatis Sacrario investigabit causas, quas solus novit coeli terræque arbiter, & cui in ipsos Reges imperium est.

Conversum repentinā fatalique vicissitudine rerum Moschoviticarum statum, promptè aut reparandi, aut pristinae restituendi felicitati conspirans in favorem hostium fortuna, omnem penitus ademerat modum & rationem. Namque non fat erat unico mulctari infortunio, usque pulsos excedere

*Quem
gravior
militaris
seductio af-
fugit.*

cedere terris, quæ ut antea in amorem Principis Electi, ita nunc mordicus conjuratis animis in odium coaluere, nisi velut tralatiis à Moschovia turbarum ventis, Polonia sævâ tempestate à seditioso milite concitata prope immergeretur. Et quoniam omnium quæ in Polonia unquam acciderat gravissima hæc fuit, secessio militum turpi sese invicem obstringentium foedere, pessimumque exemplum militiæ nostræ dedit, cujus memor finitis plerumque bellis nihil feroci ore quàm foedus seditionemque crepare solet, paucis occasionem, progressum finemque, iis quoque carptim quæ à nobis superius relata sunt recensitis, perstringam.

*Ejus origo, causa
fusiis
enarrata.*

Excitaverat ficti Demetrii Imperium recuperantis classicum, plerosque viros militares, veteres Tribunos, ac Centuriones, confluxerantque permulti ac nomen suum militiæ dederant, partim spe prædæ inescati partim popularium suorum immaniter trucidatorum ultionem spirantes, prout memoravimus alibi. Sed in eo exercitu plurimi in-

ingenio turbidi, quique aut patria bona laceraverant, aut convicti judiciis, aut pro factis iudicium timentes, rapinis, lasciviæ assueti versabantur. Ab iis frequentes tumultus, seditiones, erga duces contumacia orta, disciplinam militarem corruperat; eoque promptius ab indulgentia Demetrii, qui ingentes opes, maxima stipendia, ampla donativa pollicebatur. Adveniente tandem in Moschoviam Rege, pessimo consilio à partibus traducti, novis auctorati stipendiis, spe donativorum præmiorumque illecti delinitique sunt, ut superius retulimus, reclamante Zolkievio improbanteq; quippe nihil commodi, plus molestiæ maiorumque ab avvocato sperandum milite, erupturumque haud dubio malum in publicam irrevocabilemque perniciem prævidebat notæ experientiæ dux, monebatque Regem, frustra illum ad Smolenscum summam cum iacturâ temporis desidere: stringendam potius Castellis arcem, quæ plures defensionibus milites, quàm excursionibus præliisque ab extrâ committendis idoneos ser-

M m m

varet

varet tenerétque, interim cum exercitu reliquo petendum Imperii caput, summámque rerum, & Moschorum studiis Regem ultrò, & ipsâ rei gerendæ opportunitate invitante: accessuras suâ sponte Polonorum copias, Regi inter duos de Imperio decertantes litem dirimenti. Contrarium insurrante suadentéque Joanne Potocio Palatino Braclaviensi, qui brevi capiendæ arcis spem fecerat, tantóque ejusdem contemptu, ut inter familiariùs secum colloquentes, non alio illam quàm gallinarii appellaret nomine. Sed ab hoc Gallinario in absentia Zolkievii foedè & cum clade rejectus, expertus est gallis suas inesse cristas, quas ferociores erexerant, & cortem propugnaculis validam, vanum aggressoris risisse contemptum. Et advocati quidem à Demetrio militis nullum operæ pretium sensit Sigismundus Rex: namque semper insolens, contumax, stipendia continuo ferociter flagitans poscénisque, ducum imperia excutiens, continuis Regem legationibus fatigabat: deinde Zolkievii regimen aspernatus,

vix

Potocium
Smolens-
cum Galli-
naris no-
mine ap-
pellat

vix Alexandri Zborovii studio ad Clusinum Imperatori suppetias tulit, inde ad Metropolim servandam ductus, semper inter continuos motùs turbásque degebat.

Tumultuantem & crebriùs æra poscentem veritus Rex, ne serpens in horas malum universos fortè comprehensurum, ferro anteverteret remedio, dedit per Legatos facultatem diripiendi ærarii Moschovitici, unde auro argentóque petito, subductis rationibus stipendiorum suorum, partem inter se ex æquo partirentur. Aperitur tandem felicitis olim Moschoviæ thesaurus, patuère subito opes paratúsque tot Principum, & quidquid per tantum ævi gaza continuit. Visa tum primùm direptæ Livoniæ spolia, Novogardiæ Majoris aurum & argentum trecentis curribus à victore Basilio avectum, erutus Moschovitici census populi, quódque dites Provinciæ olim misère tributum. Non est mihi animus sigillatim recensère auro solidas statuas, mensas ex eodem fabricatas metallo, unionum, quibus Moschorum luxus pretium mirificè

facit,

Rex militi
thesaurum
Moscho-
viticum
concedit ad
persolven-
da stipen-
dia.

qualis ille.

facit, copiam ingentem, crateres, scyphos, cruces aureas, gemmis distinctas, monocerotum cornua, cæterasque potentissimi Imperii divitias, quarum reliquæ in potentiorum adhuc latitant gazophylaciis, plures temporum iniquitas hæredumque nepotantium distraxit infania. Et cum tanta rerum suppeteret copia, quæ exsoluendis stipendiis æquâ lance expensis satîs esset, eam militaris intemperantia ad unius semestris seu paulò suprâ redegit calculum. Continuerant illi aliquantisper accepto inescati auro, videbaturque obsequii amor redire, pauloque animosiores facti hostium impetum excipiebant inferebantque: mox rediit solita lascivia, militiaeque laboriosæ tædium, iterumque erupit acris stipendiorum efflagitatio, prætexentium venientis Vladislai ad Imperium moram, à quo illa se recepturos sperarent. Inde raptis signis tumultuariè in Poloniam abivère, secutæ legiones, ut diximus, Sapiehanæ pari afflata contagione; ultimò Smolensci præsidarii ad nefarios progressi ausûs, secessione factâ

factâ conspirantibus inter se turmis stationem deseruère.

Tres conjurati exercitûs infestis signis invasère patriam: ac illi quidem Demetriani milites, qui à Metropoli cognomen Metropolitanorum accepère, Leopoli in Russia sedem figunt, novum ducem (Electum Hispani vulgò, nostri Marschalcum vocant) seditiosorum more creant Josephum Lieklinium novamque ordinant Rempub. addunt Tribunos Centurionesque; à consiliis, conditiones foederis conscribunt, omnesque jurejurando sese obstringunt Marschalco obtemperaturos, commune periculum communibus propulsaturos viribus, nec quieturos prius, quàm stipendia ad assen usque numerarentur: partitisque sibi ex militari designatione Regiis Præfecturis, in Minori Polonia bonisque Ecclesiasticorum, in singula jugera, miserum in modum divexatis colonis, ingentia imposuère tributâ, exigenda tam diu, quàm diu debita non solverentur stipendia. Sapiehanæ legiones pari conspiratione unitæ Brestiam vicinósque Palatinatûs suo cum

Tres seditiosorum exercitûs Poloniam invadunt.

Duces illorum Leopolum, Brestiam, Bydgosiam invadunt.

*Ecclesia &
Regia bona
dirigunt
seduiofi,*

duce Joanne Kalinio infedere, paribûsque rapinis in Regia & Ecclesiæ bona debacchati sunt. Smolenscenses copiarum fixâ Bidgostiarum sede, electoque Marschalco Zbigneo Silnicio in simile coalescentes foedus, Majorem Poloniam & Prussiam gravi affligere conjuratione.

*summo
cum gemitu
in Colonia-
tum &
Nobilitate.*

Audiebantur passim pauperum, agrestium, Civitatumque gemitus, à quibus ultra rem cibariam gravis miles pecuniam supra necessitatem extorquebat: cum hinc & inde per agros prædabundus furorem transferret, sæviens etiam in corpora, ubi rapinæ non esset materia: affligebantur Cives cum occupatis eorum domibus lautè sese sustentarent, ac in fortunas prælicenter invaderent. Ac ipsa Nobilitas parùm tuta erat, cum feroces ac minitabundi ubique discurrerent, suspensis omnium animis in quam partem tam licentiosa tempestas incumberet. Quæ postmodum causa fuit, ut Rex universorum permotus querelis Comitia indiceret: in quibus fremebant Provinciarum Delegati, damnabantque inconsulte susceptam expeditionem.

*Rex Comitia indicet.
In Feb.
1613.*

ditionem, nimisque propere, nullo æris quod satis esset provisu: unde militis tumultuantis flagitantisque stipendia multoties exardesceret ferocia, promissis largè factis, magis auctâ quàm mitigatâ eorundem spe ampliori illectos Demetrianos milites avocatosque temere, oneratamque exinde Regis Reique publicæ fidem querebantur. Incusabant ejus auctores consilii acriusque compellabant, ut eam quam in avocandis à Demetrio copiis obligassent fidem, suarum dispendio fortunarum exsolverent liberarentque, quæ iniquè Rempub. à duorum triumve inconsulto errore afficeret. Objiciebant denique Nuntii Terrarum necessitatem populorum, exhaustas ingenti exactione Provincias, palamque intercedebant, ærarii difficultatem obtendentes: eoque cum impetu, qui abrupto Comitiorum cursu tumultuantes importuno abitu domum impelleret. Sed plerique & consilii & animi moderatioris retinere præcipientes, asserentes: intempestivius jam inquire in tantæ calamitatis causas, cum seditio-

*Ordines
inconsultè
susceptam
Expeditionem
damnant, &
tumultuantur.*

fus

*Tandem
pecuniam
decernunt,*

sus miles omnes insideret Provincias expi-
larétque, unde plus lucri rapinarúmque,
quàm ex eorum bonis qui olim ipsius à De-
metrio avocandi auctores fuerant, derivaret:
liberandos primùm metu populos, pòst in-
spicienda malorum origo castigandáque
pertinacis consilii temeritas. Enimverò
post multas controversias difficultatésque
pecuniam ad solvenda foederatis militibus
stipendia decernunt.

*qua non
sufficit, ne-
rum con-
vocatis
Comitiis,
alia decer-*

Jam eò processerat militis insolentia, ut
exutà omni erga Regem reverentiâ, spretâ
Senatûs auctoritate, Ordinibus contem-
tim habitis, ampliora sibi æra deberi acris
minaxque & implacabilis exigeret. Nám-
que ultra stipendia, infinita exposcebant
donativa, mercedis pactiones: quæ omnia
in unam redacta summam decem milliones
vulgarium florenorum efficiebant. Cùm ve-
rò rationes tributorum à proximis collecto-
rum Comitibus non suppeterent, convocatis
iterum Rex Varsoviâ Ordinibus conqui-
rendæ pecuniæ iniit modum, quæ partim ex
publico prompta ærario, partim à nonnullo-
rum

rum oppignoratâ suppellectili, partim ab
amplioribus imperatis tributis, denique à
liberalitate Sacri Ordinis hominum, Præ-
fectórúmque bonorum Regionum conqui-
sitâ, vix tam immanem complevit charyb-
dim, placatósque reddidit, cùm eam insolentiam
licentiámque ultra biennium impune
exercuissent. Pudet pigétque paucorum li-
bidini Poloniam veluti fervili addictam
obsequio tributariam fuisse, nec sine rubore
leget posteritas, vix à millibus quindecim
tam potens Regnum velut fræno injecto
pro libitu circumactum fuisse. Libertatis
id nostræ vitium est seu potius licentiæ,
publicæ patrocinari insolentiæ, poenásque
retardare scelerum: cùm factionibus am-
bitioni nostræ inservimus, illarum aucto-
res fovemus, subitæ occasione admo-
vendos, non absque exitio Rerum publicarum.
Et rogati quidem in secretiori consilio à
Rege sententiam Primores, quâ ratione cen-
serent compescendam foederati militis se-
ditionem: Zolkievius supremus Copiarum
dux animosè differuit: frustra à benigni-
tate

*nitur con-
tributio, &
seducti
conquie-
scunt.*

*in De-
cembr.
1613.*

*Zolkie-
vius sua-
det com-
pescendam
severitate
seditionem.*

N n n

tate

tate remedium peti, quod à severitate arcessendum foret, præcidenda esse nefariorum foederum militi exempla: quippe si nunc leniùs habeatur, prædarum rapinarumque dulcedo degustata, eversura castrorum disciplinam, erumpet sæpius in publicam damnosamque perniciem, nullâ posthac revocanda continendâve lege. Nondum ita vires fractas attenuatasque videri, quas paucorum libidini opponere promptum non esset: committeret sibi Rex ac Respub. eam Provinciam, non defuturos modos comprimendæ castigandæque seditionis minori compendio, nec Respub. fervili exemplo, ad nutum ferocientium ac fallaces calculos, tot æris profusuram myriades.

*Negant
alii.*

Non acceptata tunc fuit sententia Zolkievii, suadentibus pluribus haud irritandos seditiosos, quorum paucitatem frustra obtendi, quæ licentiosorum manipulis signo dato facile ad turbas tumultusque confluentibus, suppleri posset. Esse illis insuper cognatos, affines, amicosque præpotentes,

tes, neque passuros hanc suo sanguini inferri contumeliam, quorum caritatem amanti patriæ præhaberent. Numerandam itaque ociùs pecuniam, eaque mitigandos, iisque curis Respub. liberandam: in posterum Conjuraciones ejusmodi severis coercendas legibus, capitalique autorum & complicitium vindicandas supplicio. Prævaluit leniora suadentium sententia, ne tamen crimen impunitum maneret, contracta ad nonnullos pœna, qui tantum scelus expiarent. Cieklinius & Jaikovius incentores antesignanique ejus seditionis, & Valerianus Stawski cum ad dicendam non comparuissent causam, infames pronuntiati proscriptique sunt. Cæteri quamvis noxii appellati, in ipso Senatu patronos habuere. Sed neque ea lenitas, (cum majori severitati tum locus esset) neque leges postmodum valuere: paucis namque interjectis annis Moschoviticâ seditione infamem Alexandrum Kovenicium conjurantis impune militis à Chotimensi bello coryphæum, veteres exercentem rapinas, suo damno vidit

& prævaluit, paucis tantummodo punitis.

Lubienius de statu Rerum Polonicarum.

cum Turcis gestis.

*Quantum
tunc Polo-
nia contra
huerit.*

horruitque Respub. Unicum illa tempora posteris dedere documentum, quid possit valeátque in sua causâ concors Polonia, cum à foederato lacerata milite exhaustaque, attritis colonorum facultatibus, interceptis infessisque Regiis Ecclesiæque bonis, tantam pecuniæ contulit summam intra unius anni decursum, ad quam contribuendam ditissimæ gemerent Provinciæ: ultra viginti milliones, si censum in singula jugera impositum adjicias, accepere pauci seditiosi, enorme & crudele profectò ab ingratis Civibus à patria extortum spoliū.

*Interea
Moschi à
Vladislao
deficiunt.*

Sed me longiùs occasione atrocis seditionis provectum, rerum narrandarum ordo iterum in Moschoviam redire jubet, ubi Regiarum partium potentia ac fama indies decrefcebat, urbiumque & populorum quotidie deficientium auxiliis imminuebatur. Liberī itaque Moschi omni metu ac sollicitudine, incidendum aliquando vinculum quod illis cum Vladislao Magno Duce Electo intercederet, decernunt, qui obedientiam exigeret à populis ut suis, eos tamen adven-

adventus sui desiderio, contra datam à Zolkievio fidem tamdiu expectatus arcessitusque fraudasset, à cuius & præsentia Moschoviam animandam, & potentiā defendendam sperassent. Ejurato igitur obsequio Vladislao, eò fidentiùs, quò promtiùs lubrica gentis fides tantī criminis noxios absolveret, novum sibi Principem Michaëlem Fiedorovicium Rostoviensis Metropolitæ captivi apud Regem filium unamines delegere, & sacramentum Electo Duci volentes lubentēque dixere. Vix ille pueritiam egressus erat, sed quia Familiæ Veterum Moschoviæ Ducum sanguine junctus, ideo prælatus cæteris. Moverat ille affectandi aliquando Regni Zolkievio suspicionem; verum ætatem tantis impari ausis videns, præsertim paterno destitutam consilio ac ope, quem cum Gallicino homine impotenter ambitioso specie legationis amoverat, difficulter puerum in ejus absentia tumultuantis Moschoviæ throno imponi posse existimabat, præsertim multorum factiosorum scissis votis desideris-

*Michaë-
lem Fiede-
roviciū
in Ma-
gnū Duce
emeli-
gunt, ju-
ranque.*

que, & fortasse id culmen ambientium.

Primum facinus novi Principatûs fuit Marinae Impostoris Demetrii conjugis cædes, quæ perpetuo fidôque affecclâ Zarucio comitante suas adhuc partes ope Donensium Cosacorum fovebat: quibus partim pretio corruptis, partim cæsis dissipatisque Calugâ filium secum trahens parvulum, Astracanum profugerat. Ac ea quidem Provincia maxima vastissimâque Persidem versûs procurrens, Marinam ejûsque filium constanti adhuc sequebatur fide, reverentiâque Principi debitam exhibebat, cûm missus est ab urbe propere Joannes Odoievius, qui fugitivam retraheret, Astracani populos novi Ducis manciparet obsequio, sacramentoque adigeret. Et is quidem summâ celeritate confecit negotium: quippe & populos Michaëlis Fiedorovicii ultro sese dedentes Imperio adjecit, & Marinam navi à Zarucio impositam, vicinâque per mare Persiam fugâ petentem, interceptit. Retrahitur itaque ab Odoievio adduciturque, tum Magni Ducis jussu

Marinam
Impostoris
conjugem
cum Zarucio
Astracanum
fugientem
retrahitur
bet.

Eam affe-
gitur
Odoievius
adducitur,
que stran-
gulatur.

jussu Marinae fauces elisæ fractæque, filius suspendio necatus. Zarucius palo infixus: infamem omnes miserandumque vitæ exitum habuere. Scio à nonnemine mortem Marinae quasi subter glaciem aquis immeris enarratam; ego verò gravem auctorem & rerum Moschoviticarum peritissimum, fidentiùs veriùsque ejus Commentariis inspectis secutus sum. Primarias olim Moschoviticae tragoediae personas non decet absque brevi, quod in aliis fecimus, præterire Elogio, idque jam paucis includo verbis.

Et Marinae genus à Domo non tam in Poloniâ, quàm in Bohemia pervetustâ clarum illustrêque fuit. Avus Ferdinandi Primi Imperatoris iram veritus cujus offensam excitaverat, è Bohemia, relicto antiquo Mniscia familiae Magna Konczyce dominio, in Poloniam regnante Sigismundo Primo migravit: maximisque à Rege auctus honoribus, uxorem duxit Nicolai Kamieniecii Podoliae Palatini supremique exercituum ducis filiam, è qua præter aliam numerosam prolem suscepit Georgium Palati-

Zarucus
palo infi-
gitur.

Elogium
Marinae.

1508.

latinum Sendomiriensem, is verò primo connubio Tarlonum domui per matrimonium infertus, Marinae pater fuit belli Moschovitici fax incentorque. Certè Zolkievius in exordio Commentarii à se militanter conscripti relictique, petito è Philippo Cominao nobili Historico exemplo, Mnisium Brissoneo comparat: utque hic vir cætera umbraticus levisque Carolo octavo Galliae Regi belli Neapolitani auctor fuit, initio quidem fausti fortunatique, sed exitu tristis ac calamitosi: ita ille temeritate suâ bellum Moschoviticum arcessivit, cuius principiis extrema non respondere, tantis Poloniae arcessitis cladibus, quantæ ad nobilissimum Regnum pessundandum satis essent. Cæterum Marina uni juncta Demetrio, ut inauspicatò, ita pari fortunâ alteri homini foedissimo ignoto, prout diximus, nullâ pudoris, præcipuè dominandi curâ tenacissimè adhæsit, bonis juxta malisque artibus imperandi cupidissima. Namque vestitum dum opus esset, sexum mentiri, equum conscendere, contubernia militum adire, pre-

hen-

hensare, immixtis emissariis turbas ciere, pollicitatione, & si tantum suppeteret æris largitione corrumpere, hortari, blandè in animos influere, spem victoriæ, prædas ostentare militaris fæmina perbellè noverat. Ad extremum ut regnaret, patriæ etiam immemor, delatas sibi, ne regios impediret conatûs maritòque (si is tantum erat) Præfecturas Samboriensem ac Grodnensem censûs prædivitis sprexit, procaci ore hæc Regi referenda imperans: Cederet Rex Cracoviâ Demetrio, haud gravatè Regem à suo Duce Varsoviâ dono habiturum. Ita tandem impotens animi, nimiâque libidine dominandi flagrans fæmina immoderata cupidinis luit poenas.

Quoniam verò & Zarucii in bellis Moschovitici clarum nomen fuit, hæc de fido Marinae comite strictim addo. Tarnopoli natum Tartari excursionem in Russiam factâ captivum in Tauricam duxerant, inde adultior ad Cosacos Tanaïs ripam insidentes vulgò Donenses profugit, felicique armorum tractatione in virum militarem evasit,

O o o

mox

Et Zarucii.

mox & copiarum ducem: quas Demetrio subsidiarias adduxit. Gratus Impostori, at Rozynio exercitus Demetriani Præfecto gravior: quippe, inquit, per ancipitia libenter fortunam provocabat, mirè pugnax feròxque, ad deposcenda pericula projectus, mandata ociùs exsequi, ad nutum Rozinii turbidos mactare, undis immergere, capite truncare promptus expeditusque. Laborum patientià admirationi erat, ubi aut necessitas cogeret, aut spes alliceret. In castris ad Tusinum ipsius vigilantia per multum debuit Rozynius: namque hic crapulæ deditus, Zarucii curæ expertæque virtuti castrorum disciplinam vigiliâsque committebat, quas insomnis diligensque obibat, conatus hostium explorabat antevertebatque, ad extremum illius indefesso studio ordo disciplinæque castrorum innitebatur. A Demetrii partibus ad Regias accesserat, versatusque tantisper in castris ad Smolenscum, post Zolkievium secutus, prælio ad Clusinum interfuit, ibidemque fortiter & egregiè se gessit: offensus deinde

Joan-

Joannem Solticum virum apud Moschos celebrem clarumque majore in pretio à Zolkievio haberi, colique impensius, sibi verò minùs venerationis exhiberi, quasi plura suis deberi meritis existimaret, hincque indignatione concepta iterum ad Demetrium infami se polluit transfugio, à morte illius rebellibus mixtus cum Regiis conflictit: ad extremum Marinæ redditus additusque homo volaticus enorme sibi arcessivit fatum.

Nihil jam in Moschovia comparebat quod amplius timeri posset, præcisa omni turbarum factionumque ab intus materia, universis Michaëlem pronis populorum studiis prævalidum adorantibus, pristinaque Ducum Majestas ac veneratio postliminio restituta, afflictum recreabat Imperium: respirantibus Provinciis à clade vastitateque, quas stabilis Unius dominatus in pristinum reponebat statum. Jam verò turbis ac seditionibus implicata Polonia, veluti Moschoviæ rapinas domesticâ expiaret clade, exhausta enervataque ægre animos virés-

*Moschi
omni metu
liberi suo
duci electo
parenti.*

*Poloni bel-
lum conti-
nuare no-
lunt.
In Fe-
bruario.
1615.*

*Moschi a-
nimos re-
sumunt,
Smolen-
scum obsi-
dent.
1614.*

*Matthias
Imperator
mittit Le-
gatum ad
Moschos,
cui Dele-
gatus Po-
lonis ad-
iungun-
tur.*

que tam citò resumtura videbatur, nulla amplius vindictæ curâ bellique continuandi, ad quod resumendum (ne Ordines consentirent) Comitia irrita fuerant. Hinc Moschis majora audendi initium occasioque fuit; scribunt exercitûs, fines Lithvaniæ infestis populantur signis, & qui antè miti depressique, nunc elati ferocioresque Smolensco recuperando magnis incumbunt viribus.

Miserant illi quidem paulò antè splendidam Legationem ad Matthiam Cæsarem Lincii tunc agentem, ejus auctoritatem implorantes ad controversiam cum Polono componendam. Turcarum Imperatore idem per Legatum suum apud Matthiam pro Moschis contendente. Nec distulit Cæsar, è cujus mandato properaverat ad Comitia Polona Jacobus Heidelius, ejusque curæ ac prudentiæ arbitrium commiserat. Et is pertæsos belli Ordines invenit, adjunctisque sibi viris primariis tam Senatorii quàm Equestris Ordinis quibus sive perpetuâ sive sequestrâ pace negotium componendi

nèndi facultas concessa erat, in Moscho-
viam ivit; sed jam à pacis studio abhorren-
tem. Namque reperere Legati circumvalla-
tum obsidione Smolenscum, ad quod recu-
perandum omnes vires conatûsque inten-
derant, tantò securiores obtinendæ per
vim arcis, quantò nihil auxiliorum è Polo-
nia æris militis que vacuâ sperarent. Ne
tamen humanitate postpositâ barbariem
omnino suis moribus innatam proderent,
mittunt suos quoque Delegatos, (veluti id
honori Cæsaris darent) locum, tempus
assignant, audituri quid Cæsareus Legatus
nostrique adferrent. Et moniti primùm
ad optatæ concordiae rationem ineundam,
potissimum medium esse, si legitimo Prin-
cipi Vladislao, quem liberi liberis elegissent
suffragiis, juratamque spondissent fidem,
debitum restituerent obsequium: fremitu
exortò indignabundi respondere, frustra
jus suum prætere Vladislai, qui con-
tra Sacramentum à Zolkievio præstitum
adventûs sui morâ, patrisque ambitione
ipsorum elusisset vota: id sibi ille imputet,
jam

*Instituitur
ab utro-
que collo-
quium.*

*Moschi
durissimas
proponunt
Conditio-
nes.*

jam se Electo inauguratōque Magno Moschoviæ Duci Michaëli Fiederovicio non tantum obsequium, sed vitam & sanguinem debere. Interpellati de induciis aut pace perpetuâ ferio tractandâ: eam habituros in-
quiunt facile Polonos, si iis, quas propone-
rent, acquiescerent conditionibus. Et pro-
posuere nonnulla capita adeo superbè con-
temtimque composita, quæ non media,
sed extrema visa sunt: facili conjecturâ
quem finem istud habiturum esset collo-
quium. Nam ut aliqua summatim referam,
inituros se cum Polono concordiam spon-
debant, modò Smolenscum & arces abla-
tæ in ipsorum manum restituerentur: mo-
dò undecies centena millia pro expilato
ærario, exustâ direptâque Metropoli, va-
stato desolatōque Imperio à Rege Ordini-
bûsque persolverentur. interim Principis
Vladislai jus ad Imperium Moschoviticum
nec nominandum. Et hæc quidem condi-
ta fuerunt eo tempore, quo depressi jacen-
tēsque Polonorum animi ad belli mentio-
nem horrebant: ideoque posse illis imponi
quæ-

quæcunque onera certò sibi persuaferant.
Tandem quæsita hæc conditionum extre-
ma, irritos fecere tractatus, colloquiūque.
Interim in summo discrimine versabatur
Smolenscum ab hoste & fame atrocissimè
impetum. Et famem quidem Caroli
Chodkievicii supremi Lithvaniæ Ducis vi-
gilantiâ, Alexandri Sapiehæ Præfecti Orsa-
nensis operâ, per medios hostes summâ in-
dustriâ fortitudinēq; in volumine legum ad
memoriam posteritatis laudatâ, irrumpen-
tis, bis re cibariâ invecatâ depulit, tertioque
immisso Janussio Kiska Præfecto Parna-
viensi, præsidarios exhaustos solâque fide
in patriam & amore gloriæ alacres, anno-
nâ recreavit. Hostis verò ab Alexandro
Gosievio non sine fortis bellicosique viri
elogio à nobis sæpius dicti dicendique,
post crebras velitationes pugnâsque propi-
tio collatas Marte, è castellis ejectum ex-
trusumque, obsidionem deferere coëgit.
Dignus spectatæ fortitudinis dux, qui li-
beratæ Urbis arcisque titulum indueret,
quem à benignitate Sigismundi Regis Pa-
latini

*Tandem
irriti fuere
tractatus.*

*Chodkie-
vicius
Smolen-
sco fert o-
perâ primò
per Sapie-
ham.*

*Vide
Constitu-
tiones
1616.
Lithvani-
cas.*

*Deinde
immisso
Janussio
Kiska.*

*Alexan-
der Gosie-
vius illi-
mon ob-
sidione li-
berat.*

latini Smolenscensis dignitate auctus accepit, retinuitque quoad vixit.

*Bellum
tandem
Moschis
inducitur.*

*1616.
Ejus ge-
rendi sum-
ma Vladi-
slao Prin-
cipi defer-
tur.*

Expergefactis tandem à gravi somno Ordinibus, partim admotis ad Lithvaniæ confinia ab excurrente hoste facibus, fumantibusque pagorum ac Civitatum incendiis, partim recurrente avitâ imò & nuperâ gloriâ insultantisque hostis multoties sub jugum missi stimulatî ferociâ, bellum publicâ auctoritate Comitiorum decernunt: cujus summa omnium consensu facîle annuente Rege ad Vladislavum Principem deferitur, eique jus suum armis persequi permittitur. Displicebat Ordinibus præteritæ expeditionis modus, qui in eas angustias discrimenque Rempub. adduxisset, atque recenti edocti malo, adjunxere Principi Vladislao viros & natalium splendore & armorum tractandorum peritiâ insignes, qui militariis adessent consiliis, belli gerendi insimul cum ducibus expenderent rationem moderarenturque, gestorum seriem in publico aliquando Comitiorum confessu reddaturi. Eorum verò nomina cognominâque hæc

hæc fuere: Andreas Lipscius Episcopus Luceoriæ, Stanislaus Zoravinius, Constantinus Plichta, ille Belzensis, hic Sochaceviæ Castellanus. Leo Sapieha Magni Ducatus Lithvaniæ Cancellarius, Petrus Opalinus Præfectus Sremensis, Balthasar Stravinius Præfectus Mozyrensis, Jacobus Sobiescius Marci Palatini Lublinensis filius, Andreas Mecinius. Et passim quidem per universam Poloniam summo cum fervore classicum intonuerat, cæterum secretiori mandato circumscripta Delegatorum potestas erat, tempusque bello ducendo definitum. Quoniam verò arcanum mandatorum libellum qui clàm cæteris fuit, manu Laurentii Gembicii Archi-Episcopi Gnesnensis Primatis Principis, tum & Felicis Kriscii Regni, Leonis Sapiehæ Lithvaniæ Cancellarii, Jacobi Sczavinii Nuntiorum Provincialium Præsidis seu Marschalci subscriptum, in authographo inspexi, ejus hîc summam paucis referam.

Principio Ordines suam aperiunt sententiam, se Majestatis Regiæ accedente consensu

Ppp

*Adduntur
Delegati
seu Com-
missarii.*

*Datus
Varsoviæ
4 Junii
1616.*

*Instructio
nis illorum
summa.*

su voluntatēque publicè Moschis bellum denuntiare, privatim optare unicè tranquil-
landi negotiū celeritatem: flagitantibus id
impensè Reipub. incommodis damnisque,
quæ nuperæ expeditionis haud prosperi
eventus invexissent. Deinde addita est
juramenti forma, quam singuli Delegati
officium suum auspicaturi dicerent: videli-
cèt se omnibus mandatis scripto compre-
hensis ex fide conscientiæque obtemperatu-
ros, atque sive in bellicis consiliis, sive in tra-
ctatibus cum hoste de pace ineundis, sincerè,
candidè, & è bono ac commodo Reipub.
acturos. Adhæc pecunia ab Ordinibus ad
hanc solam expeditionem nec in alium u-
sum expendenda, collata conferendæque
Delegatorum committitur curæ, illorum
cum scitu arbitrioque à Quæstoribus Regni
Magnique Ducatūs Lithvaniæ dispensanda
distribuendæque. Providerent verò ii, ut æri
in Comitibus imperato, & impensæ bellicæ,
& numerus copiarum responderet: ultra
nullatenus augendus, & miles ne majora
solito nec ultra Comitiorum præscriptum
posce-

posceret stipendia. Tribuni verò & Centu-
riones juxta patentes literas pro delectibus
habendis obtentas, plenis nec imminutis
comparerent signis: id verò ex recensito
lustratōque ad amussim exercitu constaret.
Quodsi verò impensas aut iniquior Martis
alea, aut longior ducendi belli necessitas
exauriret, arriperent non inviti, si se offer-
ret, decoram paciscendi cum hoste occasio-
nem, & justis æquisque transigerent condi-
tionibus. Vladislai verò Principis eò fle-
cterent animum, ne se alienum à consiliis
gloriosæ pacis præberet, Reique publicæ
potius morem gereret, quàm dubiæ fortu-
næ incertisque bellorum eventibus causam
suam concrederet. Quodsi prosperam ad
capeffendum Imperium viam Principi ape-
rissent fata, tum voti compotem obtestaren-
tur Vladislai, ut Regis Patriæque suæ
memor, eas firmaret juramento conditio-
nes, quas in diplomate manu suâ subscri-
pto servaturum se sanctè pollicitus esset.

Imbutis in hunc modum arcanis manda-
tis à Rege Ordinibusque, habebantur pas-
sim

1617. Quis uni-
verso Ex-
ercitui
præfici de-
beret qua-
sum. Zolkie-
vum id
muneris
decrevit. Suscipit
Carolus
Chodkie-
vianus. Lauren-
tius Gen-
bicus Ar-
chi-Episco-
pus Vladi-
slavum mi-
neri accin-
tum ele-
gantem ser-
mone com-
pellat.
5 April.

sim per Provincias delectus, confluente ad arma prompto milite nobilitatēque, quæ Principem Vladislavum jam suo ductu auspiciūque bellum rebelli inferentem Moschoviæ comitaretur. Sed tanti apparatus strepitūque armorum reliquum anni consumere dilata in sequentem expeditione. Quem verò Rex universo exercitui cum imperio præficeret, deducendūque Principis curam committeret, ambigebatur: plerique Stanislavum Zolkievium spectabant, virum domitā Moschoviā clarum celebrēmque, & qui pro Vladislao Electo Magno Duce sistendo juratam interposuerat fidem, conditionibusque in rem ejusdem transegerat, summæ apud illos venerationis auctoritatisque: sed ille spreti sui consilii memor, quod inverso jam rerum statu tardius Rex susciperet, & quam olim obtinuerat venerationem auctoritatēque, evulsi ratur, verebatur, ne objecto etiam sibi perjurio contemptui despiciatūque haberetur, ac proinde id muneris constantissimè recusavit, sumto prætextu ab ingruentibus

bus à Turcā periculis, qui misso Skinder Bassa valido cum exercitu confiniis Russiæ imminebat, Cosacorum irruptiones ulturus. Arcessito tandem Carolo Chodkievicio supremo Militiæ Lithvaniæ Præfecto, & Principis deducendi dignitas, & armorum regimen ipsius curæ commissum est.

Appetente itaque Vere Anni Millesimi Sexcentissimi Decimi Septimi Vladislavum itineri accinctum, Laurentius Gembicius Archi-Episcopus Gnesnensis eleganti gravique in præsentia Regis compellavit sermone. Et Regi quidem primum gratulatus est, quod tam excelsæ indolis filium, maximam Domus suæ augustæ spem, Electum Magnum Moschorum Ducem ad capeffendum mitteret Imperium: hunc verò pro sua Primatis Primique Principis auctoritate monuit: coleret pietatem, justitiam, in milite coercendo opportunam adhiberet severitatem, fortitudinem à temeritate discerneret, viros graves prudentiāque conspicuos familiares haberet, animum in adversa fortuna moderatum gere-

ret, iisque excitaretur majorum suorum exemplis, quæ Casimirus, Joannes Albertus Poloniæ Reges, & Pater Sigismundus cum penè id ætatis esset, cum ad Regnum liberis arcesseretur suffragiis, abunde præberent. Meminisset verò ante omnia Patris, cui venerationem observantiâque Filius in altissimo positus Imperii culmine jure Divino humanoque deberet: ad extremum faustam itineris appreciationem iis conclusit verbis: *I decus I nostrum felicibus utere fatis. Gravis temperatusque & verborum sententiarum exemplorumque pondere* *Archi-Episcopi* *sermo* elicuit Regi & Principi lachrymas: cum hic rupto, quo omnes defixi steterant, silentio, succinctè facundèque respondit: Virtutes quas tantopere cum fausta itineris appreciatione *Archi-Episcopus* commendaret, ut natalibus suis dignas amplecti se vellet, in quibus præcipuum Regnorum columen basimque esse sciret, Reipub. Polonæ ita se memorem victurum, ut à sua prompta propensâque voluntate optima sibi quæque polliceri expectarèque possit. Serenissimo

*Respondet
Vladislaus.*

mo verò Patri quid obsequens deberer filius, perbellè se nosse: duraturam ubicunque esset terrarum suam erga optimum Parentem, quoad viveret, observantiam, nec dissolvendum unquam nisi ab extrema lethi horâ dulcissimi affectûs vinculum. Finito ab utrinque sermone *Archi-Episcopus* obtulit diploma Vladislao subscribendum: id verò quandoquidem nullibi inspexi, nec hætenus compertum habeo, frustra ejus contenta lector à me expectabit divinandi ignaro, nec nisi certa exploratâque literis mandare solito.

*subscribitur
que oblatum
sibi
diploma.*

Postero die imploratâ in templo Varsoviæ principe S. Spiritûs ope, Sacris operante *Archi-Episcopo*, Vladislâus ante maximam consistens aram, ab ejus manibus sacram solenni precationum ritu gladium vexillumque accepit, peractâque bene precandi Cæremoniâ, rectâ in summa populorum fausta lætâque apprecantium frequentia, partim occurrentium, partim vias, specularia tectâque insidentium spectantiumque, ad navem se contulit, Vistulam transmissurus:

*6 April.
Templum
adit, Gladium &
Vexillum
sacratum
accipit.*

*Abit Var-
soviā, de-
ducente
eum Rege
ad domum
Gostomscii
Palatini
Inovladis-
laviensis.*

rus: Rege, Reginā, Infante Sueciæ univer-
sā aulā deducente comitantēque, itérque
extendente ad duodecim leucarum spa-
tium (tantum enim Wilizyska à Varsovia
distant) ubi à loci Domino Joanne Gostom-
scio Palatino Inovladislaviensi splendide
lautēque habitæ sunt Majestates. Accessit
grata hospitis in Principem liberalitas,
oblata videlicet Centuria peditum, ut lecta
ita & deinceps ipsius sustentanda sumti-
bus. Jam post unius diēi spatium inter læ-
ta hilariāque, mutuis augustæ Domūs sola-
tiis datum, Rex Varsoviā, Princeps Lu-
blinum versūs abiit. Et ab utrinque non
absque maximo doloris censu digressi sunt,
cū Filius procidens, Patris pedes arctè
complexus valediceret, Pater verò manan-
tibus ubertim lachrymis filij exoscularetur
caput. Certatum deinde à Proceribus obse-
quio promptisque erga Principem studiis,
abeuntem ultrò comitantibus Joanne Go-
stomscio Inovladislaviensi, Joanne Danie-
lovicio Russiæ Palatinis, Raphaële Lesci-
nio Castellano Visliciensis, Nicolao Wol-
scio

*Ultimò
Patri va-
ledicit.*

*Deducitur
Lublinum
à viris
primariis.*

scio supremo Regni Marschalco, Nicolao
Danielovicio Quæstore Regni, Christo-
phoro Zbarascio Præfecto stabuli Regii,
Paulo Dzialynio Bratianensi Præfecto, Ja-
cobo Sobiescio, cæterāque nobilissimo-
rum juvenum coronā cinctus Lublinum
progressus est. Atque urbi propinquum ex-
cepit loci Præfectus Jirlejus Castellanus
Biecenſis cum insigni nobilium globo, Ma-
gistratu Civiumque militariter comparenti-
bus signis, deduxere etiam in Urbem ob-
viā progressi Kasimirscius Episcopus Ca-
menecensis, Hieronymus Chodkievicius
Castellanus Vilnensis, Constantinus Dux
Ostrogia, & plerique alii numeroſo cum
equitum peditumque splendido comitatu.
Lublina salutantium officiis dies aliquot
dedit, ubi Parlamenti Præses, qui tunc erat
Martinus Tulibovius Judex Terreſtris Bre-
ſtenſis, Collegii totius nomine Principi
longā oratione venerationem exhibuit, &
Joannes Dux Ostrogia Castellanus Craco-
viensis adventum felicemque ulterioris ex-
peditionis susceptæ successum, gratulatus
est.

*Ubique
honorificè
excipitur.*

*Luceoriam
mouet.*

Q q q

est. Inde Luceoriam movit ac in transitu Volodimiriae die Christo in coelum ascendenti festo subsistens, templum ritus Græci Romanæ devotum obedientiæ visitavit, adfuitque Liturgiam peragenti Moracovio Episcopo, moréque illius Orientalis Ecclesiæ post verbis conceptis apprecationem solennem, Vexillum Moschovitico stemmate insigne consuetâ sacratum Cæremoniâ, Eudakino nobili Moscho tenendum portandûmque tradidit. Secuta hinc magna Russorum lætitia applaususque, at major Vladislai fama, quasi eorum populorum sese accommodantis sacris pietatique, à quibus Religionis suæ apprime tenacibus Imperium sibi delatum prætenderet.

*Molestè
fert se dis-
cussis Lus-
ceoræ de-
tineri.*

Angebat vehementer Vladislai expeditionis suæ remora, quam Turcarum ad bellum Poloniae inferendum ingentes tunc fecissent apparatus: ita ut & ipse in Russiam divertere diutiùsque Luceoriæ degere cogeretur, & insuper exercitu suo minui, cuius potio rem partem ad Zolkievium mittere necesse habebat. Et jam Skinder Bassa,
Tur-

Turcicis, Moldavicis, Valachicis, Transylvanicis, quas Betlehem Gabor ducebat, copiis auctus, potentem exercitum finibus Poloniae admovebat, cum Vladislai accēptis à Rege literis Luceoriâ movit Cremeneciam versus, ac in itinere Dubnæ reversum Andream Szoldrscium Præpositum Gnesnensem, suum verò Cancellarium à Zolkievio, quò ablegatus erat, reperit, qui retulit temerarium videri Zolkievio, Vladislai sese in occursum tanti periculi objicere, improbareque tam festinatum Luceoriâ abutum, ubi substitisset tutius: interim suadere, contineret se Cremeneciæ cum una legione peditum, reliquis verò copiis ductore Martino Kazanovio suos augeret exercitus. Non arrisit consilium Zolkievii Vladislao, qui quandoquidem jam castris duobus à Cremenecia miliaribus confedisset, ne quid famæ suæ detraheret, eadem ad Zbarazium oppidum promovere locareque constituerat: inde verò & copias ad Zolkievium mittere, & ipse loci munitione opportunitatēque fretus, cum suo peditatu

*Cremeneciam ver-
sus abiit, ubi
ut se conti-
neret Zol-
kievium
suadet.*

*Litteras à
Proceribus
Lithvania
accipit, ut
quampri-
mum iter
acceleret.*

tu se continere decreverat. Commodè ad-
venère literæ à Proceribus Lithvania scri-
ptæ, præcipuè verò à Leone Sapieha Can-
cellario, suadente, transmitteret Polono du-
ci copiarum partem, ipse verò cum reliquis
signis Moschoviam versùs iter acceleraret:
idem monebat Chodkievicius supremus
exercitus dux, missis ad hæc aliquot Mo-
schorum Nobilium primariis, qui in Vladi-
slai partes transiverant. Zolkievius nihilo-
minùs inculcabat crebrioribus literis, ne
quidpiam inconsulto Patre ageret, ab ejus-
que nutu expeditionis Moschoviticae pro-
gressum libenter dependere pateretur. Vla-
dislaus quid sibi è Lithvania nuntiaretur
Regi exposuit per literas, promptum se fore,
inquiens, quidquid ejus Majestas censeret ju-
beretve. & dum Regiam expectat volunta-
tem, tertiis castris ad fluvium stagnumque
Orinia promotis confedit: ibique tertio ab
adventu die jussus est à Rege in Moscho-
viam contendere. Gratissimo exhilaratus
nuntio illico copias ad Zolkievii exercitum
ducendas Martino Kazanovio tradit: qua-
tuor

*Id quoque
Rex jubet.*

tuor erant hastatorum Equitum Centuriæ,
Kazanovii, Vrovecii, Gnievosii, Kosacovii:
duæ velitum; Zardecii, & Vitoslavii, præmi-
serat enim paulò antè duas itidem hastato-
rum Karfncii & Lachadovii: tres velitum
Rudcii, Rozniatovii, Kosica Centurias, &
quadringentos pedites, delecto qui eas du-
ceret Karfncio viro militari expertoque
Tribuno. At qui sequebatur Vladislai ex-
ercitus, iis constabat turmis: Quatuor hasta-
torum equitum, videlicet prætoria quam
Constantinus Plichta Castellanus Sochac-
zoviensis aulae Vladislai Præfectus duce-
bat, Stanislai Zoravini Belzensis Castellani,
Petri Opalinii Sremensis Præfecti, & Jaco-
bi Sobiescii: velitum itidem quatuor, toti-
dem Raitrum vexilla ductoribus Denhof-
fio & Medone: pedites bis mille ducenti
suis cum Tribunis Kochanovio, Nievia-
rovio, Novomieyscio, Appelmano. At-
que eas omnes copias intra sex & paulò am-
plius septimanas Mohiloviam Urbem ad
Boristhenem celebrem convenire jussit, ipse
expeditiore se illuc itinere contulit: tar-

*Mittit ad
Zolkievii-
um copias,*

*reliquas
Mohilo-
viam con-
venire ju-
bet.*

diusque ultra præscriptum accedentes aliquantisper exspectavit.

*Joannes
Rydzicius
mittitur in
Moscho-
viam cum
litteris.*

Primum à Subdelegatis Mohiloviæ consilium habitum est, decretumque mitioribus remediis tentandos Moschorum animos: eapropter allegare visum Joannem Rydzicium Regi à secretis, qui literas Metropolim ad Proceres universosque deferret Ordines, nuntiantes: Venire Magnum Ducem Vladislavum ad Imperium ultrò sibi ab illis delatum dictoque sacramento stabilitum, viderent ne se turpissimo polluerent perjurio, exspectarentque à Deo horrendi abominandique sceleris ultore vindictam: proinde reciperent Ducem Dominumque ad subditos tranquillè pacatèque adventantem, assignarentque locum ac tempus certis quæ superessent tractandis negotiis decidendisque. Et quoniam Chodkievicius supremus armorum Dux jam suo cum exercitu Lithvano Drohobusium obsidione cinxerat premebátque, monitus idcirco per literas à Subdelegatis, abstinere interim ab arce oppugnandâ, quam satis esset cin-

*Chodkie-
vicius, ut
interea ab-
stineret ab
oppugna-
tione Dro-
hobusii,
monetur.*

cinctam tenere, aliàs Rydzicium nullam habiturum fidem, qui pacata omnia Moschis deferret, ille verò vi armisque excidium præsidiariorum attentaret. Verùm irrita Rydzicii legatio fuit, qui Viasmæ detentus nève ultrà tenderet, prohibitus, rebus infectis rediit: & Moschorum pervicacia jam non à mollioribus consiliis sed à ferro poscebat remedium.

*Rydzicii
Legatio ir-
rita.*

Jamque Vladislavus edoctus à Chodkievicio aliquot millia hostium obsessis ad ferendum, properare auxilium, accelerandum quoque ratus, Smolenscum versùs signa copiasque quantocius promoverè imperat. Et mox Smolensci subsistentem positus ex adversa Boristhenis ripâ castris, Chodkievicius Drohobusium adveniens salutavit: propositaq; quæstione in Concilio militari quam in partem principiò Vladislavus arma destinaret, Drohobusium an Viasmam peteret, graviter prudentèrque differuit: Drohobusium ab armato Principe petendum esse, videlicet arcem illam primam Vladislavi fortunæ experimentum futuram, inde-

*Vladislavus
Smolen-
scum pro-
perat, &
venit.*

*Chodkie-
vicius sua-
det Droho-
busium ab
armato
Principe
petendum.*

que

que æstimandum ab hostibus, reliquum militiæ cursum locum esse summè opportunum, Moschis verò munitionem cordi curæque, & Michaëlis matrem quæ imbecillæ ætatis filio vicario assisteret regimine, quanti eam faceret, abunde declarasse, transmissis illuc ab ipsa Metropoli ducentis Nobilibus, certa ipsorum fidei, quàm uxores militantium in obsides acceptæ securiorem redderent, tum & inductis pluribus Sclopetariis, ostentato illis promissioque fidelis strenuæque navatæ operæ præmio, videlicet Nobilitatis prærogativa. Coeptam itaque deferere obsidionem ut inglorium, ita viso tanto exercitu Principis, auctaque ipsius advenientis famâ minimè desperandum, præsidiarios aut protinus ad partes accessuros, aut si vim experiri velint, subigendos: indèque & clementiæ, & terroris cæteras Moschoviæ arces exemplum habituras.

Approbata ab omnibus Chodkievicii sententia, (unum si demas Andream Lipscium Episcopum Luceorientem) tantò plus æstimationis habuit, quantò postmodum feli-

feliciore successu inclaruit. Motis namque castris Drohobusium versùs quò Vladislaus sexto pervenerat die, hostis adventantis Principis famâ præsentiaque exterritus, subito deditionem fecit. Duo pro more gentis in præsidio erant Palatini, Joannes Ododurus, & Theodorus Sumovus, iis ex arce cum Chodkievicio cui, jam se suæque omnia permiserant, eumque gratiæ Principis conciliatorem demissâ elegerant prece, egressi sunt mille circiter nobilium, sclopetariorum, cæterorumque militum comitatu cincti: deinde Ordo Sacer cum Crucibus Divorumque imaginibus processit: ad extremum plebs effusa panem salémque & salutationis & servitii sui deditio-nisque indicium deferens. Vladislaus ad tentorii aditum eminentiori in sella confidens conspicuusque ab utrinque aulicis, Tribunis, Centurionibus, turmis cohortibusque ad ejus custodiam excubantibus circumdatus, supplicem excipiebat turbam, & Sanctorum effigies Crucisque à Russis Sacerdotibus oblatas osculo veneratus est.

*Palatini
veniam
petunt, ca-
eterique pro
strati, idem
orant.*

*Indulget
veniam
Vladisla-
us.*

Palatinos post vexilla ad pedes ipsius abjecta humi prostratos, veniam deprecantes audivit, implorantesque Magni Ducis clementiam, in cuius potestate esset uti in perduellionis reos jus promeritæ necis: insuper pollicentes in posterum fide integrâ tanti delicti ignominiam dedecusque à se eluendum. Respondit Vladislai nomine Leo Sapieha Cancellarius Lithvaniæ: Indulgere illis vitam, condonaréque enorme crimen Ducem Clementissimum: illorum jam muneris officique esse, prompto obsequio, constanti fide, Magni Ducis in posterum demereri gratiam, si quos verò Nobilium militumque uxores liberique & domesticæ avocarént curæ, abitum se facilem permittere, eâ spe inductum, tantæ videlicet benignitatis clementiæque compotes popularibus suis persuasuros consulturósque, ut memores dicti sacramenti facili accessione, devoto obsequio Magni Ducis præoccuparent gratiam, reciperéntque Electum à se Principem, ni extrema experiri patique mallent. Sux autem militiæ si qui adscribi vellent, annuere

nuere se stipendia habituros non absque gratiæ benignitatisque singulari indicio. Tam amplâ præteritorum oblatâ veniâ concessâque abeundi, quò quisque vellet, facultate, Theodorus Sumonus cum ducentis Nobilibus Metropolim ivit, & quò latius famam & clementiæ suæ & munificentiæ Vladislai spargeret, singulos Nobilium duobus aureis Hungaricis donatos dimisit, Cæteri cum Palatino Ododurovo in obsequio sui Ducis remansère. Interea Chodkievicius componendis Drohobusii rebus animum intendebat. Civitas hæc Boristhenis fluvio assidet, à Smolensco octodecim circiter miliaribus distita, populo frequentiori olim habitata. Civitati imminet collis cui Castellum egregiè munitum impositum fuit, aliud in valle ad defensionem civium percommodum structum. Illi itaque Chodkievicius Nieviarovium cum suo peditatu imposuit, huic Appelmanum: recepta annotatâque tormenta, pulvis bellicus, globi, cæteraque munitioni arcium pernecessaria, quibus hostis optimè instructus erat.

*In nonnul-
los etiam
liberalis.*

*Chodkie-
vicius
Drohobu-
si ordinat.*

Capto
Drohobu-
sio Vias-
mam pe-
tendam
suadent
Subdele-
gati.

Jam felix auspicatusque capti Drohobu-
sii progressus invitabat Vladislaium ut suæ
insisteret felicitati victoriisque, quas fama
ipsius prænuntia ultrò acceleraret, expu-
gnaretque rebellium animos: ac proinde
Viasmam è vestigio movenda esse arma
suasere Lipscius Episcopus & Sapieha Can-
cellarius Lithvaniæ rationibus profectò fir-
mis validisque: Occurrendum esse quanto-
cius copiis à Metropoli ad solvendam Dro-
hobusii obsidionem missis, quæ ad Vias-
mam subsisterent, præoccupandasque cele-
ritate minimè tanti exercitus robur laturas:
insuper ab ipsius Principis præsentia con-
sternatas: profligatum verò hostem nume-
ro exiguum, magnum ubique per Moscho-
viam terrorem trepidationemque illatu-
rum; quippe in iis signis, quæ millium qua-
tuor numerum haud excederent, spem fi-
diciamque collocantem. Jam verò nec le-
vioris incommodi esse, si exercitus suis gra-
vior colonis hyberna ad Drohobusium ca-
peret, in hostico expeditius alendus: præ-
fertim cum legionibus quæ Vladislaium se-
cutæ

cutæ sunt, ne quicquam de re cibaria unde
eam petitori essent, provisum sit: suis è con-
trario copiis Chodkievicius vicos pagosque
Smolenscum circumstantes, totumque illum
tractum distribuerit. Deinde sequendam
fortunam, instandum celeritate, ostentan-
dum Populis Principem, à cujus præsen-
tia clementiam implorarent: sat dedisse ex-
empli Drohobusium cæteris arcibus, ean-
dem spem & Viasmâ potiundi affulgere:
Ad extremum habendam Reipub. ratio-
nem, nec diuturno implicandam bello, nec
militem uno consistentem loco otiosum
desidemque habendum. Chodkievicius è
contrario incommoda instantis hiemis cau-
satus, legiones verò suas æris vacuas egenas-
que difficile à stativis avocari posse, quas
rei frumentariæ copia aliquantum quietio-
res faceret; aliàs militem loco motum, ex-
haustum, bellicis oneribus imparem, refra-
ctarium futurum. Spei Viasmæ obtinendæ
exemploque Drohobusii inniti, vetare belli
momenta, tempusque minimè aptum aper-
tæ obsidioni arcium memorabat: atque ob-

Chodkie-
vicius è
contrario.

intempestivitate fructum nullum, ibique diutiùs hærere Principi indecorum: integriore famâ ad Drohobusium hibernaturum, unde miles pabulatum latè exire, excursionibus castellisque pro opportunitate excitatis hostem fatigare posset: cadente donec hieme validior exercitus auctusque stipendiis emitteretur. Hæc referebat Chodkievicius, non tam suo quàm Centurionum militumque consilio, quibus stativa ædificiis aucta, recibariâ opulenta, contra hiemis rigorem optimè munita, deferere grave videbatur.

*Interim
Viasmen-
ses suppli-
ces ve-
niunt, de-
dicionem
offerunt.*

Et jam fixum erat ad Drohobusium hiberna sumere, cùm interea Delecti qui Magistratûs Civium incolarumque Viasmensium nomine Vladislauum adirent, venêre, in ejusque adducti conspectum edocuêre, Moschorum copias adventu Magni Ducis perterritas, fugam Metropolim versùs arripuisse, Viasmeneses verò juramenti memores, deferre Magno Duci Moschoviæ Vladislao debitum subditorum obsequium, fateri crimen quod commisissent, implorare nihi-

nihilominùs supplices benigni Principis misericordiam, ejusque se suaque omnia gratiæ permittere. Vladislauus spe clementiæ Legatis factâ molliore recreatos responso dimisit, ac præire jussis Sehino, Eudacli-
*recipiun-
tur cle-
menter,
eoque se
Vladislauus
confert.*
no, Eugulzieio Palatino Viasmæ, qui ar-
*29 O-
ctob.*
cem Urbemque & ab incolis fidelitatis ju-
ramentum reciperent, ipsemet quinto, post-
quam moverat die, Viasmam accessit, in-
structâ acie ad augendam sui adventûs fa-
mam, quam plerique Moschorum specula-
tores illuc immissi attentius observabant.
Occupatâ deditaque Viasmâ, nuntiatur fu-
gitivas illas copias Moschorum Mosaiscum
prætergressas, Metropolim petiisse, cæteros
desertis signis hinc & inde dilapsos, Mo-
saiscum nullo teneri præsidio, arcem aper-
tam invalidamque, incolas verò Vladislao
Magno Duci deditionem facere velle. Pan-
debat fortuna viam Vladislao, unicamque
comitem exposcebat celeritatem, quæ tor-
rentis adinstar arces urbisque hosti exterri-
to abriperet, suoque restitueret Domino.
Suasere Subdelegati mittendam quantociùs
*Suadens
Subdele-*
copia-

*Mosais-
cum
quantocius
praesidio
forti infi-
dendum.*

*Miles re-
nuat, &
fortasse
ipsi duces.*

*summo
cum detri-
mento re-
rum postea
gerenda-
rum, hic
que pri-
mus error
fuit.*

copiarum partem, quæ Mosaiscum infide-
ret, priusquam se hostis ex fugâ & terrore
reciperet: contumace ad hæc milite asper-
nantéque ducum imperia, egestatem, com-
meatûs defficultatem, equorum, pecuniæ,
famulitii inopiam prætendente: nisi fortas-
se duces omnem in militem culpam rejecif-
sent, à qua se immunes fore sperabant, si
illorum consilia militaris contumacia obte-
xisset. Et hic primum felicitatis cursum
propitia Moschis, adversa Vladislao stite-
re fata: quanti enim intererat Mosaisco po-
tiri loco maximè opportuno, Metropoli
vicino, ad excursiones faciendas explican-
dâsque copias percommodo, brevi ac non
nisi cum ingenti damno rerûmque bellica-
rum remora apparuit. Posteaquam etenim
Moschis innotuit nostros lentius agere, neq;
suæ insistere fortunæ, tantò majori iterum
accurrunt Mosaiscum celeritate, validum
inducunt præsidium, adversum externam
vim novis propugnaculis muniunt, castellis
circumcirca excitatis firmant, securiores au-
dentioresque obtento recuperatôque loco,
qui

qui Polonorum sisteret impetum victoriâs-
que moraretur.

At Chodkievicius instante hiemis sæ-
vitiâ opportunè legiones in hibernis collo-
cat, assignatis militi per vicos pagosque in
Viasmensi tractu agrôque contuberniis, re-
lictis Viasmæ ad Vladislai corporis custo-
diam selectioribus equitum cataphracto-
rum peditûmque signis. Interim ut hostem
undique distractum distentûmque teneret,
certa assignat loca, quæ missæ sparsim suis
cum ducibus copiæ excitatis Castellis com-
munirent, impediréntque hostium eruptio-
nes, suis verò excursionibus fatigarent, li-
berâmque pabulandi præstarent copiam. Et
quoniam primus à Mosaisci præsidiariis me-
tus periculûmve erat, properare jubet.
Chodkievicius Rezicium ac Oporovium
suis cum velitum turmis ad Carovum oppi-
dum sex Viasmâ, Mosaisco decem milliari-
bus procul, excitaréque Castellum, quo
probè communito ibidem excubias age-
rent, Mosaiscensium explorarent consilia,
observarent conatûs, illûmque tractum per-
cur-

*Chodkie-
vicius mi-
litem in hi-
berna di-
stribuit.*

*Rezicium
& Oporo-
vium
Centurio-
nes versûs
Mosais-
cum expe-
dit.*

currerent. Sed Centuriones dum lentius agunt præsertim Rezicius, namque Oporovius recens advenerat in locum Rucii suffectus, miles verò per pagos distributus nullâ munitionis curâ liberius dissolutâque castrensi disciplinâ, nullis antepositis vigiliis delitescit, hostis à rustico colono, quo inconsultè Rezicius exploratore usus erat, monitus, eoque duce noctu stationem invadit, Rezicium suis cum turmalibus compotantem aggreditur capique, frustra in subsidium advolante Oporovio, quem arrepto Rezicii vexillo ex equo pugnantes strenuè, fauciumque vivum abducit, editâque multorum strage à qua paucos Viasmam fuga subduxerat, pluribus captivis ante se actis, victor abscedit. Reparasse cladem videbatur Koniuchus Moschorum primarius Vladislai partibus addictior belloque strenuus, excitato ad reprimendos Mosaiscenses castello, in illudque ducentis equitibus peditibusque inductis, sed penè tantum intulit infami Mosaiscum transfugio, relictâ arce milite vacuâ, eoque magis ad

*Rezicius
negligenter
agere capi-
turque ab
hoste.*

*Koni-
uchus fugit
ad suos.*

ad ejus rei nuntium Viasmæ trepidatum est, quo ille plus indubitata apud Principem fidei habuisset. Hinc auctæ excubiæ, urbis propugnacula crebro defensore infessa, universæq; peditum Hungarorum ac Germanorum legiones in patenti instructæ dispositæque campo, turmæ equitum ad custodiam Vladislai admotæ: ad extremum acsi jam hostis præ foribus esset expeditus tenebatur miles. Namque non desistebant Moschi partim ab ipsa Metropoli, partim à Mosaisco immissis speculatoribus popularium suorum tentare fidem, avocaréque dedentium sese à Vladislao animos: quam in rem spargebant literas cleri Rutheni chirographis signatas, præstiti juramenti validitatem impugnantes, nulloque amplius populos teneri præterquam eo, quod Michaeli Fiedrovicio nuper præstitissent, edocentes. Verum hi proseminatores literarum conquisiti punitique, brevi conticuere, divulgato ad hæc responso Archi-Episcopi Smolenscensis satis minaci rigidoque, & futiles adversariorum diluente rationes.

*Metus in-
de Vias-
ma.*

Sff 2

Atque

*Calugam
Pozarscium
cum Za-
rucianis
velutibus
inprae.*

*Zarucia-
nis opponit
Vladislau
Lisovien-
secum
suo duce
Czaplinio.*

Atque dum hæc inter Mosaiscum & Viasmam geruntur, Calugam urbem arcemq; & suis cladibus, & Demetrii Impostoris sede cædèq; unde Calusiensis dictus erat, celebrem, septem millia lectissimorum militum duce Pozarscio intravere. Ac inter eos erant quinque millia equitum, Zarucii strenui olim expertique Tribuni reliquæ, & quia in bellis Moschoviticiis spectati exercitatique, verebatur Pozarscius ne ad Vladislai, ad quem inclinabant, accederent partes: idcirco eos è campo dextrè cautèque persolutis stipendiis in arcem transtulit, unde difficilius haberent transfugium tutiusque eorum inter munimenta consilia circumspiceret observaretque. Et huic Zarucii militiæ opposuerat Vladislau ab initio statim copias Lisovianas, à duce olim Alexandro Lisovio denominatas, viro noti in exercitu roboris audaciæque, & qui laceratis sæpius intimis Moschoviæ visceribus, universam quâquâ patet pervagatus, ad Ryphæos usque montes gentisque incognitas victricia signa protulerat:

&

& quemadmodum ipse mirè ad deposcenda pericula projectus, tales quoque suos volebat milites: eosque propterea tanquam morti à se devotos militari vocabulo, sed usitato à Claudio Barlota in Belgarum bellis sibi per omnia consimili, perditos appellare solebat. Et has quidem copias à morte Lisovii regebat Czaplinius in ejus militari eruditus scholâ, vir strenuus & qui tanto magistro par esset discipulus. Accepto namque mandato Vladislai, dux inquit percurrerebat summâ celeritate longè latèque Moschoviam, terrorem vastitatèque inferens, Zarucianas inquirens ac profligans turmas; & ad Meserscum felicissimè ubi illi ad arcem confugerant. Urbem namque primò animosè aggreditur & expugnat, deletis penè ad internecionem incolis, eò quòd deditionem recusassent: Zarucianos ad arcem sese recipientes obsidet, aquam adimit; mox & premit: illi adaçti necessitate paciscuntur, tradituros se Czaplinio arcem cum omni bellico instrumento modò liberos dimitteret, idque jurejurando sponde-

*Strada
decad:
2. lib 8.*

*Is ad Me-
serscum
feliciter
rem gerit.*

Sff 3

ret.

Urbem & arcem capto Palatino expugnata. ret. Czaplinius, qui videret quanti interesset eo potiri loco, assentitur, mox victoriæ reportatæ, arcis receptæ nuntium Vladislao Viasmam, ejusque additamentum Præfectum urbis arcisque, quem Moschi Palatinum vocant, captivum misit.

Petrus Opalinus mittitur contra Pozarscum. Ex hac occasione destinatur illuc Petrus Opalinus Sremensis Præfectus cum valida equitum manu, jubeturque arma circumferre, hostem crebris discursionibus sollicitum habere, collatoque cum Czaplinio Lisovianisque consilio, munitiones excitare, obsideréque hostem. Quodsi Pozarscius aut Metropolim, aut Mosaiscum se suis cum copiis reciperet, pugnae illico copiam faceret lacefferetque abeuntem. Nec segniter Opalinus rem gessit: excitato namque ad Tovarkoviam Castello quatuor à Caluga milliaribus, maxima inde hosti damna intulit, evocatúmque stratagemate extra urbem arcemque Pozarscium fortissimè repressit, cæsis compluribus, captis quinquaginta, hostium, ac inter eos Pozarscii nepote: majori subsecuturâ clade, nisi

Hosti damna inferi non absque cade illius.

Li-

Lisovianarum cohortium alacritas tempestivius quàm par erat ex insidiis confurgens, plenum victoriæ fructum abstulisset. Inciderat Opalinus in Pozarscium *Pozarscius Dux belli causus.* ducem cautum bellique occasiones summe observantem, qui à prima rebellione cujus inter cæteros primarius auctor antesignanusque fuit, continuo in armis versatus, non leve experimentum acquisiverat. Hinc audentior contra Opalinii conatus ibat, & ut incerta plerumque est belli alea, quandoque etiam superior evadebat. Miserat Pozarscius octingentos equites & quadringentos pedites qui inter Borrowskum & Calugam quatuor à Tovarcovia milliaribus munitionem nostris imponerent, attentos operi Moschos celeriusque insistententes, fortè illuc delatæ turmae equitum Denhoffii & Ramulti, quæ jussu Opalinii exploratum abierant, reperiunt, tum invadunt, sed iniquiore Marte, namque occisus Novovieiscius, & è Denhoffii turmâ undecim cecidère, Chelmscius Kasmieriscius graviter faucii nec absque equorum

Varia inter illum & Opalinum certamina.

rum strage sese recepere, Moschis nequicquam ab opere desistentibus: in cassum ferente Opalinio subsidium, qui ad primum nuntium statim advenerat. Compensasse videbatur illatam cædem cæsis paulò post à Ramulto viro militari propè ducentis Moschorum, quos Pozarscius duce Piechonkâ celebri famosoque prædone speculatum emiserat; sed Ramulti equitum egregii ductoris in ipso victoriæ cursu mors à sclopetario illata, non leviter & militem & Opalinium affecit. Nec desistebant crebris inter se certare velitationibus Opalinus ac Pozarscius, ille Calugam cum Lisovianorum turmis suisque copiis derepente aggressus, hostem non ausum egredi injecto in urbem igne exterruit: hic munitionem quinto à Tovarconiâ milliari rei frumentariæ conservandæ deponendæque gratiâ structam, & à militum Opaliniique famulatio infessam, immixtis Moschorum manipulis triduo oppugnantibus, expugnatam incendit; secutâ defendentium strage, nec minori oppugnantium clade, ac suppellectilis

ca-

Ramultus
equitum
Centurio
cadit.

castrensis rei que cibariæ damno. Atque ita toto illo tempore quo Opalinus ad Tovar-

Opalinus
ubique
hostes
coerces.

Per idem tempus medio à Biala lapide, Mescerinus Nobilis spectatæque erga Principem fidei Moschus castellum erexerat, contra Chodkievicii votum, cuius mandatum erat paulò remotius id exsequi ad hostium exploranda consilia libertatēque pabulandi aperiendam. Sed vir militaris nihil omisit quidquid ab ipsius erga Vladislavum constanti animo fidēque proficisci posset. Cæsis namque multoties hostibus victor rediit, captivis majoris notæ Viasmam missis fortitudinis suæ specimen probavit, arcem insuper strinxit adempto qui vehebatur commeatu, multis ad extremum clarus tropæis, bellis hisce inclaruit, maximè verò insigni fidelitate, quasi suæ

Fidus
Vladislav
semper.

T t t

gen-

gentis mores geniūmque penitus exuisset. Hæc erat Biala Alexandri Gosievii, prout superius diximus, ductu fortique operâ ad deditionem compulsa, quæ interim à Moschis erepta illorum præsidiis tenebatur, animosè pro ea conservanda decertantibus: si is animus paulò post non deseruisset Chelcovum arcis urbisque Præfectum loco turpiter excedentem, incolis verò in Vladislai concedentibus potestatem.

*Poloni excursions-
bus totâ
hieme ho-
stem fati-
gant.*

Collocaverat pigra hiems at non impigrum militem in stativis: namque præter excitata pluribus in locis castella munitiōnesque hosti negotium facessentes, erumpebant selectiores equitum turmæ mandato ducum in omnes Moschoviæ partes, tum ad aliquos excipiendos ex quibus hostium consilia cognosceret, tum pabulandi inferendæque annonæ causâ: nonnulli verò ad depopulandas regiones missi, excisis urbibus, dissipatis hostium, si uspiam comparerent, manipulis, rarò cedente infelicitèr ludo qui in Martia arena non absque mutuo sanguine victorem facit, onusti prædâ capti-

ptivisque ad Vladislaiū redibant. Et primam iis in excursionibus laudem deberi Lisovianis duce Czaplinio, turmis invenio in actis diurnis: nec postremam viris militibus Sokolovio & Jakuszevio velitum ductoribus, qui frequentes ex hostibus victis laureas in gremium Vladislai deposuerunt. Quanquam nec cæteras legiones quandoque è suis emissas stativis debito privare velim encomio, quæ strenuam præstitere operam hoste suorum cladem & terrarum vastitatem multoties deplorante, qui apertum subterfugiens campum nonnunquam furtivis irruptionibus famulitii sparsim per vicos degentis negligentiam inertiamque castigabat.

*Laudem
in us tulit
Czapli-
nius, Sok-
lovius, &
Jakusze-
vius.*

Novum quoque per id tempus Chodkievicius stratagema moliebatur Mosaisci intercipiendi, quod licet successu caruerit, referre nihilominus libet, quandoquidem egregius ille conatus à præsentia Vladislai famam receperit. Ultrò ejus loci, ut retulimus, fortuna deditionem obtulerat benigno aspirans favore, refractarius obstitit

*stratagema
Choak e-
vici ad
intercipi-
endum
Mosai-
scum,*

miles, feróque suum damnavit consilium: cum inde erumpentis validíque hostis sentiret incommoda, & indies maximum discrimen periculáque impendere præviderent duces, vehementer anxii, quandoquidem cautior hostis ita se contineret, ut difficulter raróque exploratoribus ejus consilia paterentur.

*Qualiter
instru-
erunt.*

Summo itaque silentio raptis legionibus Chodkievicius ex inopinato aggressurus arcem, properandum statuit, in eum modum exsequendi negotii usus opportunitate. Agentem videlicet in campo extra urbis arcisque ambitum equitatum peditatumque hostilem noctu invadere destinabat, eo dissipato fugienti insistere tergisque inhærere & unâ cum iis ad urbem sese recipientibus irrumpere, tectisque ignem injicere decreverat. In hoc tumultu consternatíque hostis terrore armorumque strepitu cuipiam qui ad portam arcis pyloclastrum admoveret negotium dederat, assignatis peditum signis irruendi occasionem captaturis. Quodsi verò hostis pugnam non de-

tre-

tractaret, habebat quas opponeret copias ideóque selectiores & numerosiores eduxerat. Ibant equitum hastatorum centuriæ quinque, Chodkievicii, Gosievii, Kiscii, Nicolai Zienievicii Præfecti Minscensis, Gembulti. Raitrum tres, Medonii, Klebeci, Gadeni. Velitum totidem; pedites ducebat Lermuntus ac Buthlerus quingentos, pari numero Nieviarovius, & Bartholomæi Novoduorscii Equitis Melitensis quinque signis constabat legio, adjunctis campestribus tormentis aliquot. Ardebat Vladislai animus ad subitariam expeditionem, promptusque & alacer ad eam se obtulerat, nec à variantibus Subdelegatorum sententiis nequicquam retineri poterat. Illi namque inito inter se consilio, an è dignitate Principis foret erumpentium militum præesse misceréque sese copiis: obstitere Chodkievicius summus armorum Dux, Constantinus Plichta Castellanus Sochaceviciensis, & Jacobus Sobiescius, differentes: Securitatem quidem bene animatas legiones præbere posse, at maximam honoris ducendam

*Princeps
Vladislai
an in Per-
sona adesse
deberet,
Subdele-
gum aubi-
tant.*

T t t 3

ra-

rationem, absque cuius jacturâ difficulter Princeps ad subitanam eruptionem procederet. Si namque authoritas existimatioque supremis ducibus id vetaret, ideoque per notæ potius virtutis Tribunos ejusmodi res exsequerentur, quanto magis cavendum esse Regio juveni prima tunc militiæ rudimenta deponenti, verendumque, ne Rex & Respub. a consentientibus Subdelegatis tantæ levitatis rationem exposceret. Adhæc: eruptiones hæc clandestinas esse veluti quædam militaria furta sub ignoti personâ attentanda: jam verò quæ larva totum Principem tegeret, quâ ratione ejus celari posset Viasmæ absentia. Quod si votis non arderet successus, rebûsque infectis abscedendum foret, Principis famæ non levem notam, hostibus verò animos audaciâque accessuram. Sed Vladislai præclaram mentem egregiorum operum avidam, quæque mallet successum sibi quàm animum defuisse, faventi sententiâ stabilivit Andreas Lipscius Episcopus Luceoriæ, asseruitque expeditioni huic meritò Vladislai inter

*E contra-
rio dissent
Andreas
Lipscius
Episcopus
Luceo-
riensis.*

interesse debere, exemplo suo militum ardorem simul & amorem excitaturo: qui id ætatis, insuper Regii sanguinis prærogativâ venerandus, ultrò sese commilitonibus misceret, nec laborum militarium confortium detrectaret, incorrupto Principis honore. Pertinere quoque id ad ipsius famam, bellicosi juvenis hostibus metum reverentiâque incussuram. Ad hæc juventam iis exercere laboribus, formari assuescereque non inglorium, magnisque Regibus ac Principibus olim haud indecorum. A rebus verò optato successu carentibus nullum æstimationi accessurum detrimentum, siquidem clandestinas hæc eruptiones subitanæque in omnem eventum suscipi sæpèque levissimis intercedentibus momentis evanescere docuit bellorum experientia, nullo ducum honoris ac famæ dispendio. Abituro verò selectis cum legionibus Chodkievicio, quænam manenti Viasmæ Principi relicta securitas foret absente Duce militiâque?

Nec tantopere certantium inter se Dele-
ga-

Et Vladislaus contra omnium vota animatus erat, si que daretur.
 gatorum sententiis afficiebatur Vladislavus, qui jam sponte sua animatus, eundique vel invitis etiam Subdelegatis certus, itineri sese accinxerat: connivente postmodum Chodkievicio, cujus interim ad stationem diverterat quoad signa moveret: iisque noctu jussu Chodkievicii motis, ipse quoque secutus est relicto Charlinio Viasmæ, qui residuis, pro custodiâ loci, equitum peditumque præfesset turmis. Ac totâ illâ nocte ad sequentis diei meridiem miles processerat, veneratque tardiùs ad Carovum oppidum: injecta namque erat à tormentis peditatûque remora, qui expeditum equitem lento sequebatur fatigatûsque gradu, obstante viarum difficultate, idcirco & destinatum aggrediendi Mosaisci tempus differri debebat. Et ecce post continuatum iter, tertio à Mosaisco milliari fit obviâ à Metropoli redux Bacinius, illuc paulò ante ad Proceres cum literis missus, quinquaginta equitum Moschorum comitante globo, redeuntique securitatem præbente. Is verò à præcedentibus exercitum excubiis disiectus fûsque

fûsque, cum subitò captivis patuit Bacinium adventare, cujus is comitatus securitatis causa esset. Atque ille adveniens retulit in casum eam parari aggressionem, quæ à sex diebus hosti per speculatores pateret: adesse Likovum cum selectis octo equitum peditumque millibus: locum ipsum largiore fossâ valloque eminenti munitum firmumque esse & à bene animatis insideri præfidiariis: insuper objectam undique sepem ab arrectariis palis transversariisque trabibus subitâ aggressionem rescindi, & vallum fossamque superari vix possibile videri, præsertim gnaros ejus consilii intentosque in omnem, si qua ingrueret, vim, à solâque fame Mosaiscum expugnari posse censebat.

Edoctus à Bacinio Chodkievicius attentatûque Mosaisci spe penitus evolutus, ut progredi hostique innoxia signa ostentare inglorium indecorumque reputabat, ita obsidionem acris hiems & rei cibariæ inopia penitus vetabat. Noctem itaque ibidem cum exercitu subsistens egit, cui propter vicinum hostem validiores circumde-

V v v

derat

Bacinius à Metropoli redux obviâ factus aggressionem Mosaisci dissondet.

Redit re infectâ Chodkievicius cum Vladislavo & exercitu.

derat excubias, pugnæ avidus si ejus copiam haberet. At hoste non comparente & quietissimè Mosaisci se continente, altero die receptui cani jubet, promotisque retro ad quartum milliare castris, per captivos tres libertate donatos dimissosq; Liko-
*Ad Liko-
vum dat
litteras*
 vo scribit: *Bacinii ultra jus gentium diutius detenti publicam injuriam, tum excursiones vestras duranti-
 bus induciis, damnaque à vobis illata ulcisci se in
 animo habuisse, progressumque hucusque pugnandi fa-
 cturum necessitatem. Obvium interim sibi factum
 Bacinium litteras injectâ spe pacis ad se deferentem,
 proinde cohibere se signa, revertique ad vestrum Ma-
 gnum Ducem Vladislaium, eamque ad pacem stabi-
 liendam animorum vestrorum propensionem ipsius Cel-
 situdini Viasmæ relaturum, unde mox duos iterum
 quos haberet captivos, cum responso dimitteret. Hæc
 eo animo à Chodkievicio scripta sunt, ut
 & eruptionis subitanæ consilia ejusque ir-
 ritum conatum specioso obtegeret præ-
 textu, & Vladislai celaret præsentiam: quæ
 tamen ab exploratoribus hosti patebat. Atque ita rebus infectis rediére Viasmam
 copiae, frigore intenso, fame attenuatæ,
 magno*

magno cum equitum & equorum detri-
 mento, majore peditum, quorum permul-
 tos rigor hiemis absumsit.

Sed dum rebelli Moschoviæ per hiemem
 arma ostentantur inferunturque, Delegati
 Regii & Reipub. quod sui muneris erat,
 consilio Moschorum animos experiebantur,
 num ad mitiora flecti possent tracta-
 tum injectâ mentione, quibus absque tan-
 to cruoris diluvio negotium componere-
 tur. Et bis quidem in cassum missus Ryd-
 zicius, primùm à Viasmâ, deinde à Mo-
 saisco, non exceptus tantùm sed ne auditus
 quidem, rejectus erat: felicius ad ipsam
 Metropolim penetrante Bacinio levis ar-
 maturæ commilitone cum literis Delegato-
 rum, quibus Moschos ad jusjurandi reli-
 gionem revocabant, & Vladislai clemen-
 tiam pollicebantur. Attulerat ille respon-
 sum verbis ad barbariem gentis accommo-
 datis inclementius, non absque aliquâ in
 Vladislaium contumeliâ, cujus Electi Ducis
 mentionem gravissimè ferebant: injectâ
 tamen aliquâ tractatum spe. Quapropter

*Delegati
Regi Mo-
schoviæ
statuum
mentionem
faciunt
per Rydz-
cium pa-
rum felici-
ter.*

28. Decemb.

Expeditus ille tertio.

1618.

*Excipitur à Moschis prope Mosaiscum.**à Likovo terretur.**Metropolim venit audiensque in frequentem consessum.*

expeditus tertio Rydzicius, qui dextre ad colloquium cum Delegatis Moschorum Proceres evocaret, loco ad Viasmam, tempore, diēque à vigesima Januarii ad vigesimam Aprilis definito; cessantibus interim ab utrinque armis. Rydzicius prope Mosaiscum exceptus à Moschis, urbem tamen adire prohibitus flexo ad latus itinere Metropolim deductus est, occurrentibus in itinere dispositisque è composito militari-
bus turmis, quæ virium famam augerent ostentarēntque. Iniectus quoque à Likovo transeunti metus nimis fastuose percunctante, quidnam Moschoviæ Proceribus ferret? adjicientēque minas verbis arrogantiæ contumeliæque plenis, si Vladislāum Magni Ducis insignire titulo pergeret, sciret se à conspirante populo frustatim conscindendum discerpendumque. Verūm Rydzicius gnarus morum fastuosæ gentis ac subdolæ, constanti præfidentique animo bene munitus taliūmque contemtor, Metropolim pervenit, inductusque in frequentem & ultra solitum numerosiorem Procerum

rum populique concionem, legationis suæ capita exposuit, auditusque summo cum omnium silentio: solā factione Michaëlis frendente ad Vladislai Electi Magni Ducis juramentique præstiti mentionem à Rydzicio factam, pluribus verò immotis blandēque auscultantibus. Expositis legationis mandatis Rydzicium perhumaniter dimisere, quo paucos intra dies iterum advocato, proposuere colloquium cum Delegatis Polonis non posse institui, nisi exhibito inspectoque sufficienti ac legitimo mandato Regis ac Reipub. si quod haberent ad omnes controversias definiendas. Moschorum Legatos absque liberi com meatu tesserā à Delegatis dandā nolle ad colloquium descendere. Temporis definiti brevitatem non posse se coarctari, quod prorogandum censerent. Cessationem armorum trimestrem frustra peti, nisi legiones Poloniæ è Moschoviæ terris excederent, aliā tractationem pacificationis haud seriō processuram. Et hoc quidem responsum Rydzicius in scripto accepit, cui insuper adjecere mis-

Responsum quale accipit.

VVV 3

furos

furos se propediem Legatum modò illi non derogaretur liberi com meatûs tessera, qui de loco, tempore, colloquentium numero cum Delegatis ageret, statueretque: commutationem, captivorum insignium non esse urgendam tantopere, nisi ipsi quoque Philaretum & Gallicinum restituerent, aut certè id permetterent felici tractandi negotii successui. Atque ad eum modum Rydzicium satis cautè benignèque habitum intra perbreve tempus, contra gentis suæ genium, expedivere.

*Moschi
vicissim
suum Le-
gatum
mittunt.*

Adfuit deinde sub initium Mensis Aprilis, quem polliciti erant, Legatus Joannes Laurentii Condiovus comite suæ Legationis & Notario Theodoro Stephani: deductusque à ducentis equitibus honoris causâ obviâ missis ad stationem extra Urbem, adjunctis qui munere parastatorum fungerentur Malinio & Nieborovio. Postero die inter ab utrinque viarum explicata pedum Germanorum ac Hungarorum vexilla processit ad Leonis Sapiehæ tunc absentis domum splendide adornatam: ubi à Delegatis

*Excipitur
honorifice
& Lega-
tionem ex-
ponit.*

gatis expectatur: post mutua salutationum officia, legationem, cujus hæc erat summa, proposuit. Missum se esse à Proceribus Moschorum ut cum Delegatis Polonis de loco, tempore instituendorum tractatum, & comitatu ab utrinque colloquentium conferret statueretque, flagitare tamen Proceres ut suis è terris Polonus excederet miles, quo amoto trimestres inducias libenter indulgerent. Nominavit deinde Legatos à partibus Moschorum adfuturos: Petrum Seremetum, Danielelem Mezecium, Arthemium Ismaëlem, Trzeciakovum à Secretis. Atque dum hæc referret fusiùs, titulus Magni Ducis Michaëlis cum proluxa terrarum Regionumque serie à Legato recensitus, offendit Delegatos, exortusque adstantium ingens strepitus, sibili, acclamationes, immoto constantique ad hæc Legato: facerent, inquit, quod liberet, sibi quoque eandem obstrependi alienis titulis salvam esse libertatem. Compellati tandem ambo blandiùs à Delegatis, deque salute ac itinerum commoditate officiosius requisiti, perhumaniter

ter dimissi sunt, iis quæ ad disceptandum proposuissent negotiis ad mutuos congressus tantisper dilatis.

6. & 9.
Aprilis.

Post mu-
tuum col-
loquium
Legatis
Moscho-
viticis re-
spondent
Delegati
Regni.

Et bis congressi habito colloquio cum nec de loco ab utrinque conveniret, neque literas fidei nomine Reipub. Delegatorumque recipere vellet Legatus, quibus titulus Vladislai Electi Magni Ducis aut præfigeretur aut infereretur, interim nullæ à Polonia, quæ indies expectabantur cum Regiis mandatis super negotio pacis comparerent literæ, abruptâ, quæ ejus rei causâ consultò trahebatur, morâ, accitus Candiovus tale responsum oretenus datum habuit, in scripto namque oblatum respuit, propter injectam juris quod Vladislai ad Magnum Moschoviæ Ducatum haberet, mentionem: Exercitum Polonum è terris Moschoviæ abduci non est quod tantopere Proceres optarent, scirent potius mansurum suo cum Magno Duce Vladislao, præsertim cum id tutum non sit pace nondum stabilitâ rebûsque in ordinem redactis. At verò quæ securitas induciarum speranda amo-

amotis in confinia armis, quid esset aliud nisi spatium modumque dare ad perviciam iterum communiendam, & Vladislai ad nova impendia pro instaurando damnare bello. Diem decimum sextum Junii incipiendo conventui perquam commodum sibi videri: Juramentum ratione præstandæ colloquentium securitatis differri posse ad mutuum utriusque partis congressum. Quod verò ad locum attineret, comitum numerum, ac literas fidei publicæ iis de rebus per Inter-Nuntios duabus ante inchoandum colloquium septimanis acturos.

Dimissi Legati non absque gravioris belli metu abiire: namque per hos dies in illorum præsentia advolarat è Polonia tabellarius Comitiorum exitum prosperum & ad prosequendum bellum Moschoviticum decretam nuntians pecuniam, cujus summam sparsus per exercitum consultò rumor, qui & militi alacritatem excitaret, & hostibus terrorem inferret, auxit: passim ad tam felicem nuntium reboantibus tormentis, ca-

18. Aprilis.
Abente
Moschi
belli quam
pacis cer-
tiores.

X x x

stris-

*Terrorem
auget
Nuntius
à Polonia
adveniens.*

*Interim
clam De-
legati lue-
ris Regis
iubentur
pacem con-
ficere.*

strisque præ gaudio gestientibus. Sed clam cæteris fuere parcissimè ab Ordinibus promissa subministratæque æra, eò quòd bellum trahi nollent, & ad ætæna illa mandata, manu Jacobi Zadzik Regni à Secretis recentius scriptum adjecerant: Viderent agerentve Delegati, ne diuturniori bello Rempub. implicarent, sed inirent omnes rationes præsentis anno ejusdem finiendi, & controversiæ sopiendæ. Atque eam Ordinum voluntatem suis firmavere chirographis, Gembicius Archi-Episcopus Gnesnensis, Zolkievius Regni Cancellarius, & supremus copiarum dux Leo Sapieha Magni Ducatus Lithvaniæ Cancellarius, Christophorus Wieszolovius Nuntiorum iis in Comitibus Præses.

*Leo Sapie-
ha ad Co-
mitia pro-
perat Sta-
tum re-
rum Mo-
schovitica-
rum edo-
cturus.*

Indixerat Comitibus Rex Ordinibus ad initium Mensis Februarii, ad quæ celerrimis itineribus festinaverat Leo Sapieha Cancellarius Lithvaniæ, qui præsentem rerum Moschoviticarum totiusque exercitus statum Regi ac Ordinibus ob oculos poneret, urgeret stipendia, ac de ulteriori progressu belli

belli iniret consilia. Jam etenim miles laborum ærumnarumque sub horrido immitique coelo impatiens, contumaciùs agere incipiebat, & paucos intra dies ab abitu Sapiehæ, nonnullæ è Lithvanicis legionibus equitum centuriæ, à prima Decembris obsequium denegabant: elapso videlicet trime-
stri, ultra quod non nisi persoluto ære, militiam palàm detrectabant. Atq; cum eas Delegati stipendiorum persolvendorum certiores facerent, nihil moti, respuebant etiam in scripto oblatam sibi exsolvendæ quantociùs pecuniæ securitatem. Quos arcessitos ad se Vladislavus, tali compellavit sermone: *Egre-
giam verò laudem refertis à contumacia vestra milites,
si eo adhuc nomine compellandi estis. Hæc ne ego spera-
verim à Nobilibus Polonis, quorum spectata indubita-
tæque erga Reges ac Principes fides, vestrà polluitur
insolentiâ, cum Regis vestri filium, commilitonem
vestrum laborum ærumnarumque socium procul à pa-
tria in hostium terris agentem, inter mille discrimina
positum deseritis proditisque. Ergo ne plus meruere in-
fames illi Demetrii vana personatæque Principum no-
mina, quibus & æris inanes, & militiæ laboribus,*

*Legiones
Lithvane
motum
concitant.*

*Alloqui-
tur eas
Vladis-
lavus.*

fessi attenuatique pertinaciter adhæsistis, devotis pro illorum salute incrementoque corporibus, mihi verò Regum vestrorum sanguini in Polono nato educatōque solo, legitimè Eleſto Magno Duci Moschoviae, tam felicem esse non licebit. Quæ ista intemperies dum à Quæstoribus Magni Ducatūs Lithvaniae pecunia ordinatur brevi transmittenda, mandatūque operimur Regium, nullo consilio præcípites ruere, atque tanto deserti vestri Principis se contaminare scelere? Scripsissem utinam lætiora magisque honorifica Regi Parenti meo de vobis, & qui calamum promptum expeditūque ad commendanda munificentiae Regiae spectata militum facinora habueram, jam cogor invitus aliò detorquere, & pro præmiis pœnas contumaciae debitas exposcere. Interim aderit mihi insolentiae vestrae ultor Deus; aderit propitia fortuna Regis; aderunt ceterae fidae legiones gratiam munificentiamque Regiam constantiā suā emerituræ: quibus meam incolumitatem dignitatēque tantò tutiūs credo, quantò non bellicis tantū operibus, sed fide, amore erga Regem ejusque filium præstant. Agite itaque aut seriò resipiscite obsequio reddito, aut si ita destinatum est, per hujusmodi turbamenta belli cursum non retardetis.

Ad ea qui vocati erant Centuriones eorumque

rūmque Vicarii cū in commilitones cul-^{Pacantur.} pam rejicerent, cujus ipsi obnoxii non essent minūque sibi ea probari respondissent; spopondere nullam se operam omisso-
ros, quatenus ad contumacium conatūs sistendos. Et brevi miles ad obsequium rediit, promissorum stipendiorum verbo Principis quod dedisset, certus.

Sed major in Comitiiis manebat labor ^{Comitia ambitione privata turbantur.} Leonem Sapieham, parū ad res Moschoviticas attendentibus Provinciæ Nuntiis, ambitione duorum triūmve ultra modum publica permiscente turbantēque consilia. Namque à morte Felicis Kriscii Regni Cancellarii contulerat Rex eam dignitatem Stanislao Zolkievio supremo copiarum duci, Georgio & Christophoro Zbarasciis ægerrimè eam honoris repulsam ferentibus, motūque cientibus: ii namque prætenso vindictæ privatae publici boni velo, damnabant recens initos cum Skinder Bassa Turcarum Duce ad Bussam tractatūs, repetebantque à Zolkievio veteri æmulo gestorum rationem: ille verò scitè

prudentérque de tota sua expeditione differens, publicum tunc meruit encomium, nequicquam obnitentibus Zbarasciis, quorum contemptor vetus militiæ dux priscâ virtute ac severitate ringentem depressit invidiam. Jam verò & pro Henrico Firleio à dissentientibus inter se Nuntiis movebantur altercationes: cum illi retinere conantem Pro-Cancellarii munus ad futura Comitiam votis adjuvarent, hi è contrario sentirent urgerentq; executionem legis per quam id ad Episcopatum Plocensem, utpote altiore in Senatu gradum evecto, non liceret. Et post plurium dierum contentiones, Firleius ne suâ pertinaciâ consilia publica morari videretur, Magistratu se abdicavit, cessitque Andreae Lipsio Episcopo Luceorienti à Rege propere è Moschovia evocato, advolantique sub Comitiorum finem. Ita mutuis dissensionibus à privatorum ambitione excitatis, neglectisq; interim publicis negotiis, difficulter Sapieha apud Nuntios Provinciarum Vladislai partes bellicque continuandi modum promovere poterat:

Hinc Sapieha difficulter negotium Vladislai promovet.

terat, & quanquam plerique æstatem præteritam elapsam nullo operæ pretio differerent, ob evocatas à Vladislai exercitu cum Martino Kazanovio validiores copias in Russiam, idque rebus gerendis permultum obstitisse, compensari verò posse si nunc belantis Principis vires & pecunia & novi delectus supplerent, præsertim ipsa sese offerre fortuna, hoste suis arcibus incluso latente liberumq; excursionibus militum campum relincente, indeque sperari pertinaciam animorum brevi flectendam. Vix tandem eò Ordines adduci potuere, ut in eam incumberint curam, at qualis illa! seu vincendis, seu induciis aut pace tranquillandis hostibus annus præscriptus: ideoque parcius imperata pecunia intra unius agrariæ contributionis terminos stetit. Lassi videlicet continuis tributis ad pacis voluptatem aspirabant, recurrebat in mentem formidabile Civibus bellum, & ab armatis extorta stipendia, & coeuntes in foedera gladiis plenæ seditiosorum dexteræ: hinc illud desiderium, ut armorum tantum ostentatione vincendi compendium quæreretur.

Efficet tamen aliquis industria.

HI-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER OCTAVUS.

*Vladislai
exhiber-
nis signa
mouet.*



VLadislai actis apud
Viasmam hibernis ,
cū & de Comitio-
rum statu abunde co-
gnovisset , & interim
adventantium copia-
rum certior foret , ea-
rum præsertim quas ductore Martino Ka-
zanovio æstate præteritâ ad Zolkievium
miserat, edocereturque de Kozacis Zapor-
viansibus in subsidium festinantibus , signa
tandem movere statuit , & ut legiones ad
initium Junii præsto essent in hostem ituræ ,
edicit. Ac in ipso penè procinctu Joan-
nem

nem Lesievium è Societate Jesu conscien-
tiæ suæ moderatorem , virum priscae virtu-
tis ac sanctimonie , eruditumque , quod
præter cæteras lucubrationes Annales Sar-
matici lucem aliquando visuri testantur , in
Poloniam mittit secretis instructum man-
datis , quæ Regi ac Reginae deferret. Com-
meabant quoque per hos dies frequentiores
à Moschis Nuntii colloquii tractandæque
pacis spem facientes , at more gentis subdo-
lè: quippe eo prætextu & Vladislai remora-
ri conatûs , & tempus bello opportunum
extrahere nitebantur, indignantibus Subde-
legatis , & nonnunquam perfunctoriè ad
illorum postulata respondentibus. Et jam
jam moventi signa Vladislao Nuntius à Me-
tropoli advenit , suctis diffugiis de collo-
quio differens : confestimque contra hæte-
nus usitatum morem , intra aliquot horas
expeditus dimissusque est. Spectavit interea
instructâ acie procedentem exercitum , ejus
numerum meticoloso animo oculisque
grandiorem visum , suis postmodum rela-
turus.

*A Mo-
schis fre-
quenter
Nuntii
tractandæ
Pacis
spem faci-
entes veni-
unt.*

Yyy

Pro-

*Miculi-
nus medi-
am inter
Calugam
& Mosai-
scum vi-
am com-
monstrat.*

*Jurkieio-
via Exer-
citus posuit
castris con-
sides.*

*Deliberant
Subdelega-
ti quò ulte-
rius pro-
movendus
Exercitus.*

Promotis tandem castris ad Castellum, quod ultra Viasmam, cui securitatem præberet, excitatum munitumque à strenuo fortique Centurione Gadenno tenebatur, Vladislavus ibidem per triduum substitit, affluentes hinc & inde expectans copias: inde verò Chodkievicius nactus Timotheum Miculinum olim Mosaisci Palatinum locorum peritum fidumque, mediam inter Calugam ac Mosaiscum viam commonstrantem præeuntemque, cum exercitu secutus est: injecta hostibus solitudine, qui distracti anxique tenebantur, quam in partem armorum procella derepente immitteretur. Ita ambiguo itineris tractu ad Jurkieioviam progressus, per biduum ibidem positus castris confedit. Quoniam verò inde veluti divortio inter se facto viæ scinderentur, quarum una Calugam, altera Mosaiscum tenderet: deliberatum à Subdelegatis & Chodkievicio in bellico Senatu, cuinam insistendum & quò arma transferenda essent. Chodkievicius eundem Calugam versus suavit: Esse ibi amoenas fertilisque ad

ad Occam celebrem fluvium terras, quæ facilem com meatum remque cibariam exhausto præberent militi: ad hæc morari ibidem Pozarscium non contemnendis copiis cum imperio præfectum, quem Vladislavus multis ex conjecturis addictiorem constaret, perindeque in hac & Principis & exercitus viciniâ, commodius ejus animum tentari flectique posse, nec leve momentum partibus accessurum: quippe eo exemplo motis compluribus, rediturum Magno Duci Electo, quod jam denegarent, obsequium. Ad hæc morari eo in tractu Opalinii Kazanovique legiones, citius exercitui conjungendas, quæ tam avidè præstolarentur. Verum cæteris (quæ sententia etiam prævaluit) visum est longinqua nimis Moschovia peti, summâ cum temporis jacturâ in bellis haud facile compensanda: præberi hosti occasionem ad intercludendâ Viasmam itinera, occupandaque loca mittendis copiis ultrò citròque opportuna, eò animo-fiori futuro, quò remotior à ferendis subsidiis ageret exercitus: proindeque ipsam Imperii

*Chodkie-
vicius Ca-
lugam
versus
suadet.*

*cæteri Me-
tropolis
petendam
censent.*

perii sedem caputq; petendum quantocius, festinandumque censerent. Viso namque ad ipsas Urbis portas tantus exercitu, auctaque fama, eo pronius Moschos aut ad partes attrahendos, aut ostentatis illatisque armis ad obsequium cogendos. Nec pertimescendam annonæ inopiam, namq; è circumjacentibus Mosaiscum regionibus exercitum tuto ali posse: agendum tantummodo cum hoste ferio, nec per tot ambages locorum viarumq; longinquos anfractus arma circumducenda.

*Chodkie-
vicinus à
tergo Mo-
saiscum
relinquere
non vult.*

Sed quò minus recta Metropolim contenderet exercitus, unica ingensque Vladislai ac Chodkievicium premebat cura: Mosaiscum nempe ab hoste valido firmatum presidio egregieque communitum, quod aut obsidione cingere, aut forti aggressionem expugnare perarduum videbatur, à tormentis obsidionalibus imparato Chodkievicio: inque apparatus penuriâ, qui invadendis expugnandisque urbibus usui esse solet. Irrito verò conatu tentare & ab animis, & à munitionibus præfidentes præfidiarios, famæ Principis intererat, attentis ad eam po-

populis in hac Urbis primariae viciniâ, eoque inclinaturis quò & ipsius fortuna. Relinquere à tergo tantum rerum gerendarum obicem, unde & hostiles copiae explicari carpendoque agmini infestiores provolarent, minimè tutum consultumque videbatur. Flexo itaque paulisper itinere, Chodkievicium ad Borissoviam arcem sesquimiliari à Mosaisco dextrorsum distantem procedere militem iussit, illam ut hosti eriperet, vel certè ad tam opportuni loci subsidium accurrentes Moschos ad certamen, cujus maximè percupidus erat, extraheret.

*Desertu
ad laus &
Borisso-
viam Ar-
cem eripe-
re hosti
tentat.*

Et jam opportunè advenerant copiae Petri Opalinii & Martini Kazanovii: hic quidem post præstitam contra Skinder Bassam viri militaris operam, tardius ad Vladislai redierat, compensatâ nihilominus tarditate, expugnato videlicet Starodubo veteri Ducatus Severiæ arce potentique, ac pluribus Moschorum caesis. Adfuit quoque Czaplinius suis cum velitum Lisovianarum turmis, & Kochanovius à Kozielsko redux, cui tuendo servandoque loco,

*Conven-
iunt Legio-
nes sinistra-
te destrui-
buntque
sunt.*

2 Julii.

cùm à numero militum præfidiariorum impar esset, maluit tempestivè subductis aliquot peditum signis augere exercitum. Atque hoc ad Kremienscum lustrato distributòque in legiones, quarum singulæ & equitatum & peditatum continerent, totidémque iis ductores viri primarii bellicæque laude insignes præessent, secundis castris ad Borissoviam accessère.

*Borissovia
Arx accedunt &
Arx describitur.*

Arx erat è muro saxisque fabricata, raro in Moschovia talium usu: quippe munitio- nes ex trabibus roboribusque invicem junctis compactisque, & aggestâ humo solidatis excitare solent. Penès arcem eminebat templum eadem ex materiâ excitatum, munitumque vallo, fossâ largiore pallationeque eidem annexum, factâ ad mutuum sibi ferendum auxilium per subterraneos specus commeandi opportunitate, exportandique bellici apparatus, recedendique undecunque major vis ingrueret facultate: ita ut expugnatâ arce templum novo invadentium labori integrum restaret, vicissimque templo capto, arcis eripiendæ iterum desudan-

dandum foret. Locum tam probè communitum obtinuère præfidiarii mille ducenti: Mosaisco namque supervenerant milites exercitati trecenti, ex agris ad defensionem perquam idonei octingenti confluerant, numerabantur quoque è Koniu- chi proditoris transfugis quinquaginta prompti defendendæ arcis immori, iique ob- obstitère vel maximè: turpis olim namque sceleris sibi conscii deditioem morabantur poenæ metu, ne ad conspectum universi exercitus subitò Arx dederetur. Cujus aggrediendæ Chodkievicius diem ad Nonas Julii indicit, destinaveratque ex improvviso hostem invadere; ad quem ex ultimis castris nocte integrâ duxerat exercitum, primùmque albescente die pervenerat. Verùm ille consilii gnarus, paratus pro vallo moenibusque pugnaturus constiterat: & Chodkievicius à transfugis in errorem adductus delususque, videlicet nullâ fossâ cinctam munitionem esse, tum & patentem portas nec humo aggestâ obstructas falsò referentibus, irritò conatu oppugnationi institit; bisque

7 Julii.
*Invaditur
irritò cona-
tus.*

bisque rejectus, cum & tormenta muralia deessent, & piloclastra, in quibus omnis spes erat, nullo effectū admoventur, consumtis ibidem aliquot septimanis, posteaquam inde variis cum hoste Mosaiscum usque erumpens velitationibus, qui nusquam statariæ pugnae copiam facere volebat, variâ fortunâ decertasset, ad eam Urbem arcemque Vladislao & Senatu bellico connivente exercitum promovit, explicatis non ad usum tantum (nam res in oculis Mosaisci agebatur) sed ad speciem Ordinibus. Ac confestim ab adventu Lisovianæ turmæ ultrâ Moscuam amnem quâ Metropolim ducebat viâ, stationem cepere. Vladislais cum universo equitatu non procul à Cœnobio Luzecensi, quâ Hrusam versus iter patebat, constitit. Campi medium peditem legiones cum tormentis tenuere. Ad Mosaiscum eo consilio itum est, primum ne potens validusque hostis, si ulterius progrediendum foret, à tergo relinqueretur: alterum ad opem à Metropoli importationesque commeatus in arcem, indeque excursiones

*Tandem
ad Mo-
saiscum
Exercitus
ductus,*

*per statio-
nes distri-
buitur.*

siones inhibendas, deinde captandæ occasionis causâ, si ad pugnam hostes elici possent à qua summa rerum dependebat: ad extremum si locus ille aut stratagemate, aut subitâ aggressione intercipi posset, momentis bellorum, quibus ea constarent, fortunæque invigilaret. Fuere qui dicerent Castello ad Borissoviâ communito, inductisque qui arcem stringerent præsidariis, hosti dedendæ brevi necessitatem imponi posse, aliter Chodkievicio visum, qui ut paucorum præsidium frustraneum, ita plurimum incommodum exercitui censebat, quem extenuare distrahi que non adeo numerosum, summè periculosum prævidebat, adventante præsertim ad Boroscum novis cum trium millium turmis Pozarscio cauto bellandique gnaro duce.

Prospexerant, ut diximus, abunde Mosaisco validâ urbis arcisque munitione & defendentium numero Moschi: at longè fortiolem suique securam reddiderat adventus ab urbe cum exercitu Likovi ducis bellandi haud ignari, qui ponè arcem Castello

*Likovus
& Ma-
strucius
Castellis
excitatis
Mosai-
scum in-
venit.*

Z z z

stello excitato, dispositisque copiis intra
sepes è pallatione trabibusque transversis si-
bique mutuò cohærentibus constructas,
confederat: & nec modò eam tueri, verùm
& prælio decernere sat habebat virium.
Aderat & Mastrucus militari laude in-
signis, qui oppositam arcis portam cum nu-
merosis equitum peditumque quibus præe-
rat turmis, simili circumvallatam munitio-
ne tenebat. Et flos ille erat Moschici ex-
ercitus, quem ad pugnam elicere multis
modis studebat Chodkievicius, impositu-
rus procul dubio summæ rei exoptatam co-
ronidem, præciso tam præpotenti & cui
maximè fideret Moschovia robore: apertâ
namque vi munitiones aggredi oppugnare-
que haud promptum videbatur obsidionali-
bus machinis omnique expugnandarum
arcium apparatu destituto: nullus tamen
præteribat dies, quin aliquibus velitationi-
bus lacessente plerumque Chodkievicio
non certaretur, extrahi tamen ad periculum
universæ pugnae hostis nullâ arte nullâque
vi poterat, quanquam variis militaribus
com-

*Ad pu-
gnam elici
nullo modo
possunt.*

*Velitatio-
nes tamen
frequenter
interce-
dunt.*

commentis in apertum pelliceretur cam-
pum: procedebant nonnunquam feliciter
structi doli, detecti etiam quandoque, dum
aut Centuriones ex insidiis ardentius in-
consultiusque provehuntur, aut aliis signa
inferentibus tardius subsidia advolant: at-
que illis præludiis virtutem animumque
Polonorum experti Moschi, universæ pu-
gnæ aleam declinabant, haud ignari com-
meatum citius quàm audaciam Polonis de-
futuram: interim verò cunctatione vires
frangere, temporisque in cassum elabentis
jacturâ bellantium sistere impetûs tutissi-
mum habebant. Quas porrò velitationes;
quibus utrinque viribus; quo successu agita-
rentur; possem hîc diurna tanquam acta de-
narrare, ni me legentium deterreret fasti-
dium: deductâ nihilominus ad calculum
summâ, periisse hostium paulò supra mille
ex Commentariis illorum temporum con-
jicio, exiguâ cum invadentium noxâ, quam
tamen auxisse videbatur Bartholomæi No-
voduorscii Equitis Melitensis strenui egre-
giique Tribuni vulnus, trajectâ videlicet à

*Hostibus
parvum
prospere.*

*Baribolo-
Novo
duorscius
saucius.*

*Likovus
& Ma-
strucus
Mosaisco
bene muni-
to fugiunt
noctis.*

*15 & 14
Augusti.*

sclopetariis dextra manus, ejusque usus ademptus. Atque hinc fortasse metus Likovum & Mastrucum hostium duces invaserat, ne minutis hisce præliis rarò victores, aut vires suas extenuarent, aut certè Polonorum animos ad extremos provocarent ausus: proinde recenti numerosoque in arcem urbemque Mosaiscensem inducto præsidio, tormentis, pulvere bellico, réque cibariâ in longiùs suffecturâ tempus illatâ, vallo propugnaculisque firmatis, securi & à defendentium pertinaci fortitudine, & à loco perbellè communito validoque, ipsemet suis cum turmis nocte intempestâ tenebrosâque, ventis ac pluvîâ horridâ, tuguriis inter castella accensis, inobservabili celeritate fugientibus quàm recedentibus similes excessere. Et Mastrucus quidem præcedente nocte Likovi fugam anteverterat, & ii qui Borissoviâ arcem contra Chodkievicium pertinaciùs defenderant, per id tempus quo abscesserat Licovus concrematâ annonâ, cujus tamen non mediocris pars igni subtrahita est, velut è condi-

cto

cto desertâ arce vacuâque, summo cum silentio trepidi aufugere. Relictum à Licovo castellum mox invasere pedites, repertâque farinâ ac omnis generis frugum copiâ quæ vel flammæ furorem evasit, vel certè commodè Mosaiscum transportari non poterat, serpentem depulere famem.

Interea dum per integrum mensem Augustum ad Mosaiscum universis cum copiis hæret Vladislaus, advenere è Polonia Sub delegati: Leo Sapieha Cancellarius Lithvaniæ, quem ad Comitata profectum fuisse diximus, & Adamus Novoduorscius Episcopus Camenecensis in locum Andreæ Lipsicii Regni Pro-Cancellarii suffectus missusque. Sed succedentium castris oculos aurisque illico everberavit summa totius exercitus egestas à non persoluto tam diu militari ære excitata, equites equis, famulatio, armis, apparatûque bellico vacui: illos fame enectos concidisse interiisseque, hunc ob pecuniæ inopiam nec comparari, nec refici posse passim querebantur: exprobrantes vociferantesque, quòd plerique eo-

*Borissovi-
am arcem
Moscha
deserunt.*

*Sapieha
& Episco-
pus Came-
necensis è
Polonia
redeunt.*

*1. Se-
ptemb.*

*Militem
fame ege-
statque
pressum
reperunt.*

Z z z 3

rum

rum cogerentur emori, pane non gustato viginti dierum spatio. Pedites præsertim Germani magnis indies coarctati angustiis, aut dilabebantur, aut fame confecti passim cadebant. Adventantium Subdelegatorum rumor spesque insimul advenientis pecuniæ inopes miserósque patientiùs continuerat; at ubi vulgatum nullo instructos ære solatioque adesse, tum demum palàm fremere, exsecrari militiam gravem & infructuosam coepere: incusavere Subdelegatorum incuriam in conquirendâ deferendâque militi debitâ pecuniâ, & quidem exhausto, cujus ærumnarum oculati testes fuissent. Ad extremum turmatim stationem Subdelegatorum adeunt circumstantque, & per Klodzinium virum militarem è legione Kazanovii longo sermone lachrymantésque inopiam, egestatem, famem exponunt, missionem emeritâque stipendia flagitant, quæ amplius se facere nec vel-
*Conquerruntur a-
pud illos
per Klod-
zinium &
ulteriore
detrectant
militiam.* le nec teneri contestantur, voluntatem inhibente tantâ egestate penuriâque, alterum verò vetare legem publicam, videlicet

cet absque ære ulteriorem profiteri militiam.

Studebant exasperatos Subdelegati mitigare emolliréque animos, partim spe jamjam adventantis pecuniæ, partim precibus persuasionibúsque, quas ipsa suggerebat necessitas: immoto ad ea surdóque milite cui egestas aures occluserat, ulterior verò spes haud curæ erat, cujus aurâ in tantis angustiis rei cibariæ vita protrahi non poterat: per multas tandem altercationes leviter aliquot millium pecuniæ summâ aspersi, conquievère: reliqua certis conditionibus ad vigesimum octavum diem Octobris promissa est. Et quamvis illos sacramento militiæ elapsam trimestre, intra quod operam suam addixerant, solveret, juréque missionem flagitarent, in futurum nihilominus promtè se facturos stipendia pollicentur, fide à Subdelegatis acceptâ, Regem Ordinésque id pro rato gratóque accepturos. Stringebantur namque severè secretioribus mandatis legéque publicâ Subdelegati, ne absque Regis Ordinúmque voluntate, ac non nisi præ-

Conquiescunt acceptâ aliquâ pecuniâ summâ.

præsenti paratôque ære militem auctora-
rent: sciebântque novorum debitorum ra-
tionem strictius à se exigendam. Sed vicit
necessitas quæ mandatum transgredi iussit,
rebus præsertim in Moschovia lentius &
nullo cum fructu hucusque procedentibus,
maiore cum damno Principis ac ignominiâ
processuris, si dimissus perperam exaucto-
raretur miles. *Nonnullæ
abunt in
Poloniam.* Quanquam pleræque Centu-
riæ egere contumaciùs, spretâque Subdele-
gatorum, quam scripto dato interponebant,
fide, posthabitis precibus deseruere mili-
tiam, abiverêque in Poloniam. Ac præter
nonnullas velitum, hastatæ etiam Karfni-
cii, Constantini Plichtæ Sochaceviensis,
& Stanislai Zoravini Belzensis Castellano-
rum, demum Petri Opalinii Præfecti Sre-
mensis discessere. Et illi quidem Centurio-
nes nequicquam obtestantes, retinentesque
suos commilitones remansere, egregiam-
que præsentes in castris præstitere Vladislao
operam: at Opalinus voluntati turmalium
obsecutus, ipse quoque ducem se redeunti-
bus præbuit. Quantum verò damnum in-
com-

commodumque discessio tam præpropere *Magno
cum da-
mno & in-
commodo
totius Ex-
ercitus, qui
per hoc at-
tenuatus.* militum attulerit, brevi innotuit: namque
plurimi peditum equitumque redeuntium
manipulis sese immiscuere abiverêque, is-
que præposterus receptus, ut prævalidi cor-
poris nimia sanguinis missio, ita & exerci-
tus universi robur virêsque labefecerat ex-
hauserâtque: Chodkievicio asserente, fati
profectò curarum sibi impendere, si hostis
pugnæ copiam faceret, cum vix expeditos
mille equites in aciem producere posset,
absentibus interea Lisovianorum velitum
turmis, quæ nuper pabulandi causâ egressæ,
longiùs à castris aberant.

Tantæ inopiæ magnarumque quibus in-
dies conflictabatur exercitus angustiarum,
qui Regem atque Archi-Episcopum Regni
Primatem doceret statum, ablegaverunt
Subdelegati Andream Szoldrscium Vladi-
slai Cancellarium: videlicet quantum di-
minutæ exhaustæque essent copiæ à non
suppeditatâ pecuniâ, & à multorum in Po-
loniam abitu: cæteri verò turbidi ac propè
contumaces remanerent: fraudari interim

*Szoldr-
scius ad
Regem
mittitur
expositu-
rus militie
statum.
8 Se-
ptemb.*

opportunitate rei gerendæ Vladislai partes, suo juri tenacissimè insistentis. Tantò autem omnia in præsens periculosiora esse, quantò jam in ipsis Moschoviæ penetrabilibus mediòsque inter hostes versarentur: ubi milite opus foret promptiore alacrioréque quàm qui nunc egens inópique compareret: ac proinde nisi Rex celerius afflictis benignitate suâ consuleret providerétque rebus, frustra Subdelegatorum desiderari operam, vigilémque ac sollicitam curam, testarique eos non à sua negligentia incuriave expeditionis hujus imminetia processura damna, quæ tam sedulò hucusque præcavissent.

Ad Mosaiscum frustra tempus teritur.

per Augustum ad 16 Septembris.

Sesquimensis spatio ad Mosaiscum Vladislai constiterat exercitus nullo operæ pretio, siquidem præter eas de quibus egimus velitationes, haud præclaro aliquo inclaruerat facinore: & hoste clàm abscedente, abscesserat quoque rem egregiè gerendi facultas materiæque bellicorum operum, quæ in solo Mosaisco oppugnando restare adhuc videbatur, nisi & oppugnandi facilitatem

tatem præsidarii, & à loci munitione, & à sua virtute, à re denique cibariâ in multum tempus suffecturâ fortes animosque abstulissent. Chodkievicio præsertim ut ad invadendam arcem, ita ad circumvallandam penitus imparato, quin quod maximè exedebat animum ipsius, cogebatur Mosaiscum deferere, quum & majori indies ipse annonæ penuriâ premeretur, & turbidum illum corruptúmque militari seditione aërem, benigniori commutare aurâ permultum interesset: ostendebátque in consilio militari locum inter Calugam & Boroscum, quò interim exercitus commodè deportari posset, stativa in affluentiore commeatu terris que pinguioribus habiturus: ubi ærumnarum oblitus, & per aliquot temporis spatium recreatus, expeditior ad mandatum Imperatoris signa sequeretur. Nunc verò periculosum esse attenuatas vires ostentari objicique hosti, quæ nec ad excidia arcium urbiúmque, nec ad pugnam ærumnis faméque exhaustæ sufficerent: vacillante insuper militis obsequio utpòte ab ære vacui egentisque. Sub-

Chodkievicius ad deportandum Exercitum locum inter Boroscum & Calugam ostendit.

delegati cū variantibus nonnihil sententiis in diversa abiissent, tandem expensis hinc & inde rationibus coaluere in unum, rectaque Metropolim petere decrevere. Rationes verò eæ potissimum fuere; videlicet stringi se tempore quod annum bello conficiendo Rex & Ordines præscripsissent, & ejus quidem anni jam extremos appetere Menses, proinde nullis aversionibus remorandum distinendumque exercitum esse, cujus militia ad proximum tantum Decembrem fide Subdelegatorum interposita duraret, nullatenus per leges mandatumque Principis longius proferenda auctorandaque. Jam verò & pecuniam ad ultimos Octobris dies promissam esse, interim quo fructu miles quiesceret, fatius ad Metropolim ducendus antequam eundem adultioris Autumni pluviae coenosaque itinera, tum hiemis instantis rigor deterreret, semisopitumque iterum recrudescentibus turbis motibusque efferaret. Occupandum itaque bello, non lascivioribus stativis continendum, commeatum remque

Subdelegata iuxta Metropolim petere suadent.

que cibariam proximiores Metropoli campos suppeditaturos, nec in procinctu itineris defuturum. Ad hæc jam & temporis commoditas, & militum qualiscunque invitat alacritas: facilius etiam Vladislavum Moschorum exploraturum voluntates, si armatus quantocius ad portas Urbis compareret, & Michaëlis oculos non absque perjurio affectantis Dominium, præsentiam suam Dux ipse legitimus everberaret, Processusque Moschos datæ juratæque admone- ret fidei.

Hæc igitur commodissimam bellandi ratione Subdelegatorum suffragiis adinventam, signoque protectionis dato, castra Metropolim versus moventur: & eo quidem itinere, quod ad Hrusam castellum binam pallatione ab hoste communitum ducebat, ejusdemque qui & fluvius, cujus ripæ assidebat, cognominis erat. Inde processere copiae ad Dzuingrodum, ubi loci porrecta planitie amoenitas fluvii Moscuae præterlabentis cursus, annonæ reique cibariæ ingens copia, universum exercitum integro octiduo

Moven- tur castra 16 Septemb.

23 Septemb.

*Dzuin-
grodi Le-
gatos Co-
sacorum
Vladislai
excipit.*

exhilaravit refecitque. Sed majori læti-
tiâ incescit Vladislai, posteaquam ibidem
Cosacorum Zaporoviensium, de quibus
nihil comperti hucusque habebat; adven-
tantes Legatos accepit. Admissi illico retu-
lère quas in Moschoviam ingressi reportas-
sent victorias, nobilissimis Provinciis ferro
& flammâ longè latèque vastatis, excisis po-
pulosissimis urbibus, videlicet Jelec, Liuno,
Sacko, & aliis plurimis deletis, ac eorum
Præfectis in vincula coniectis. Ultra viginti
millibus lectissimorum militum suum con-
stare exercitum, versarique in vicinia inter
Kolomnam & Metropolim, ejusque sum-
mo cum imperio ducem Petrum Konasze-
vicius (aliàs vernaculè à Cosacis Say-
daczni, quasi pharetratum, dictum) ope-
riri mandatum Principis, quam in partem
eas copias transferre juberet, alacrem prom-
tūque Vladislao jubenti pariturum. Enim-
verò in summis exercitū angustis inopina-
tum ac penè de coelo demissum subsidium
omnium gestientes animos maximo perfu-
dit gaudio: habiti itaque comiter Legati,
tum

tum largitione deliniti, dimissique iis cum
mandatis: properaret quantocius Konasze-
vicius, suāsque ad Metropolim conjunge-
ret copias, paucos intra dies ibidem adfu-
turo Principi. Missus insuper Jacobus Ma-
dalinius Tribunus Mscislaviensis vir imper-
territi animi, qui illis illorūque duci vi-
ctorias Vladislai nomine gratularetur: huic
verò præter dona, vexillum, tympana, &
clavam imperatoriam, (usitato eorum mi-
litia more, quasi iis insigniis jam in stipen-
diarios adscriberentur) deferret. Datæ &
assertitæ literæ Madalinio, quæ plura secre-
tōque referenti eidem fidem adstruerent.

Jamque cō alacrius motis à Dzuingrodo
castris intra triduum ad Tusinum perven-
tum est, locum stativis Demetrii Secundi
olim Calusiensis, vulgò dicti celebrem,
haud ita procul à Metropoli dissitum, quò
Konaszevicius ad mandatum Vladislai pro-
peravit, cinctus antesignanorum Centu-
rionūque exercitū sui coronā, & post
demissum venerationis officium, captivos
Jelcii & Liuni supremos Præfectos exhi-
buit,

*comiter
habitos di-
missi, cum
illis mittit
Madali-
nium ad
illorum
ducem.*

*Ad Tusini-
um Ko-
naszevici-
us, aliàs
Saydacny
Cosaco-
rum dux
sua sti-
um salu-
tat, capti-
vos tradit.*

buit, unâ cum Moschorum Legatis ad Percopensium Tatarorum Regulum expeditis interceptisque. Eorum verò legationis summa ex literis patebat: quibus ad infestandas Russiæ terras avertendâsque subitis incursionibus Polonorum vires, Tataros quâ prece, quâ largitionibus invitabant incitabantque. Et Konaszewicii adventus tantò illustrior fuit, quantò recentior à victoria secum ferebat gloriam: namque ad ipsam Metropolim obviam sibi factam lectissimam Prætoriani militis cohortem, dit, cæsis ex ea captisque compluribus, ejusque duce Buturlino clavâ imperatoriâ ex equo dejecto prostratoque.

*In conciliandis
Vladislao
Cosaco
Zaporovi-
ensibus
Leonis Sa-
piehæ ope-
ra.*

At dum hæc refero, nollem fraudare tam illustri erga Regem ac Vladislavum merito Leonem Sapieham Cancellarium Lithvaniæ, cujus industriæ solertiæque excitatas ad inimicarum urbium populationes legiones Cozacorum, debuere illa tempora. Is namque abiturus ad Comitiam dum Orsæ celebri Albæ Russiæ populosaque in urbe subsistit, miserat inde unum è domesticis suis

suis comitibus, qui celerrimè ad Cosacorum primarios advolaret, persuaderet oraretque: neu Principem Vladislavum in Moschovia bellantem suis cum copiis otiosi spectarent, quin illas quantociùs hostili terræ auxiliares immitterent. Reducem nuntium Slonimi acceperat Cosacorum promptam deferentem voluntatem, executioni mox demandandam, Regio præsertim accedente mandato. Id verò brevi accessit, promovente negotium Sapiehâ, apud Ordines autem in Comitibus urfit effecitque, ut transmissâ viginti millium florenorum summâ inter illos distribuendâ tantò redderentur promptiores.

Positis ad Tusinum castris decreverat Vladislavus aliquantisper in hac primariae urbis viciniâ subsistere, operiri que pecuniam, quam à Regni Quæstore missam jam in itinere esse brevique advehendam inaudiverat, insimul & animos Procerum, Nobilium, vulgique Moschovitici explorare, quam tandem in partem seriò inclinarent. Detinebant interea Moschi hucusque Vladislavum

*Vladislavus
ad Tusinum
subsistit.*

Bbbb

*Moschi
aliquā pa-
cificationis
spe deti-
nent.*

*parum sin-
cerē.*

*Per Inter-
Nuntium
suum lo-
cum ad
tractatus
designant
quem Po-
loni respu-
nunt.*

dislaūm aliquā pacificationis spe seu magis ostentatione concordiae, speciosam trahentes disceptandi moram, quod sperarent terendo per ejusmodi Nuntiorum ultrò citròque commeantium congressūs, se tantum temporis infumtueros, donec elapsā bellandi opportunitate, infesta arma aut averterent, aut penitus enervarent. Et patuere postmodum eorum consilia, cum praefidenter jactarent duos se habere potentissimos, quos opponerent Polonorum copiis, exercitūs, Hiemem & Famem: illam sibi amicam rebūsque gerendis percommo- dam: quippe horrido coelo assueti, & per nives gelu concretas solearum beneficio agili cursu volare edocti, militi gravi armaturā tardō torpentique insultaturos se sperabant: hanc verò exhaustis vicis, vastatis agris, deportatāque & avectā in arces annonā, partim à colonis in specūs avias abditis frumentis, mox invadituram certò pollicebantur. Atque eā fiducia tumidè minūque seriò de loco conventui praefigendo per Nuntios agebant, cum tandem per Gregorium Lacium medium inter

inter Boroscum & Mosaiscum campum designant. Sed hunc Subdelegati respuere viciniorem aliquem Metropoli praeferentes, unde brevior commodiorque ad Moschorum Proceres Ordinēsque Nuntiis pateret via, à quorum illi in minutissimis etiam rebus sententiā consilioque pendērent. Properare idcirco jussus Usacovius, qui denuntiaret Subdelegatos Metropolim versūs tendere ad instituendum cum illorum Legatis colloquium, è vicinia commodiūs peragendum. Et datis literis Vladislāus Proceres ac universos Ordines admonuit fidei sacramentique, ut clementiam potiūs adventantis obsequio praecuparent, quàm vindictam perfidiā arcesserent. Eas quidem literas à gente rudi impolitāque omnisque civilitatis ignarā contemtim habitas fuisse scio, contemtiūs remissas per Oporovium, Virovium, Terlecium, Lipscium, factā captivorum commutatione libertati restitutos Vladislāus indoluit: quippe super responsum rusticum barbarūque, Titulum Ducis Moschoviae suo Nomini praefixum, atramento

*Usacovius
emittitur
Metropo-
lim cum
Vladislai
Literis.*

*Litera con-
temtim ha-
bentur à
Moschis.*

mento futorio foedatum conspurcatumque inspexit. . Atque ut est gens fide perversa totaque ex mendaciis & dolis confuta, exprobrantibus post hæc Polonis eam barbariem Moschorum plerisque, quâ tantum affecissent Principem: negarunt tenacissimè, quidpiam à se factum simile, asserentes: venerari se, prout deceret, magnorum Regum sanguinem Regisque filium Vladislaum, cæterum frustra illum Titulum Magni Ducis usurpare, cujus ille jure ob mendacia Patris (eo vocabulo usi sunt) ambitionemque excidisset: clementiam benignitatemque non est quod offerret talium rerum haud indigentibus, vindictam impavidos constantisque nullam se prorsus metuere.

*Qui con-
queruntur
de tam ino-
pinato pro-
pe Urbem
Vladislaum
advenire.*

Sed tam inopinatus Vladislai adventantis nuntius exterruit pervicaces, illicoque per Gregorium Volkovum cum reduce Usakovio ad castra venientem questi sunt. Vladislaum armatum primariæ urbi imminere, cum illi interim à concordia pacificandoque negotio non forent alieni: par an haberent exoptatæ tranquillitatis studium

Sub-

Subdelegati, vereri sese: namque legiones interim in excidium urbium terrarumque immixtas crudeliter grassari, pacis proculdubio commercium interturbaturas, ni protinus omissis populationibus, præsertim verò Konaszevicii copiarum, ad Vladislai revocarentur castra, quæ satius ad Dzuin-grodam consisterent, utpote ad tractatus instituendos commodiore loco. Ad ea responsum tulit Volkovus: abiret referretque suis, redituras à populationibus Moschoviæ copias ne sperarent, ni & ipsi ad legitimi Domini juratum sese reciperent redirentque obsequium: scirent quin etiam advolaturas propediem numerosiores turmas in excidium pervicacis refractariæque gentis conjuratas; eam verò avocationem copiarum subdolè ab illis urgeri, quid enim iis unum in locum arcessitis expectandum foret, nisi ultimam à fame cladem. castra à Dzwingrodo mota esse ob tardius expeditum diutiusque expectatum Usacovium, ne verò sibi persuaderent ea illorum causâ retrocessura, imò eadem mox in conspectum Metro-

*Respon-
dent illis
Subdele-
gati.*

Bbbb 3

polis

*Iterum
Moschi
alium lo-
cum con-
gressum de-
stinant, ubi
primum
ab utrinque
à tribus
Aulicis
missis ne-
gotium or-
dis vo-
lunt.*

*Negant id
subdelega-
ti, ipsique
ad locum
designa-
tum va-
dunt, sed
frustra.*

polis promovenda scirent. Et vix ad Tusi-
num confederat Vladislāus, consternatos
subitò Moschos apparuit: eādē namque
vesperā nuntius advolarat cum literis: Neu
Subdelegati cursum pacificationis interfiste-
re vellent, ad quem continuandum mitte-
rentur ab utrinque tres Nobiles Aulici inter
Chodinkam & Presnam amnes mutuò con-
gressuri, disceptaturique de loco, tempore,
colloquii generalis instituendi: dicturi in-
simul sacramentum, quo euntium & re-
deuntium Legatorum securitati caveretur.
Excanduere Subdelegati, increpitāque morā,
quam frustra in his Aulicorum congressi-
bus traherent, ipsi se venturos ad Nonas
Octobres pollicentur loco ad Chodinkam
amnem designato. Iverēque præmissio Me-
tropolim viro militari Sielankā, qui Lega-
tos ad mutuum invitaret colloquium: sed
cū illi nullatenus elici possent, absque
prævio, cui mordicus insistebant, aulico-
rum congressu, Subdelegati rebus infectis
ad castra rediēre.

At verò Chodkievicium cavillantis ho-
stis

stis illudentisque diuturniore tractatum
colloquiūque morā, ut aliquid interim au-
deret exstimulabat, & Cozacorum recens
adventus, & Lisovianæ turmæ à popula-
tionibus, ad quas à Mosaisco adhuc summā
cū hostium locorumque strage excurre-
rant, reduces, ducis imperium alacres ex-
spectantes. Auctis itaque omnium copia-
rum adventu viribus, Metropolis invasio
oppugnatioque decernitur, cuius situm
brevibus in conspectum dare operæ pre-
tium duco.

*Decerni-
tur inva-
sio & op-
pugnatio
Metropo-
lis.*

Moschovia Urbs totius Russiæ atque
tam vasti Septemtrionis caput est, sitū ele-
gantiā, magnitudine, civium frequentia
percelebris; incerta conjectura illa-ne, an
universum Imperium ejusdem cognomi-
nis, an Moscua fluvius utramque permeans,
ipse sibi & terris proprium nomen com-
modent deferantque. Situm lata amplā-
que commendat planities, ad multa millia
passuum sese extendens, nullis è propinquo
inhorrescens silvis, tantummodò juniperi
fruticetis modicè assurgentibus distincta.
Spar-

*Descriptio
Urbs.*

Situ.

Magnitudo.
lib. 6.

Sparsa hinc & inde per vicinos campos muro educta Coenobia templaque, velut stellæ in lucido emicant Coelo: ex ipsa verò urbe exstantia frequentium turrium portarumque cacumina, Coenobia eminentibus fastigiis decora, ædium sacrarum tholos plerisque auro fulgentes: si deforis aspicias, raram urbium Europæarum præsertim ejus magnitudinis videbis, quæ tali magnificentia elegantiaque ab extrâ conspiciendam se præbeat. Urbis magnitudo tribus, ut alibi diximus, divisa est sepimentis, singulis proprio distinctis nomine, separatis moenibus, turribus, ac portis inclusis: ubique templis, Coenobiis plurimis eleganti assurgentibus structurâ. Bialogrodi, Kitaigrodi, Krimgrodi nominibus suam indigetant Tripolim. Cæterum universim per antonomasiam, eosque ternos ambitus Metropolim tam incolæ quàm exteri appellant: quo cognomine me quoque, uti sæpius cogit usitatum vocabulum, ne urbis quandoque simulque Imperii confundantur cognomina. Magnitudinem auget extra pomeria in-

ingens quasi appendix urbiq̃ue annexa sclopetariorum colonia, ædificiis frequentissima: & quia non muro sed ligneo sepimento cincta, lignæ arcis ab indigenis cognomen accepit. Sedes ibi est militum sclopis majoribus armatorum, quorum numerum continuè ibidem excubantium ad quindecim millia nonnulli recensuere. Ad magnitudinem insuper Metropolis extollendam retulere alii, eam maximas quasque Italiæ, Galliæ, Hispaniæ urbes ambitu suo superare. Intus, si templa ac Coenobia demas, passim lignæ domus sunt, neque ad ullam structæ venustatem, Krimgrodi regia Ducumque sedes magnâ sui parte ad decorem & elegantiam exteris parem, à magistris architectisque Italis educta est. Populi, colonorumque numerum non adeò mihi promtum est referre, neque enim ibidem censa civium capita aliquando aut legi aut audivi, ædium frequentia urbis magnitudo facilem legenti computum dabit. Certè cum unicum sepimentum Alborum moeniorum seu Bialogrodi superioribus bellis à Polonis

Sclopeta-
ria colonia.

Vernacule Strzelecka Slaboda.

Romam, Parisios, Ulyssiponem, Zolkievius in Comment.

Regia seu ducum sedes elegant.

Numerus incolarum.

570 HISTORIÆ VLADISLAI
incensum in cinerem favillamque abiisset,
centenis millibus cives, si fœminas pueros-
que addas, quâ igne, quâ ferro consumptos,
numeratos esse scio.

*Cur eam
Urbem
aggredi
statuit
Chodkie-
vicinus.*

Eam itaque urbem invadendi Chodkie-
vicius cupiditas trahebat, in qua univer-
sum quodammodo Imperium vinceretur:
reputabat hîc totam Michaëlis Majestatem
recens acquisitam fortunamque contineri,
hîc aulam & thesauros esse, hîc totum ro-
bur militemque, at plus hominum quàm
virium, ipsam verò imbellem turbam im-
pedimento Urbi futuram. Consternari o-
mnes posse, si Vladislai arma non jam è vi-
cinia prospicerent, sed sub ipsis sentirent
moenibus, ibidemque tumultuandi ansam
arrepturos illos facile, quibus nec dum Ele-
cti in Magnum Ducem Vladislai excidisset
reverentia, pronusque erga illum affectus
remaneret, qui tam commodâ datâ occasio-
ne elucere posset. Namque dum Vladislai
ab extrâ vim armâque ad asserendum jus
suum exserit, illos ab intrâ consilio, manu,
non defuturos.

Ergo

Ergo noctem inter undecimum & deci-
mum Octobris diem mediam aggressioni
destinat, circumstante reliquo ordinatoque
exercitu, ante cujus signa Vladislai præ-
sente Chodkievicio ac Subdelegatis even-
tum avidè præstolabatur. Promotæ mox
legiones eam in partem quæ pro murorum
casu singulis erant præscriptæ ad invaden-
dum: fuit autem distributio in hunc mo-
dum. Ad portam Karvaciam Bartholo-
mæus Novoduorscius Eques Melitensis
destinatus, quem præcessere ipsius pedites
armati securibus ad disjiciendam pallatio-
tionem castelli portæ præstructi, & quæ in-
terim continuâ scloporum explosione ho-
stem distinerent duo peditum vexilla, suis
cum Centurionibus Buthlero ac Beglio se-
quebantur. Ferebantur postmodum à vi-
ginti gregariis piloclastra portæ applicanda,
ponè eunte Novoduorscio, Jacobo Sobie-
scio, primoribusque Vladislai aulicis, &
quingenta ex Chodkievicii, Kosakovii,
Sobiefcii turmis, selectis loricâque armatis
commilitonibus, qui inter voluntarios tunc

*Tempus
invadendi
& Ordo
describi-
tur.*

Cccc 2

bel-

bellatores comparuerant. In subsidium restabant Lermunti & Seii peditum aliquot centuriæ, & Lifovianorum equitum suo cum Tribuno Czaplinio legio. Quod si etenim ad eam portam felix respondisset eventus, centuriæ Buthleri, Beglii, Hungarorumque in muros subito evoluturæ erant, per apertam verò portam irruptio in urbem Lermunti legioni, Lifovianis copiis, & Raitrum subsidiarius turmis Gadeno & Sobeszciano ductoribus demandabatur. In altera urbis parte ad Verensem portam, prætenfam Castello pallationem effracturi, ivere Nieviarovii & Przylupscii pedites, qui interim hostem distraherent. Breni ac Fulleri præsto erant maiores sclopetarii ducenti, tum lata viginti piloclastra talium machinatore industrio natione Gallo comitante, unaque Martino Leshiovolscio Præfecto Zatorienfi, ac plerisque militibus ex ejusdem centuriâ & Kazanovii legione selectis, & ad quidlibet audendum promittis. Auxiliares à tergo sequebantur Appelmani peditum aliquot Centuriæ, & Zapor-

poroviensium Cosacorum decem millia, ac deinde Raitrum vexilla sex Klebeki, Rozni, Aderkassi, Sokolovii, Potemkini, Platembergii, omnes ii subsidiarii signum invadendi irrumpendique in urbem expectabant, disjectâ apertâque portâ jam patientem.

Nec minor interea defensoribus cura, qui ab aliquot peditibus Germanis transfugis edocti præmonitique, observabant Polonorum consilia, præcavebantque densatis ad portas præsidiariis novisque operibus munitas, & disposito frequenti per moenia propugnaculâque milite, expectabant imminentem procellam, non adeò ferituram quia prævisam. Ergo jam dato signo ad utramque portam procursum est. Et ad Karvaciam quidem Novoduorfcus pilocla-

*Moschi
a transfu-
gis præmo-
niti non
imparati
invasio-
nem
spectant.*

*Novodu-
orfcus
primi Ca-
stelli fores
pilocastro
effringit,
aliud ad
portam
Urbis ap-
plicaturus
vulnera-
tur.*

obductum cicatrice rubebat. Læso Novoduorfcio applicandi piloclastri nullum concedebatur tempus ab accurrente ad portam celerrimè hoste, in cuius aditu certabatur non uno genere pugnae, simul sclopiis, simul gladiis, & maximè à furente glandium procellâ aggressorum latera fodiebantur: atque ii languentibus jam animis quos, ut viros fortes militaresque decuit, aliquot horarum spatio fortiter exseruerant, cum & Lisovianæ turmae auxiliares, & Lermunti peditum Centuriæ starent immotæ, frustrâque illorum respectarent subsidia, albescente die tandem retrocessere, acceptâ illatâque penè ab utrinque æquali clade. Triginta cæsos fuisse constat quorum cadavera ad explendam tyrannidem retraxere Moschi, faucios ferè centum. E Nobilibus cecidit Janikovius è Kosakovii Centuriâ commilito, fauciati è Primoribus præter Novoduorfcium Equitem Melitensem, Jacobus Sobiescius Palatinides Lublinensis unus è Subdelegatorum numero, Christophorus Sapieha Palatinides Vitepcensis, Steczke-

pugnatur
ad portam.

Retroce-
dunt Polo-
ni pari pe-
nè ab ut-
rinque
clade illatâ
& acce-
ptâ.

Sancii è
primori-
bus Sobie-
scius &
Sapieha.

Steczkevicius, Pasek, Komorfcius, Seyus, ac Begel. Paulò plures ab hostibus desideratos totidem vulneribus confectos à transfugis & exploratoribus compertum est. Ex altera parte ad Tuerensem portam à Martino Lesniovolfcio suo cum machinatore Gallo nihil attentatum, largiore fossâ inhi-

Ad alte-
ram por-
tam nihil
attenta-
tum, cur?

Hic fuit exitus destinatae invasionis à præviso impetu parùm validæ, nec sine tamen culpâ aliquâ ductorum peractæ. At Chodkievicium virum, si quem Imperato-

Invasio
illa irrita
fuit non si-
ne culpa
nonnullor-
um.

Et Chod-
kievicus
magis se-
cretum te-
nuisse de-
buerat
Consilium
invadendi.

tam

tam diu valida tutaque, quàm diu arcana.
 Et Mosaisci excidium & Borissoviæ arcis,
 ut diximus, ruinam minabatur repentina
 nocturnaque invasio, nisi tam nota fuisset
 ut prodi posset. Tantò maiorem adeptum
 claritudinem Zolkievium veterem cautum-
 que bellandi Ducem comperio, qui consilii
 sui celati pressique, qualem ad Clusinum fru-
 ctum tulerit, testis est illa celeberrima victo-
 ria, quæ Moschoviæ jugum, ipsi verò cum
 laurea nominis æternitatem imposuit. Et
 si externa memorare libet: Alexander Far-
 nesium Belgarum Camillus, & Ambrosius
 Spinola clarissimus fortissimisque dux, in-
 observatis hosti consiliis quantas Hispano
 Regi, quàmve validas restituere urbes,
 docent Belgici Annales. Alterum erratum,
 videlicet nulla ad portam Carvaciam cum
 hoste pertinacissimè certanti Novoduor-
 scio submissa auxilia: consternati quippe
 Moschi pavidique jam moenia linquere nu-
 daréque præsidio cœperant, ni recipien-
 tium sese importunam fugam Germani pe-
 dices Moschis militantes à Miekicia porta
 accu-

Qua in
 parte laus
 tribuitur
 Zolkievio.

Et exteris
 ducibus
 Alexan-
 dro Far-
 nesio &
 Ambrosio
 Spinola ob
 idque Ur-
 bium ex-
 pugnatiori-
 bus.

Alia erra-
 ta oppu-
 gnantium.

accurrentes, stitissent: non inspectæ verò
 antea per speculatores fossæ, nullæ præpa-
 ratæ scalæ, sanè eos, ad quos hæc spectabat
 cura, arguebant, monebantque in bellico
 senatu Subdelegati, sola piloclastra usui vix
 futura, neque in iis spem reponendam esse,
 si interim cætera ad invadendam urbem,
 scalæ præsertim quibus miles in summa eni-
 teretur, deessent.

Sed licèt capi tunc Urbs non potuerit,
 fructus tamen aliquis hujus aggressionis ap-
 paruit. Moschorum promptior, ut videba-
 tur, ad instituendos de pace tractatûs vo-
 luntas, & armorum injuriæ illatæ neutros
 ab ostentatione concordiae retardabant.
 Congressum nihilominus aulicorum futuri
 cum Legatis colloquii prænuntium tenacis-
 simè petière, neque ullatenus dimoveri po-
 tuère à proposito, cum & minùs necessa-
 rium, & contra morem hætenus usitatum,
 & summam temporis secum jacturam tra-
 hentem Subdelegati censerent ostenderent-
 que: maluère tamen postmodum hostium
 cedere pertinaciæ quàm à Republ. pacis

Ab illa in-
 vasionem
 Moschi ad
 tractatûs
 promptiores
 reddun-
 tur.

D d d d

avi-

*Congressus
aulicorum
illis per-
mittitur,
expediunt-
urque
Malinius,
Nieborovius
&
Rydzicinus.*

*Tempus
& locus
congressui
Legato-
rum desi-
gnatur.*

*Cosaci
Zaporovi-
enses &
velites Li-
soviani ad
vastan-
dam Mo-
schovi-
am dimittun-
tur.*

avidissimâ rupti infectique negotii leviori de causa accusari. Nominatis itaque Malinio, Nieborovio, Rydzicio, eos certo cum mandato de loco, tempore colloquii, securitatēque colloquentium Legatorum, ab utrinque tractaturos expediunt. Plurimum dierum is labor fuit, cum gente callidissima, suspicaci, semperque novas ab astutiâ mutuante inferentēque difficultates: tandem post tot fastidia nausēasque, locus sub ipsis primariæ Urbis mœnibus ad Presnam amnem designatur, tempus congressui Legatorum ad pridie Kalendas Novembris præfigitur, securitas colloquentium totiūque comitatû dicto ab utrinque sacramento firmatur.

Interim ne arma quiescerent, neque enim tam numerosum exercitum uno in loco ob alimentorum inopiam attineri expediebat, Cosacorum legiones jussu Vladislai Kolomnam versûs Pereaslaviāque percurrentes, omnem illam fertilem ditionem quâ ferro quâ igni pervastabant, & Liso- vianæ turmæ pari in hostem impetu ferebantur,

bantur, cæde ac flaminâ pervicacium ulturæ perfidiam; ulciscébanturque sat feliciter, cum ducis illorum Czaplinii jacturâ è Castello nobilis cujusdam Moschi destinato inobservabilique sclopi ictu prostrati, faustos armorum progressus interturbavit. Ejus vulgatâ in castris morte, luxit exercitus virum bellicosissimum, cujus fortitudinem singularēque in rebus animosè gerendis dexteritatem sæpius mirari extollerēque solebat.

Dum infestis armis Provinciarum Urbiumque Moschoviæ cervix ad debitæ venerationis officium Vladislao Electo Moschoviæ Duci reddendum flectitur, visum etiam mollioribus remediis è Metropoli contumaces ad obsequium evocare. Appetente namque colloquii designato die, delectum mox ad Presnam amnem ponè ipsa urbis mœnia præterfluentem vicinūque Tuerensi portæ locum petière Subdelegati: Adamus Novoduorfcus Episcopus Camenecensis, Constantinus Plichta Castellanus Sochacoviensis, Leo Sapieha Ma-

*Czapli-
nius Liso-
vianum
dux oc-
cumbit.*

*Conveni-
unt ad
Presnam
amnem &
Poloni &
Moscho-
rum Le-
gati.*

gni Ducatûs Lithvaniæ Cancellarius, Alexander Gosievius ejusdem Ducatûs Referendarius, & Jacobus Sobiescius quingentis equitibus peditibûsque cincti. Et eas quidem turmas à latere militariter instructas, earum continuere ductores, soli Subdelegati cum quinquaginta nobilium militumque honorariorum globo processere. Supervenerant jam & Moschorum Legati Theodorus Joannis Seremetus. Daniel Joannis Mezecius, Arthemius Bazilii Ismailus, Joannes Joannis Bolotnikus Magni Ducatûs à secretis, Matthæus Sumovus Legationis Notarius. Nec procul hinc & inde ad ipsa urbis moenia bis mille equites peditesque illorum comparebant, quos in belli speciem Tribuni explicaverant. Primi Moschi dictâ Regis impertitaque salute, cum vicissim ab his perhumaniter invitati, quò commodius colloquerentur, ex equis descendere nollent, ea mox proposuere. Venisse se annuente Magno Duce Moschoviæ Michaële (cujus titulos ad nausæam usque recensuere) ad colloquium de pace institui-

*Moschi
Subdelegatos
primo
salutant,
præcavent-
que ne ulla
mentio
Vladislai
tamquam
Electi
Moscho-
via Ducis
fieret.*

stituendum, inter eundem Magnum Ducem & Sigismundum Poloniæ Regem: eo præcauto ne ulla mentio Vladislai Principis fieret, ejusque prætensi juris, quod jam ipso tempore evanisset, eodemque penitus excidisset. Id namque si urgere pergerent, non sperarent ulteriores congressus, scirentque omnes Moschoviæ Ordines cum vitæ fortunarumque etiam dispendio nunquam se Magnum Ducem Michaëlem deserturos. Ad hæc adjecere suetâ garrulitate verbisque ad fastum & arrogantiam attemperatis, nullatenus se hucusque pacificandi negotii cupidos fuisse, nisi se primum Poloni sollicitè provocassent. Quoniam verò ea semper colloquii summa aliquot congressuum fuit, singulos referre ut supervacaneum esse duco, ita conflictus rationum de jure Principis Vladislai certantium in unum collectos, brevibus proponam.

Legatorum itaque Moschorum sermonem excepit Sapiëha Cancellarius Lithvaniæ, refutatâque arroganti jactantiâ quam in vanum exseruissent, cum plenè constaret

*Respondet
Leo Sapië-
ha.*

Moschos
ad servian-
dum iura-
mentum
adhorta-
tur.

ret ipsos per Zelebovium cæterosque Nun-
tios penè supplices, primosque ad promo-
vendam pacem Legatos sollicitasse: mox
eos juramenti Vladislao præstiti admonuit,
quod ultrò & exorato Rege Sigismundo,
ne ipsis invitantibus ad sceptrum Moscho-
viæ Filium denegaret, alacres promptique
dixissent. Viderent quantum esset flagitium
perjurii sese contaminare scelere, ab irato Numine
severè vindicando. Ne sacrosancto tremendoque
illius Nomini illuderent, ni parem exspectarent cla-
dem quali nefarius hic lusus plerisque Regibus Re-
gnisque, ut exempla docent, constitisset. Reciperent
proinde Principem Electum suisque arcessitum votis,
cuique omnes haud coacti dixissent Sacramentum. At
quanto id cum emolumento ornaméntoque totius Impe-
rii facturi essent, dispicerent. Habituros se Magnum
Ducem, Cæsarum, Regum, quorum Christianus Or-
bis regitur sceptris, veram progeniem, eoque unice
venerandam. Exulaturam tyrannidem quæ hætenus
levi ex causâ principes afflixisset familias, cum unius
noxii crimen pater, mater, cognati, tota denique do-
mus suis spoliata fortunis pari expiaret supplicio: aliam
regiminis formam à pio, optimo, clementi, Christia-
nisque

nisque virtutibus conspicuo sperarent Principe, qui
non ad arbitrium voluntatèque, sed ex præscripto ju-
ris & æqui meritorum præmia & pœnas suis irroga-
ret subditis. Habituros denique libertatem ut corpo-
rum, ita & animorum; victuros omni metu solutos, solâ
sibi obsequii amorisque erga Principem restante gloriâ.
Quæ verò emolumenta fœderatam Poloniæ Moscho-
viam manerent, considerarent: præter commerciorum
utriusque gentis facilitatem commoditatèque mutua
utrinque connubia & affinitatum vincula, unde coa-
lescentibus animis viribusque, vicinis perquam for-
midandi evaderent: præcipue vero Turcis Tatarisque
juratis Christiani nominis hostibus: sopirentur ad ex-
tremum omnes controversiæ de Provinciis, arcibus
urbibus, à Ducibus olim Moschoviæ fraudulenter in-
terceptis, quæ hucusque intercesserant: facili concordia
inter Patrem & Filium litem dirimente. E contrario
viderent quæ à Michaëlis regimine damna illis!
quæ ignominia! quantumve dedecus impenderet! Non
posse illum diutius cælo exprobrare patientiam tanti
criminis reum, qui pessimis artibus summâ cum perju-
rii labe, non Procerum suffragiis, sed tumultuantium
Cosacorum impetu, clavum Imperii arripuisset. At
quis ille? nullo natalium genere splendidus, unius
Cæ-

Emolu-
menta
fœderata
Moschis
Polonia.

Damna à
Michaëlis
regimine
provenien-
tia.

Cænobiarchæ filius, cuius impar esset sceptro nobilitas, quæ longè clarior in familiis *Mscisla* viorum, *Suy-sciorum*, *Trubeciorum*, *Galicinorum*, *Szeremetiorum*, *Mezetiorum*, cæterorumque eluceret. Atque si inter *Proceres Moschorum* de loci dignitate præeminentiâque plerumque exoriri solerent contentiones, quo animo nunc generosa pectora ferrent, aut in posterum latura essent supremum occupantem solium, hominem infimæ nobilitatis, ætatisque imbecillæ, quam unâ cum Imperio *Mater* impotens fœmina regeret, muliebribus consiliis pessundatura *Moschoviam*. Insuper aspernatos Principes externos vicinôsq; *Michaëlem* ut imparem, invasuros impune ditiones ipsius insultaturôsq; Provinciis, aciente contemptu illorum audaciam. Redirent itaque ad legitimi Domini obsequium, liberarent sese tam fœdo perjurii crimine, néve vindictam ab irato arcesserent Cœlo, à clementia verò *Vladislai* secûrè sibi veniam pollicerentur, certique essent gratiæ ac munificentiae Magni Ducis.

Replicant
Moschi.

Ad ea *Moschi* dedere responsum in hanc, ut accepi, sententiam: Non imus inficias electum esse à nobis in *Magnum Moschoviae Ducem Vladislaium*, suffragiis & animis concordibus, res à nobis

à nobis acta est, præstitimus futuro Principi iuramentum, pro ejus salute incolumitatēque supplices ad Divorum aras ivimus, vota detulimus, ipsius nomen titulūque præferebant edicta, literæ, annuli signa-
torii, moneta aurea argenteaque, *Metropolis cum* fatentur se elegisse Vladislaium in Magnum Ducem.
Ducali sceptro, corona, gazâque & omni ornatu *Stanislao Zolkievio* Palatino *Kioviensi*, & *Supremo* armorum duci tradita deditaque, ad adventum Principis retinenda. At dum *Electum* avidi præstolamur *Vladislaium* ad ejusque præsentiam anhelamus, tunc verò ille non comparuit, quin imò & *Legati* qui ad arcesendum deducendūque iverant, contra jus gentium detenti vinctique: Rex suam potiùs quàm filii causam egit, Imperium *Vladislao* delatum ambivit, perque suos emissarios *Procerum* voluntates flectere studuit, ut sibi potiùs deferrent regimen utpote ævi Regni que maturo, cui adhuc tenera filii ætas impar esset. Horret animus meminisse insolentiae vestrorum militum, pressi divexatque hospites præter alimenta, vinum & cupedias, æs extortum, carissima quæque in oculis abducta raptaque: Uxores filiaque inspectantibus maritis parentibusque stupris fœdatae. Jam verò à mero turbidis perque urbem vagis illata obviis vulnera, rixæ, contentiones excitatae, tanto contem-

Qui vocatus non comparuit, Rege magis suam promovente causam.

Insolentia Polonorum in gens; cui ferenda Moschi impares.

Eeee

tu

tu gentis, ut non aliò populares nostri quàm canum Moschovitiorum, proditorum, latronum nomine compellarentur. Ad extremum nec à templis sacrariisque manûs abstinuere: Metropolis incensa redactaque in favillam, thesauri longâ Ducum parsimonia coacervati, direpti, vastatum Imperium, res fortunæque pessundatæ, quàm immanem vestrorum arguunt insolentiam! Ergone tam diu nos servilis patientiæ documentum esse oportuit? Ergone vestris mendaciis Principis adventum trabentibus differenti-
busque ludi oportuit? Exspectavimus Vladislaium læti lubentisque, vocavimus, institimus, tulimus sat diu vestrorum fastidia, cum nulla spe venturi Principis affulgente, interea vacillantem absque Rectore Imperii navem turbo concuteret, sprete contemti-
que, per absentiam Electi Ducis ad alium vota suffragiaque deferre ipsa penè pereuntium necessitas suasit, detulimusque Michaeli Fiedorovichio, huic Inaugurato sacramentum diximus, vitam fortunæque nostras devovimus, tum primum ab eo defecturi, cum nos vita sanguisque defecerit. Licet verò, prout asseritis, non tam illustri genere ortus sit, in cassum id objicitur, quandoquidem eum æterni Numinis beneficium Regibus quibusvis Maximis parem esse jusserit, faventis cœli calculo

Absque
Rectore
Moscho-
via duntius
esse non po-
tuit, proin-
de electus
Michael
Fiedorovi-
cius.

eum

eum splendorem acceperit, qui natalium compensavit claritudinem. Neque vos, ô Legati, decet contumeliosis incessere dictis Christum Domini, ni à dicendis abstinetis injuriis, paria de vestro Principe mox audituri estis: qui apud nos vestris non eget clogiis, frustra nobis invitis illum obtruditis, desistite rem tractu temporis evanidam memorare, nullatenus jam restituendam.

Quem
Deus hisce
terris im-
posuit
equalém-
que ceteris
Monar-
chis esse
iussit.

Differebant contrà Subdelegati: speciosam magis quam veram obtendere illos sui perjurii excusationem, cum omnem in tardio-
rem Principis adventum rejicerent culpam. Quî enim veniret, cum vix à dicto sacramento nefarii proditores comparuissent. Leponovus, Pozarscius, cæterique excitatâ seditione, commoto vulgo ipsimet imperium affectantes. Itane verò conjuratis rebellium manibus objiciendus erat Vladislaius? ad quas coercendas nulla Proceres contulissent consilia, nullas expedi-
vissent vires, immotique otiosi tantum fuissent spectatores. Eane fuit voluntatis affectusque constantia? quisquis proditori con-
nivet, ejus & ipse (tectus licet) personam agit. Opprimenda erat in herba seditio, puniendi rebelles, obviandum temerariis consiliis, pacandum Imperium restituendumque tranquillitati, tum ab adventu præ-

Respondent
secundò
Subdele-
gati.

Vladislaius
venire in
Moscho-
viam non
poterat
propter
erumpen-
tem rebel-
lionem.

sentiâque Vladislai discussâ jam tumultuantium nube, nova Moschoviæ illuxisset serenitas. Philareti Gallicini detentione nihil contra jura gentium peccatum est, quandoquidem non Legatos sed proditores agerent, tantique convicti evidentibus documentis sceleris, acerbius meruissent supplicium. Incensam direptamque Metropolim inscio Rege, inscio Vladislao, eam tulisse calamitatem: indoluere Principes cladi publicæ, at unde illa? læsam à proditoribus militum Polonorum patientiam in furorem erupisse, obseſis à Lepuno, Pozarscio, Zarucio, coarctatisque quid aliud supererat nisi arma solaque vindicta adeo nefariæ conjurationis. Quidquid insolentiùs patratum à milite, quidquid dictum contumeliosius, sibi illos imputare debere, qui paribus contumeliis jurgiis, rixâ, hostili denique animo innoxios exasperassent. Faceſſerent itaque suis cum quæſitis coloribus, quos in cassum non absque mendacii notâ aperto inducerent perjurio, neve juramentum præstitum rem temporis tractu evanidam appellarent, quod non annorum definiſſent spatio, sed in perpetuum Vladislao, ejusque successoribus pro se suisque dixissent posteris. Neque verò sperarent deferendam à Deo æquissimam Vladislai causam, quem daturum tantum vi-

rium

rium Polonis considerent, ad promovendum ipsius jus vindicandamque injuriam, nullatenus ab iis vitæ sanguinisque etiam dispendio deferendam.

In hunc itaque modum, cum ab utrinque de jure Vladislai disceptationibus altercationibusque contenditur, aliquot congressus frustra fuere: Moschis pertinacissimè suo pro Michaële decertantibus, ad mentionem verò Electi Ducis Vladislai ita obstinatis obduratisque, ut nec amplius ad colloquium redire extremâque se potius pati velle minitarentur, si Regii eam rem (quam toties quoties tractu temporis obſoletam præteritamque appellare solebant) tantâ contentione promoverent. Et tantò elatiores fecere interceptæ unâ cum tabelario literæ Regiæ, quibus mandabat Subdelegatis: Si Moschorum pervicacia in recipiendo Vladislao nullatenus flecti frangique posset, bellum aut perpetuâ aut sequestrâ terminarent pace. Neque celavere Moschi mandatum Regium, prolatisque in tertio colloquio literis, culpabant Subdelegatorum fidem, quasi non cum ea agerent

Moschi
pro suo
Michaële
acerrimè
decertant.

31. O-
ctob. 2.
Novem-
4. No-
vemb.

Literas
Regias
ad Subde-
legatos da-
tas interci-
piunt.

Eccc 3

quam

quam suo deberent Regi: facilè refutanti-
bus Subdelegatis, recentioraque mandata
obtinentibus, quæ nuper duo ex ipsorum
Collegio ad castra reduces attulissent.

Episco-
pus Ca-
mene-
censis &
Sapieha.

Ad red-
dendum
obsequium
Vladislao
Moschi
nullis
mediis in-
dici pos-
sunt.

In tantâ igitur contumacissimæ gentis
perviciaciâ, præcisa erat omnis spes resti-
tuendi legitimo Principi obsequii, à quo
conjuratæ omnium abhorrerent mentes,
nemôque compareret qui propensionem
suam sincerè aut seriò demonstraret. Ad-
hæc reputantes Subdelegati arma virésque
redigendis in ordinem barbaris parùm va-
lidas, & quotidiano abitu discessuque mi-
litum extenuatas legiones, earum verò
quæ remanerent, ob parcè submissi æris
penuriam continuos questûs ac indignatio-
nem, erupturósque propediem missionem
flagitantium tumultûs: considerantes insu-
per mandati sui tenorem, quo à Rege ac Re-
pub. instructi essent, inspectisque literis Re-
giis pacem non bellum jubentibus, ad me-
dia tandem descendere statuunt. quibus
hoc finiri, illa verò salvâ Regis dignitate &
Vladislai Principis jure stabiliri posset. Et
is

is quidem edocebatur à Subdelegatis sin-
gulorum congressuum colloquia, referen-
tibus, quantâ secum contumaciâ hostes age-
rent, quàmve alieno essent animo, nec ali-
ter nisi ultimâ armorum ratione inflecten-
do adigendoque: ac proinde per Episco-
pum Camenecensem monstrato, quod Var-
soviæ subscripsisset, diplomate, prolatis Re-
giis literis pacem jubentibus, deinde man-
dato secretiori, quo instructi essent: exposi-
tâ omnium Ordinum mente, quibus jura-
tam obligassent fidem, oravêre ut benignus
sese ad eorum accomodaret voluntatem,
atque interea temporis aliquantum de suo
remitteret jure. Nullis se profectò scri-
ptis adigi posse, respondit Vladislais, ad tam
evidens jus deferendum, quod orbis totius
judicio committere non reformidaret,
posseque adhuc temporis successu pervica-
ciam rebellium commodiùs frangi, attamen
invitis se imperare nolle, vellêque ob-
sequi Reip. patriæ suæ charissimæ rationi-
bus, eâ conditione interpositâ, ut Moschi
supplices apud se per Legatos compare-
rent,

Vladislao
singulo-
rum con-
gressuum
colloquia
referunt
Subdelega-
ti, orant-
que neis à
Pace ne-
gotio alic-
uius esset.

Vladislais
ad Pacem
inclinat
certis con-
ditionibus.

rent, veniam rebellionis peterent, arces pecuniâque (quod leviori de causa Suecis fecissent) adnumerarent, tum primùm à juramento sibi præstito absolvendi.

*Eas propo-
nunt Sub-
delegati in
sequenti
congressu.*

Atque ea in proximo congressu post as- fertum prius propugnatumque more solito validissimis rationibus Vladislai legitimè Electi jus, proposuere Subdelegati, obtu- lerêque pacem perpetuam, si arces urbês- que proditoria regnantibus Alexandro & Sigismundo Primo Poloniae Regibus inter- ceptas restituerent: Vladislai verò Pleſco- viâ cum territoriis adjacentibus donatâ contentum facerent. Sed Legati perpe- tuâ pace repudiatâ respondere more suo barbarè contemtimque: Supplices Mo- schos neu sibi polliceretur Princeps, pecu- niam arcêsque prætenso jure redimendo ne peteret, illud namque jam evanuisse mendaciis vestris penitus abolitum esse: sibi nihil ampliùs cum Vladislao negotii intercedere, abiret ille hinc, seque ad Pa- trem reciperet: Subdelegati verò remisso rigore temperatiùs aliquid in medium ad- ferrent.

*Rejiciunt
contem-
tim Mo-
schi.*

ferrent. Tum verò Regii compertâ soli- tà gentis versutissimæ perviciâ: & quâ tandem conditione inducias stabilire, & cujus temporis spatium inducias circumscri- bere optarent, interrogavere: responden- tibus, Retinerent interim Poloni Smolen- scum, reliquis verò cederent arcibus, pa- cem sequestram in viginti annos proroga- rent. Enimverò movit indignationem ridiculum Moschorum postulatum, & post multos altercantium ab utrinque sermo- nes obtulere tandem Starodubum, Czer- nichoviam, Muromscum, Poczepoviam, Neulam, Siebiezum, arces urbêsque, si pax sanciretur, restituendas. Verùm nega- bant Subdelegati se iis tantum locis acquie- scere posse, nisi adderent Branscum cum ter- ritorio Comarzinensi, Novogardiam Se- veria, Trubeckum, quandoquidem ii vi- cissim Viasmam & Kozielscum restitue- rent. Hærentibus ad ea pertinaciùs Mo- schis colloquium tandem irritum fuit, con- certationesque averſis aliò mentibus repen- tè dissolutæ sunt, cum hac Subdelegato-

*Smas mis-
sim propo-
nunt.*

*Poloni in-
dignantur
& certa
loca sibi
tradi po-
stulant.*

Ffff

rum

*Solvitur
colloqui-
um: Poloni
acrius bel-
lum Mo-
scho de-
nuntiant.*

rum denunciatione: Quandoquidem ea
pactionis capita ad conciliandam pacem
percommoda contumaces aspernarentur,
populosque optatæ tranquillitatis fructu
perperam frustrarentur, certò scirent itu-
rum cum suis copiis in penitiora Moscho-
vitici Imperii Vladislavum, ibidemque sum-
tis hibernis initurum vias rationesque cum
aspernantibus subditis transigendi. Sed ni-
hil prorsus ea denuntiatio Moschorum ani-
mos perculit: quippe falsò à transfugis edo-
cebantur, credebantque excessurum brevi
è Moschovia suo cum exercitu Vladislavum,
quem immitis supra modum Coeli rigor ad
clementiora hiberna compelleret: si verò
obstinatius pergeret, ejus copias à fame &
frigore duobus veluti validissimis hostibus
delendas sæpius jactabundi minitabantur.

*Exercitus
à Tusino in
interiora
Moscho-
via move-
tur.*

Sed jam momenta urgebant aliò depor-
tandi à Tusino exercitum, & qui hætenus
fecerat moram advenerat nuper Vlosto-
vius à Quæstore Regni cum pecunia missus,
& miles impatiens uni se affixum loco tam-
diu querebatur, à consumpta annona rei-
que

que cibariæ inopiâ insolentior factus: de-
fecerat enim equis pabulum, & sub dio
agentes legiones acriora frigora perure-
bant, exultà ab hoste cum circumjacenti-
bus pagis materiâ ad excitanda tuguria ca-
strensia perutili. Murmurantem itaque mi-
litem motis castris composuere duces, itum-
que est in penetralia Imperii. Et sub ipsis
moenibus urbis primariæ tendentem expli-
catis signis, instructâque acie exercitum
conspexere Moschi, attonitique qui eò
processurum nunquam speraverant, & sive
attoniti, sive perterriti, copias illas nullis
aut excursionibus, aut machinarum explo-
sione euntes lacessivere: certè quid illis in
tam subito periculo consternationis fuerit,
promptum est suspicari. Nec vana fuit suspi-
cio; prodidit namque metum subito pro-
perans à Metropoli nuntius compellansque
Subdelegatos: neu inceptum de pace col-
loquium abrumperent, redirentque potius
ad solitos congressus optato uti sperarent
terminandos fine. Verùm nec dignitas,

6 No-
vembris.

*Instructâ
acie sub
ipsis moe-
nibus Ur-
bis prima-
riæ tendit.*

9 No-
vembris.

*Moschi
iterum ut
ad collo-
quium*

*Subdele-
gati rede-
ant, invi-
tanti.*

*Nolunt
Subdele-
gati, mit-
tunt tres
splendide
Nobilita-
tis viros
ad nego-
tium per-
ficiendum.*

delegatos jam retrogredi, tantò verò minùs à Coenobio Trinitatis, ultra quod Vladislai constitisset, abessetque jam à Metropoli leucis circiter octodecim, commodum erat ire redireque tractandi negotii causâ. Quapropter compendiosius visum si tres Nuntii, viri ut splendida nobilitatis ita rebus conficiendis pares, Metropolim ablegatur: delectique qui irent Christophorus Sapieha Palatinides Vitepsensis, Karfnicius, Hridzicius Regi à secretis: mox instructi secretioribus mandatis juxta quorum præscriptum cum Moschorum agerent Legatis: datæ ad eosdem literæ fidem adstruentes, suadentesque ut si feliciter in æqua pactio- num capita inclinarent animi, ipsimet præsto adessent plenâ muniti facultate, ultimam mutuis consiliis manum tanto operi im- posituri, conventaque ab utrinque juramento firmaturi. Locum verò quo convenirent proximum Coenobio Trinitatis, eorum se faciles permittere arbitrio.

*Vladislai
ultra Me-
tropolim
in peni-
tiora.*

Ostentabat in ipsis penetralibus Moscho- viæ arma Vladislai, eoque processerat quò ante

ante illum Principum Polonorum nemo, *Moscho-
via pene-
trat.* adactus refractarias mentes ad obse- quium, & laceratis Imperii visceribus, ter- rarum vastitate, excidiis Provinciarum, flexurus immites animos. Atque jam Coe- nobium Trinitatis notus superioribus bellis locus apprimèque opportunus, vicinam verebatur potentiam, alia ex parte Perea- slavia urbs populosa fatum suum in horas exspectabat, ni portas liberè aperiret. Dis- positæ itaque per adjacentes pagos suis in stativis manebant legiones: Vladislai Rochaczewiæ prætorio milite cinctus substi- terat: Chodkievicius in Pereaflaviæ viciniâ copiarum partem locaverat, Adamus No- voduorscius Episcopus Camenecensis, Leo Sapieha Cancellarius & Gosievius Referen- darius pagum Swatkowice occupaverant Principis stationi penè contiguum, à Coeno- bio verò Trinitatis sesquihoræ intervallo *Miles st-
pendia tu-
multuosè
efflagitat,
absum-
minatur.* distantem. At miles longinquiore licet re- centiorémq; Septemtrionis hauriret auram, residuam malèque pressam seditionis secum attulerat lucem, quæ legionem Kazanovii in

immenſum ſubitòque corripuit. Iterum per Klodzinium efflagitata ſtipendia, tantòque validiùs quantò plus ex advectâ ſperaverat pecuniâ: fremitu, minis, clamoribus perſtrepebat Subdelegatorum ſtatio, quam tumultuariè circumſteterant cum iuramento, denuntiantes: ſe intra triduum motis ſignis è Moſchovia exceſſuros. Orare Subdelegati ne Principem hoſtili in terra defererent, aut ſi abitum contumaces pararent, clàm dilaberentur: neu hoſtem cujus in caſtris nuntium adeſſe ſcirent, publico tumultu ſuæ temeritatis admonerent, inde arrogantius inſultaturum, duriorâque in pacis negotio tractando propoſiturum. Quatriduum cum inſolenti milite actum gliſcente ſerpentèque malo pertinaciùs, cui vix à precibus Vladislai inventum eſt temporaneum remedium: videlicet impetratâ ad VIII Kalendaras Decembris patientiâ. Interim quâ prece, quâ pollicitationibus flexi conquievère, miſſis duobus commilitonibus ad Regem, qui reſiduam quadraginta millium florenorum ſummam ſibi perſolui peterent,

19. 20.
21. 22.
Novem-
ber.

Placatur
à Vladis-
lao.

rent, reciperentque à Quæſtore Regni tantisper eam, ſi intra id temporis pax coaleſceret, extra Moſchovia limitem tranquillè pacatèque exſpectaturi. Comprehenderat quoque idem malum & Lithvanas legiones, quæ ſtipendiis non procedentibus paritumultu paribùſque exarſerant minis: iis propoſitis conditionibus, in quas nec ſalvâ fide, nec Repub. Subdelegati, conſentire poſſent. Tandem poſt multas difficultates pluriùmque dierum exantlatos labores, devoratas moleſtias, æquiores ſe præbuère, pollicitique ſunt exſpectaturos ſe emeritam pecuniam, cui perſolvendæ ab Idibus Decembris decem hebdomadaram ſpatium præfixerant, commoraturi interim ſeu in hoſtico, ſeu ſtabilitâ pace in territoriis ex vi pactorum Reipub. accęſſuris.

& Lith-
vanica
Legiones
ſeditioſæ,
mitigan-
tur.

13. De-
cemb.

Sopita videbantur magnorum in exercitu motuum initia, ſed non abſque emicantibus quandoque ſcintillis: gliſcente namque inopiâ & quaſi honeſtiore ex neceſſitate licentiâ, curſum ulterioris belli interturbari non mediocriter indoluit Vladislais, præ-

præfertim cum in tantâ militis ad promovenda arma segnitie contumaciâque, rerum gerendarum elapsa occasio nullis consiliis, quantumvis optimis, sisti poterat. Et qui stitissent in tantâ æris penuriâ, quæ ab Ordinum ægre contribuentium proveniebat parsimoniâ. Namque initis rationibus primo vere septuaginta millia in militem distributa: Vloftovius verò nuper ad castra in Novembre centum octuaginta millia attulerat: ita toto semestri miles leviter aspersus, cum inopiâ egestatêque à parcè subministrato ære continuò luctabatur, frequentiusque cum fame quàm cum hoste confligebat.

*Vladislai
dolci elabi
occasione
rerum ge-
rendarum
à parcè
submissâ
pecuniâ.*

Jam verò ex datis ad Subdelegatos à Quæstore Regni literis intellectum est, reliquam tantummodò centum millium summam in ærario esse in Moschoviticæ expeditionis militem distribuendam, ea verò deducto calculo ad persolvenda emerita stipendia haud sufficiebat, ni aliunde providerent Ordines. Atque in iis rerum angustiis, & copiis non eodem numero militum

tum pariter refertis, contumacibusque, torfit Chodkievicius ac Subdelegatos de ulteriori belli progressu deliberabundos sollicitudo, si Moschorum pervicacia aut pacem respueret, aut in adultiorem cunctando extraheret hiemem: omniumque eò inclinavêre sententiæ, ut parte cum exercitûs Chodkievicius Viasmæ aut Smolensci hibernaturum deduceret Principem, reliquum verò copiarum maneret in hostili solo cum duobus Subdelegatis, quorum imperio subesset consilióque regeretur: interea verò excursionibus, cædibus, flammâ, variisque, quæ militaris scientia suggereret, stratagematibus rebellium contunderet pervicaciam: ibidemque & Zaporoviensium legiones & Lisovianorum turmas, quò validior esset exercitus, censuere retinendas. Id verò ubi militi innotuit, confestim contrâ niti, aspernari militiam diuturniorem, duras Subdelegatis, quas chirographo signarent, proponere conditiones: ad extremum seditionem novumque armatorum foedus minitari. Nec Vla-

De ulteriore belli progressu deliberat Chodkievicius cum Subdelegatis.

Miles absque Vladislao in Moschoviticiâ manere non vult.

Gggg

dislao

Vladislaus bellum protrahere nititur, Subdelegatis assentitur, sed certâ conditione.

Vladislaus nihil efficit apud militem & à Subdelegatis exoratur ne pax sit contraria.

dislao prehensanti militum animos feliciter opera successit: quippe studebat omnibus modis bellum protrahere, prævidebátque rebellium animos, si vis ulterior adhiberetur; majori cum gloriâ edomari posse: ea propter instabat volebátque congressûs colloquiâque cum hoste abrumpi irritâque facere. Nec recusavêre Subdelegati modò militem sibi obsequentiozem redderet, qui si bellandum ulteriùs foret non jam è Polono ærario emerita speraret æra, sed in spem Moschovitici Imperii stipendia faceret, indêque & præmia & debitam expectaret pecuniam: ejus verò rei & Principem, & Subdelegatos datâ cautione securos redderet. Interpellatus miles neque precibus neque auctoritati Principis quidquam dedit, durior indies asperiórque. Tum verò Subdelegati exhibitâ Principi omnium Ordinum voluntate, positâ ob oculos ærarii inopiâ, exaggeratis continuis seditionibus equitum, inculcatâ exercitûs egestate, extenuatîsque à contumacia, quam ipse expertus esset, signis, sub quibus rari comparerent

rerent milites, millenarium statariæ pugnae idoneum haud excedentes numerum, hiemis imminenti rigorem, peditum à fame & frigore cadentium continua funera: oravêre, cederet tandem fatis ita volentibus, differrétque vindictam, quam sibi faventiora reservarent tempora: se verò pacem tali conditione attemperaturos, quæ nulum juri ipsius præjudicium adferret.

Et annuente quidem Principe, jam coeptum Metropoli cum Nuntiis nuper expeditis negotium pacis lentè procedebat, cunctantibus Moschis suæque insistentibus pervicaciæ: cùm tandem post aliquot congressûs utrique certos allegant homines, qui Subdelegatis referrent in quibus potissimum pactionis capitibus inter se dissentirent. Duo autem erant videlicet Branscum, quod ardentissimè ad cæteras arces adnumerari Poloni urgebant: & induciarum tempus, cùm id viginti annorum spatium Moschi circumscriberent, nostri non ultra decennium extendi vellent. Petebant itaque datis literis quid in eo passu cen-

Annuente ille, interim in Urbe tractatus lentius procedunt.

Moschi Branscum nullatenus concedere volunt.

ferent Subdelegati, monebátque clàm Sapięha suo Collegarúmque nomine, frustra urgeri Branscum, in quo extorquendo hactenus oleum & operam perdidissent, & cujus loco Sierpierskum oblatum ab hoste an non satiùs esset accipere? & idem disertè suis in literis per Oharovum missis significavere Moschi: & quandoquidem Nuntii eam controversiam ad Subdelegatorum arbitrium rejecissent, edocerent illos quanto-
Poloni alias arces loco illius effragant.
 cius suęque consilii aperirent summam, à cujus felici successu venturos se ad Cœnobium Trinitatis propediem, finémque tanto imposituros negotio pollicebantur. Responsum Moschis: Quandoquidem pacis causâ Branscum tradere nollent, ejus verò loco Sierpierskum locum minoris momenti concederent, adjicerent ad hæc Mazalscum & Zavolociam, nec cunctabundi tempus prorogarent, plura à Nuntiis audituros quibus ulterius mentem suam aperuissent. Ii verò commonebantur: caverent sibi à verfutissima gente, néve aliquâ facilitate in tractandis negotiis peccarent, urgerent sedulo,

lò, quoad possent, Branscum, aut ejus loco Sierpierskum, Mazalscum, Zavolociam, ad extremum si immobiles persisterent, ut solo Sierpiersko addito conquiescerent. Inducias verò quatuordecim aut ad summum quindecim annis definirent. Cætera ad mutuum Moschorum cum Subdelegatis congressum differrent.

Post egregiè tandem impensam operam non absque prudentiæ dexteritatísque laude, rediére Nuntii tertio Kalendas Decembris, quos ponè secuti Moschorum Legati ad Cœnobium Trinitatis divertere, misso Joanne Basilii Polejovo, qui eorum adventum Subdelegatis nuntiaret, deque loco & securitate conferret. Delectus itaque pagus vulgò Diwilina dictus, quò commean-
Nuntii ab Urbe redeunt, sequuntur Legati Moschorum.
 tes ab utrinque jam confidentius liberiúsque uni assidentes mensæ pactionum examinavere capita: cùmque nonnulla moderatione, alia verò limâ indigerent, negavere Moschi se quidpiam demturos, aut addituros instrumento in ipsa urbe concepto expensóque à Magno Duce. Sed cùm &
 Gggg 3 rem-

Pagus Diwilina ad tractatus deligitur.

temporis ratio non probè constaret, & verborum dubius tenor insertus rem penitus everteret, victi rationibus proniores postmodum inter se agitavère, tandem tertio die ante Idûs Decembris firmavère scripto comprehensas conditiones, appositis chirographis, sigillis, denique juramentis præstitis.

*Tandem
Pax se-
questra
concludi-
tur,*

*11 die
Decem-
bris.*

*hæ condi-
tionibus.*

Octodecim capitibus universa Pacificatio composita erat, quorum præcipua libet hîc referre. Induciæ quatuordecim annorum durarent spatio: videlicet à tertia Januarii 1619 ad eundem diem 1633: sex insuper essent Menses Julii tertio die terminandi, inter quos seu de pace ulteriori, seu de bello colloquia inter Delegatos instituerentur. Interim durantibus induciis Rex Sigismundus, Vladislâus Princeps, Rêsque publica Polona, ab omni hostilitate abstineret: néve arces, terras, ac dominium Moschorum sub prætextu juris prætensi invaderet, aut novas exstruere munitiones præsumeret: quod vicissim Moschi sanctè pollicerentur. Arces urbésque pro redimenda

menda pace datæ donatæque Polonis sunt hæ: Smolenscum, Biala, Roslavia, Drohobusium, Sierpierskum, Trubeckum, Novogardia Severiæ, cum territoriis tam cis quàm trans fluvium Dziefnam sitis, Czerniechovia, Monasterium, Moromskum. Poloni verò restituerent Borisfovum, Kosielscum, Mosaiscum, Mescerscum, Viasmam cum adjacentibus agris: quarum arcium restitutionem recompensarent vice versâ Moschi datis Starodubo, Poczapovia, Popona gora, Nevela, Siebiezo, Krasno, & Toropencensibus Vielsiensibusque territoriis. Omnes verò arces urbésque suis cum machinis universòque bellico apparatu, civibus: territoria verò suis cum incolis traderentur, mercatoribus exceptis, quibus aliò migrare licitum esset. Michaël Titulos Livoniæ, Smolensciæ, Czernichoviæque ne suo nomini præfigeret, quos Sigismundus Rex æquiori jure usurparet. Divi Nicolai Thaumaturgi imaginem Mosaisci ablatam Poloni restituerent. Captivi nobiliores qui apud Regios essent, vide-

videlicet Philaretus Rostoviensis Metropo-
lites, Basilius Gallicinus, Thomas Lugo-
vius, Sehinus cum uxore & filio, Archi-
Episcopus Smolenscensis, ad vigesimam
quintam diem Februarii liberi dimitteren-
tur. Moschi vicissim ad præstitutum tem-
pus Nicolaum Strussum, Charlinium,
Chocimirium, cæterosque milites in obsi-
dione Metropoleos detentos victosque,
liberos itidem sisterent. Szuyfcio, Tru-
becio, cæterisque nobilibus Moschis liber
esset regressus in Patriam, si vellent. At-
que iis potissimum conditionibus pax coa-
luit: cæteras quæ mercatorum securitati
caverent, regundis limitibus modum præ-
scriberent, & his persimiles prudens re-
ticeo.

*Basilius
Szuyfcii
Magni
Moscho-
rum Du-
cis & eius
fratris
Eximus.*

Basilius Szuyfcii Magni olim Moschoviæ
Ducis à Zolkievio in triumphum ducti,
non est quod quispiam mentionem iis in
pactionibus desideret: ostentatus namque
in Comitibus ad arcem Gostinensem unà
cum fratribus amandatus erat, honestæque
ac liberali traditus custodiæ. ibi demum in-
tra

tra

tra annum moerore contabuerat, pari lethi
genere extincto & Demetrio fratre.
Temporaneum sepulturæ honorem ante
arcis portam habuere, sed Rex positus bel-
lorum curis Varsoviæ transferri corpora
mandavit, iisque Mausolæum elegans im-
posuit: insertâ marmoreâ tabulâ quæ, tantæ
Victoriæ Jesu Christi Dei Exercituum fa-
vorem obtentæ, ad posteros memoriam
transmitteret Regesque ac Principes vi-
cissitudinis rerum humanarum inconstan-
tisque fortunæ admoneret. Sed dum hæc
scribimus post viginti & duos abhinc annos
Vladislavus Rex mutuis Imperiorum foederi-
bus pacæque perpetuâ stabilitâ, corpora Le-
gatis in Moschoviam vehenda concessit,
& tabulam marmoream per Adamum Ki-
sielium Kioviensem Castellatum ad Mo-
schoviæ Ducem Alexium Michaëlis Lega-
tum, suâ cum epigraphæ transmisit, summè
utrumque orantibus Moschis, quasi sublatis
omnibus sui dedecoris insigniis erasisque,
labem majorum gentisque suæ detergerent.
In cassum profectò vigente hucusque tam

*ejus
Mauso-
leum.*

1635.

*Corpora
in Mo-
schoviam
vehuntur.*

*Postea fuit
Palatinus
Kioviensis.*

H h h h

cele-

celebri rerum olim gestarum memoriâ, & voce & scripto ad posteros transmissâ: manente etiam veteri appellatione Sacelli Suysciani in Suburbano Varsoviensi (vulgò Cracoviensi dicto) exstantis. Et plus iusto lenem facilémque in reddenda tabula Vladislai plurimi incusavère, fueréque, qui existimarent Kisielium importunâ prece id obtinuisse, cujus legationem præter ejusdem Græcæ religionis cum iis vinculum, expetita multis modis tabula gratior rem redderet; Michaëlis filio, nuper ab obitu Patris Moschoviæ Imperium adepti, inter faustas gratulationes offerenda.

Et ejusquidem inscriptionem in gratiam Lectoris subjungo: decet enim nosse ut ipsius rei gestæ seriem, ita & præclarum Sigismundi Regis clementiæ pietatisque monumentum.

Et tabulam mar-
cum in-
scriptione
Adamus
Kisielius
Legatus
reddidit
Moschis.
1647.

JESU

JESU CHRISTI DEI FILII
REGIS REGUM DEI EXERCITUUM
GLORIÆ
SIGISMUNDUS TERTIUS REX
POLONIÆ ET SUECIÆ

(Exercitu Moschovitico ad Clusinum cæso
Moschoviæ Metropoli Deditiōe acceptâ
Smolensco Reipublicæ restituto
Basilio Szuyfcio Magno Duce Moschoviæ
Et fratre ejus Demetrio Militiæ Præfecto
Captivis jure belli receptis
Et in arce Gostinensi sub custodia habitis
Ibique vitâ Functis)

Humanæ fortis memor.
Ossa illorum huc deferre
Et ne se regnante etiam hostes
Injusteque sceptrâ parantes
Justis sepulturâque carerent

Hhhh 2

IN

A se ad publicam posteritatis memoriam

Regnique sui nomen

Exstructo Tropæo

DEPONI JUSSIT.

Anno à Partu Virginis MDCXX

Regnorum Poloniae XXXIII

Sueciae XXVI.

Constitutâ pace inter lætitiæ signa officiis quoque certatum est: & Moschi primi constantis deinceps futuræ amicitia dedere indicium, promissâ iis militibus, qui per invaletudinem per tuguria pagosque sparsi lecto affixi hærebant, omni securitate exquisitâque curâ recuperandæ valetudini pernecessariâ. Et Subdelegati datis missisque celerrimè literis ad Cosacos Zaporovienses eos initæ stabilitæque pacis admonuere; proinde ut receptui quantocius cernerent, absque omni Provinciarum incolarumve noxâ seriò hortati sunt. Circum-

*Stabilitâ
pace Sub-
delegati
Cosacos à
populatio-
nibus re-
trahunt.*

ferebant illi per amplissimas Moschoviæ ditiones ferrum & ignem, & fertilissimam bellique injuriis hætenus intactam ad Occam amnem ingressi regionem, cæsis agrestibus, exustis pagis miserandum in modum afflixerat, ut velut unum bustum in cineres fumumque abiret. Calugam urbem situ præsidioque munitissimam aggressi occupavere, deletisque ad interneccionem civibus, ædibus spoliatis flammam subjecere. Viciniâ universâ latè vastatâ, onustæ prædâ & captivis legiones circumductæ: denique quacunque se verterent, totâ simul exercitus mole omnia obterebant, gemente, qui furorem evaserat, hoste. Compertumque est nobilissimarum Provinciarum vastitates, quarum cadavera tantum spectabantur, Cosacorumque arma quorum furori nihil non pervium erat, ad accelerandas inducias plurimum attulisse momenti: namque in urbe erumpebat seditio, quam popularium promiscua cædes, exulum gemitus, terrarum depopulationes accendebant, dissonique audiebantur questus

*Cosaco-
rum arma
vastitatem
inferentia
inducias
accelerant.*

pacem flagitantium, Michaële ideo in publicum prodire vix audente.

At verò promulgatis per castra induciis Chodkievicius exercitum movere coepit: *Exercitus à Moscho- via exce- dit.* mediam viam Vladislai suis cum prætorianis turmis peditatūque tenuit; Kazanovii legio dextrorsum Severiam versùs iter flexit; Lithvanicæ copię sinistro latere ad Volgam fluvium processere. Atque ii quidem omnes ab hoste securi carpebant iter, cum alios longè ferociores horridus objiceret Septemtrio, qui nulla pactionum audirent capita, solà tantummodò tolerantia summoverti possent. *A fame & frigore oppugnatur succumbitque.* Excipiebantur namque multi à frigore sese intolerabiliter extendente, plurius ambusti artus, plures exanimati cadebant: præcipuè peditum clades misere pereuntium viscebantur, nives præaltæ itinera obsedebant, cum quibus eques pedesque Viasmam usque luctabatur. Ad hæc fames ingens quam locorum vastitas faciebat, miserum in modum oppugnabat parémque inferebat stragem, & legionariis & equis passim concidentibus: ac ni pax

coa-

coaluisset, non absurdè Moschi à duobus hisce exercitibus exitum Polonis minabantur. Nec Vladislai generosa mens exhilarari poterat, qui plenam ex hoste victoriam (præsertim in eâ rerum gerendarum opportunitate, avidè præconceperat, sæpiusque indoluit non adæquatum necessitati subministratum subsidium. Atque ad eam Ordinum parsimoniam ingemuit, ob quam non tam hostium, quàm suas turbidas licentiosasque sæpius metueret vires. Insuper morientis animum exasperavit tardior *Szoldr- scum tardius advenientem à Rege obviam habes indignaturque.* Andrea Szoldrscii adventus, quem Drohobusii obvium habuit ferentem à Rege literas spei plenas, subsidii ærisque ab Ordinibus in futuris Comitibus haud difficulter impetrandi: proinde ne Subdelegati pacis negotium accelerarent, Rex monebat. Sed Szoldrscius iter illud nimis lentè moderatus, dum Smolensci diutiùs subsistit, literasque transmittere differt à viarum difficultate crebrisque latrociniis excusatione petitâ, vota Principis irrita fecit.

Interea Vladislai Smolenscum advenit
reli-

*Vladislaus
Smolen-
scum ad-
venit.*

*Sapieha in
Comitibus
belli gesti
admini-
stratique
exponit
inducia-
rum con-
ditiones.*

*Andreas
Lipscius
Pro-Can-
cellarius
Regni no-
mine Regis
in Subde-
legatos in-
vehitur.*

reliquos hiemis Menses ibidem exacturus :
è Subdelegatorum verò numero tres, Ada-
mus Novoduorfcus Episcopus Camene-
censis. Leo Sapieha Cancellarius Lithva-
niæ, Jacobus Sobiescius Palatinides Lubli-
nensis ad Comitiam properavere : quorum
sub ipsum penè exitum cum Regi Ordini-
busque in Senatu Leo Sapieha rationem
gesti administratique belli fusiùs reddidisset,
& sequestræ pacis conditiones exposuisset;
Ordines quidem lubenti animo nec absque
Subdelegatorum encomio gestorum fe-
riem audivere, probaverèque; at Rex non
item, cujus Nomine Andreas Lipscius
Pro-Cancellarius Regni acriùs paulò inve-
ctus, Subdelegatorum operam uti minùs
utilem perstrinxit, pacem inhonestam ap-
pellans, ignominia dedecorisque plenam,
idque mordacibus verbis, quæ illi impoten-
tia animi, non verò optimi Regis voluntas,
ultra quam eruperat, audaciùs suggesserat.
Poterat facili negotio hominis retundi im-
petus, prolatis in medium literis Regiis,
ipso auctore scriptis : quibus ad stabilien-
dam

dam cum Moschis pacem iniquioribus et-
iam conditionibus omni morâ postpositâ
Subdelegatos hortabatur, incussisset rubo-
rem detecta omnium Ordinum voluntas
secreto comprehensa mandato, unius anni
termino belli Moschovitici cursum defi-
niens: Sed modestia & rectè factorum con-
scius animus cessit importunæ voci, eam-
que patientia Subdelegatorum Reipubl.
condonavit, ne tot implicata involutæque
malis, fervente præsertim Comitiorum
æstu, à novis exagitata querelis consilio-
rum celeritate frustraretur. Et Subdelegati
præstitam operam fideliter subsequentis
temporis, utpote rerum optimi magistri,
commisere iudicio, legique viros gravissi-
mos Leonem Sapieham, & Jacobum Sobie-
scium acta diurna rerum Moschoviticarum
à se diligentius connotata, non absque ali-
quo doloris sensu in eam conclusisse senten-
tiam. *Hinc quisque bonus Patriæ Civis experimen-
tum capiat, sciâtque, inserviando Patriæ virtute sin-
cerâ, fide integrâ, animo incorrupto, nullum se famæ
adituum discrimen: cui si quid livor malevolorum de-
traxe-*

*Modestè
id Subde-
legati fe-
runt cùm
posset re-
spondere
liberius.*

*traxerit, tempus ipsum quandoque, & sera posteritas
ringente invidiâ decus suum cuique rependet.*

*Inducias
commodè
fuisse sta-
bilitas
eventus
approba-
vit*

Quamquam etsi ipse eventus consilia
initæ pacis abunde comprobasset, mihi ta-
men inquirenti in illorum temporum gesta
accuratiùs, perpendentique, perperam à
Lipscio eâ invidiâ aspersos fuisse Subdele-
gatos, Regisque incurrisse indignationem
video, quin imò summam prudentiæ lau-
dem meritos, qui ad temporis præsentis sta-
tum opportunè Reipub. attemperassent ra-
tiones. Non diffiteor equidem, nullam un-
quam commodiorem adipiscendi Vladislao
Imperii occasionem præbuisse fata, si con-
stanter propitia mansissent, neque in eam
necessitatem, cujus causas fusè memoravi-
mus, stabiliendæ pacis coniecissent. Sed
nec illa mihi damnare animus est, neque
enim adeò sinistra fuere, ut non meliori
omine Poloniæ illucescerent, cui à Turca-
rum Tatarorumque conjuratâ potentiâ sæva
imminebat tempestas, jamque intererat po-
sitis in Septemtrione bellis unitas vires mi-
naci opponere Orienti. At verò pacis con-
ditio-

ditiones profectò gloriosæ, indeciso nam-
que jure Vladislai manentēque integro ac-
quisitæ nobilissimæ Provinciæ, ubertate
foli, arcium, oppidorum colonorum fre-
quentiâ florentissimæ, limes Poloniæ Lith-
vanixque ultra centum & ampliùs milliaria
in longum latumque extensus, idque cum
summa apud posteritatem Subdelegatorum
laude, cum ne tantillum quidem terræ bel-
lantis postmodum in Moschovia Vladislai
arma adjecerint, prout suo referemus loco.

*Conditio-
nes Indu-
ciarum
gloriosæ.*

*Ducatus
Severix,
Czerni-
chovix,
& No-
vogro-
denfis.*

Jam verò sepositis iis de quibus sat lucu-
lentum tulit judicium posteritas, ad Vladi-
slaum Smolensci hætenus commorantem
redeo, qui cadente hieme iter suum exor-
sus, Varsoviā primo Vere venit, Re-
gēque Patrem salutavit magnā cum to-
tius Aulæ gratulatione plausūque. Gratum
quoque acciderat universis Ordinibus Prin-
cipem id ætatis Regiæ suæ indolis luculen-
tum declarasse specimen, tantæque cum
nominis sui gloriā prima militiæ deposuisse
rudimenta: proinde Rege annuente ultrò
eilatī faventēque Provinciarum nuper ab

*Vladislaus
Varsovi-
am venit
Patremque
salutat.
in Martio
1619.*

*Ordines
illi Admi-
nistratio-
nem Seve-
ria defe-
rum an-
nuente Re-
ge.
Vide
Constitu-
tiones.
1620.*

hoste receptarum supremam Præfecturam detulere; scriptaque firmavere lege: datâ insuper potestate, arces ut in ordinem reduceret, præsiidiis firmaret, jus diceret, cæteraque exsequeretur, quæ ad bonum regimen pertinerent. Et quandoquidem Regum filiis absque Comitiorum consensu ex Reipub. bonis censûs redditûsque assignare lex vetaret, tunc unanimes consensere petierêque à Rege Ordines: juvaret liberalitate suâ optimè de Repub. meritum Principem, conferrêque bona quæ ejus dignitatem condecorerent.

*Respirat
à curis
Vladi-
slai.*

Pacato Septemtrione respirabat à præteritis bellorum curis Vladislâus, uniûsque anni & aliquot insuper Mensium concessio sibi interstitio hilariùs fruebatur, quò iterum vegetior bono Reipub. Polonæ fato ad arma profiliret. Nec interea segni torpebat otio, venandi namque studio mirè capiebatur viris Principibus perquam decenti. Venationem enim esse rerum bellicarum verissimam meditationem non nemo censuit, quæ diluculo expergisci surge-
rêque

*Vena-
tionis dat
operam.*

rêque, frigora, calores tolerare assueface-
ret, ad subita itinera & cursûs exerceret.
Et verò in Vladislao illud erat singulare ad
virilem sese tolerantiam componere, nullâ
mollitiæ delitiisfrangere, eaque exoptare
ubi heroïca virtus enitere posset. Quodsi
verò publica aulæ lætitia animum quando-
que laxaret, elegans, decorus, eaque ve-
nustate comparebat, quæ formosi Princi-
pis suavi grandesceret Majestate. Atque
eâ tempestate Regina Constantia filiam in
lucem ediderat, quam Sacro fonte ablutam
Annam Catharinam appellavere: magnâ
Regis lætitiâ, quem nascentium continuo
filiorum ordini, filia tandem exoptato feli-
cique partu succedens, vehementer exhila-
raverat: feruntque nunquam æquè gau-
dio perfusum tantoque splendore ac magni-
ficentiâ diem natalem liberorum suorum
celebrasse, atque ejus filia unice sibi dile-
ctæ. Namque præter convivium, ludorum
varietates in aulâ tunc à viris Principibus
& flore nolilissimæ juventutis splendidissi-
mâ frequentissimâque exhibitas, præter e-

*In publicâ
aula lætitiâ
decorus
comparet.*

*1619
7 Augu-
sti.*

*Præcipue
in die
Natali
Annae Ca-
tharinae fi-
liae Sigis-
mundi Re-
gis.*

*1642 in
Junio.*

*Vladislavus
verum op-
ponitur
Osmano
Turcarum
Imperato-
ri.*

quorum tubis præcinentibus ad numerum saltûs, quod spectaculum Andreas Czarnecius Regius Equiso dederat; cæteraque ignium hilaria, in ore tunc omnium erant introductæ à Principe Vladislao & Anna Sueciæ infante choreæ, quorum ille Turcico cultu superbè vestitam juventutem, illa virginum formâ ac nobilitate conspicuarum tripudiantem duxit chorum. Et hæc est Anna Catharina unicum parentum suorum delictum, quæ decennio à morte Patris Philippo Wilhelmo Palatino Rheni Duci Neoburgi nupsit.

Sed me subsequenda tempora à lætiorum commemoratione jam avocant: quippe Poloniæ tristia, clade ducum & florentissimi exercitus internecione funesta, Tatarorum incursionibus, Turcarum imminetibus illatisque armis horrida, & penè extrema. In tam deposito deploratôque Polonorum statu ad Vladislai iterum fortunam ejus perpetuam in bellis comitem recurrendum fuit, quem Osmano Turcarum Domino, juveni præfervidôque, & tumidâ spe

spe universam devoranti Sarmatiam, Respub. opponeret. Is verò tantum effecit ut post pacatum Septemtrionem novâ iterum Orientem laureâ præcingeret, videretque (quod antè Principum Christianorum nemo) se totius campi dominum, primûmque ex acie subnixum Africæ, Asiæ, & Europæ viribus Monarcham decedentem, tergâque vertentem inglorium, fortunâque Vladislai, Regis auspiciâ, Reipub. prospera fata adorantem. Et siquidem bellum dicere incipiam quod non majoribus unquam viribus Othomanus Poloniæ intulit, Vladislai ductu repressum, in eoque edomitam ferocientes tyranni arrogantiam, paulò altiùs referenda erunt Turcarum cum Polonis foedera, mox dissidiorum occasiones, varii pugnarum eventûs: quæ omnia ad sequentis libri reservata exordium, lectori ibidem in brevem redacta summam clarè perspicuèque patebunt. Hæc autem mihi, quâ se ratione habuerint; enarraturo, non mediocris adjumento erunt non nullorum Commentarii, qui eo in bello aut præ-

*Bellum
illud se-
quens liber
explicat.*

fue-

fuerunt, aut certè omnium consiliorum arcanorúmque participes fuère: tantóque integriori fide ab iis scripti relictique, quantò à viris primis in Repub. honoribus Magistratibúsque conspicuis, nullíque præterquam suæ avitæ mancipatis virtuti, non alia disiderari expectaríque poterat. Sunt mihi quoque præ manibus acta diurna illorum temporum, tum & gravissimorum virorum epistolæ, quæ siquidem typis evulgatæ exstant, proinde quod illi integris luminibus complexi sunt, ego breviori verborum compendio stringam, quandoquidem ipse non habeam aut alia aut certiora quàm alii.

*Cometes
visus calamitates
portendit,
statimque
Germania
bellis arde-
re incipit.*

*Cometes
visus
1618 in
fine Au-
gusti.*

Atque dum Polonia tantis, quæ mox memoraturi sumus, exterretur periculis, Orbis ipse nutare concutíque incipiebat à præfago ingentium calamitatum Sidere, & nusquam terris impune viso præmonitus Comete. Jam quoque illa erumpebat fatalis Germaniæ vicinisque regnis Bohemorum rebellio, quæ Pragæ accensa flammæ per universam penè Europam sparsit. Heu

Heu quantum sanguinis contulère, cùm Germanicus non sufficeret, concurrentium nationum populi ad extinguendum incendium. Ultra tertiam annorum decadem à gladio, fame, pestilentia, oppugnata est Germania, adactaque, velut exsangue cadaver, concisis nervis elangescere. Periit opulentissimarum Urbium decor, quarum nonnullæ tristi mulctatæ excidio solóque æquata, aliæ in eam versæ sunt solitudinem, ut feris tantum habitandæ liquerentur. Moti suis sedibus populi, & quos bellorum inclementiæ fortuna subdlexerat, ibant exules, patrios in sinu ferentes Deos, alieno sub orbe victuri: pluribus tamen cæde & diverso lethi genere extinctis. Provinciæ integræ habitatore vacuæ in horrendam obriguère solitudinem, superstitibus agris, sed silvescentibus, ædificiis verò partim laceris labentibúsque, partim turpi ruinâ deformibus, partim in cinerem favillámque conversis. Non incongruè quispiam cecinit. *In unica Germania quid defuit malorum. Quam mira lustris quatuor vicissitudo torfit.*

*Ad summam dein-
de reducta
vastitatem.*

*Jacobus
Balde.*

K k k k

*tor sit. Nudata dorsum vapulat Immanibus flagellis,
Suique plorat naufraga in sanguinis procellis.*

*Ferdinan-
dus Secun-
dus Impe-
rator felici-
ter hostes
profligat.*

Et bellum illud quidem quia à perfida excitatum rebellione, felicibus auspiciis à Ferdinando Secundo Imperatore gestum est, iustam causam supremo promovente Numine armorumque progressus, quæ quamdiu spretam veterem religionem, ejurati Principis legitimi ultum ibant contumeliam, victorias triumphosque peperere: at ubi continuâ felicitate victor aliquantò insolescere coepit modumque tenere neglexit, erectis omnium multoties anhelantium animis ad pacem in Imperio stabiliendam, quæ castigatis rebellibus sola supererat, nec obtenta, tunc primum desperavere populi: hinc verone an falso suborta supremi Domini affectati suspicio, novis sese munire firmareque foederibus suasit, & tantò certè acrius quantò apud vulgum suspecta erant Hispanæ aulæ consilia, quæ ultra Alpes vires Cæsareas evocaverant, & in Belgium auxiliares sæpius arcessiverant. Jamque Austriacos bellum ex bello ferentes alentésque, & victri-

victrices aquilas per Provincias circumferentes, Germania metuebat, eoque adacta metu transmarinos Principes in auxilium vocavit. Et Rex Daniæ quidem supplicis patrocinium malo omine sumserat, cæsus profligatusque tam celeriter quàm in Germaniam pedem intulerat, inde retulit, pacēque factā quievit. Mox qui Cæsareos duces tot victoriis elatos reprimeret, & formidandum populis felicitatis cursum sisteret, melioribus auspiciis comparuit Gustavus Sueciæ Rex, is deletis Imperatoriis copiis, urbibus recuperatis, succisis penè ad internecionem viribus, veteres ac multarum palmarum duces vinci posse docuit, iterumque rebellium animos excitavit, & Germaniam continuo victoriarum tramite pervagatus, in novam spem erexit. Et quanquam ipse ad Lutsenam in prælio animosus occubuerit, felicitatis suæ nihilominus genium superstitibus armorum ductoribus reliquit, cum quibus Cæsar non jam tantum de Imperio, sed de salute sæpius dimicavit, auctis præsertim Suecorum viribus

Austriacorum potentiam Germani metuent, & externos Principes in subsidium advocant.

Gustavus Suecia Rex feliciter se Austriacis opponit.

*Ab ejus
morte
Sueci Gal-
lico federe
potentius
validi
Austriam
populi in-
tur in-
denique.*

non mediocriter à Gallorum foedere po-
tentiâque, quam subitâ denuntiatione belli
Austriaci irritaverant, magno rerum suo-
rum inde secuto dispendio, cùm in ipsius
penè Austriæ penetralibus signa Suecica
volitarent, ejusque sedes Vienna penè oc-
cupata esset, ac pleraque viciniora loca in-
tercepta infessaque ab hoste tenerentur.

Verùm ut non mei instituti est res exte-
ras stylo prosequi; ita temperare vix potui,
quin in annos fatales, à quibus tristes fasti
coepere Germaniæ, incidens, aliquam sal-
tim mentionem facerem vicinarum Polo-
niæ calamitatum, præsertim cùm ab illa
quoque rebellium face accensis Turcarum
animis, eò ardentius invecos, & sollicita-
ta in nos barbarorum arma fuisse constat.
Quod fusiùs paulò post expositurus sum se-
quenti libro, quem jam aggredior.

*Rebelle
Germania
Turcas
contra Po-
lonos in-
tant.*

H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER NONUS.



Turcarum potentiam tunc primùm Orbis ex-
timuit cùm effusis in Europam agminibus in-
festisque signis Græ-
ciam, deinde Thraciam
invasit, infessâ occupa-
tâque Constantinopoli veteri Cæsarum
Orientis domicilio. Jamque proxima quæ-
que corripiendo, Bulgaris, Triballis, Ser-
viis subjugatis, cæterisque vicinis armo-
rum impetu abreptis, Polonia imminentis
periculi admonebatur. Habebat adhuc in-
termediam Valachiam, quæ sola hostem

*Turca in-
fessâ Con-
stantinopo-
li Urbe
metuendi.*

K k k k 3

mo-

*Valachia
inter Polo-
niam in-
termedia.*

*Ante Tur-
carum ad-
ventum
Polonia in-
notuit.*

*Ejus
Princeps
Stephanus
Casimiro
Tertio Re-
gis Polonia
iuravit.*

morabatur, distinuissetque feliciter, si gens ut bello prompta & audax, ita sibi concors fuisset & Martiales spiritus constanti fide consolidasset, non verò innatâ mobilitate ingenii fraudibusque corrupisset. Et ante Turcarum quidem adventum à morte Stephani Primi post Bazaradum Principis, internis dissidiis agitata Polonis innotuit. Excitata namque de Principatu inter ejus filios contentio, patrocinium Casimiri Magni Regis ambivit vectigalem se fore promittens, iterum in Jagiellonis tutelam concessit: postremò fatalibus inter se hæredum de Imperio concertantibus studiis, arcessitisque à partibus Turcarum armis, jamque imminentibus, Stephanus Palatinus Valachiae in verba Casimiri Tertii juravit, & in Regis clientelam suis cum ditionibus concessit, Rege eam occasionem haud spernente: Virum namque Tartaricis, Turcicis, Ungaricis victoriis clarissimum, suum verò hucusque detrectantem imperium, collu insubdere suisque advolvi genibus gaudebat. Et quanquam id obsequii necessi-

cessitate compulsus præstaret, neque deinceps stabile firmumque mansurum Rex censeret, quod non à sincero proficisceretur animo, satiùs tamen duxit in alieno solo vires Turcicas infringere, quarum molem domitâ Valachiâ, velut intermedio subruto pariete, graviolem Polonis ditionibus incubituram metueret. Neque ea in sequentibus quoque Regibus neglecta fuit, idque Valachis animos gloriâque augebat: & propè ducentis annis Polono fulti patrocini-
*Ducentis
annis Po-
lonorum
patrocini-
um retinet.*

nio, strenuè retinebant libertatem & virtutem: Sed fatalis illa malèque pressa de Principatu inter succedentes dissensio, deinde flagitiosa perfidia & Regum Poloniae jus excussit, & advocatis Turcarum copiis in miseram sese induit servitutem. Impositi post hac Principes ad victoris Othomani arbitrium, non ex nobilissimis popularium veterique Ducum stirpe, sed viles, & quandoque pudendâ origine, circumscriptâ dominantium libertate, gravibusque imperatis tributis.

*Tandem
Turcis ce-
dit.*

Conversa itaque ad Turcas Valachiâ
acrem

*Hinc Po-
lonorum
cum Tur-
cis conten-
tiones.*

*Cromeri
& alio-
rum.*

*Hieraf-
sum nunc
Pyntum
vocant.*

acrem excitavit contentionem : nam Polo-
ni veteri jure eam sibi asserebant, & Valachi
innatâ mobilitate arma eorundem provo-
cabant nullo fructu : cum sæpius ab inva-
lescente levissimæ gentis perfidiâ, exiguum
bellorum sanguinisque referrent pretium,
proindèque deinceps juvabantur segniùs ;
Turcis interea per publicam quietem eò ani-
mosiùs dominium stabilientibus firmanti-
bùsque. Atque post relectos à me diligen-
tiùs Annales, reperio à Casimiri Secundi
(cognomento Magni) temporibus, ex quo
se Poloni Valachicis rebus immiscuere, ad
nostram usque ætatem, quæ supra duo sæcu-
la continet, nullibi frequentioribus cladi-
bus plus sanguinis datum haustumque, nul-
libi à condito Imperio tantis tamque nume-
rosis exercitibus Polonorum hostilem per-
fidiam atrociùs illusisse. Fluxere toties
Hierassus, Seretus, Tyras humano sangui-
ne decolores ; ad extremum cæsis tot præ-
stantissimis ducibus, potissima Nobilitatis
pars à Joanne Alberto Rege generali classi-
co evocata cæsa profligatâque, Regni vi-
res

res supra modum debilitaverat. Testis in-
super multarum cladum Fagina sylva, via-
rum angustis molestisque anfractibus hor-
rida, è cujus arboribus Polono cruore tin-
ctis irrigatisque si quis ramum decerpere
vellet, fortasse ater sequeretur de cortice
sanguis : ut non abs re quispiam Valachiam
Polonorum tumulum appellarit.

*Valachia
Polono-
rum tu-
mulus.
Virgilius
3. Æneid.*

Non eo equidem inficias celebres ibi-
dem à Tarnovio, Zamoyscio magnis Im-
peratoribus, cæterisque reportatas victo-
rias fuisse, quæ ad gloriam Poloni nominis
hostiùmque terrorem contulere vehemen-
ter, neque tamen præteritæ compensatæ
clades videbantur, quarum memoria ita
publica consilia opesque à perfidæ Valachiæ
tutelâ averterat, ut omnes passim crudeles
terras avarùmque littus fugiendum cense-
rent, simulque exsecrarentur. Atque ut illa
semper magnis cruentisque Polonos impli-
cuit contentionibus, ita & hujus belli cum
Turcis gesti (quod scripturus sum) potis-
sima occasio fuit. Præviderat hoc olim
præsaga mens Demetrii Solicovii viri spe-

*Bellum
Turcis oc-
casio.*

In Ora-
tione Fu-
nebris Au-
gusti.

Vladislai
Jagello
primus
Machometem per
Legatos
compellat.

Crome-
rus lib.
28.

Varia
cum Tur-
cis Regum
Polonia
foedera.

etatae prudentiae dexteritatisque, eam vide-
licet Turcarum viciniam futuram aliquan-
do facem ac seminarium proximi ac tristis-
simi belli, quæ paulò inferius suo refere-
mus ordine. Cæterum suspecta hæc vici-
nia esse ceperat Vladislao Jagielloni, qui
primus Polonorum Regum Machometem
Bosnæ imminentem, gravi eaque minaci
legatione compellavit: tantumque apud
Othomanum Jagiellonis autoritas no-
menque valuit, ut ad ejus arbitrium sexen-
nes inducias Hungaris obtulerit. Eun-
dem Casimirus Tertius per Legatum suum
monuit, Valachiâ ut abstinere, ni arma ex-
periri mallet, quæ ad tuendam suam vecti-
galem Provinciam mox expedire necessum
haberet. Intercessere deinde mutua foedera
Bajazetis cum Casimiro, ejusque filiis Joan-
ne Alberto, Alexandro, Sigismundo Pri-
mo Regibus: eo cum Nominis Poloni ter-
rore venerationeque, ut donis ultrò missis
per Legatos pax expetita juramento sancire-
tur. Amoto à gubernaculis Bajazete, Selimus
Sigismundo paternam amicitiam obtulit,

co

eo verò sublato Solimanus rerum potitus
paucorum annorum induciis definitam
diuturniorem stabilioremque fecit, & pa-
ctis quidem nunquam Poloniae poeniten-
dis, quibus limes Imperiorum circumscri-
ptus, ultra quem ne Poloni suas proferrent
Colonias, nec Turcæ eundem transgrede-
rentur. Palatinus Valachiae is esset, qui
Christianis imbutus sacris amicitiae foede-
rumque inter utrumque Principem æquili-
brium teneret, nullusque ejus perfidia, si
eâ notaretur, apud Polonos pateret rece-
ptus. Cætera pactio capita non com-
memoro, illud retulisse sat erit, tanti ea
semper à Polonis habita, ut & insequen-
tium temporum foedera ad eorum direxe-
rint normam, & Turcæ illis singularem
honorem exhibuerint, revocante gratâ
memoriâ venerationem Principis longè
inter suos eminentissimi, si par æquè fides
esset barbaris atque veneratio.

Sed antequam inter Sigismundum &
Solimanum iactis foederibus amicitia coa-
luisset, iverat ille in consilium suis cum Pur-

LIII 2

puratis

Cum Soli-
mano fo-
deris omni-
um cele-
berrimi-
mum.

*Solimano
suadet
quidpiam
armis Po-
loniam in-
vadendam
si Europa
Imperio
potiri ve-
lit.*

*Quibus
rationibus.*

puratis exercitatissimis belli ducibus, quam in partem verteret florentissimas tunc Imperii Othomani vires, Ungariamne peteret an Poloniam, in cuius utriusque limine constiterat. Fuit non nemo ut ætatis ita & exactæ prudentiæ vir, qui differuit: Ad occupandum Europæ Imperium Christianosque edomandos, nullam patientiorem portam Poloniæ Regno reperiri, ad quam non abrupta montium, non salebrosa itinerum, non fluviorum immense exundantium vorticosi gurgites, sed pulcra terrarum eaque fertilis duceret planities: neque ulla in arcibus expugnandis futura esset mora, quas aut nullas Polonus haberet, aut perpaucas, neque ita ad defensionem comparatas, ut copias tantumque apparatus belli, aut ferre diutius, aut distinere possent. Quemcunque campi dominum fors esse voluerit, eidem subito & Imperium cessurum. Spem verò non dubiæ victoriæ caperet Solimanus à sua, quæ illi individua esset bellorum comes, fortunâ, tum ab exercitûs sui validissimo robore numeroque, cui

cui si quidpiam imminui contingeret, facile à subsidiariis copiis ad nutum sui Principis advolantibus reparari posset, præsertim cum tantum terrarum, tot Provinciæ, tot Regna integra, cum novis exercitibus ad juvandum restaurandumque bellum superessent: Polonorum verò accisæ vires frustra aliunde exspectarent subsidia, ac præcipuè Christianorum Regum, quos internecina odia gladiatorio more inter se committunt, præque domestica rabie ad vicinorum cladem cæcutiunt. Occupatâ verò subactâque Poloniâ patere aditum in Germaniam & cunctas Christiani Orbis partes, & quidem ipsis Polonorum viribus impetendos, quas subacti populi mixti Turcarum agminibus centenis millibus augere possent. Ad hæc interclusis terrâ fluminibusque commerciis, Portûs maris Baltici velut elisis faucibus languidos emorituros potentiæque cessuros Othomanæ: at quanto cum earum nationum damno, quæ cum cæteris gentibus cupedias luxûsque instrumenta suppeditent, hinc annonam victûsque ne-

cessitatem asportent, quanto cum metu imminentis Monarchiæ, si vel unico infesto portu Turcicâ lunâ insignita carbasa per Balticum æquor ferri conspexerint, facili comparandæ deducendæque classis compendio, cuius uberem materiam longinquiores etiam populi è Polonia peterent. Arriperet itaque eum proferendi Imperii modum Solimanus, majores terrarum gloriæque accessiones allaturum, postponeret verò interim Hungariam brevi postmodum subjugandam, nunc autem omnes vires conatûsque invadendæ Poloniæ bono omine impenderet.

Consultatio de bello Polonis inferendo mittitur ad Sigismundum Primum.

Atque hanc consultationem scripto comprehensam transmissamque Constantinopoli ad Sigismundum Regem, alibi in Archivo asservari memini, referentem sapius Stanislaum Lubienium Episcopum Plocensem, virum antiquitatum Polonicarum peritissimum; & à me quoque ejus vestigium repertum esse non diffiteor, in veteri quodam manuscripto excerpto è voluminibus Actionum Regiarum: namque inter

inter certa Legationis mandata, quibus Petrum Kmitham Regni Marschalcum ad conventum Norimbergensem Sigismundus instruxerat, ejus quoque deliberationis Principes Primorésque Germaniæ commonuerat. Quod verò attineret ad Gedanensem portum Prussiæque maritima, quantum illis inhiaret Turcarum rabies ad Orbis totius adipiscendum Imperium, ab eodem Rege per Nuntium suum Paulum Plotovium Præpositum Varmiensensem certiores fuisse factos. Prussiæ statûs Graudenti convocatos, in iisdem suprâ memoratis legi voluminibus. Verum cur hoc consilium posthabuerit Solimanus mihi certò non liquet: sive propensio quædam animi erga Sigismundum, cujus ille prudentiam virtutésque Regias impensè æstimabat, hostilem conatum averterit, sive Ruthena mulier (quod tunc vulgò jactabatur) cui ob præstantem formam maximè insueverat, patriæ in summa fortuna memor, ideoque de ejus periclitantis salute anxia, blanditiis illecebrisque formosa veluti Venus Martem

De portu Gedanensi & Prussia maritimis admonetur status & Ordines Terrarum Prussia.

Cur hoc Consilium posthabuerit Solimanus.

*Dei Pru-
dentia id
factum.*

tem suum Polonis æquiores reddiderit. Sed meo iudicio neque tantum erga Sigismundum valuit affectus apud barbarum & juratum Christiani nominis hostem, quos odisse Turcis innatum est, internecione verò delere unicum ex sceleratâ Machometis lege votum; neque destinatus armorum furor à blanditiis caræ pellicis resedit, Dei immortalis benignitas ea fuit, Coelitumque supplicantium ejus Majestati preces, qui soli toties hostes à nobis arcuere avertèrèque, incussumque terrorem desuper non ambigo: quippe superstitionibus divinationibusque intenti illud pro certo tenent, ipsorum Imperium à quopiam Septemtrionis populo ultimam expectare ruina.

*Cum Au-
gusto, Ste-
phano Re-
gibus Po-
lonia fæde-
ra Turca-
rum.*

Pari deinde constantiâ Solimanus cum Augusto Rege fœdera tenuit, & Legatione solenni luctum, quem ex ejus patris obitu ceperat, testatus est, summâ cum virtutum Regiarum deprædicatione, ad quarum hæreditatem unâ cum sceptro capeSSendam filium hortabatur. Eadèmq; post-

mo-

modum amicitia cum Selimo Solimani Successore viguit. Jam verò & sub Stephano Rege nihil adversi Polonia metuebat, patris intercedentibus renovatisque, & Regis bellicosissimi invictus animus Turcis admirationi terrorique fuit. Hucusque tandem pax mutuo consensu fœderibus stabilita per Legatos ab utrinque missos redintegrat, Turcarum suis limitibus continuit potentiam: declinante prudentissimorum Regum solertiâ eam tempestatem armorum, cui in summa Principum Christianorum discordiâ ferendæ vix pares essent. Non ita tamen luxit pacis amœnum sidus, ut non quandoque atrâ obfuscaretur nube, cum & in Oczakoviensibus campis mutuas rapientes prædas Turcæ Poloniæque inter se concurrerent, armisque experirentur, tum & inconstans mobilisque Valachia ansam sæpius daret rumpendorum fœderum, Turcarumque agmina suis mixta copiis Russiæ Podoliæque immitteret. Sed quia hæc cauta ab utrinque tegebat dissimulatio, intercedentibus sæpius Legatis

*Per Lega-
tos stabili-
ta.*

*Intercesse-
re nonnun-
quam ve-
litationes,
sed ab ut-
rinque
dissimula-
bantur.*

M m m m

fo-

sopientibúsq; odiorum causas, ideóque in apertum haud prorupère bellum, præludia hæc tantum cernebantur, quasi explorantium inter se vires in graviorem aliquando erupturas conflictum.

Sub Sigismundo Tertio Cosaci Zuporovienses occasionem dant belli. 1589.

Per Paulum Velehanscium Palatinum Belzensem, qui mortuus Constantinopoli.

Cosaci castigati conquiescunt Turci.

Et propè eruperant in primordiis Regni Sigismundi Tertii, orto à Cosacis jurgio, qui recenti tunc ausu cymbis prædatoriis per ostia Boristhenis in Pontum Euxinum delati pyraticam fecerant: exterritis Europæ Asiæque littoribus, navigantium mercatorumque interturbatâ securitate. Exanduerat namque ad novam Cosacorum insolentiam Amurathes, bellóque acribus literis per Nicolaum Czizovium Pocillatorem Chelmensem Poloniæ denuntiato, exercitum finibus admoverat; sed compellatus Legatione barbarus impetum cohibuit, à castigatâ Cosacorum temeritate jam mitior factus, quos publicâ lege in ordinem reducere pacis intererat. Neque verò hanc stabilem polliceri videbatur paucos intra annos Zamoïscii in Valachiam Moldaviâque expeditio, quibus è Provinciis

Si-

Sigismundi Transilvaniæ Principis copias pro Radulone certantes, ipsúmque impotenter ambientem Imperium ejecit. *In Valachiam expedito Zamoïscii. 1595.* Tatarorum exercitum suo cum Regulo Casigereio à Turcis immissum fudit, demum per pactiones adegit, ut insigne dominatûs Palatino Moldaviæ à Turcarum Imperatore allatum, non alteri quàm Hieremiæ Mohilæ traderet eundemque à Rege Poloniæ iis impositum terris pacatum quietumque finerent. Sed non diu quieta Valachia fuit: quippe utrâque occupatâ Michaël deturbatisque ex avito solio Mohilis, arma Poloniæ inferebat, quæ ut Zamoïscius averteret, iterum florentissimo cum exercitu nutantem ingressus Provinciam, hostem ad Telesinum amnem assecutus in fugam conjecit, castris exiit, & Mohilis regimen restituit, ad victorem facile, prout sunt volubili ingenio, accurrentibus Valachis, implorantibusque Regis Regniue Poloniæ juxta vetera jura patrocinium. At Turcæ etsi non ignorarent Polonorum arma in Provincia sibi vectigali nimios fecis-

Altera contra Michaëlem. 1600.

Mmm 2

se

*Turca eos
in Vala-
chiam pro-
gressus a-
gre ferunt,
dissimu-
lant tamen
ob bella
Hungari-
ca.*

*Et Polonia
Turcas in
Hungaria
bellantes
suspecti.*

*Cracovi-
am.
Ab anno
1592. ad
Annum
1606.*

*Bellis ci-
vilibus.
In Mo-
tuo-
viam.*

se successus, taciteque indignarentur, ta-
men ne si injuriam agnoscerent, interficere
cogerentur felicem belli Hungarici cur-
sum, aut certè vires partiri, (cùm præsertim
bella divisim gerere Statûs illorum ratio
legésque vetarent) proinde dissimulandum
in præsens existimavere, & quemadmo-
dum pacem vicinarum gentium suis com-
modis metiri solent, tunc quoque alibi im-
plicati, satis habuere si frequenti Legatione
Regem foederum pactorumque admone-
rent. Quanquam angebant non medio-
criter Polonos prospera Turcarum in Hun-
garia bellantium arma, quæ in eâ viciniâ
extendi plena res erat periculi, præsertim
ab infestis confiniis facile ad ipsam princi-
pem urbem, ac Regni viscera penetraturis.
Sed Turcæ iis propè annos quatuor supra
decem distinentur bellis summâ cum Chri-
stianitatis jacturâ dedecoréque, interea Po-
lonia partim domesticis occupata erat jur-
giis, partim ab exteris irritata, eò suas vires
copiasque transtulerat.

At mox fatalis Valachia atrocissimi belli
telam

telam ordiri incipiebat. Exactus à Tomsa
Turcis conniventibus deturbatusque è
Moldaviæ solio Constantinus Mohila, Ste-
phano Potocio occasionem invadendæ Va-
lachia fecerat. Stimulabat virum bellico-
sum contracta cum domo Mohilarum affi-
nitas, & frequens inde, quoties liberet, opum
ærisque subsidium: collectâ igitur haud
spernendâ militum manu, privatâ auctori-
tate, contra Procerum vota, unico Rege
dissimulante, spe quâdam inani fretus, quam
nulla aliunde tempestivè prospecta fulcirent
auxilia, Valachiam intrat, & cùm sive hostis
contemptu, sive sui fiduciâ incautiùs ageret,
ab advolante cum triginta millibus Tartaro-
rum Tomsa, ad fluvium Dziezam circum-
ventus, silvis paludibusque inclusus, præcisâ
omni pugnandi facultate, exercitu penè ad
internecionem deleto ipsemet vivus in ho-
stium potestatem venit, captivusque Con-
stantinopolim ductus est. Nec multò post
usurpato exemplo Samuel Corecius, &
Michaël Visniovecius eadem affinitate Mo-
hilarum familiæ adnexi, infestos exercitus

*Stephani
Potocii in
Valachi-
am irru-
it.
1612.*

*Ubi exer-
citus casus
et ipse ca-
pitur.*

*Samuel
Corecius
et
Michaël
Visniovecius
ag-
greditur.
1606.*

privatis impensis collectos in Valachiam inferebant: & Corecius quidem Visnio-vecio superstes sæpius cum Turcis congressus, eos ingenti clade excipiebat delebátque: & Moldaviam ejecto Tomſa penè vindicarat, sed tandem subsidiorum inops, desertusque à suis, post edita præclarissimi ducis ac militis specimina succubuit, & ut iniquioris fortunæ, ita & ergastuli Potocio socius fuit.

Et hic succumbit capiturque.

Ob irruptiones in Valachiam excandescit Achmetes Turcarum Imperator.
1613.

Sigismundus Rex per Legatos rem componit.
1616.

Atque hæc duorum in Valachiam irruptio fatalisque casus, accensum Achmetem dolore iraque percitum ad arma ultionemque stimulavit. Crevit Turcis spes audaciæque, dein & nostrorum contemptus, à cruento hoc præludio auguria oménque captantibus, quasi jam Polonos vincere didicissent, indeque mox Regni totius secutura ruina. Ergo furentem bellaque minitantem Achmetem continuit per Legatos Sigismundus Rex: & per Samuelem Targovium primùm Potocii irruptionem in Valachiam, quasi incio se ac Repub. factam, excusavit, cujus fat esset castigata temeris-

meritas, cæsà tumultuariâ invadentium manu, ipsoque duce in vincula coniecto. Deinde à Corecii clade missus Georgius Kochanſcius, qui referret: Tomſam ni amoveret Othomanus pactis reclamantibus Moldaviæ impositum, pacem nec diuturnam nec stabilem fore. Amotus quidem à Moldavia Tomſa, at non ex Turcarum animis odium scintillæque belli. Jam non ille qui olim Inter-Nuntiis Constantinopoli exhibitus est honor, mercatorum commerciis periculosus ac difficilis dabatur aditus, Tartari in Russiam immissi, eorumque turmis Turcæ mixti palàm nobilissimas populabantur Provincias: hinc questus, mox indignatio nostrorum, ad extremum cum Turcis belli causà minùs in publicum suppeteret, Cosacorum incursiones, latrocinia, ac pyraticam obtendebant, quasi illa Tartarorum insolentiam arceſſeret: sed eam ab utrinque controversiam recuperatorio Conventu per Subdelegatos sopiri postulavêre Turcæ. Profecti itaque sunt è Polonis Stanislaus Zolkievius

Mutua tamen similitudines componi non possunt.
1616.

Tartari Russiam populantur.

supre-

*Recupera-
torius con-
ventus
Zolkievii
cum Skin-
der Bassi
ad Bussam
Oppidum.*

*Zolkie-
vius à pu-
gna militum
continen-
tet, cum
hoste tran-
sigit.*

supremus armorum dux', è parte Turcarum Skinder Bassa vetus militiæ, ingenio fraudulentus, Korecianâ clade tumidus, odium in Polonos spirans, conveneréque ad oppidum Bussam ad confluentem Tyram Morachnâmq; situm, & ambo quidem numerofo cum exercitu. Hunc præter Turcicas legiones Tartarorum frequentia agmina, & Bethleëmii Gaborii præsentis Transilvanæ copiæ, demum Valachorum signa auxerant; illum non tam numerus (qui tamen haud contemnendus erat,) quàm militum robur Procerumque Ruffiæ auxilia validum effecerant. Nec defuit nostris ardor pugnandi, penéque erat victoria præmanibus Transilvanis suo cum Gaborio nutantibus, sed Zolkievii frigidi senis cunctatio calorem militum temperavit, oportunitate pugnae capeffendæ dilatâ, ne Turcarum potentiam in totius Poloniae discrimen irritaret, ejus præsertim viribus impari: utpote quam orbi formidandam juvenis didicerat, jam ab ætate fenili suspicaci nimumque circumfpectâ cautior, magis

gis ad tutiora mallebat propendere consilia. Inde illa profecta est in tractanda pace controversiisque definiendis indulgentia, quâ ille favorem civium imminuit, perpetuâque acta ejus vellicantium occasio fuit. Quippe interclusus ad Principatum Moldaviae Mohilanae familiæ aditus, apertus verò advenis, vilibus, obærat, & obscuris natalibus servilique iniustis notâ hominibus: permissum duorum oppidorum excidium inspectante exercitu, Bersadae videlicet & Riscoviae, quæ Cosacorum receptacula falso Turcæ prætendebant, movebantque de fundo controversiam, quasi in illorum ditionibus deductæ coloniæ pactorum securitatem violarent. Atque eo commento Polonorum tentari patientiam constitit, cum foedera Solimani & Sigismundi Regis limitem utriusque Imperii Tyrâ fluvio circumscripsissent: sed quod olim campos habitatore vacuos, nunc verò vicis oppidisque completos infessosque viderent, fredebant Turcæ suspectæ sibi viciniæ metu. Quoniam verò non aliter excidium colo-

*Per hos
favorem
perdit &
ubique
proscindi-
tur.*

N n n n

nia-

niarum urgere poterant, cum nullæ aliæ suffragarentur rationes, subdolâ criminatione iis, tanquam firmissimis receptaculis, occultari insolentiam Cosacorum arguebant. Existimabat Zolkievius eo oppidorum damno barbaros contentos reddere, at illi acrius institere, ut Cosacos armis persequeretur, velut pacis publicæ turbatores, id verò egere dolofo consilio: sollicitatos namque quâ præmiis quâ libertate promissâ, sparsisque clâm literis mira pollicentibus, tantò proniores ad defectionem inclinatos sperabant, quantò asperius à ducibus nostris habituros se vererentur. Sed Zolkievius technarum intelligens satîs habuit si illos armatus moneret, interminareturque ne rumpendorum foederum in posterum licentiosâ pyriticâ ansam darent.

Turca Cosacos castigare volunt.

Zolkievius tammodò interminat.

Pacis nomen ex illo conventu reportatur, re ipsâ bellum feruet.

Discessum itaque ab utrinque pacis nomine reportato, cum re ipsâ bellum ferueret, à recenti Tartarorum in Podoliam irruptione, excusantibus factum Turcis, videlicet: insolentem Scytharum gentem in rapinas corruptam, nullâ severitate regi posse.

Nec

Nec aliàs unquam frequentius & penè ad libitum incursionibus Tartarorum patuit Russia, summo cum Poloni nominis dedecore. Agri latissimè vastati, in vicos, oppida flammis sævitum, equorum pecudumque numerosi abacti greges, hominum utriusque sexûs ætatisque promiscuæ, præter senilem (quæ sola barbarum provocabat acinacem) centena millia capta, miseræque mancipata servituti. Et puerilis quidem ætas ad Machometis damnabatur superstitionem, valentiores verò partim Turcicas implevere triremes, partim desertis Asiæ adscripti glebis, catenati durâque vincti compede colebant rura: ad extremum tot populationibus capta jam Russia videbatur. Et Turcæ quidem pro tempore pacem servantes, gaudebant nobilissimas & opulentissimas Provincias lacerari vastarique, quæ ad eam redactæ solitudinem nec belli nervum suppeditarent, & plerisque fortissimorum virorum in servitutem abductis, exercitui Polono robur numerumque subtraherent. Cum tandem iterum populo-

Tartari Russiam uberrimè populantur.

Nnnn 2

rum

*Inde ge-
mitus &
lamenta
populo-
rum.*

*Zolkievi-
um cum
numero
Exercitu
ad Orini-
um ve-
nit.*

*Pugnam
detrectat.*

Piascius.

rum erupere lamenta questusque tantam
cladem miserantium, recrudescentēque ve-
teri controversiā, tum de adventu Turca-
rum certior factus Zolkievius, ad Orini-
num haud procul Cameneco lectissimā
cum militum Procerumque manu constitit:
ubi coeptos mox tractatus Turcarum va-
frities & mutatio discussit, nec non & Tar-
tarorum intoleranda insolentia, qui prope
ipsa castra suggesti, hostili insultu mili-
tum ardentissimē pugnam expetentium ir-
ritavere patientiam. Verum Zolkievius so-
lito consiliorum tenore, pacis quoquo mo-
do aut servandæ, aut habendæ percupidus,
acie instructā hostique oppositā immotus
stetit, vetuitque poenā capitis interpositā
evulgatāque, ne quis abeuntes insequeretur.
Atque dum illius temporis gesta annalesque
considero, invenio lectissimis tunc ac nu-
merosis Zolkievium imperitasse legioni-
bus: sunt enim qui retulere nec falsō, è quin-
que hastatorum, duodecim velitum, sex
peditum millibus conflatum fuisse exerci-
tum, omnem tamen praelii aleam cuncta-
bun-

bundum detrectasse ducem. Sed præter
solitam ejus cunctationem bellique Turcici
effugium, denegatæ militi pugnae unicam
hanc habuit rationem: quippe opulentissi-
mi quique Procerum privato ære conductis
copiis ad exercitum venerant, Zbarascii
præsertim, Sieniavii veteres Zolkievii
æmuli, & ut animis dissociati erant, ita &
stationibus separati constiterant, nullate-
nus volentes Imperatoris conjungi castris,
ideoque pugnam ordiri detrectabat dux,
à voluntariis bellatoribus obsequii incer-
tus, & consilia & mandata ejus sæpius asper-
nantibus: prævidebātque interturbaturos
potius quàm profecuturos victoriæ cursum,
nisi ab uno regerentur. Et quod præsen-
serat prædixerātque Zolkievius hostem æmu-
lorum suorum castigaturum contumaciam,
quos discretos sejunctosque aggredi ac in-
tercipere commodius haberet, mox ita eve-
nit: namque in Thomam Zamoiscium Pa-
latinum Kioviensem proprio cum trium
millium milite separatā in statione consi-
stentem, inveci Tartari, cruento diuturno-

*à Volun-
tariis bella-
toribus
obsequii
incertum.*

Tartari
Zamoiscu
Stationem
invadunt,
cui tarde
subsidiū
mittit.

Zolkievii
aliqua cul-
pa quod
Tartaros
non infe-
cimus fue-
rit.

que fatigavere impetu, inspectante Zolkie-
vio immotōque: & vix exorari potuit, ut
jamjam extremo in discrimine fatiscenti-
bus Zamoiscianis, aliquot sclopetariorum
centurias auxiliares submitteret. *Disceret*
(inquirebat) *juvenis veterano primū duci obsequi,*
post & ipse imperare. Neque ego tamen Zol-
kievium excusare velim, cur abeuntes Tarta-
ros Russiāque in oculis florentissimi exer-
citūs atrociter devastantes insequi noluerit?
cur ex Volhinia prædā graves oneratōsque,
securē decedentes immissis levioris arma-
turæ equitibus in fluminum transitu via-
rūque anfractibus non excusserit? certē
si pacis studium tantopere animo præcon-
ceperat, quā carō illud summōque cum
Reipub. damno constitit: quasi verō pacem
servaturus esset hostis rapinis latrociniis-
que innutritus, eoque tanquam necessario vitæ
elemento sublato, ipse mox exsanguis futu-
rus. Quodsi Turcas laceffere noluit, pro-
fectō castigata prædonum temeritas nulla-
tenus pactorum fidem violasset, cum Turcæ
palām affirmarent, rapacem gentem nullis
à se,

à se, quantumvis severioribus, edictis con-
tineri coërcerique posse.

Publicas Russiæ calamitates injuriāsque,
non mitiore rependebant vindictā Cosaci:
ac illi quidem initio exiguo Turcarum da-
mno Ponto Euxino innotuere, donec con-
tinuis eorum apud Regem Supremūque
armorum ducem querelis irritati, tum &
acrioribus mandatis, armis-que ostentatis,
vulgatāque de sui excidio famā exterriti, tan-
tō ferocius apertē in diñones eorum effun-
derentur. Inde non portūs modō & proxi-
ma maris tentare, sed ad interiora urbēque
Turcarum progredi, exscindere, flammam
ferrūque per agros circumferre, rapere,
spoliare, navibusque prædā onustis domum
victores remeare. Occupatum ab iis (de-
letis ad internecionem civibus) nobile aliās
& locuples Emporium Varna, vastata Te-
chinia, Kozlovia, Otsakovia, Belgradum,
Theodosia, Taurica expugnata: auxit trium-
phos Synope Mithridatis olim Regūque
Ponti domicilio celeberrima Emporium
Asiæ nobilissimum, Urbs alioquin dives,
jam

Cosaci
Turcarum
diñones in-
festant.

Occupant
præcipuas
Urbes &
Emporia.

Navalis
prælio de-
certant,
Cicula
Bassæ fili-
um occi-
dunt.

Constanti-
nopolim
flamma
terrent &
ipsum Im-
peratorem.

jam tunc sub tempus nundinarum ditior,
capta, diruta, cæde sanguinéque civium ma-
dens spoliata. Idem fatum sensit Trapefun-
tium. Jam verò & navali prælio decertare
ausi, Ciculæ Bassæ filius demersis triremibus
victus occisusque, mercatorumque naves
plurimæ discerptæ, sæpiusque mare illud,
Turcis in cassum frendentibus, infessum te-
nuere. Neque verò Asiæ tantum aut Europæ
Emporiis intulere terrorem, sed & ipsam
Imperii sedem domiciliūque Cæsarum
Constantinopolim subitus pervasit, accensis
à populantium manu circumcirca vicis su-
burbiisque, spectante flammam Imperatore:
quin & propius suggesti venationi dedi-
tum, seu, ut alii volunt, hortorum amoeni-
tate oculos animūque reficientem, trepi-
dum fugā intra moenia compulere, magno
cum potentia Othomanæ ludibrio, ad cu-
jus culcandum fastum si tantum prædoni-
bus piratisque licuit, quid præstarent Chri-
stiani Principes armis foederéque sociati?
Atque inter has Polonorum ac Turcarum
ab utrinque querelas, Zolkievio ac Skinder
Bassæ

Bassæ annitentibus, novisque pactis damna
ac dissidia componentibus, mirè attempe-
rata pax videbatur: quanquam lubrica illa,
& apud gentem Christiani nominis odio
flagrantem, infida fluxaque. Et licet dis-
cerptæ laceratæque ab incursantium ho-
stium insolentiā ingemiscerent Provinciæ,
bellique injurias sentirent, nihilominus à
tam funesto nomine abstinere placuit, &
nec bellum id, sed latrocinium tantum in-
solentium prædonum vocabatur.

Interea extincto Achmete Osmanus ad
paterni Imperii culmen evaserat, missus il-
lico à Sigismundo Rege Petrus Ozga Ma-
gister Libellorum supplicum, & Præfe-
ctus Trembovecensis, qui novo Principi
ob suscepta Regni solennia lætitiā testare-
tur, renovarétque foedera quæ cum patre
Osmani hætenus intercessissent. Auditus
acceptusque perhumaniter, cumque ea di-
missus benevolentia significatione, quæ sta-
bilire pacem, tranquilliorēque vicinita-
tem promittere videbatur. At Osmanus in-
quies, ferox, adolescentiāque præfervidus,

Dissidia
hæc Zol-
kievius
cum Skin-
der Bassæ
compo-
nunt.

Osmanus
ad Impe-
rium eve-
luit, ad
quem Pe-
trus Ozga
Legatus
missus.

Osmanus
adolescens
ferox bel-
lum spi-
rat.

O o o o

&

*Moschi
incitant.*

& qui non tam tuta & salutaria, quàm præcipitia capefferet, bellum in animoolvebat: accesserat ad vitiosam ætatem fastus arrogantiæque, inde nimia potentiæ viriûmque, quibus nihil inaccessum foret, fiducia: proindèque Poloniam brevi suos aucturam titulos præconciebat. Quatiebant ingenium asperius Moschi, recentibus cladibus bellantisque in ipsis Imperii visceribus Vladislai Principis felicitate exulcerati, jamque prece supplici, jam donis & muneribus per Legatos frequentissimè Constantinopolim commeantes, Othomanum ad bellum Polonis inferendum incitabant, eorum in aula postulata foventibus promoventibusque Græcis, suadente patrocinium arcto religionis vinculo, quod justis æquè atque injustis causis obtrudere modernus Orbis suo malo experitur. Atque eâ ipsâ tempestate religio Bohemiam perduellem contra Ferdinandum Cæsarem armaverat, conquistis undique subsidiis, quæ etiam apud Christi ejusque nominis hostem, à Christianis, si Diis placet, supplici commiseratione qua-

quærebantur: audiebanturque etiam rebelles Constantinopoli Osmani arma in nos provocantes, in ultionem haud prosperi cum Cæsare belli, cujus fausta initia submissa à Sigismundo Rege auxilia intervertissent. Et flagrantibus dissidiis ac circumcirca desciscentibus à Ferdinando Provinciis, Hungaria quoque erat contacta gravi flagitio, tracto in partes Gaborio, Regnumque sibi destinante. Sed ejus exercitu quem duce Rakocio suspectæ Poloniæ limitibus objecerat, ab irruentibus sex millium velutum copiis cæso, longè latèque per Transilvaniam Hungariamque extensis populationibus, collucente undique fatali flammâ vicos & oppida depascente, & Proceres Hungari rebelles Possonii, Comitibus curaque novi Regis eligendi omisâ, consternati profugere, & Gaborius penè à suis desertus Viennâ potiundi, quam gravi nec jam diu duraturâ premebat obsidione, simulque spe Regni Hungarici evolutus est: ad quod adipiscendum in posterum eâ fraudatus commoditate occasioneque, nunquam eniti

*Rebelles
Ferdinandus
Secundus
Imperatoris
Turcarum
arma
in Polonos
provocant,*

*Gaborius
vel maxi-
mè*

potuit. Ab hac clade Regnique erepti injuriâ furens, continuis fustibus commovebat agitabatque percitum Osmani ingenium, exasperabatque ad indicendum Polonis bellum, prono in eum Othomanæ aulæ favore, cujus jurato obsequio, nec non donis fuerisque artibus gratiam aucupabatur. Ita tunc rebellium Legati intentum facilèque ad bellum Osmanum propellabant, haud perinde formidando sibi futuro Ferdinando Imperatore, si auxilia Polona amoverent, novisque distinerent atque implicarent contentionibus. Aderat Tomfa egregiè incensoris personam sustinens: quippe operâ Polonorum è Moldavia (quo nomine alteram Valachia partem indigetant) ejectus dominiòque motus, indèque implacabili odio concepto, hostilem exacuebat animum quærebatque vindictam.

*Ingenium
Osmani
regunt
Hali &
Skinderum
Bassæ.*

Sed super omnes immite adolescentis Principis ingenium regebant præpotentes in aula ministri, tantò ad adulationem proniores quantò pertinaciorem refractariùmque intelligebant, & si obniterentur, certum sibi exi-

exitium, si verò placida promerent, gratiam favorèque arcesserent. Plurima vis penès Hali & Skinderum Bassas fuit, alterum aulæ, *Hali Bassæ in summa gratia.* militiæ alterum Præfectum: Hali Bassa nullo rerum usu pollens, impârque gravioribus curis erat: namque inter ephæbos adlectus, olim puero Osmano placuerat, deinde fœdarum administer voluptatum, conquisitis ad illius ingenium novis quotidie oblectamentis, inter primos familiarum assumtus, ad extremum assentandi aucupio libidinùmque artificio, ut gratiâ ita & summo in Imperio officio, (Vezeri Turcæ appellant) summâque post Cæsarem potestate præibat omnes. Cæterum sive ab exterorum criminationibus arma in nos concitantium, sive ab adulatione obsequiòque infensi Principis odium hauserat, hostem se Polonis jactabat profitebatûrque. Erga quos idem quoque Skinder Bassæ animus fuit, & vetus *Skinder Bassæ summa auctoritas.* militiæ dux, belli periculorùmque haud fanè detrectator, idèoque pronus ad asperiora, plura de ea expeditione scitè peritèque disceptare unus poterat, cujus famæ &

Corecii fusi cæsiq̃ue clades, & duo cum Zolkievio congressus maximam apud Turcas conciliaverant auctoritatem.

*Osmanus
Osinovium
Legationis
violat.*

Ergo tot tamque crebris incitantium vocibus, tum à suo pte ingenio ferox Osmanus jus gentium sacræque Legationis violat. Namque Osinovium Sigismundi Regis Nuntium, ad corrigendos nonnullos Patrum articulos, tanquam ad amicum novoque nuper foedere illigatum Principem missum, per carnificum lictorumque Præfectum Constantinopolim introduci jubet, & contumeliosè habitum, adjectis probris, nec aspectu dignatus ab urbe repellit. Satis apertè eà injuriâ classicum concinuit, quidve moliretur Othomanus palàm testatus est, cum hostili animo fas gentium temeraret. Et pluribus irritamentis excitabant Turcæ Polonorum moram: coeptumque est mox jurgium cujus ansa occasioque Valachia fuit, deducantibus eò rem Polonam fatis, ut super antiquas clades horridaque bella, novis iterum funestum aperiret campum. Id verò, prout contigerit, jam paucis expediam. Præ-

*Occasio
belli in
Valachia.*

Præerat Valachiæ cum imperio Gaspar Gratianus, Germanus, ut ferunt, origine, Gratii in Styria natus, is ingenio per negotiationem exercito, deinde propitio Mercurio mutando terras ac Principes obeundo, opes cumulaverat, quibus suffultus altioris fortunæ tentare fastigium, & extra mercatoris sortem consistere animos spiritumque sumsit. Constantinopolis ubi inclaresceret delecta, perque largitiones aditu patefacto quibus in illa aula nihil non pervium est, captatoque Turcarum favore, quem redimendis in Italia barbarorum captivis, inque patrium revehendo solum mirè intenderat, Achmeti Cæsari innotuit: arcessitusque Ducatu Naxiæ & Bissacensi auctus, deinde post obitam perfectamque ex voto ad Matthiam Imperatorem Legationem, Valachiæ impositus est. In eo culmine potentiae haud sese credebat fortunæ ejusque blanditiis, barbarorum fidem lubricam, favores breves, inconstantes, minusque faustos, populorum verò quibus imperaret levia & infida ingenia, imperium invidiæ odio-

*Gaspar
Gratianus
Valachia
Palatinus,
ejus vita
& ingeni-
um.*

odióque ambientium obnoxium animo volvens, lupum, ut ajunt, auribus tenebat. ac proinde cautus circumspectúsque primùm ingentes parabat opes, quas, si minùs prosperè res eveniret, aliò transferret, pòst subsidium dóminationi ab exterorum amicitia patrocinióque quæreret.

*Polonis
favet eóque
pramonet.*

Potissimus illi erga Polonos affectus fuit tanquam veteres olim Valachia Dominos, propensæque voluntatis dabat sæpius indicia, edocendo aulæ Othomanæ molimina conatúsque, incursiones Tartarorum aut avertendo, aut præcavendo: ad extremum omnes motus, consilia rebellium Germaniæ, hostiúmque Reipub. Polonæ, dicta factaque accuratiùs notando & referendo, deque Otsinovio pulso Majestatisque Regiæ contumeliâ, & imminentis belli tempestate Sigismundum certiore faciendo. Gnarum id Turcis qui apud Gratianum frequentiores, veluti honoris specie circumdati, morabantur, cæterum ipsius gesta, verba, excepta cum sinistra interpretatione Constantinopolim trans mittebant.

Et

Et jam tacitis Nuntiis præsenferat aversam Cæsaris voluntatem Turcarumque odia unico capitis sui periculo expianda, cum firmiore præsidio adversus vim, si quæ adhiberetur, sese muniendum ratus, per tentatis Valachorum animis, impulsisque ad rebellionem, quâ spe, quâ gratiâ factionibusque, in partes Polonorum Se, universamque Provinciam tradere parat. Aperuit mentem conatúmque arcanis literis Zolkievio Regni Cancellario, & supremo armorum duci: videlicet, statuisse apud se concedere in Regis fidem ac clientelam, neque illud tantum suum, sed universæ etiam Valachia votum esse, obstrictæ jam mutuo foedere, quod jurejurando confirmasset. Et hæc quidem secretò agebat, sed pressam silentio conspiracyem brevi evulgavit fama tulitque Osmano Imperatori Turcarum: is ire jubet Skinder Bassam, qui Gratianum vinculis adstrictum Constantinopolim retrahat sistatque, & bellum Polonis inferat. Ferali aulæ Othomanæ mandato perculsus Gratianus, dum Skin-

*Gratianus
cognitis
erga se
Turcarum
odiis Va-
lachos ad
rebellio-
nem exci-
tat.*

*Mittitur
contra il-
lum cum
exercitu
Skinder
Bassa.*

Pppp . . . der

*Zolkievium ut
Valachiam occu-
peret, stimulat.*

der Bassa copias colligit, militem scribit, continuo incitandis vocandisque in Valachiam Polonis instabat, inde Turcarum consilium constans, decretumque bellum, Præfectum exercitus Skinder Bassam aperit nuntiatur: com meatus, auxilia, publicas privatæque opes pollicetur, occuparent tantummodo ocius Valachiam Poloni, pretium non vile laboris gloriæque, neve interim spe pacis lactarentur: imminere namque iis mox necessitatem pugnandi, quam tutius esset antevertere, inque alienâ terrâ & extra patrios limites commodius hostem distinare fatigaréque. Et quo propior periculo erat, eo acrius ardentiusque Zolkievium urgebat incendebatque, hortando stimulandoque occasionem ne deesset.

*Cunctatur
Zolkievium.*

In cunctatorem Fabium inciderat Grattianus; namque veteranus à multoque rerum usu exercitatissimus dux legerat audieratque, à maioribus nunquam prospere cessisse Polonis Valachiæ usurpationem: reputabat secum auxilia quæ offerret Grattianus,

tianus, ab infido mobilique gentis genio incerta, quæ æquè citò ad fidem dandam atque mutandam propenderet, sibi vix tria millia militum sub signis comparere, tantundem ex honorariis bellatoribus accedere posse: at quàm exilis manipulus ad eripiendam potentissimo hosti Provinciam! eâ verò ereptâ quid lucri commodique proventurum, præter continua diuturnaque bella Polonis viribus haud ferenda, quibus hætenus Principes Christiani succubuis-
sent? Hæc intra se volvebat Zolkievius, ne tamen rei gerendæ occasionem suâ cunctatione præcideret, à Regis mandato pendere volebat, ad quem integrum detulit *Regi negotium aperit.* In consilio Regio plerisque idem sensus qui & Zolkievio erat, iidemque Grattiano receptum sine Reipub. noxâ dandum, sua verò defendenda potius quàm aliena exili cum exercitu invadenda censebant: nec objiciendas temere hosti veteranorum copias, florémque militiæ Polonæ: qui succisus universum Regnum in ruinam secum traheret. Sed Andreas Lipscius Regni Pro-

*Ceteris tu-
tiora sua-
dentibus
Andreas
Lpseus
classicum
canit, &
Vala-
chiam occu-
pandam
censet.*

*Scribitur
Zolkievio,
ut Vala-
chiam cum
exercitu
intraret.*

*Paret ille,
ad Regem
interim
scribit.*

Cancellarius Episcopus Luceoriensis consi-
lii aulici tunc princeps tutiora suadentibus
intercessit: vir ut ingenio ita & moribus
asperior, & ultra quàm sanctioris togæ de-
ceret Antistitem, turbidiora non nunquam
quietioribus præferens, Gratiano succur-
rendum, arma expedienda, Valachiam ho-
sti detrahendam invadendamque, futuró-
que bello inibi firmandam sedem, animosè
magis quàm cautè differuit, addiditque, fru-
stra militem haberi, si torpescat otio, & de-
ses à longè hostium conatùs spectet, nec
propulset. In eam hominis sententiam
datæ ad Zolkievium nomine Regis literæ,
intraret Valachiam maturaretque iter, rem-
que suo arbitatu gereret.

Accepta Regis voluntate, nec ignarus
cunctationem suam in aula notari, suæque
gesta ab æmulis unice observari, certus hoc
ultimo documento invidorum obtrectan-
tiumque arguere voces, testatus fortiora tu-
tioribus se amplecti, impar ad extremum
invidiæ dux, salutem rumori posthabuit:
nec ultrà moratus versùs Valachiæ fines si-
gna

gna moveri imperavit. Ac in ipso procin-
ctu dignam viro forti, optimo cive, me-
moriâ posterorum, Sigismundo Regi epi-
stolam exaravit, quæ Polonâ linguâ scripta,
Latinè postmodum reddita, à viro sui sæ-
culi eminentissimo Stanislao Lubienio
Episcopo Plocensi, in ejus opere posthumo
exstat; ex quâ in gratiam lectoris pauca ex-
cerpere mihi visum est, siquidem à non-
nullis scriptoribus paulò aliter, nec integro
sensu memoratam invenio: alii verò Zol-
kievium ultrò præfidenterque Valachiæ
fines ingressum prodidere, cum aliter ex
ipso epistolæ constet exordio. Namque cur
audaciora cautioribus prætulit consilia,
rationem Regi reddit iis verbis: *In hoc Rei-*
publicæ statu plerisque omnia in deterius interpretanti-
bus, & obstinato animo recta consilia damnantibus,
aliter fieri non potest. Privati quoque mei respectus
eam mihi necessitatem imposuerunt, & opprobria,
detractiones (ad ferendum vel magnis animis mole-
stissimæ) passim citra meam culpam in me jactatæ.
Hinc etiam, nisi Valachis petentibus suppetias ferrem,
daretur occasio sermonibus malevolorum, quibus ego

*Littera
Zolkievii.*

*Data Ba-
rii. 25
Augusti.*

potissimum peterer. Eò res devenit, ut aut (quod Deus largiatur) vincemus hostes, vel (quod avertat) illi nos vincent, si (quod absit) adversa sors Reipub. ceciderit, nolo superstes esse: diu id jam in votis mihi fuit, & volens extremum subibo fatum pro fide Sanctâ Catholicâ, pro Majestate Vestra, pro Repub., licet ab hac laborum & periculorum ejus causâ susceptorum gratitudinis loco opprobria tulerim, non possum tamen nisi optimè cupere patriæ meæ. Eorum, quæ optimo animo à me facta sunt, præmium in cælis me consecuturum confido. Quod si, ut spero, Deus nostris contra hostem conatibus faverit, ad minus mordaces linguæ conticescent. Hæ sunt præter alias causæ, cur hoc consilium secutus sim universo consentiente exercitu, reliqua, quæ eventura sunt, secreto Dei arcano continentur. In altera epistolæ parte, posteaquam fat luculenter de ratione belli gerendi cum Turcis differuisset, aperuissetque de inferendis contra Othomanum armis Sixti V Pontificis Maximi cum Stephano Poloniae Rege consilium, veluti à genio aurem sibi vellicante instantis fati admonitus, in hæc verba prorupit: Concludo hanc epistolam Tibique Serenissime Rex, Domine mi, valedico.

Constans

Constans mihi sum, idque ad Tribunal Dei mox compariturus confirmo, me fideliter & sincerè Majestati Tuæ servivisse. Si quâ in re (homo enim sum) id quod debui non præstiti, veniam det mihi Majestas Vestra, & filium meum, si fortuna belli ei pepercerit, Regio patrocínio complectatur Deus Opt: Max: Majestatem Vestram servet in longum tempus, ad propagandam gloriam Nominis sui, & Rempub. hanc augendam, denique Majestatem Vestram fundam vitâ, participem faciat beatitudinis æternæ, ubi ipse vivit & regnat cum Filio & Spiritu Sancto verus & æternus Deus. Ita ad extremum compellato Rege, obsignatâ transmissâque epistolâ eodem penè momento ad castra perrexit, Joanne Filio Rubieszewiensis Præfecto, & Lucâ ex fratre nepote, egregiis juvenibus comitatus, mox acceptus à milite exercitûque Tyram trajecit.

Numerum copiarum sex millia militum aut paulò amplius explevere veterani omnes, multorum non minus stipendiorum quàm victoriarum: Ordinum ductores celebres militiâque clari Stanislaus Koniecpolius Magister equitum Generalis Zolkievii gener,

*Numerus
copiarum
Zolkievii.*

*Ordinum
ductores
qui.*

gener, vir præclarè gestorum gloriâ insignis & ad Martem natus. Samuel Dux Corecius haud ita multum Constantinopoli è captivitate elapsus, Turcarum terror, Nicolais Strussus Haliciensis Præfectus, notum bellis Moschovitici nomen, Joannes & Lucas Zolkievii par præclarissimæ juvenum indolis, bellicâ in domo enutritum. Martinus Kazanovius virtutis spectatæ longâque armorum tractatione exercitatus Tribunus, Valentinus Kalinovius Camenecensis Præfectus strenuus impigerque, Volmarus Ferensbachius splendidis in Livonia natalibus gestisque, ingenio moribusque levior; sed manu promptus, perpetuus Corecii æmulus. Hermanus Denhofius invicti roboris animique, & ni memorabili exitu finivisset, ad magni bellatoris gloriam crescebat. Nicolais Potocius Jacobi Braclaviensis Palatini clarissimi Ordinum ductoris filius, jam nostrâ ætate armorum supremus dux. Alexander Balabanus Vinnicensis Præfectus Zolkievii ex sorore nepos, Martialis ingenii vir, Joannes Tyf-
zkievi-

zkievicius suâ majorumque claritudine ac militari laude præclarus, Stephanus Chmielecius horrendum Tartaris nomen, quos primus non vinci tantum sed internecione deleri docuerat. Joannes Odrzyvolscius, Theophilus Szembergus, Urzescius, Kovalkovius, Goslicius, cæterique Centuriones bellicâ laude omnes conspicui; ad extremum Valentinus Rogascius velitum ductor, Moschovitica expeditione ac paulò post factâ in rebellem Hungariam irruptione victoriâque clarus.

Eo militum numero iisque signorum ductoribus aggressus est Valachiam Zolkievius, & ad exercitum quod attinet egregii quique, non multa quidem nomina, sed præliares animæ, si concordia adfuisset, inferendo quovis bello sufficientes. At inauspicatò rem geri apparuit; jamque sub ipsum Barii portis egressum, sudum repente Coelum atrâ obduxit nubes, tum procellæ tonitrua, fulgura, imbrésque infausti monuere abitûs, ita ut equi rhedæ Zolkievii juncti, à nimio turbine, qui oculos feriebat,
Qqqq bat,

Omina infelicia belli.

bat, retrorsum inter se implicati, haud progredi possent, donec serenior rediret facies: neque hæ coelestes minæ, ultrâque solitum turbamenta terruere Zolkievium, quo minùs in castra pergeret. Effusus in profluentem Tyram nitratus pulvis, signum nullâ violentiâ Imperatoris fractum, nonnulli Tribuni Centurionésque haud sibi concordés, Zolkievio parùm æqui, & cuius magis fortunam, quàm ipsum veneratione, contumaciorésque infelicis belli exitum portendebant. Ad hæc à duce, veluti libens volénsque in sua præceps rueret fata, de subsidiis haud provisum, non privatis opibus, quæ illi amplæ, auctoratus miles, deinde vocatæ quoque Cosacorum turmæ non comparuere: quippe revolvens castigationes & odia, quibus acerbior in coercendis ipsorum adversus Turcas excursionibus fuerat, quietem gloriæ & gratuitæ militiæ præposuere.

*Zolkievii
exercitum
fama au-
get.
17 Sep-
tembris.
1620.*

Ingressum in Valachiam Zolkievium fama tulit, populósque pervagata numerum copiarum mendaci auxit rumore: læto ad recen-

recentem & nec dum exploratum militem Gratiano, à tamque prævalidis viribus securitatem sibi pollicenti. Primum ejus subitumque facinus fuit Turcarum cædes, Valachis ad patrandum metu, vel merito Polonorum impulsis. Ergo omnes qui Jassis primâ in Provinciæ Urbe Principumque sede aut domicilium fixerant, aut Gratiani lateri tanquam perpetui gestorum delatores adhæserant, aut recens clam ad capiendum sistendumque Constantinopoli advolarant, trucidati, paucique lanienam fortunæ beneficio evasere. Auditam Turcarum cædem in Polonis castris militum plausus excepit, quasi & Gratianus & Valachia fuso præliatoque hostium sanguine, arctiore se obstrinxisset fide, desperatâ prorsus veniâ apud Turcas immani irritatos flagitio. Sed dete-

*Gratianus
& Vala-
chi Turcas
trucidant.*

*Paucitate
Exercitus
delectâ
Valachi
nutant,
Gratianus
fugam re-
spectat.*

*Retrahitur
& ad ca-
stra venit.* no fuga magis quàm bellum in animo fuit,
eàmque respectantem Zolkievius retrahit,
*7 Se-
ptemb.* tergiversatione vanisque excusationibus
per literas præcisus, in castra evocat, certo,
ni pareret, exitio. Venit itaque cum exi-
guo sexcentorum comitatu lætitiâ gratu-
lationemque simulans, cæteris non compa-
rentibus turmis, quibus aucturum se exer-
citus speciosâ pollicitatione receperat, du-
cesque ad maturandum iter pellegerat.
Zolkievius ne artes dolosque intelligere vi-
deretur, benignè venientem excipit, o-
mniâque honorificè, ut in Principem, usur-
pat, de hostium viribus consiliis que ecquid
certi haberet interrogat? is nihil seriò ad-
ferre, cautâ & impenetrabili simulatione
copiarum numerum premere, demum am-
bigua responsa suspectam hominis fidem
adstruebant: fueréque qui suaderent Te-
chiniam versùs & Belgradum (quò prima
consultantium antea inclinabant vota) mo-
yendum esse exercitum, ad distinendum
Skinder Bassam metumque Tartaris infe-
rendum.

Haud

Haud probatum id Duci, retinendæque *Zolkie-
vius cum
exercitu
ad Ceco-
ram venit.* potius Valachia, cuius causâ arcessitus esset,
insistendum ratus, Cecoram oppidum ver-
sus ire, campumque & locum à Joanne Za-
moïscio immortalis cum nominis gloriâ in-
fessum, occupare visum. Quò ubi ventum,
pridie Idùs Septembris dimensa olim à Za-
moïscio castrorum vestigia, sed depresso
jam vallo fossâque humili Zolkievius repa-
rare jubet. Et miles lentius segniusque
operi intendebat, quem nulla de hoste no-
titia negligentiorè ignaviorè que red-
deret: cuius adventum quarto demum post
die Odrzyvolscius speculatum missus non *Odrzyvol-
scius ho-
stem adesse
nuntiat.* modò nuntiavit, sed suo inhaerentem tergo
prope castra adduxit, jamque de paucitate
Polonorum ab interceptis pabulatoribus
(quorum pars magna concisi sunt) edoctum.
Postero die venere in conspectum Turcæ
Tartarique suis agminibus discreti, mox
subsecutæ velitationes, quæ primæ feliciter
obvenerant, auctis inde procurrentium
Polonorum animis & infesta signa in aper-
tum penè effudentibus. Et Tartari quibus *Segnan'ar
velitatio-
nes.*

Qqqq 3

hæc

*Tartari
Rogascia
nos infe-
stant sed à
Denhoffio
illis suc-
curunt.*

hæc præludia parùm successerant, subito turmatim ad ripam Pruti circumgressi in levis armaturæ cohortes Valentino Rogascio ductore castris adjacentes, summâ vi impetûque irruunt. Moti loco turbatîque à densis numerosisque hostium agminibus Rogasciani, deinde à Denhoffio cum aliquot Centuriis equitum in subsidium prorumpente, strenuèque rem gerente erecti, validiùs in barbaros feruntur, cædunt, disjiciunt, fugantque, donec nox imminens & signum receptui datum cladem inferentes stitisset. At militum pugnam poscentium ardor haud sisti poterat à prosperis: namque feroces incusabant noctem, quasi plenam iis eripuisset victoriam, hostemque suis involutum tenebris abscondisset: optabant itaque diem, qui latitantes extraheret redderetque exoptato certamini.

*De nume-
ro hostium
non con-
stat.*

Interea quantis viribus barbarorum constaret exercitus Zolkievius hucusque nihil explorati habebat. Gratianus eam suscepit curam promiseratque, quamprimùm à fidis sibi speculatoribus innotesceret, confe-

confestim se Zolkievio aperturum: at ille ut in cæteris ita & hæc Polonos suæ fidei innixos subdolè elusit, namque ille onus veriùs non præsidium castrorum, calliditate ingenii variè tractabat animos, hostiùmque non maiores esse copias, quàm quæ in pridianis velitationibus campoque compa-ruissent, certò asserebat, sed falso: eadem namque nocte à Tartaro captivo cognitum est, centum millia bellatorum universo in exercitu numerari. Præerat Turcis cum imperio Skinder Bassa insimulque eorum auxiliaribus Transilvanis & Valachis, quos aliquot Primores profugi in deditionem bellique societatem pertraxerant. Tartarorum ingentia agmina turmasque regebat Dialet Gerejus (quod secundogenitorum nomen cum Præfectura militiæ est) Galga, Scytharum Reguli Frater. Minorem paulò numerum apud alios scriptores reperio, quibus concesserim facilè, modò non nimium imminuant, namque Tartaros suo cum Galga quinquaginta millium explevisse, penè apud omnes certum; Turcis verò gran-

*Tandem è
captivo
rescitur
centum
millibus
bellatorum
exerci-
tum con-
stat.*

grandioribus copiis bella aggredi usitatum, & totius Christianitatis malo compertum est toties.

*Miles
pugnam
poscit.*

Jam certus virium hostilisque potentiae Zolkievius, summam certaminis in maturiorem trahebat deliberationem, increpante moram milite, & nisi protinus ducetur, occupaturum se tempus & occasionem pugnae minaciter obstrepente: cui animos ardoremque indiderat contemptus hostis ex pridiana velitatione conceptus, crederetque noluit tam numerosis robustum esse copiis, quae fugientem nuper aciem non restaurassent. Alacritatem itaque secutus militis dux, ne pugnae cupidis adversa cunctatio audaciam eximeret, castris à tergo, quàm fluvius præterlabens suspectus erat, valido firmatis præsidio, copias educit, eumque in modum ordinat. Carragines duas è carris vehiculisque, quas lixæ agerent, confici jubet, easque à tergo, fronte, & lateribus tormentis bombardisque communit, quas inter pedites collocat: tum duabus portis castrorum emittit, lento sed æquo passu unam

*Sequitur
ejus ala-
critatem
Zolkie-
vium.*

*17 Se-
ptemb.*

*Copias
educit or-
dinatque.*

nam dextrorsum, sinistrorsum alteram procedere imperat, quoad relictus in medio campus succedentes sibi legiones recipere: mandatque, observarent ne longius à vallo promotæ, tergum nudarent, cui castrorum munitio securitatem præbitura erat. Lateribus verò equitum pugnantium ab his ambulatoriis castellis optimè provisum est, è quibus tormenta peditisque certò collineantes hostem incurstantem arcerent. Sed ii qui carraginibus præfuere, præcipuè verò dextræ non ad præscriptum mandatumque Imperatoris rem gerebant: quippe non attento sinistrae progressu quæ haud procul vallo substiterat, illa longius, quàm imperatum fuerat, provecta, frontem, latus, tergumque nudavit, adeò ut acies, quæ quadrata stare debuerat, laxatis distractisque agminibus dextrum cornu in mucronem porrigeret, nec tormenta peditisque curribus præsepti jam pro munimento essent, quorum ictus & jacula à distantia languescerent.

*Dextra
carrago
non corres-
pondet si-
nistra, lon-
gusque
provehitur.*

Et Turcæ mox in conspectum venere,
R r r r im-

*in hanc
Turca im-
petum fa-
ciunt.*

*Pugnatur
iniquiore
Polono-
rum for-
tuna.*

immissisque Tartarorum turmis hinc & inde volitantibus si quâ percurrere possent, ipsi postmodum structæ aciei campique recessus oculis contemplati, animadvertunt dextrum cornu productius laxatisque Ordinibus haud firmum esse: tum illuc propere summo cum impetu feruntur ruuntque. Excepti à Polono intrepidè, atroci cum cæde stragèque: namque quò propius ad carraginem res gerebatur, eò certius à tormentis sclopetariisque sternebantur, secuturâ maiori clade, ni subito inde amoti, in medio & extra omnem teli ictum patentem campum irrupissent. Tum verò, si usquam alibi atrox prælium cient, virtute necessitatèque Polonos perurgente, fortitudine tamen illis æquiore quàm loco, qui tormentorum subsidio nudatus, tot millium hostium incumbentium vires absque omni offensâ exciperet. Et post diuturnam cruentamque pugnam, cum utraque acies sat diu barbaros ancipiti fatigasset Marte, iamque à recentibus numerosissimisque (quod nunquam credebatur) in momenta affluen-

affluentibus agminibus premeretur, laxari coepit: postremoque cohortes sui sollicitæ, deficiente die ac viribus fessæ, periculo sese subduxere, & patefactâ per hostes viâ ad castra se recepere. Interim dextra illa carrago ultra mandatum ducis prominens, deferta, cum pedite spe auxilii destituta, viribusque impari, paucis propugnata horis, hostibus tandem cum tormentis cessit, legionariis partim captis, partim trucidatis, unico Centurione Almadi Hungaro feliciter cum viginti & aliquot suorum evadente, nec non Theophilo Szembergio rei tormentariæ Præfecto, periculum superante. Cæsi eo die è Turcis Tartarisque ultra ter mille, fauciati multò plures: Poloni quadringenti, tresque non ignobiles Centuriones, Urzescius, Kovalkovius, Goslicius desiderati, magnum profectò in tantillo numero damnum stragisque, quam spreta ducum imperia, Centurionum militumque temeritas intulit. Nam præter longius à castris promotam carraginem, dum nudatum acie tergum atque à vallo ca-

*Dextra
carrago
hostibus
cessit cum
tormentis.*

*Cæsum
ab utrin-
que nume-
rum.*

strorum unico sui munimento remotum ,
Tartari immensis agminibus impetunt, il-
luc auxiliares primæ aciei turmas necessitas
detulerat, relictis interea in fronte paucio-
ribus copiis, majoribus viribus quàm nu-
mero cum hoste dimicantibus, proindeque
non diu animos supra vires ab inundante
multitudine hostium obrutæ sustinere va-
luerunt. Et quamvis errata certam tunc
eripuerint Polono victoriam, memoran-
da tamen ea pugna fuit, observatúmque
tanto ardore non milites tantum, sed ipsos
ductores Ordinum conflixisse, ut plerique
illorum haud incruenti excederent; videli-
cet Stanislaus Koniecpolius, Joannes &
Lucas Zolkievius, Korecius, Nicolaius
Strussus, Martinus Kazanovius, Alexander
Balabanus, Joannes Tyfzkievicius, Nicolaus
Potocius, Stephanus Chmielecus, Her-
manus Denhoffius.

*Miles à pugna pa-
rum pro-
spera tur-
batur.* Nocte diéque insequenti ab hoste quies,
at non in animis militum à pridiana pugna
& fat pertinaci, & qualem nusquam memi-
nissent cum Tartaris conflictu perturbatis.

Re-

Revolvebant innumeris se hostium cinctos
circumseptosque copiis, nec campestri
certamini pares esse, nec mitiorem hoste
famem, si uno diutiùs loco affixi hærerent,
haud difficulter invalituram, denique nul-
lum à patria subsidium expectabant, pluráq;
occurrebant trepidis, quæ metum curám-
que intenderent. At Zolkievius animo
constans pluribúsque eruditus periculis,
convocatis Ordinum ductoribus primariis-
que militum, suam de ulteriori progressu
sententiam aperuit, censuitque: detineri
eludique hostilem impetum aliquot diebus
castrorum munimentis posse, non diu pa-
tentibus campis inhærere suctum, præfer-
tim verò Tartarorum vagam cursitantem-
que militiam moræ cunctationisque impa-
tientem esse, cæterum ab eo tempore mo-
mentis que consilia pendere, quæ deinceps
libens arriperet suo militumque bono: sibi
penè constitutum esse ferro per medias ho-
stium acies viam aperire, patriosque limites
repetere, modò perturbato militi spes au-
daciæque redierit. Forte animosumque

*Zolkie-
vius mili-
tem a-
nimat &
per me-
dios hostes
viam ape-
rire censet.*

Rrrr 3

dictum

dictum excepere fremitu Tribuni, ii verò maximè, quos veteres in Zolkievium similitates accendebant, ideoque illius carpere acta, & ab ipsius dissidere sententiis pro more habebant. Ac inter eos Valentinus Kalinovius Præfectus Camenecensis multis olim licet exercitatus bellis, semperque strenuus, tunc contradixit fugamque suavit, indicio Valachorum tutam securamque, quibus Pruti uliginosi coenosi que vada, saltusque, & silvarum avia probe nota essent. Averfatus Zolkievius viri aliàs militaris plenam ignominiam dedecorisque vocem, consultantium dissolvit coetum. At fuga jam menti cordique tenacius hæserat, fatali Kalinovium ducente necessitate ad tam probrosum facinus, qui tunc primum vitæ cupiditate teneretur, cuius aliàs in acie immodicè prodigus fuisset. Crediderim à Gratiano persuasum id consilii cepisse: quippe ille diffidens, ne traditus per pactio- nes Skinder Bassæ, supplicio metum belli causamque componeret, ideo evadendi monstrabat modos viamque, quam si se
duce

Contradi-
cit Kalino-
vius &
fugam
suadet.

Averfatur
Zolkie-
vius vo-
cem pro-
brosam.

Interim
fuga menti
illorum
hæret.

duce capefferent milites, expertes periculi brevi suis penatibus redderentur.

Velando itaque flagitio delecta nox: jamque inumbrantibus tenebris dispositis à duce excubiis, tradito nomine castro- rumque securitate firmatâ, Kalinovius & Gratianus primi ad fluvium Hierassum po- nē castrorum terga decurrentem advolan- tes, fugæ dato initio exemploque plurimos in scelus aggregavere: & quidem Kore- cium, Strussum, Tyszkieviciūque primæ notæ Tribunos eadem contagione corre- ptos fuisse, certò mihi constat, sed quia si- ve pudore sive periculo retenti, celerius re- diere, pepercere tantis nominibus scripto- res. Sanè Zolkievio exprobranti detestanti- que desertæ militiæ scelus, Korecius præfi- denti se ingerens animo, & quis inquam fugeret interrogavit? respondit, is è cuius veste adhuc madidâ recentes stillarent aquæ: id verò notaverat dux in Korecio pau- lò antè emergente, repressitque contuma- cem ac præposteram interrogationem. Nec satis erat fugacium hominum probum
densis

Kalinovi-
us & Gra-
tianus fu-
ga dant
initium.
20 Se-
ptemb.

Zolkiev-
ius Korecio
fugam ex-
probrat.

*Spargitur
duces fu-
gere &
exercitum
deferere,
inde omnes
precipites
ruunt mi-
serando
spectaculo.*

densis involvi tenebris, ni flagitio prætex-
tum mentirentur, sparsis videlicet per
conscios vocibus: deferi fraude ducum ex-
ercitum, ideóque sibi quemque consulere
oportere. Tunc verò, ubi is rumor percre-
buit, ac si jam non fuga sed subitus receptus
esset, qui auctore duce Tribunisque fieret,
cuncti sese proripiunt, inque flumen præci-
pites ruunt miserando spectaculo, obviâ-
que poenâ. Etenim in mortem ibant quam
tantopere fugiebant, cùm alii rapido hiatu
absorberentur, alios immensi vortices resu-
pinarent abriperéntque, alios lubricus fun-
dus & vestigii impatiens everteret, undis-
que hauriendos protruderet: denique & in
transmittendo fluvio, & ab hoste adversam
ripam obsidente, certa maneret clades. Nam-
que enatantes, si qui supererant, à Scythis
Valachisque trucidabantur, miseréque pe-
reuntium voces gemitusque audiebantur,
quos ignoti saltus, inexploratae silvarum
latebræ Valachorum lanienæ exponebant.

Zolkievius ad subitum per castra clamo-
rem tumultumq; attonitus ignarusque unde
esset,

esset, quove spectaret, deinde re cognita *Zolkievi-
us accurrit
videndi-
que sui co-
piam fa-
cit.* accurrit, signoque imperatorio erecto, fa-
cibusque accensis omnibus sui videndi co-
piam facit, tum quæ causâ fugæ interrogat:
Cur Imperatorem defererent commilito-
num salutis anxie prospicientem? cur præci-
pites mortem ab undis hostéque accelera-
rent, salvo Duce, integro exercitus robore
emeritamque tot bellis gloriam turpi jam
foedarent everteréntque flagitio? Et Ko-
niecpolius hinc ac inde volitans catervatim *Konecpo-
lius fugi-
tivos re-
trahit.* ruentes incedentésque cohibet, retrahit,
objurgat, obsequii, famæ admonet, cæte-
ris manum, ni parère velint, intentat, ac æta-
te viridi florentique valentior miscet se tu-
multuantibus, adesse duces nec fugere in-
clamat, impetumque fugientium retinere
precibus, minis, imperio nititur. Parum
apud obstinatos valebat ducum auctoritas,
& nonnullis quidem pudor, cæteris inex-
ploratum flumen, aliis sævitia hostium re-
ditum persuasit, & proprium cuique peri-
culum, quo minùs plures effunderentur,
obstitit. Dedecoris auctores Kalinovius

Sfff

&

Kalmovius & Gratianus aquis haustis absorptique.

& Gratianus famæ vitæque jacturâ castigati: ille obrutus aquis haustisque interiit, nullibi reperto cadavere, hujus à Valachis, ut ferunt, trucidati caput, Alexandri ab Osmano destinati successoris oculos ferali spectaculo pavit.

In hoc multum calones tentoria diripiunt & incendunt.

Atque dum omnia fusque deque in castris miscentur, jamque à milite partim tumultuante partim fugiente deseruntur, lixæ, calones alieno pavore securi contubernia invadunt, farcinas diripiunt, tentoria ducum scrutantur, supellectilem ut prædam spoliâque auferunt, residuo faces injiciunt: fortasse à desperato aliorum reditu insolentiores, vel certè fortuito incendio licentiam suam velaturi.

Conquiescent tumultus & de lixarum insolentia conquiescuntur Tribuni.

Conquievit tandem motus, repetière castra multi invitati, plures nocentes: Zolkievius quidquid noctis residuum fuit, somni expers, timidos erigit, suspitione vanâ suspensos firmat, Koniecpolius securitati munitionum dispositis excubiis providet, & quidquid sincerum Tribunorum militumque fuit blandiùs compellat, ad obsequium

quium parendique amorem excitat. Sed ob direpta contubernia cum propè nudi spoliati que plerique comparerent, ira dolorque Tribunos ac milites in ultionem accendebat, conquestique apud Zolkievium nocentes ad poenam deposcebant. At dux aliàs rigoris severitatisque nimium tenax, unicum tunc censebat remedium dissimulare scelus, tempestivâque indulgentiâ effrænem multitudinem in officio continere, cujus virtute fortitudinēque in supplementum opus haberet. Nonnullis ducum secretiùs in aurem dixit, cederent jam necessitati, ubi ad Tyræ ripam ventum fuerit, recuperaturos se sua non sine noxiorum poenâ. Et hæc est illa fatalis vox importunè à quopiam Tribunorum evulgata, qui secreti impatiens in ipso portu horrendi causa fuit naufragii.

Zolkievius dissimulatione utendum censebat.

Non procul tunc ab exitio aberant Poloni, ni Superi distulissent extremam cladem hostibusque aliam dedissent mentem, quos confusio procul visa insolitique motus in doli suspitionem traxere, attoniti-

Hostis in hoc tumultu Polonorum commotus fuit.

que hæſere, ſibiſque metuentes præſtolabantur quónam illa tempeſtas effunderetur. Atque eâ immoti ſtupentiſque hoſtis uſi opportunitate Stephanus Chmielecus, & Joannes Odrzyvolſcius flumine feliciter ſuperato, non contemnendam ſecum velutum manum trahentes, per campeſtria evaſere. Et ſuper illius quidem viri probroſo abitu vehementer Zolkievius indoluit, ſeque ab eo, cui plurimùm fideret, deſertum fuiſſe in literis queſtus eſt. Sed eam ignominiam poſtea præclariffimis editis facinoribus, tantâque Tartarorum cæde, quantâ à nemine unquam Polonorum ducum patrata eſſet, delevit, ornatuſque à Sigifmundo Palatini Kioviensis honore vixit, cujus viri mentionem alibi facturi ſumus.

Chmielecii.
Chmielecus
Odrzyvolſcius
evadunt.

cum 700,
alii volunt
cum 400
equitibus.
21 Septemb.

Caſtrorum
miſera ſacies.

Detexit tandem lux ſubſequens nocturnum ſcelus, numerumque deſertorum, tabernacula ducum lacera, contubernia militum adhuc fumantia, ſtationes dirutaſſe miuſtaſque, & univerſi exercitus cladem militi lugubrem, ob idque animo penè concidenti. Indolentem adverſæ fortunæ vicibus

vicibus Zolkievium, non virtus in canopectore viridis, non conſilium ſpectatum in discrimine deſeruit. In vallo munitiombuſque calones lixaſque ad oſtentionem pugnâque diſpoſuit, reſidua militum agmina hoſti arcendo propulſandoque inſtruxit, quem caſtra adortum oppugnantemque feliciter repreſſit, & integro octiduo paſſim ejus conatûs minimo ſuorum periculo, partim ſalubri cum Skinder Baſſa tractationum ſimulatione, injectâque ſpe concordia eluſit. Sed cùm animo provideret magnis ſe indies ſuaſque copias ſtringi difficultatibus, præſertim ab annonæ penuriâ invaleſcente, concidentibus ob inopiam pabuli equis, interim verò auxiliorum nulla è Polonia ſpes compareret, hoſtiſque patenti circumfuſus campo penè obſeſſos teneret: ea propter milites iis in anguſtiis jam ducum reverentiores, quippe communi periculo in communem redactos concordiam, in concionem advocat, ferro per confertos hoſtes viam ſibi facere ſuadet, nec aliter teneri patriam, niſi iis perruptis, poſſe,

Hoſtes
octiduo
Zolkievium
repreſſit.

Per medias
viam ſibi
aperire de-
cernit.

Sfff 3

posse, idque unicum salutis remedium restare significat, primusque caput suum in omnem aleam libens devoveret. Probavit miles consilium ab imperterrito ducis vultu confirmatus animatusque.

*Exercitum
è vallo
educit car-
raginem cin-
ctum.
29 Sep-
temb.*

Igitur 3 Kalendas Octobris inclinante in vespere die exercitum vallo munitionibusque educit, & carraginem propugnaculi loco futuram operam Martini Kazanovii celebris peritissimique rerum militarium Tribuni instruit disponitque. Incessere vehicula currusque arcte inter se connexis ordinibus in quadrumque dispositis, latera sexingentis in longum passibus, frons verò tergumque tormentis utraque communita in latum trecentis, constabant. Carraginem antepositus suis sub signis cingebat miles ex equite jam pedester factus, introrsum equi impedimenta & plures à vulneribus invalidi claudiebantur, primi agminis Ordo Korecio & Terensbachio commissus, medii Kazanovio cura obtigit, Szembergio tormenta & extrema demandata acies.

Obstu-

Obstupuere barbari ad subitum incedentium castrorum aspectum, mox Tartari <sup>Tartari
carragi-
nem in se-
stant, sed
periculum
pit.</sup> expedito advolantes cursu, euntes instant, ad pugnam lacerant, huc & illuc irruunt, vano ubique conatu: postremo partitis copiis pars insectando agmini remanet, pars prætergressi fluvii transitum occupant. Et turbati quidem primo impetu fluctuantes Ordines, deinde inter se connixi rupere obstantes catervas, viamque continuavere. Ac tota illa nocte duobus emensis miliaribus, luce primâ pridie Kalendas Octobris castris constitere. Possem ego hic diurnos nocturnosque progressus, prælia, loca, itinera minutim referre, sed fatius existimo rei gestæ seriem in compendium redactam uno velut sub aspectu ponere, ita tamen ut quæ maximè memoranda evenire, lectoris notitiam haud effugiant.

Septenis itaque noctibus continuatum <sup>Septem
noctibus
iter con-
tinuatur.</sup> iter directumque versus Mohiloviam, quæ ad Tyram Polonæ jam assidet ripæ, vario viarum flexu tanta moles carraginis circumducta est, breviorē facilioremque cursum præ-

*Summo
cum labo-
re & in-
ter conti-
nuos ho-
stium in-
sultus.*

*Per me-
dias Tar-
tarorum
stationes
evadunt,
novis sem-
per occur-
rentibus
difficulta-
tibus.*

præcidente locorum iniquitate. Magna profectò audebat Imperator militesque; & quod vix credi posset, paulò supra bis mille: transmissæ pedibus lacunæ, labentiùmque rivorum occurfûs, superati tumuli, colles, ripæ hostium armis infessæ, expugnata, per-ruptæque. Ibat magnanima legio, hoc enim unicum nomen meretur, si nume-rum spectes, crebros inter insultûs victrix, fatigabant paludes montesque, at ipsa sem-per constans enitebatur, se suâsque æstima-bat vires; accurrebat recens assultabâtque hostis, excipiebatur intrepidè, acceptâque resilliebat clade: terrebat inconditis clamo-ribus, quos saltûs, valles, nemora gemi-narent repercuterentque, & nox ipsa hor-rorem ostentaret, frustra id erat, par ubi-que viris fortibus constantia fuit, idem iti-neris cœpti tenor, & irritata virtus egre-giam audendi sæpius arripuit occasionem: quippe unâ nocte cùm Tartari magnis den-satisque agminibus viam complerent, tran-situmque impedirent, per medias illorum stationes collucentésque ignes, ac fœdè sub-

submota signa perrupit carrago, frementi-bus barbaris incassumque extremum agmen carpentibus. Atque ita ibant illi per adver-sos hostes, at per vias hoste crudeliores, quas ille rabie irâque percitus in excidium exasperaverat, corruptis igne vicis, agris, herbis, subtractoque ad extremum pabulo: traxere currûs jumenta per squallidam cine-re arentemque terram fatiscentia collaben-tiâque. Et quamvis tot tantique urgerent labores, non nisi à fortitudine Herculeo-que robore edomandi, constanti nihilomi-nus gradu prosequiebantur nocturnum iter, quod prima cujusque diei adventantis lux sisteret.

Et recens ab itinere præliis que nocturnis fessos, nova cura eoque gravior excipiebat: quippe Skinder Bassam semper lateri ince-dentem habebant, is captato ubique potio-re situ, ne tantillum quietis respiriique con-cederet, ortâ luce castris confidentes, de-sperato furore aggrediebatur: ac non tan-tum vi, sed ipsâ multitudine ingruentium obruere proterereque nitebatur: at vano

T t t t ubique

ubique impetu, quem præliares illæ animæ fortiter infringerent, ac inter volitantia tela glandiūmque nimbos sueto tempore hoste frustra inspectante transferrent castra. Nec dolus valuit, quo etiam pugnatum: ostentatā namque spe pacis Skinder Bassa Zolkievium compellat, mittique quempiam postulat qui secum certis transigeret conditionibus: mittit ille haud ignarus hostilis astūs Christophorum Druzbiciūm Turcicæ linguæ peritum, simulatque tractandi desiderium, ut aliquā breviori licet morā fesso militi quietem lucraretur. Interim barbarus detento Druzbicio, novis arcessitis copiis irruit, castra acerrimè diūque recentes fessis submittendo oppugnat, currūs, Ordines perfringere nititur, sed pari repressus violentiā, ingentique acceptā clade pedem retulit, in tantūmque jam milites aucti animis erant, ut & mox à prælio primā vespērā iter suum prosequerentur, & sequenti die tumultum stativis suis imminem à numeroso infesum hoste, indēque validiūs subeuntes incessentem,

Skinder
Bassa do-
losè spem
pacis osten-
tat, ad
quem mi-
sit Zolkie-
vius Dru-
zbiciūm.

Interca-
ta-
men acer-
rimè ca-
stra oppu-
gnat irru-
entem.

3 Octo-
bris.

sentem, summā contentione aggrederen-
tur, ac in clivum enixi inde hostem pelle-
rent deturbarēntque, rapto insuper è signi-
feri Tartari manu signo summāque in glo-
riā reportato.

Ultimum tandem virium 4 Nonas O-
ctobris exseruit Skinder Bassa, de victoriā
penè securus, cū in vectam carraginem in
immensam cerneret planitiem, cuius ipse
circumfusus undique agminibus dominus
esset: & in excidium nostrorum conjura-
bant elementa, terra aquarum egens, &
qui haud procul præterfluebat amnis Reut
ab hostibus cinctus, potum aquationēque
prohibentibus, locus ipse ab incendiis ari-
dus, cinerem pulverēque à ventorum
motu in os oculōsque ingerens. Evasuros
quis crederet? cū Turcæ armis, vento,
pulvere, opportunitate loci pugnarent: sed
nec tunc quoque magnanima virtus loco
cessit, quam adhuc damnare ruinā fata ti-
mebant, stetit firmo pede, & quæ morti
devota videbatur legio, jam hostium telis
undique operta, summo fervore furorēque

Ultimas
vires exse-
ruit Skin-
der Bassa.

Evadunt
Poloni se-
liciter.

à fronte, tergo, lateribúsque simul impetita, pertulit ardorem sævitiámque, cecidit ad sati-
etatem hostem, denique quâ manu quâ ful-
minantibus tormentis propè subeuntem fu-
gavit, noctéque imminenti promovit iter.

5 & 6
Octob.

Jam hostis, fracto impetu quem supra
modum intenderat, remissior factus, reli-
quos dies noctésque à valida castrorum ab-
stinebat oppugnatione, levibus tantum
præliis assultibúsque certatum, nec adeò
formidandis, nisi quòd eximerent quie-
tem fatigaréntque euntes. Tandem vix uno
milliari remotus aderat Tyras, superatâque
brevis loci distantiâ immortalium octidui
noctiúmque operum, raræ & admirandæ
fortitudini impositura erat coronam. Mœ-
stus suo cum Galga Tartaro recesserat Skin-
der Bassa, manserátque cladis à tam parva
manu dedecorisque illati sollicitus, Canti-
mirum tamen bellicosum Tartarorum du-
cem misit, injunxitque ut cum selecta co-
piarum parte, quæ, ut alii volunt, quadrin-
gentis tantum equitibus constabat, tergis
instaret euntium insisterétque.

Recedit
cum Skin-
der Bassa
Galga, de-
sperabun-
di ambo:
Cantimi-
rum tan-
tum inse-
quitur.

Ade-

Aderat nox inter sextum & septimum ^{Poloni}
Octobris diem media, atro notanda calcu- ^{summis}
lo, cum ad securitatem negligentiamque ^{angustis}
versus miles vicini littoris conscientiam, con- ^{preman-}
tumacia discordiamque propitia hætenus fa- ^{tura}
ta in sui perniciem irritavit. Tenebatur
ille magnis angustis, maximè ultimo qua-
triduo tribúsque noctibus, deerant alimen-
ta, fames miserandis propulsata cibis, at
super hæc somnus sitisque vitari non pote-
rat, cum alii tædio potius & vulnerum spon-
te inter cadavera procumberent, alii somno
fessi cadentésque nullo ad resurgendum
nisu, quasi exanimés, linquerentur: quin jam
hoc ultimo novissimóque vespere pulvis
bellicus deficiebat euntes. Eapropter quan-
tocius progredi iterque accelerare hortan- ^{Duces ad}
bantur duces Centurionésque, clamitan- ^{perficien-}
tes: perferrent pauci adhuc tædii viam, ap- ^{dum ster-}
parere jam vicinum patriæ limen, adesse ^{brevius}
ærumnarum portum, ubi aliquot impensis ^{hortantur.}
horis felicissimè considèrent, triumphaturi
pauci de tot hostium millibus immortalibus
cum nominis gloriâ. At milites cunctabun-

Tttt 3

di

*Miles
gressum si-
stet, calo-
nes castra
turbant &
fugunt.*

di segniùs excipiunt ducum imperia, pro-
gredi renuunt, retinent alios impediunt-
que, demum obnituntur, servatis nihilo-
minus hucusque integre Ordinibus, nisi
quòd invitis ductoribus gressum sisterent.
Id verò conspicati lixæ quibus hucusque
obsequium virtusque constabat, atque ut à
Præfectis jubebantur, in stationes vigilias-
que ibant, subito ob direptas olim ad Cetso-
ram militum sarcinas timentes, minisque
parùm opportunè sua recuperaturos obstre-
pentium exasperati, primi stationes dese-
runt, deinde exuunt imperium, tum ut nu-
mero validiores, quod reliquum diripiunt
fugiantque: serpsit latius scelus nullo Tri-
bunorum Centurionumque respectu, surdis
auribus imperia ingerentium, quas ingens
fragor, pavor, consternatio occluserat.

*Cantimi-
rum ad
castrorum
tumultum
advolat;
fit cades
ingens.*

Cantimirum ubi castrorum tumultum,
rapinam, fugam, sive proximus hostium
excubitor, sive transfuga edocuit, promptus
è vestigio, confusos accitis Valachorum aliis
cohortibus aggreditur, & rupta jam disso-
lutæque carrago aditum fecerat: fit itaque
ingens

ingens cædes, maximè fugientium circa
Tyræ ripam, victorum major numerus.
Et quanquam Præfecti, Centuriones, non-
nullique militum animosè resisterent, pri-
mæque exciperent vim, tamen cum sin-
guli adversus plures dimicarent, laboribus
vulneribusque confecti in manus hostium
venère. Stanislaus Koniecpolius & Her-
manus Denhoffius diutissimè distinuere pu-
gnam, & hic quidem acerrimè dimicans
multis confossus vulneribus interiit, ille
per numerosas sæpius erumpens catervas,
pugnansque fortissimè à pluribus Valachis
circumventus, captivus postea Turcis cessit.
Zolkievius desertus à suis dolorem altè pro-
fessus, animo tamen nihil inde remisso, to-
tòque illo infortunio major, fugam tunc
quoque oderat: & Centurionem equum
sibi offerentem, illum quidem asperioribus
verbis, hunc levi ictu gladii repulit, hostium
verò vinculis duræque compedi gloriosam
præferens mortem, ubi rem perditam videt,
advocato Simone Vibiercio Societatis Jesu
sibi perquam familiari Theologo, & ad ex-
tre-

*Zolkie-
vius a suis
desertus
occumbit.*

Prima
Nota viri
captivi.

tremum comiti, apud quem ultimò animæ noxas earum poenitens expiaret, verso in hostem vultu in conferta sese iniecit agmina, ibi aliquot acceptis vulneribus, præcisâque exigua cuti adhærente dexterâ, ignoratus quis esset occubuit. Capti è primoribus Joannes & Lucas Zolkievius filius & Nepos Imperatoris, Samuel Corecius, Nicolaüs Strusus, Haliciens, Alexander Balabanus Vinnicensis Præfecti, Nicolaüs Potocius, Volodimirus Ferensbachius, Martinus Kazanovius, Malinscius Stryzovius.

Discordia
cladem ac-
celeravit.

Hæc est illa clades Poloniæ memoranda, quam non hostium vis, non locorum iniquitas, non dira fames, non perpeßæ superatæque intulerunt æumnæ: discordia est quæ rem perdidit. Egregiæ animæ, fortitudinis miracula, quanta Vos domi, quanta apud Orbem Christianum manebat gloria, si superstitēs patrium attigissetis limen, & nunc quidem sera posteritas invictam animi magnitudinem roburque vestrum extollet mirabiturque: cæterum, utinam discat Polonia sæpe malè concors, à sola concordia

dia sui stabilitatem pendere Imperii, non illi hostium acies, velut apum examina pullulantes, metuendæ sunt, quàm unica dissensio certa libertatis dominiq̃ue ruina.

Consperfos cruore campos, spolia stragemque & quidquid in tenebris patratum erat sol oriens retexit, jacuit inter cæforum cadavera Zolkievius, repertus ab hoste indicio unius captivi, præcisum mox caput delatumque ad Skinder Bassam, præfixum palo ferreo, ante tentorium ipsius totâ illâ die spectaculo fuit: hinc Constantinopolim transmissum, Urbisque maximæ & populosissimæ ora in se oculosque convertit.

Zolkievius inter
cadavera
reperitus,
caput ejus
palo infixum.

Missum
deinde
Constantinopolim.

Is tandem finis erat viri, si cujuscumque, Imperatoriis artibus eminentissimi. Nobilitas generis perantiqua, pater Stanislaus Zolkievius Russiæ Palatinus togâ sagoque insignis. Juvenem ab egregiis animi dotibus commendatum primum Joannes Zamoiscius sanguinis nexu devinctus fovit rexitque, deinde Stephanus Rex visâ pulcherriam indole spectatâque virtute impensius adamavit, consiliique maturitatem eâ in

Elogium
Zolkievii.

VVVV

ætate

*Stephani
Regis de eo
iudicium.*

*Historia-
rum erat
peritum.*

ætate in tantum suspexit, ut inter quatuor esse voluerit, qui tantummodò conscii fuere secretioris contra Turcas moliminis, bellicæ apparandi, promovente negotium Sixto V Pontifice Maximo, cùmque Rege per Legatos conferente. Namque non ab usu tantum, sed à continua Historiarum veterum recentiumque lectione instructissimus facile expediebat consilia, tantâ cum memoriâ rerum à se lectarum, ut loca auctorum; si à quopiam minùs fideliter citarentur, ipse è vestigio ordinatè promeret, integris quandoque paginis ad stuporem audientium recitatis. Confecit quoque, et si prælo non commiserit, belli Moschovitiçi sub Sigismundo Rege gesti Commentarium, linguâ vernaculâ, stylo quidem militari, at qui rem gestam non minùs verè quàm prudenter explicaret, ac inter tot curas negotiâque publica, pulcherrimum sapius à literis petiit avocamentum. Jam verò per omnes militiæ contendens gradûs, tantam sibi gloriam pepererat, ut Zamôiscius in administratione bellorum vicariâ ipsius

ipsius potissimum uteretur operâ, commendatum deinde spectatumque Rex Stephanus Magistrum Equitum, seu, ut vocant, Generalem campestris renuntiaret. Unde Potociorum indignatio crevit à frustratione ejus spei, causamque perpetuæ & exitiabili æmulationi dedit, tractis in partes Strussio, Korecio, Kalinovio, cæterisque Potocianæ Domui aut sanguine, aut familiaritate, aut clientelæ junctis. Et quia Zolkievius diu apud Sigismundum plus æstimationis quàm benevolentiæ habuit, illique gratiâ præibant, tantò validior æmulantium impetus videbatur. sed apud virum talium contemptorem, militarique libertate ac imperio fretum, præfidentemque, irritus fuit. Jam verò gratiæ Regiæ securior, quam tandem summâ constantique in illum semper fide promeruerat, & cujus causam non minùs domi quàm bello fortiter propugnauerat, post delatam sibi supremam armorum Præfecturam Magni Cancellarii honore, atque ex hoc majoribus inimiciis auctus est. Namque à repulsa

*Zamôiscius ejus
operâ utitur in ad-
ministran-
dis bellis.*

*Rex Ma-
gistrum
Equitum
creat cum
invidia
cæterorum.*

*Sigismun-
dus Rex
primùm
non adeo
illi faveat.*

deinde a-
sumat &
supremam
armorum
Præfetu-
ram &
Cancella-
rii munus
desert.

tanti Magistratûs, cuius se Candidatos professi fuerant Georgius & Christophorus duces Zbarascii exasperati, prout jam retulimus, veteres similitates in aperta odia effudère, acta illius cum hoste, transactiones, resque omnes gestas carpendo fugillandoque, imminuebant ei Civium favorem, apud quem populari tunc eloquentiâ valebant, tanquam primarii boni causæque publicæ Patroni. At ille par tantæ invidiæ, mirâ æquabilitate animique altitudine, omnes retundebat insultûs, maximè Zbarasciorum superbè contemtor despiciensq;.

Zbara-
sciorum
cum illo
similitates.

Bella felicissimè administravit. Cæsi ad Bycinam a Zamoiscio captique Maximiliani Archi-Ducis magna pars Zolkievii fortitudini debebatur, ubi pertinacissimè pugnans faucibus ex acie excessit. Cosacos rebelles cum suo Nalevaikone armis domuit, de Tartaris victorias reportavit: ab eodem Sueci & Estones apud Revaliam duce Reinholdo Arnep Comitis Nassovii Vicario profligati deletique, ac Reinholdo interemto, castris tormentis omnique bellico appa-

Ad Byci-
nam stre-
nue se
gerit.

Cosacos,
Suecos
vinctos.

Moscho-
viam sub-
jugat.

apparatu exuti. Ejus ductu subjugata Moschorum Monarchia, Ducisque in triumphum Sigismundo dati. Pax cum Turcis sæpius à Cosacorum incursionibus turbata, æquis pactationibus ab ipsius prudentiâ restituta, cunctandoque potius, quam manûs conferendo hostis submotus. Ad extremum vir magnus, priscis Imperatoribus militari scientiâ conferendus, blandientium fraudibus intractabilis, disciplinæ tenax, publicam salutem privatis anteferebat rationibus, per scelus à suis desertus, tribus annis septuagenario major interiit. Conquisitum agnitumque corporis truncum, excepit mœrens Herburtea Zolkievii uxor, tum quæsito redemptoque Constantinopoli capite, in templo urbèque, quam vivens cognomini suo condidit, honorificæ sepulturæ tradidit.

Tumula-
tur in op-
pido Zol-
kievius.

At verò Poloniam diu latuit suorum infortunium, multis de rerum exitu variè differentibus. Ex quo etenim Zolkievius Valachiam intraverat, pauciores hinc & inde Nuntii commeabant, Tartaris & Valachis

chis infesta reddentibus itinera, ultimâsque Rex idque tardiùs acceperat literas, turpem Kalinovii ejûsque sequacium fugam, tum & universi exercitûs Panicum terrorem nuntiantes. Ab hinc silentium erat: malè inde præfagientibus animis, graviorâque metuentibus. Atque ii, quos flagitium inde extulerat, obsessos premi, commeatu destitui, desperato penitus meliore successu vulgabantur. Sed rupto silentio audita clades deploratâque, cujus atroces nuntii Tartari huc atque illuc arma circumferentes, Russiam victoriæ licentiâ populabantur percurrebantque, tum cædibus, rapinis, incendiis per omnia terrorem inferebant. Et insolentiam rapientium vastantiûmque ultra Leopolim Russiæ primariam urbem promovit impunitas, quod ad arcendam vim nihil provisum paratûmque fuisset.

Turca bellum indicit.

Per tot funestas clades atrox Regno inflictum vulnus erat, præsertim verò à Cetforiana victoria Turca vanâ spe tumidus, gentes, populos, omnesque vastissimi sui Im-

Imperii incolas passim ad arma convocabat. Bellum potentissimi excepturus hostis Sigismundus Rex Comitâ ad 3 Nonis Novembris indicit, peragitque. Sexaginta milium exercitus sufficere visus, præter Cosacos Zaporovienses, quorum quadraginta millia censi poterant: stipendiis bellique necessitatibus ab imperato collectoque haud modico ære satis provisum, auctâ summâ ab egregiâ liberalitate Ecclesiastici Ordinis, qui à Laurentio Gembicio Archi-Episcopo Gnesnensi Regni Primate Petricoviæ convocatus, erga patriam non solum pius, sed & munificus fuit. Conquisita quoque apud externos Principes auxilia opesque: missi Legati, qui totius Christianitatis propugnaculum summo barbarorum conatu peti edocerent, ac de communi admonerent periculo. Romam ad Gregorium XV Pontif: Maxim: ivit Achacius Grochovius Præpositus Lanciciensis, ad Romano-um Imperatorem Ferdinandum Secundum Maximilianus Przeremscius Castellanus Siradiensis: ad Jacobum Angliæ

Rex Comitâ peregit in quibus de modo belli gerendi, & pecuniâ statuitur.

Ad Principes externos missi Legati pro subsidio.

Qui deinde Episcopus Luceorietis fuit.

Offoli-
nius Re-
gni Can-
cellarius
mittitur.

Culinæ
Regiæ
Præfe-
ctus &
Bidgo-
stienſis
Capita-
neus.

Legati
quid effe-
cerint.

glia Regem Georgius Offolinus Palatini-
des Sendomiriensis: ad Archi-Ducem Al-
bertum & Isabellam Belgii Principes, tum
& Foederatarum Provinciarum Ordines,
ac nonnullos Electores Imperii Petrus Ze-
ronſcius Regi à secretis. Et Pontifex qui-
dem Max: certam in singulos menses pecu-
niæ summam, quoad bellum cum Turcis
duraret, paternè promisit, daturus mayo-
rem, nisi Cæsaris cum Hæreticis & rebelli-
bus continua bella Ecclesiæ fiscum exhau-
rissent. Sed ea liberalitas intra verborum
tantum terminos stetit: quippe ministris
tardè voluntatem Optimi Pontificis exse-
quentibus, pax interim sancita contribuendi
necessitatem stetit. A magnæ Britan-
niæ Rege & affectum prolixamque volun-
tatem, & subsidia Legatus retulit: quæ
jam sequebantur, sed à tanto terrarum ma-
risque divortio tarda, extra usum erant.
Albertum Archi-Ducem cum extremo lu-
ctantem fato Zeronſcius reperit: is cum
nec ære nec milite juvare posset exspiranti-
bus tunc cum Batavis induciis, armandis ali-

aliquot militum millibus, loricas, galeas
sclopos transmisit. Cæteri Principes
partim antiqua cum Turcis foedera, par-
tim necessitates proprias, motus domesti-
cos, inopiam ærarii in excusationem ad-
duxerunt. Erant qui censerent Regem Gal-
liæ singulari Legatione in subsidium vocan-
dum, præsertim in eâ Francorum nominis
apud Turcas totumque Orientem reveren-
tiâ, proindeque per ejus Principis Inter-
Nuncios clam in aula Othomana barbaro-
rum aspera consilia emollienda, aut aliò de-
torquenda suadebant. Trahebatur in ex-
emplum Sigismundi Primi ad Franciscum 1646.
Galliarum Regem perhonorifica Legatio,
qui misso Jacobovio petiit, ut Isabellam
Hungariæ Reginam Turcarum Imperatori
commendaret, illiusque causam veluti O-
thomanis foederatus Princeps promoveret.
Sed Rex quanquam potentissimi Monar-
chæ amicitiam haud postponeret, adduci
tamen non potuit ad impensius colendam,
nimium in Austriacos pronus, eorumque
commodis ultra modum studens: literas

X x x x

tan-

*Ad Re-
gem Gallia
mutatur
Milace-
vus.*

*Catholi-
que d' E-
stat par le
Sieur du
Ferrier.
1625.*

tantummodò dedit per Milacevium Nobilem aulicum à secretis perferendas. Nimis tamen jactanter ac falso asserentem redarguerim non neminem Gallum, qui in suo Catholico statûs patriâ linguâ conscripto, ubi Christianissimi Regis cum Turcis, hæreticis, barbarisque nationibus defendit foedera, sat præfidenter scribit: Gallia Regem salutis Polonorum studiosissimum, vehementer apud Osmanum intercessisse, ne arma illis inferret, cum nec de patrocinio Regis tum nobis constiterit, & omnem belli molem impetumque soli exterorum auxiliorum expertes sustinuerimus

*Dux ejus
belli desti-
natur Ca-
rolus
Chodkie-
vicius.*

Post imperatos delectûs, provisa stipendia, ultima de duce belli quæstio fuit, quisnam absumto recenti bello Zolkievio surrogaretur: omnium suffragio prælatus Joannes Carolus Chodkievicius Palatinus Vilnensis, & per Lithvaniam Generalis exercituum Præfectus, vir magnus prosperâ ubique fortunâ, victoriis clarissimus, à natura & armorum tractatione asper, summus Imperator, & qui ab adolescentia ultra sexa-
gesi-

gesimum annum continenti militiâ, & felicitatem & gloriâ extenderat. Vicarium Generalem quem diceret Rex non nihil dubius hæsit: namque ad hanc solam expeditionem id officium conferre volebat, præsertim superstite adhuc, licet captivo, Stanislao Koniecpolio, qui cum honorem beneficio Regio obtinuerat; & ne ad alium quempiam perpetuò transferretur, summè invigilabat Gasparus Denhoffius Principi carus gratûsque, Koniecpolii affinis, & per hoc claritudinem in Polonia ab illustri domo adeptus. Stanislauum itaque Lubomirscium Pocillatorem Regni Magistrum Equitum Generalem interea Rex renunciavit, cujus soror Koniecpolio nupta erat. Nec ingratum militi Lubomirscii nomen fuit, pluribus pro Repub. expeditionibus perfuncti probatque: deinde opibus relictis à patre Castellano Voinicensi, quas ille suâ industriâ artisque Oeconomicae peritiâ ultra equestrem censum auxerat, ipse verò cum illustri conjugio non minoribus acquisitis, plerosque optimè de Repub. me-

*Magister
Generalis
Equitum
Stanislauus
Lubomir-
scius.*

*Ducissa
Ostrogia
ejus D.
xor.*

ritos sibi devinxerat, favorémque compa-
raverat civium. Namque nulla in toto
Regno sedes hospitalior, ad quam frequen-
tius sive advenientes exteri Legatíque Prin-
cipum, sive domestici Proceres aut Nobiles
exciperentur magnificentius, quàm Lubo-
mirscii domus.

*Designan-
tur Com-
missarii.*

lib. 7.

Additi ducibus designatíque Delegati
vulgò Commissarii dicti, penès quos con-
ditiones pacis, tum & sancientorum fœ-
derum bellíque arbitrium esset. Et quan-
doquidem par iis potestas è secretiori con-
cessa mandato erat, quæ olim in Moschovi-
ticis bellis, cujus superiùs meminimus, pro-
inde referre supersedeo. Eorum tamen no-
mina cognomináque jam recenseo. Nico-
laus Sieniavius Structor mensæ Regiæ,
Matthæus Lefniovius regundorum finium
in Palatinatu Belzensi Præses, Michaël Co-
mes in Tarnajo, Paulus & Joannes Dzia-
lynii; ille Bratianensis, hic Pokrivienfis
Præfecti, Jacobus Sobiescius, Nicolaius
Kosakovius, omnes ut consilio, ita &
manu prompti, Ordinúmque ductores.

Ve-

Verùm penès quem supra duces prima
in ea expeditione esset auctoritas Regiám-
que secum ferret Majestatem, Vladislaius
Princeps omnium ore celebrabatur. *Cur enim,*
inquirebant, & contra Othomanos non eandem duceret
fortunam, quæ bellanti in Moschovia felicitérque
tyrocinium deponenti præsto semper fuisset? Notus
jam ille legionibus, militibus apprime carus, quos in
sui amorem mirâ comitate affabilitatèque pellexerat,
animósque dextre tractare noverat: ideóque non detre-
ctaturos tanto duce pericula, fidentiùsque ab eis ob-
sequium expectari exigique posse, si unicum patris &
Reipub. pignus sibi suæque integritati concreditum, in
castris haberent venerarenturque. Nec aliud æmu-
lantium ducum ambitioni (quæ maxima bellorum
frequénsque pestis) validiorem poni posse obicem,
quàm à Vladislai præsentia: memorantibus plerisque
ab ægre parentibus Lithvano duci Polonis in Mo-
schovia clades acceptas: jam verò sub Imperio optimi
carissimique Principis, utramque gentem etsi in pa-
ce honoribus, in bello officiis separatam distinctám-
que, animis, obsequio facillimè coalituram, cui ille
parem affectum benevolentiamque impenderet. Spe-
ctaret insuper Orbis duos juvenes florentissimos, an-
nis

XXXX 3

Vladi-
slaium &
Olma-
num.

nis ætatēque propè pares in arenam descendentes: illum quidem Europæ, Asiæ, Africæ viribus tumidum regna vastiore animo spēque devorantem, hunc causā potiore fretum: quippe pro gloria Crucis proque universa Christianitate Deo Exercituum supplicem fidentēque caput suum devoventem. Et hoc unicum Vladislai desiderium, parem suo animo deposcentis hostem, explevit Regis Ordinūque consensus, commissā tanti belli curā summo cum omnium applausu faustoque omine, censentium videlicet, à fatali Turcis nomine vires fastūque barbarorum contundendum.

Vladi-
slai Jagello
Turcarum ter-
ror.

Novum
& mandu-
cum Par-
ricida fa-
cinus.

Sed dum Varsoviæ consulitur, novum ecce horrendūque facinus universam afflixit Poloniam, & quia hætenus inauditum, tantò majori cum dolore mœstitiāque totius Regni exceptum. Sigismundus Primus Rex, cum cæteri Principes opes, vires, Regnorum amplitudinem jactarent, se vel eo solo felicissimum potentissimūque præ aliis judicabat, quòd in cujusvis subditi sinu tutò caput reclinare posset. Tanti Regis judicium primus temerare ausus est, eamque obse-

obscurare gloriam scelestus parricida Piekarfcus, dum in ejus abnepotem impiam tollit manum. Æternam ille genti dedecoris notam inussisset, ni rationis expers, belua potius, quàm homo, deinde absque complice socioque scelus attentasset. Intrabat Rex ex more templum xvii Kalendas Decembris, qui dies Dominicus erat, cum à foribus, quas retro latuerat, profiliens sicarius, clavam rostratam mucrone prominenti in caput prætereuntis attollit opportuno flagitio, cum illi qui præirent gressui continuando attenderent, & Vladislaium Principem sequentem, versoque vultu colloquentem sustinentēque turbam, portā ad limen parū adductā moraretur: jamque semel & iterum impegit, sed ictum fallente manu primò inter scapulas leve inflixit vulnus, deinde sinistrae genæ cutem abrasit. Concidente in terram Rege prostratoque, fit in templo fragor, cæteris aut metu dilapsis, aut tardius accurrentibus: Vladislai primus in parricidam stringit acinacem, persequitur, assecutusque

15 No-
vemb.

Rex vul-
neratur.

que levi tantum perstringit vulnere, multorum intentantium gladios stitit inhibuitque, quò suspecti latius sceleris reus iudicio fervaretur. Jacentem interea provolutumque Regem hærentibus cunctis, periculi aut suspicionis metum Joannes Kalinseius Nobilis Aulicus Martini Szyscovii Episcopi Cracoviensis elevat, accurrunt demum cum Vladislao Primores, deducuntque ad palatium.

*Kalinseius
provolutum
suble-
vat.*

Rumor interea ambiguus Urbem sub tempus Comitiorum populo frequentissimam pervaserat, inde tumultus ortus ignaris omnibus quid contigisset: audiebaturque clamor ubique diversa cogitantium, incerta respondentium, plerisque Tartaros irrupisse Urbemque tenere asserentibus. Occasionem dederat sparsi de hoste rumoris, non intellectum verbum Itali Cantoris ex Odeo templi inclamantis: is etenim conspiciatus Regem à sicario peti, Italica lingua *traditore*, *traditore*, ingeminat, dein subsecuto fragore, strepitu, plurimumque è templo sese ejicientium tumultu, quibus nihil

de

de Rege constiterat, res namque in aditu acta observari ab omnibus exactè non poterat, verbum Italicum *traditore* in Tartarorum subito commutatum evulgatumque, donec tandem Regem à parricida appetitum vulneratumque constitit. Et tantò graviore concitati motu, universi ad palatium advolant, alii de Regia salute solliciti, plerique desperantes, donec ab aspectu Regis conquievère, qui absterfo cruore curatoque vulnere videndum se præbuerat. Patuère è vestigio templi grates Deo referentibus, ac pro incolumitate Principis à sacro Ordine decretæ indictæque supplicationes. Admotus sceleratus proditor quæstionibus, deque sociis complicitibusque conjurationis exquisitus, cum nec tormenta, nec ignes, nec lassi per experimenta poenarum carnificis manus quidpiam exprimeret, & mera tantum deliria motæ mentis bellua narraret, publico iudicio damnatus supplicioque afficiendus traditus est: quo in describendo lectorem nihil moror, tale meruit pertulitque, quale olim in Gallia simile monstrum Henrici Quarti Regis nefarius

*Parricida
quæstioni-
bus admo-
vetur, ul-
timo sup-
plicio affi-
citur.
Ravallia-
cus.*

Y y y

farius parricida. Præmium sublevanti Regem Kalinſcio à Regina torques aureis, à Senatu bona percufforis data. Nec ille è cognatis ipſius à graviore poena immunis eſſe debuerat, qui temerariè, inſanum mentèque penitus motum ad eadem Comitia duxerat, Regis illi optimi profuit clementia, caſum ſummâ æquanimitate ferentis. Infortunium hoc aſtra portendere Regi præviderat Patavii in Italia tunc degens Johannes Broſcius inſignis Cracoviensis Academiae Mathematicus, datisque literis pro ſua, quâ ſubditum decuit, reverentiâ, ſupplex obteſtatus eſt: caveret neſaſtum diem, & à publico abſtineret. Rex quidem tardiùs latoris incuriâ accepit literas, collaudavitque fidem præmonentis, palàm tamen profeſſus eſt, obtemperaturum ſe haud fuiſſe, licèt opportuniùs Broſcii inſpexiſſet epiſtolam. Sed ut Genethliacorum perſæpe mentientium reſponſis ſuperſtitioſe credulum Principem eſſe non decet, non ideo tamen contemnenda aliquando aſtrorum vaticinia, præſertim ſi ante eventum promantur, ſèque

*Broſcius
ex aſtris
infortuni-
um Regis
prævidit
æponniſq.*

ſèque planè ingerant minùs talium curioſis.

Haëtenus Polonia ſuæ deſenſioni intentata ad ſiſtendas barbarorum vires ſedula, conquirebat apparatûs. Et jam augebat fama quotidie Oſmani validas ſui Imperii cogentis copias, quibus ferox juvenis prædam univerſum oſtendebat Regnum, hæc verò ſuis penè inſerebat titulis. Tumidæ ſpei plauſum faciebant libidinum miniſtri aſſentatorèſque, protervo Principis cohærentes ingenio, aliter ſentientibus iis, qui ab uſu rerum & prudentiâ inſtructi, maturiori eminebant conſilio. Contemta Sacrorum Præſidis expeditionem diſſuadentis vocèque acerbâ temerata auctoritas, ſpreta ariorum infauſta præſagientium ſuperſtitio, haud detinuère furentem caræ pellicis triſtia viſique ipſius cruore manantis enarrata ſomnia, denique tantus erat ardor concupiti ſemel belli, ut & Muſtapham Virum principem liberiùs præpoſteros arguentem conatûs, impatiens cultri ictu invaſerit læſeritque, & morte cæteris exitiòque ſilenti-um impoſuerit. Solus Skinder Baſſa Oſma-

*Oſmanus
bellum ſpi-
rat, aſſen-
tatores im-
pellunt.*

*Pruden-
tiores diſ-
ſuadent
ſuo pene
exitio.*

*Skinder
Bassa au-
toritas
aliquid ef-
fecisset.*

num belli appetentem cauto consilio detinere volebat: quippe pluribus expertus praeliis, maximè verò novissimo, Polonorum virtutem, licèt in exiguo bellatorum numero, infractam invictamque, proinde devitabat arenam, in qua sibi cum universis Regni viribus decertandum foret. Mors ejus maturavit omnia, namque in reditu post Zolkievii exercitusque cladem, ortâ altercatione de remittendis captivis Constantinopoli à Dialet Gereō Galga Tartarorum duce interfectus est, cū ille omnes sibi deberi contenderet, hic è contrario suos esse assereret, veluti à Tartaris absque Turcarum auxilio obtentæ victoriæ additamentum: captivos certè plures Galga retinuit, à Turcis quatuor tantū insignes ducti: Stanislaus Koniecpolius, Lucas Zolkievius, Volodimirus, Ferensbachius, & Samuel Korecius, cæteri, quorum nomina superiùs recensuimus, Tartaricos pertulere compedes.

Sublatis itaque iis qui aut tutiora suaserant, aut liberiùs suassent, properabat in
exi-

exitium Poloniae Osmanus, & antequam bellum explicaret, eam aggreditur arte, mercede, & dolo. Missi occulti per Russiam Nuntii Cosacorum pertentantes animos, allicientesque ad defectionem, quâ præmiis propositis, quâ amplâ libertatis pollicitatione, delectique Græci ad suadendam perfidiam, motusque inter populares ciendos, eò habiliores, quòd eorum ritibus universa Russia imbuta, quodcunque servitium pati mallet, quàm minimam sui Schismatis jacturam. Comparuere pretio Turcico emti proditores, qui flammæ per nobiliora oppida civitatesque spargerent. Et Cracoviæ visum horrendum flagitium: sparsa videlicet per publicum, perque latebras humanorum corporum membra in partes secta, nusquam comparentibus capitibus, discerptorum tantum cadaverum informes reliquæ, passimque creditum, Regnum à Turcis beneficiis devotionibusque peti. Nec minore hæc vulgi visa metu evulgataque, quem insuper auxere prodigia: apparentes videlicet per Coelum illustri nocte

*Osmanus
Cosacos
ad defe-
ctionem
solicuit.*

*Proditores
immissi.*

Y y y 3

igneæ

Varia ap-
parent
prodigia.
1621.

igneæ sese mutuò collidentes columnæ, quatefactæ motu terræ Urbes Russiæ, quo etiam maximè intremuit Valachia, sol sub meridiem magnâ sui parte deficiens, Vistula immodicis auctus undis, ripas indignatus per lata camporum magnâ cum ædium, pecorum, silvarum, hominum strage, diffusas vehens aquas terrâsque inundans. Et talia complura, quoniam è multis narrabantur locis, animos horrore formidinèque compleverant.

Lubomir-
scius pri-
ma Castra
ad Scalam
ponit.

Atque cùm tanta belli instaret moles, Chodkievicius antequam reliquæ confluerent copiæ, primas Lubomirscio demandat excubias, qui assumtis propriis cohortibus, & promptissimis Centurionibus accitis, ultimis diebus Maji castra ad Scalam Podoliæ oppidum posuit: loci commoditate usus, quem & Zbrutius amnis præterfluens, & inaccessæ rupes, unde & nomen accepit, munitum redderent. Eâ in statione Lubomirscius quidquid à vigilanti duce exspectari poterat, egregiè perfecit. Namque exploratis Tyræ undis, adjacentes ripas fir-

firmis infedit præsidiis munivitque, sive trajicienti militi, sive pontem injicienti securitatem præbiturus, hostibus arcendis ubique intentus, quorum in terras crebris discursibus, & consilia conatûsque explorabat, & comæatum remque cibariam per pabulatores futuro providebat comparabatque bello. Et patuit postmodum quantum Lubomirscii industriæ universa ad Choti-
num deberent castra! quippe ab eo alimen-
torum vectâ procuratâque copiâ, longio-
re tempore depulsa prohibitâque fuit fa-
mes, quam Turcæ undique obsidentes in-
festantèsque itinera inducebant. Dum itaque pervigil dux primas belli curas ordinat, cæterâsque copias, ut se quàm primùm castris inferrent, exemplo suo allicit, venerat Baptista Veve-
lius origine Italus, natalibus
Cretensis, ingenium, mores fallaces ad pa-
trii soli accommodatum ferens prover-
bium, Græcis ritibus in Valachia serviti-
que imbutus, fidelissimûmque Turcarum
erat mancipium. Attulerat ille ab Alexan-
dro Valachiæ & Uzain Bassa (sunt qui Ca-
pudzi

Lubomir-
scius
commea-
tum ex-
ercitus
parat.

Vevelius
ad Lubo-
mirscium
ab Usam
venit.

*Explora-
toris perso-
nam
Nuntii
gere de-
prehendi-
tur, & de-
tinetur.*

*Kopicin-
scius Tar-
taros cadit.*

pudzi Bassam scribunt) literas, quibus pacem suadebant, invitabantque ad concordiam suâ operâ, si Poloni non abnuerent, refarciendam instaurandamque. Sed Cre-
tisan-tem Cretensem deprehendit Lubo-
mirscius, qui sub persona Legati explora-
torem ageret, proindeque lautè nihilomi-
nùs habitum in vicino rure audivit tenuit-
que ad supremi ducis Chodkievicii adven-
tum, sub specie honoris arctiori circum-
septum custodiâ. Iniquè ferebant & Ale-
xander & Usaimus tardiorum Vevellii re-
ditum, deque illius adventu desperabundi
Tartaros in Poloniam immiserant, à qui-
bus subito per agros effusis flammâ ferro-
que omnia vastantibus, sensere Russiæ terræ
haud modicam calamitatem, non impune
tamen: namque è mandato Lubomirscii
Simon Kopicin-
scius vir fortis strenuusque
Centurio cum selectiorum equitum globo
onustos spoliis securiusque regredientes,
affecutus, repressit, excussâque prædâ in-
genti affecit clade.

Et eo ipso penè tempore Vladislâus Prin-
ceps

ceps sese accingebat itineri, convocabat-
que legiones, quibus suæ profectio-
nis diem indixerat. Sed antequam Varsoviâ move-
ret, templum adiit supremum veneraturus
Numen, postque Solenne sacrum à Franci-
sco Diotalevio Apostolicæ sedis Nuntio
peractum, ad aram supplex accessit, ubi
Nuntius Regio juveni ab Exercituum Deo
conceptis verbis opem imploravit, vexil-
lûmque sacratum tradidit. Magna spes vi-
ctoriæ omnibus subito affulsit, cum vultum
Principis constantem, alacrem, lætûmque
spectarent: at magis Prætorix cohortis ex-
plicatum vexillum, insolitam opis Divinæ
fiduciam augebat. Namque ad triumphalem
Domini crucem è pectore Aquilæ pro-
minentem, jusserat hæc verba inscribi:
PRO GLORIA CRUCIS. Et quomodo de victoria desperaret, qui crucis
munimine tutus invictusque esset, ac pro
cujus gloriâ tanto cum fervore certamini
se suumque offerret caput.

Tendentem Leopolim versûs. Vladi-
slâum sequebantur legiones selecto milite
armis-

*Vladislâ-
us itineris
se accingit.*

*Sacratum
Vexillum
accipit.*

*eius inscri-
ptio.*

Z z z z

*Qua copia
& quibus
ducentis
bus secuta
sunt Vla-
dislam.*

*Paulus
Wolucius
Episcopus
Cuiavien-
sis privato
are con-
scribit mi-
lium.*

*Et Alex-
ander
Dux
Radzivi-
lii.*

armisque præstantes, quibus præfuere Tri-
buni bellicis operibus spectatissimi. Pedites
Germanos atque equites duxere Joannes
Weiher Palatinus Culmensis, tum Ernestus
& Gerardus Denhoffii. Hungari Nicolao
Kochanovio, Almadi, & Bartosovio parebant.
Aderant hastatorum militum turmae ductoribus
Stanislao Nimir Podlachiae & Constantino Plichta
Sochacoviae Castellanis, nec non Pauli Wolucii
Episcopi Vladislaviensis privatam impensam
submissam duarum Centuriarum, equitum hastato-
rum una, peditum altera, quibus Philippum
Fratrem Castellani Ravensem præfecerat:
æternum optimi Præfulis erga patriam
pietatis monumentum. Par animus amorque
boni publici ac Principis in Alexandro
Duce Radzivilio enituit, à quo proprio
ære scripta adjunctaque Vladislai copiis
tria peditum vexilla, & una velitum
turma, præter eas, quas Gniewosius, Zborovius,
Dzierzek, publicam pecuniam auctoratas
ducebant. Prætoriam Vladislai cohortem
veteranus implebat miles, qui non splendore

re tantum natalium, armorum elegantiam,
sed probatam etiam exercitatumque in pluribus
bellis fortitudine emereret: cui accesserant
Procerum Nobilium filii honorarii bellatores,
numero cum comitatu, officium studiumque
erga Principem, & maturam armis
juventam ferentes: Constantinus Dux Vinsiovecius,
Adamus Prziemscius, Andreas Firleii Casimiriensis,
Paulus Dzialini Bratyanensis Præfecti, Stephanus
Konicpolius, Sigismundus Tarlo, Thomas
Sobiescius. Atque hunc nobissimum letissimumque
equitatum regendum commiserat Martino Kazanovio,
longam armorum tractatione percelebri Tribuno,
cujus viri jam sæpius mentionem fecimus: is
nuper à Zolkievii exercitusque clade superstes,
ab hoste non agnitus, ejusque miram vultus
confidentiam ac simulatione deceptus, septem
tantummodo diebus captivus, liber pro
gregario milite redemptus evaserat.
Nec postmodum hominis bellicosi magnanima
virtus præmio caruit, namque à Sigismundo
Rege Castellani Haliciensis honore

*Honorarii
bellatores
qui.*

*Prætoriano
militi præ-
est Marti-
nus Kazanovius.*

rem accepit, à Vladislao verò jam Rege, & Podoliæ Palatinus & Magister Generalis equitum renuntiatus fuit.

*Chodkie-
vicini Lu-
bomirscio
se conjun-
git.*

Jam suis cum copiis præcesserat Vladislavum Chodkievicius, affecutusque Lubomirscium ad pagum Rzepnice eidem se conjunxerat. Haud festinati adventus sunt qui ex ingenio magis conjecturisque, quam ex ipsa rei veritate depromunt rationes: certè non alia moræ causa fuit, quàm negligentia coeuntium militum: vitio gentis nostræ, cui lentos delectus habere, lentius ac non nisi divexatis prius debellatisque intra viscera patriæ colonis, ad castra progredi usitatum, effluente interim rerum gerendarum occasione, summo cum Reipub. incommodo gravique jacturâ. Detentus ad adventum Chodkievicii Vevellius arcessitur, comiterque ab Imperatore acceptus, eo cum responso dimittitur: Sciret Alexander, Usaimusque se ut ad arma promptum, ita nec à pace honestâ & æquâ alienum esse. Additus Vevellio Szembergus vir sagaci expeditoque ingenio, ac barbarorum mo-

*Vevellius
cum re-
sponso di-
mittitur,
Szember-
gus illi
additur.*

ris

ris haud ignarus, qui ad Vezirium Chodkievicii ferret literas ad pacem invitatorias, & publico quidem nomine ageret Legatum, cæterum clam vires, animos, consilia hostium inspiceret referretque.

Exercitum deinde Chodkievicius lustravit ac in phalanges partitum distributumque, præter eas quæ ipsius ac Lubomirscii essent, singulis suos præfecit nominavitque ductores, videlicet: Boratinium Præfectum Lipnicensem, Lesniovium Belzensem Succamerarium, Zienievicium Castellatum Polocensem, Sieniavium Structorem Mensæ Regiæ, cum Procopio fratre, Sapieham Præfectum Orsanensem, Zoravinum Belzensem, Opalinum Poznaniensem Castellanos, Kozakovium Visnensem Præfectum. Excubiarum cura demandata Bogdassevio Wiernek, & Kazimirscio; Castrorum verò metandorum Dolmatæ Nobili Lithvano, veteranoque sub signis Chodkievicii militi. Atque in eum modum distributis copiis Tyram versus movit, confeditque castris ad Braham oppidum ripæ

*Chodkie-
vicini ex-
ercitum
lustrat &
in legiones
distribuit.*

Z z z z 3

vi-

*Consilium
ad Danu-
bium hosti
occurrendi
non succe-
dit.*

vicini fluminis impositum. Quod an trans-
mitteret, non nihil hæsit, quandoquidem
ad intercipiendum transitum Danubii jam
tardatum foret. Ea namque mens erat
consilii apud Regem intimi, præcipiendum
videlicet quàm primùm iter in Valachiam,
inde pontem injicienti Danubio hosti oc-
currendum, conatùmque tranandi impe-
diendum, ibidémque commodiùs disti-
nendum. Non sine aliquâ spe auxilii à Da-
nubii incolis, qui omnes Christianis imbuti
sacris ad pristinam anhelantes libertatem,
Christianorum iis in oris volitantia arma,
explicatùmque Crucis vexillum præstola-
rentur, duræ servitutis jugum excussuri.
Sed amissa jam erat occasio arcendi à ripa
Danubii subeuntem Turcarum exercitum,
ob tardos ultrà quàm imperatum erat mili-
tum delectûs, eorùmque adventum in ca-
stra, proinde mutatâ sententiâ visum est
consultiùs, si copiæ in Valachiam transdu-
cerentur, hostem extra Poloniae limites ex-
spectaturæ excepturæque: atque ut festina-
rent monebantur literis Regiis duces. Nec
mi-

*In Vala-
chiam Ex-
ercitum
transfere
consultiùs
visum.*

minore Cosaci Zaporovienfes incitamen-
to erant, quorum validissimo præsidio de-
stitui summè periculosum videbatur, ne-
gantes se priùs ad castra venturos, quàm
hæc ultra Tyram constitissent: ne initis in-
ter utramque gentem foederibus, ex eorum
præscripto soli, veluti pacis cum Turca tur-
batores, ad vindictam à potentissimo exer-
citu deposcerentur. Fides itaque illis obli-
gata, sponsùmque, pacem aliàsque pactio-
nes cum Turcis ipsorum cum scitu & ex
voto processuras.

Pronuntiatum itaque per castra in Va-
lachiam iter, & pons Tyræ injici coeptus, *Et trans-
fertur pon-
to fabrica-
to.* sed quem ille dedignatus rapidissimo de-
cursu aquarum sæpius dejecit: repertus Ru-
thenus, seu ut alii volunt Lithvanus (nomen
hominis incognitum hucusque) qui fir-
miori structuram operâ aggressus, adactis
in fundi alveum, sub publicis, desuper imposi-
tis trabibus ac tabulatis aquarum furorem
coërcuit. Tum verò primum agmen Lu-
bomirscii transmisit, at sequentium legio-
num trajectionem interruptit iterum inter-
cisa

16 Aug.
gusti.

cisa ab aquarum vi contabulatio, quâ refe-
ctâ universo demum cum exercitu Chod-
kievicius 18 Kalendas Septembris trans
Tyram stetit.

*Castra lo-
cantur ad
Chotimum
Oppidum
& arcem.
loci situs
describi-
tur.*

Delectis castris locus ad Chotimum op-
pidum arcemque vacuum tunc, & à timore
fugâque accolarum desertam. Cingebant
hinc rupes Tyræ impendentes, inde verò
virgulta silvæque, cavis sinuosisque viarum
anfractibus intersectæ: in medio patebat
campus non adeò nimîa prolixitate diffu-
sus, eliciendo hosti sat opportunus, qui ta-
men nec pugnandi necessitatem inferre,
nec universam aciem explicare posset. Ter-
go securitatem præstabat arx in edito præ-
ruptoque colle sita, ad cuius littus Tyras sini-
strorsum profluens rapidas volvebat undas.
Et ad eam quidem partem Chodkievicius
suis cum Lithvanorum copiis stationem
ceperat; oppositam Lubomirscius tenuit,
in medio sedes Vladislao relicta. In alterâ
fluminis ripâ ad caput pontis impositum
præsidium, ad asservandam copiis hinc at-
que inde commeantibus viam, quò securior
adve-

advenienti suis cum copiis Vladislao expe-
ditiórque pateret.

De Turcarum exercitu quandoquidem
hucusque nullam haberet notitiam Chod-
kievicius, ab exploratoribus certior futu-
rus, Kopaczevium primò audentem nec
impigrum Centurionem, deinde Mosci-
nium, postremò Fekietium Hungarum fi-
dum animosumque & ex quo à Turcis in
regias transiverit partes bellicis operibus
insignem, excurrere jubet. Sed dum ille
nihil certi ferret, alter Moldavorum latro-
ciniis, cum quibus etiam confligit, retarda-
tus, haud longè provectus fuisset, tandem
Fekietius adducto insigni Moldavo capti-
vo, sibique olim in Turcarum castris opti-
mè noto, adventantis hostis fidem fecit,
cui Alexander Moldaviæ Palatinus benefi-
ciario jure obstrictus, suas juncturus copias
jam ivisset obviam.

*Chodkie-
vicius
explorato-
res mittit
versus
Turcarum
Castra.*

*Molda-
vus capti-
vus à Fe-
kietio ad-
ducitur,
hostemque
venire
nuntiat.*

Eo rumore imminentium Turcarum in-
valescente, Chodkievicius & Principis
Vladislai legiones ipsiusque adventum sum-
mopere exspectabat, & Cosacorum Zapo-

A a a a

rovien-

*Tardior
Cosaco-
rum ad-
ventus
male habet
Chodkie-
viciū.*

*Konasz-
eviciū &
Molode-
cium mit-
tit, qui illos
celerius
arcesse-
rent.*

*Doro-
szenko Co-
sacos ad-
se nuntiat.*

roviensium tardè procedentes turmas æ-
gerrimè ferebat, anxiùsque præstolabatur,
præsertim quid ubiue locorum agerent ig-
narus. Auxit Imperatoris sollicitudinem
veniens Petrus Konaszevicius, vulgò Say-
daczni dictus, qui expeditâ feliciter Lega-
tione apud Regem benignum commilito-
nibus suis ferebat responsum, quos jam Po-
lono junctos exercitui reperturum se spera-
bat. At dum frustra quærit, Chodkievi-
cius notum sibi summæ dexteritatis fortitu-
dinisq; virum nec indonatum, illico ad ar-
cessendas Cosacorum copias acceleran-
dumque iter dimittit, addito securitatis
causâ Annibale egregio Centurione duo-
bus cum velitum turmis, & Molodecio au-
læ Lubomirscii familiari, homine Cosacis
notissimo, quos nomine Ducum compella-
ret, adventumque urgeret. Quanquam post
paucos dies tædium expectantis Chodkie-
vicii imminuit Doroszenko, promptum
commilitonum nuntians obsequium, jam
jamque adventare per hostium terras, &
capto direptoque oppido Sorrokâ flam-
mam

mam cædémque aditu patefacto spargentes.
Nec minore totius exercitûs lætitiâ exce-
ptus Rusinovius cum aliquot millibus levis
armaturæ velitum, Lifoviensium vulgò di-
ctis turmis, ex Germanicis tumultibus re-
dux, ubi contra rebelles Ferdinandi Impe-
ratoris strenuè navatâ operâ patriæ suæ, cui
ante omnes vitam fortunâsque debebat,
præsto fuit.

*Rusinovi-
us cum
Lifovia-
nis ad Ca-
stra venit.*

Vladislavum properantem detinuit sum-
mâ cum ipsius indignatione eorum incuria,
qui rem tormentariam curabant: namque
& tormenta tardiùs Leopolim advexerant,
nec eo quo debebant ordine, ita ut pleraque
refici, pleraque immutari deberent, magno
cum temporis dispendio: deinde peditatus
Germanicus, qui Principem sequebatur, lon-
go itinere æstûque attritus & exhaustus, non
progredi sed serpere videbatur, multis præ-
lassitudine aut cadentibus, aut ægre spiritum
trahentibus. Atq; eas moræ suæ nimum in-
gratæ ac tædiosæ exhibuit rationes Stanisla-
o Zoravinscio Castellano Belzensi, & Jacobo
Sobiefcio Legatis à Chodkievicio exercitû-

*Vladisla-
ver quid
remora-
tur.*

que missis advolaturum se quantocius promittens, quò illum laudis gloriæque cupido, & patriæ amor impensius ferret.

Cantimirus Tartarorum castra aggreditur ex insidiis.

Interea Cantimirus Tartarorum dux Polonorum cladibus notus ideoque nimium ferox, bellum orditur, & apertum quidem devitans Martem, ex insidiis castra aggreditur. Selegerat quinque millia veteranorum, & cum tribus ipse per invios delatus saltus, in remotiore paulò latitabat silvâ, duo verò millia ad Tyræ ripam procurrere, ibidemque vallum occupare, mox sinistrum castrorum latus invadere imperat.

Piotro- vici Centurio suorum periculo instantis pugna admonet.

Ac penè perruperant, ni fortè in Piotrovium Centuriorem suis cum turmalibus ab excubiis, quæ illi ad vada Tyræ obtigerant, redeuntem incidissent, qui primus hostem non sine aliqua suorum securius jam degentium clade excepit, suoque periculo cæteros instantis pugnae ac discriminis commo- nuit: moxque advenientibus suppetiis re- jecti barbari, pluribus amissis in fugam se coniecere. Acrius ab alterâ parte certatum est: quippe immissæ à Cantimiro delectæ pugna-

pugnacium Tartarorum cohortes, submo- tis excubiis, recedentibusque ad castra, ad ipsam Lubomirscii portam ferventiùs insti- tere, tantâque cum pertinaciâ, ut unus ho- stium staturâ & animo eminentior, sub ipsis penè munimentis dimicans, non ante præ- lium omiserit, quàm perfracto capite lapi- dis ictu ibidem prostratus cecidisset. Tan- dem Lubomirscius aggressionis impatiens aliquot signa in hostem immittit, deinde dissipat, cædit, à reliquis verò terga in silvas conversa sunt, non ultrâ secutis victoribus.

Ad Lu- bomirscii portam Tartari ferventiùs insistent.

Fugantur caduntur- que à Lu- bomirscio.

Et Cantimirum cedentes barbari in socie- tatem fugæ traxere, haud tamen effugien- tem cladem, quàm ab obviis sibi fortè for- tuito Cosacorum turmis accepit, amissis veteranorum permultis. Chodkievicius plures alibi hostium latere ratus, copias in campum educit aciemque instruit, pugnae si vis ingrueret copiam factururus: at nemine comparente, submotâque hac prædatoriâ manu castra repetiit, moestior aliquantum ab inspecta acie, quam prævalido oppositu- rus hosti, suæ opinioni ac Comitiorum san-

Chodkie- vicius aciem in- struit.

*Rumor de
Cosacis
à Turca
circum-
ventis,*

citis haud correspondentem invenit. Spes reliqua in Vladislao adventante, Cosacorumque agminibus erat. Sed & hanc propè irritam fecerat crebescens de Cosacis rumor, acsi in itinere à Turcis circumventi, ad internecionem deleti fuissent. Adstruere famæ volanti fidem exploratores, qui præcluso sibi à Tartaris aditu, coercitisque excursionibus nullam adferre notitiam poterant; volitantibus insuper Moldavis suo cum Bernascio prædone famoso, terrisque olim Podoliæ infesto, adeò ut plerique pabulatorum incautiùs proveci, aut cæde, aut servitute mulctarentur.

*vanus
fuit, sed
non sine oc-
casione.*

*Konaszewicz
vicinus in-
cidit in
Turcas &
vix eva-
dit.*

Sed vanus ille rumor de Cosacis fuit, periculum tamen in quod illi incurrerant famæ occasionem dedit, quæ auctis viribus eundo exitum ipsorum vulgaverat. Ac primùm Petrum Konaszewiczum in discrimen error coniecerat: converso namque versùs oppidum Stepanouce itinere, ubi se commilitones reperturum rebatur, viam latiore & equorum ungulis tritam nactus, quasi suorum vestigia legeret, accelerabat gres-

gressum: cum subito conspectis Turcarum castris, damnatòque, qui illum in hostium casses penè compulerat, errore, sensim pedem referre coepit, accurrentibus mox majore numero Turcarum speculatoribus, post cruentas cum iisdem velitationes, amisso equo ipsemet faucibus in proximas sese recepit silvas, quarum latebris tectus ad Tyræ ripam pervenit, suorumque copias haud procul à Mohilovo oppido reperit. Acceptus comiter à sociis, suctisque acclamationibus iterum Regimini restitutus est, (quod illi antea severitas, exactaque disciplina militaris observantia ademerat) amoto Brodawkâ homine ignavo ac temulento, oneratòque catenis commissa flagitia morte expiatur.

*A Cosacis
iterum ad-
movetur
Regimini.*

Redditi itaque pristino expertòque duci Cosaci, meliori ordine festinantèsque ad Chodkievici properabant castra, Turcarum copiis non longè incedentibus, in quas fortè fortuna sive errore viarum, sive cupidine prædæ, à cæteris abrepti inciderant quadringenti, (eum enim numerum faciliùs

*Cosaco-
rum qua-
dringenti
fortissimè
Turcis re-
sistunt.*

*Deditio-
nem recu-
sant.*

lius recensenti Sobiescio crediderim, quàm aliis, qui centum triginta tantum fuisse scribunt) circumventique fortissimè restitère, hostiùmque tulère insultum, qui desperatâ victoriâ opem plurium legionum advocaverat, ipso Cæsare ad famam Cosacorum ocius exercitum trahente properantèque, quasi jam tum fortuna ipsius in expugnatione exilis manipuli verteretur. Totum itaque locum ad quem confugerant, à naturâ, rupe, collibúsque munitum, coronâ circumplexus excidiùmque interminatus, deditiorem exposcit. Recusantibus Cosacis, fortissimo cuique aggressionem imperat, vivosque capere nititur: at illi firmati in mortem, non inulti erumpunt, acriter vim repellunt, cædunt, promptissimum quemque hostium obtruncant, vexilla rapiunt, ad extremum quocunque ferrum vertunt, vulnera spargentes, attonitum nutantemque hostem submovent. Postremò Osmanus ignominiâ præceps, quando nulla spes capiendi erat, fortem illum suæque potentiae illudentem manipulum, admotis tormentis dis-

disjicere imperat, quorum jam plerosque ad proximos montium specus profugos, obturatis accessibus & recessibus, igne fumoque enecare mandaverat. Nec ea profecit vis, sustentatâque usque ad noctem, sed confecta jam tot cladibus, quæ reliqua erat sese defendentium paucitas, cum per triduum effusæ circumcirca armatæ multitudinis impetum constanter pertulisset, neque subigi posset, quæsito per noctem effugio cum obstructâ ab omni parte fugiendi viâ dispersa vitabundâque haud evadere posset, post edita novissimè fortitudinis exempla in manus hostium venit. Quamquam est qui tradat, se ultro imploratâ fide Turcis dedidisse, quod à Cosacorum moribus alienum, illorum bellandi ratio docet, nunquam sese fidei barbarorum credentium, quive ut exquisitam evadant laniam, desperatione stimulati, mortem per vulnera cadésque obstinati quærere solent. Adducti itaque qui supererant captivi ad Osmanum eorum videndi perquam avidum, mox pudorem incussere

*Tandem
in manus
hostium
veniunt.*

Bbbbb

con-

*Ad Osma-
num ad-
ducuntur
in ejusque
praesentia
maclan-
tur, & ipse
suâ manu
nonnullos
perimit.*

conspectæ laceræ vestes, leviâque sagula quibus cooperti ante eam constiterant Majestatem, quam sæpius perterrefecerant. Secuta deinde indignatio: videlicet à tam vili genere hominum Othomanæ potentiae inferri opprobrium, tum irâ excandescens suique oblitus Tyrannus, direptum à latere acinacem pluribus immergit, suâque manu Cæsareâ non repugnantes confodit: cæteros ad arborem alligatos partim sclopis, partim sagittis transfigi imperat, atque expirantium palpitantiumque crudeli fruitur spectaculo.

*Contra il-
lorum Le-
giones uni-
versum
Exerci-
tum mo-
vit.*

Tam exiguae manûs vix triduo expugnata difficili victoriâ irritatus Osmanus, ire ipse cum universo exercitu adversus Cosacorum legiones ad Chodkievicium tendentes statuit, validum Polonis detractus auxilium, si in itinere anteverteret segregaretque: easque sibi primas destinabat victimas secuturæ immolandas victoriæ, quam & à sua ferocia, & à totius Imperii collectarum virium robore præconceperat. Verum Cosaci compositi munitique per confertos sese

sese expedivère hostes, & octiduo impendentibus Turcis, inter continuos conflictus stragem clademque hosti inferentes, in liberum campum & ad Polona evasere castra, ad quorum dextram eâ parte, quâ Tyras præterfluebat, stationes cepere.

*Sed illi
evadunt
ad Polona
Castra, &
designatam
capiunt
stationem.
7 Se-
ptembris.*

Idem dies & Szembergium & Vevelium ad Chodkievicium tulit: aperta Ve- zirii literæ scriptæ superbius, pacemque videlicet in armis sitam esse ferentes. Vevelius per dies septem in arce Chotinensi detentus, duriusque à Chodkievicio acceptus redire jussus est, cum vulgari & modicâ mentione pacis, quam in medio etiam belli ardore optima modò & honesta esset, arrepturum se Chodkievicius significavit.

*Szember-
gium &
Vevelium
veniunt.*

Quoniam verò mox dicturus sum quantis viribus, quove apparatu Osmanus Poloniam ingressus sit, nunc ratio & locus postulat, ut oppositas Polonorum copias, eorumque numerum lectori ob oculos ponam. Ac deducto quidem exactissimè calculo, constitit ex rationibus in publico Comitiorum confesso factis recitatisque, ex

*Quantum
Polona-
rum Co-
piarum
numerus
fuerit.*

ærario publico promptam distributamque
fuisse pecuniam tam in equites quam in pe-
dites universos triginta quatuor mille non-
gentos octuaginta septem, præter eos qui
accepto ære, desertis signis Rempub. quo-
que deseruere: quod dedecus turpisque la-
bes penès nonnullos Polonorum mansit,
& aliqua Germanorum vexilla pari flagitio
sefe contaminavere. Cosacorum adfuere
triginta millia, ita ut universum exercitum
sexaginta quatuor millia insuper nongenti
octuaginta septem milites stipendiarii con-
ficerent. Nec contemnendum addita-
mentum submisere Principes in Regno vi-
ri, scriptis privata impensa copiis: namque
præter Chodkievicium ac Lubomirscium
supremos armorum duces, qui numerosas
proprio ære auctoratas adduxere turmas;
pari erga patriam affectu certavere Sienia-
vii fratres, Jacobus Sobiescius, Michaël
Comes à Tarnow, Joannes Rozrazevius,
Georgius Dux Czartoriensis: ii omnes
profusis in militem hæreditariis opibus,
insuper præsentis animi invictum robur
castris

Et Cosaco-
rum.

Principes
viri pri-
vata im-
pensa scri-
bunt copias
adducunt-
que.

Procopi-
us & Ni-
colaüs.

castris intulere. Nonnullorum verò ala-
critas per fidos expertosque Centuriones
suis cum turmis submissos, periclitanti pa-
triæ adfuit. Recepti equites peditesque in-
simul sexcenti, numerus militum à Januf-
sio Duce Ostrogienfi Castellano Craco-
vienfi, ad omne periculum expeditionem-
que contra Turcas ac Tartaros, ex amplif-
simis bonis adscriptus, attributusque Rei-
publicæ Thomæ Zamoscii Palatini Kio-
vienfi aliquot hastatorum vexilla Andreas
Swiezinscius & Albertus Srzedziniscius
egregii veteranique Centuriones duxere.
Addidit quoque Raphaël Lesczynius Pa-
latinus Belzensis hastatorum cohortem.
Missæ à Joanne Sapieha Magni Ducatus
Lithvaniæ Marschalco selectorum pedi-
tum centuriæ, & à Christophoro itidem
Sapieha M. D. Lithvaniæ Pocillatore
equitum hastatorum una. Ad extremum
omnes nominatim prosequi longum esset,
certè si iis supra memoratos in Vladislai
comitatu addas, à Proceribus aliquot mil-
libus militum auctum fuisse exercitum pro-

Alii per
Centurio-
nes mis-
simi non
contem-
nendam
manum.

750 HIST. VLADISLAI LIB. IX.
cul dubio patebit. Quanquam centum
millibus bellatorum è primo Comitiorum
instituto res geri debuerat, qui postmo-
dum ad septuaginta circiter redacti, iniquo
quodam Poloniae fato, patriae nihilominus
salutem egregiè sunt tutati.



H I-

751
HISTORIÆ
VLADISLAI
POLONIÆ ac SUECIÆ
PRINCIPIS,
LIBER DECIMUS.



Osaci per Turcarum ^{Osmano}
phalanges, inter conti- ^{Turcarum}
nuos insultus præliæque, ^{Imperator}
etsi summo cum discrimi- ^{venit.}
ne, non inglorii tamen ^{2 Se-}
ad castra Chodkievicii ^{ptembris.}
emergentes, jamjam ap-
propinquantis imminentisque hostis certio-
res fecere duces. Nec tardavit Othoma-
nus: namque postero die quarto nonas Se-
ptembris in conspectum se dedit, ac velut
novus Xerxes undique gentium arcessitis
submissisque copiis vicinos opplevit cam-
pos. Ingentis multitudinis indicium fuit
vis

*Quanto
cum appa-
ratu.* vis magna pulveris, quæ ex aridâ humo in-
cedentium hominum jumentorumque ex-
cussa, inque nubem coacta, latè suffuderat
Coelum. Namque præter equorum infini-
tum propè numerum, immensi camelorum,
bubalorum, mulorum acti greges, belli-
cum ferentes subvehentésque apparatus,
tum & cibaria, quibus fami subvenirent.
Decies mille camelos, duplo plures buba-
los fuisse sunt qui tradidère. Visi quoque
elephanti quatuor, cultum & opulentiam
Cæsaris excipientes portantésque.

*Ingens
terrarum
spatium
Exercitus
ejus occupa-
bat.* Residente paulatim nebulâ mox apparuit
ipsa exercitûs Turcici moles: quippe fixis
castris ad acceptum signum incredibili ce-
leritate tentoria explicata extensâque, trium
eminentium montium juga circumque pla-
na ac devexa occupaverant, & quia splen-
dida candidâque, subitanæ è Cœlo nivis
demissæ terrâsque operientis speciem præ-
buère.

*Qui è tre-
centis
millibus
constat.* Quanto verò bellatorum numero con-
stiterint Osmani copiarum, plerique variant:
certè non minore trecentis millibus fuisse

ex

ex captivis & transfugis demum & aliunde
innotuit. Tartarorum centum millia Dziam-
bet Gereius Regulus adduxerat, unôque
milliari à Turcis inter adjacentes silvas ita-
gnûmque propior Polonorum castris con-
federat.

*Tartaro-
rum Re-
gulus cen-
tum millia
bellatorum
adducit.*

Pars potissima Turcarum exercitûs eâ-
que validissima Europææ copiarum erant: mi-
les in iis & habitu corporis, & tolerantia
laborum, & armorum tractandorum prom-
titudine excellens, complures Hungaricis
exercitati bellis visebantur, quique sæpius
cum Christianis confluxerant: & ut vetera-
num robur, ita invictum præ se ferebant ani-
mum. Ex Asia turba confluxerat felicius
Mercurium quàm Martem tractare solita,
cæteri verò ab Euphrate usque Tigrique
arcessiti, alium sese venisse in Orbem mirati
sunt, insuetumque haurientes aërem, nume-
rum tantum explebant, prorsusque erant
invalidi. Janizerorum legiones sine quibus
Turcæ victores nunquam, præter solitum
pauciores numerabantur, extenuatæ vide-
licet à magistratuum avaritiâ, pecuniam lo-

*Europææ
miles uni-
versi Ex-
ercitus ro-
bur.*

*Asiatici
molles &
imbelles.*

C c c c c

co

co militum legentium extorquentiumque.

*Castra
quater
mille pas-
sibus Tur-
ca locant à
Polono-
rum Ex-
ercitu.*

Castra quater mille passibus à Polono-
rum exercitu locavère, nullo vallo, nullis-
que receptaculis munita: fixa tantummo-
dò ex ordine tentoria fuère, prout cuique
fors locum dederat, excubiis frequentibus
numerosisque, alibi verò tormentis, ubi
facilis aditus patebat, denso ordine dispo-
sitis cingebantur. Castrorum splendorem
auxère candida maximòq; numero per tot

*Splendo-
rem eorum
augent ten-
toria ma-
gnifica.*

terrarum spatia explicata tentoria, quorum
apices aut deauratis fulfère globis, aut inser-
tis varii coloris vexillis emicuère: ea verò
Provinciarum Præfectis (quos Bassas vo-
cant) etiam ad luxum. Eminebat in edito
colle Osmani tabernaculum opulentiae bar-
baræ ac Othomanæ magnificentiae specta-
culum: quippe non bellicis tantum usibus
adaptatum erat, sed ad splendorem amœni-
tatemque. Intransibiles offerebant sese lata
laxaque atria, hinc deambulationes ac in-
longum extensæ porticûs, inde retractiora
cubicula, parietes, & quidquid supra erat
opere elaboratum Phrygio, auròque inter-
textum

*Osmani
ipsius Pa-
latium po-
tius non
militare
domici-
lium.*

textum visebatur. Sustentacula funesque
tentoriorum sericei, apices auro radiantes,
denique in eam temporarium ac militare
Cæsaris domicilium excreverat majesta-
tem, ut elegantiam, magnitudine, amœnita-
te, florentissima Regum ac Principum exæ-
quaret palatia. Haud procul tentorio ere-
cta fuerat specula, unde Osmanus positum
castrorum, Polonorum velitationes, pu-
gnam commodè spectaret.

Cum tanta itaque virium suarum mole
veniens Osmanus ingenti Poloniam famâ,
terrore verò castra complevit: quam pro-
fectò famam adeò in speciem contempsit
Chodkievicius bellicorum discriminum
mirus dissimulatur, & qui nihil timere sci-
ret, ut subito copias in campum eduxerit
aciemque disposuerit. Dextrum cornu
Lubomirscio permisit, & unde à Tartaris
latitantibus prope silvas metus erat, ibi ob-
jectæ velitum turmæ steterè, ne inde ex
insidiis prorumperent hostes, aut extremo
agmini carpendo aut turbandæ aciei infesti
essent, ipse verò Lubomirscius in frontem

*Chodkie-
vicius ni-
hil move-
tur tamis
hostium
copias.*

*Exercitum
educit &
instruit,
quo ordi-
ne.*

proprias cohortes & fortissimum quemque subducit, communitis lateribus iustâ hastatorum manu, cui præerant Joannes Rozzevius, Zlotnicius, Janovius, Ratovius, non incelebres Præfecti. In subsidium stabant additæ legiones ductoribus Stanislao Zoravinscio Castellano Belzensi, Matthæo Lefniovio Succamerario Belzensi, Stephano Potocio Præfecto Camenecensi, Ferenbachio, Boratinio: iis accessere insuper Herberti Scalensis Præfecti, Raphaëlis Lesczynii, Stanislai Prusinovii cohortes hastatæ. Sinistrum cornu Chodkievicius curabat, propriis turmis in fronte locatis, post auxiliares sequi iussit legiones Ophalinscii, Zienovicii, & Alexandri Sapiehæ. Medium inter utrumque latas occupabant tormenta & Germani pedites, Tribunis pariter ante agmina incedentibus, Denhoffiis duobus, & Lermunto. Claudebat aciem triariorum adinstar valida Nicolai ac Procopii Sieniavivorum phalanx, lectissimo constans equitatu, acceptis in medium Thomæ Zamoscii cohortibus, earumque

Zui-

Zuiczinscio ac Srzedzinio rectoribus. Hanc certò intervallo secutum auxiliare Nicolai Kofakovii Præfecti Vismensis agmen. Ad hæc inter colles sinuososque viarum anfractus occultati sclopetarii dispositique hostium latera inopinatò peti-turi. Productum ad Tyram spatium planitiemque Cosacorum exercitus tenuit. Satis itaque omnibus, quæ in rem videbantur compositis, milites pro concione allocutus est Chodkievicius: Ne tanta illis hominum multitudo formidini esset, neu vana

*Militem
alloquitur
& animas.*

gentium nomina extimescerent, turbam tantum & onus castrorum conspici, non verò milites: tumentisque Tyranni fastum numero imbelli non viribus cinctum facile despicerent. Revocarent sibi in memoriam quanta bella, quam cum efferis gentibus majores gessissent, ubi locorum victoriarum tropæa fixissent, quam pauci cum multis conflixissent, & nuper quam parvula manus Duce Zolkievio Turcarum ac Tartarorum agmina perrupisset, necessitatibus & armis invicta, si discordia abfuisset: vin-

Ccccc 3

dica-

dicarent nomen gentemque Polonam ab ultimo dedecore, id exposcere cæsum nuper cum copiis Ducem, cuius cruore perfusam calcarent tellurem, irent alacres & spiritu pleni, pugnaturam cum iis causæ æquitatem, quæ pro Christianis contra barbaros & infideles militaret, non laturos hostes triumphale signum Crucis, ad cuius aspectum & animo & viribus casuros certè confiderent, adfuturos pro bello auxiliares Coelites Divosque Poloniae tutelares, qui supplici prece à majoribus evocati inter acies signaque Polona & Lithvana sæpius veluti commilitones comparuissent. Secuturum se veteranum ducem, quem hucusque & ætate & provectum, & è tot bellorum discriminibus fortunatissimè ereptum, fata servassent: daturum nunc quoque exemplum forti egregioque militi, cum quo ut vincere, ita & mori constitutum esset. Posthac verso in cælum vultu, propitium Numen supremumque Exercituum Dominum conceptis verbis veneratus est.

Summâ militum alacritate oratio accepta est,

est, injectusque pugnandi ardor, quem accendebat Divinæ opis fiducia humili implorata voto. At Osmanus visâ contemptaque hostium paucitate, necdum integre locatis castris, nullâque ex itinere militi concessâ quiete, validam copiarum partem ruerè, Polonosque aggredi imperat: cibi quoque tamdiu patientiam professus, donec quod animo præconceperat, oppositam sibi aciem ad inferos coenaturam detruderet. Primus in Cosacos insultus fuit tanquam à recenti adventu parùm munitos clausosque, & ideo aggressioni faciles: propellebant quoque in vindictam ira pudorque: quippe eluso Turcarum impetu, per medias phalanges victores iis in campis constiterant. Ergo illic omnis ab hoste vis conversa roburque exercitus, admota quoque tormenta acriorem redditura oppugnationem. Sed machinarum quamvis extremè reboantium exiguus comparuit effectus, cæterum invadentium impetum fortissimè Cosaci sustinere, imò eruptione factâ ausi se planiori credere campo, non destitère in confertos ruerè,

Osmanus
paucitatem
Polono-
rum con-
temnit.

Cosacos
aggredi
imperat

Resistunt
strenuè.

ruere, vulnera spargere, occidere, donec invalescente numero Turcarum, ipsi quoque lassī fatigatīque subsidium à peditibus Germanis Hungarīisque ab hoste inobservatis: quippe in fossas hiatūsque terræ immis-
Chodkie-
vicius Ru-
sinovium
cum Liso-
vianis
submitit,
& ipse
mox se-
quitur.
 sis, accepissent. Post hæc Chodkievicius Rusinovium suis cum Lisovianorum tur-
Sternun-
tur hostes,
nox deinde
prælium
dirimit.
 mis pugnam capeßere jubet, sequitur mox ipsemet selecto hastatorum equitum globo cinctus, oritur atrox prælium, Turcis primū strenuè rem gerentibus, verū ex ar-
 bustis fossisque sclopetarii emissā glandium procellā Janizeros ferientes sternerētque, scidēre perruperēque hostium agmen, at-
 que ita perculsum, equites lanceis summā vi adactis disjecēre impulerēque, pugnam novo ardore inceptam ulterius profecuturi, nisi eam nox terris incumbens diremisset.

Quadraginta circiter gregarii milites in illo prælio desiderati, septem equi ex Chod-
Zavissa,
Rusinovi-
us,
Jedrzejovius,
Kluscius,
Kiebekus,
Rakovius,
cadunt.
 kievicii turmā tormentorum ictibus prostrati, quo lethi genere sublatus quoque Zavissa Kiscianæ cohortis commilito, natalibus clarus ætatīque floridæ juvenis. At

Cen-

Centurionum gravior jactura fuit, Rufinovius velitum (Lisovianorum vulgò dictorum) ductor, à majoris tubi glande vulnus accepit, vir, qui arma Polona per Germaniam Ferdinandi Secundi Imperatoris auspiciis feliciter circumtulera: ejusdem itidem legionis non ignobilis Centurio Jedrzejovius pariter sauciū haud diu supervixit; cecidit Kluscius, periēre Klebecus & Ryskovius, ille velitum, hic gravis armaturæ militum Centurio, ambo Moschoviticiis bellis clari celebrēsque; periit ad extremum Rakovius peditum, quos Johannes Sapieha M. D. Lithvaniæ Marschalcus proprio ære conductos miserat, antesignanus.

Sed qualiscunque fuit illa etsi paucorum virorum tamen fortium luctuosa cædes, ingenti Turcarum strage sparsisque cadaveribus per campos abunde compensata videbatur, inter quæ repertum Usaimi Bassæ magno cum gemitu hostium elatum est: namque inter Turcarum Proceres bellicā fortitudine eminentior, & Præfecturam Silistriæ à morte Skinder Bassæ obtinuerat,

D d d d

&

Turcarum
ingens
strages &
mors U-
saimi Bas-
sæ.

*Præda re-
portata*

& nunc summa certaminis illi in manum data fuisse ferebatur. Captus quoque non ignobilis Turcarum Asiæ Minoris Præfecti cognatus, sed multis vulneribus confossus, vocem primò deinde vitam cum sanguine effudit. Prædæ fuere equi generosi splendide instrati, tum & occisorum phaleræ ephippiæque, deinde elegantes vestes, capitum integumenta, arma, cæteraque militaris supellex, & pecuniâ auróque nonnulli manûs impleverant: denique ex tam forti aggressione Turcæ nihil nisi cladem ignominiâque egregio insuper orbatu ducce ad Osmanum retulerunt.

*Tartari
nihil ten-
tant in
dextro
Cornu ob
simulacris
cum Tur-
cis*

In dextro castrorum cornu præter paucas cum Tartaris velitationes nihil tentatum fuit, haud committentibus barbaris rei summam certamini, sive desperato successu certoque sui à Lubomirscio damno, sive contumaci erga Osmanum animo, cui Dziambegereius Tartarorum Regulus invitatus parebat. Simultatis causam fecit Cantimiri apud Turcas nomen vastationibus populationibusque Poloniæ partum celebre

*Earum
causa
Cantimiri.*

bre clarumque: inde summa ejus veneratio, præmiûmque militarium operum Præfectura Bessarabiæ fuit. Dziambegereius collatum honorem homini non è Principe familia domoque, contra maiorum instituta indignabatur, se verò præ subdito suo contemni ægerrimè ferebat. Senior itaque ad mandata Osmani capeffenda seorsim stationem ceperat, nulloque cum Turcis inito consilio, Nuradinum Fratrem & bellicosissimum quemque ad vastandas Russiæ terras dimiserat.

Exploratis hostium viribus, prosperoque belli præludio erectus Chodkievicius, eadem ipsâ vesperâ quæ à prælio reducem in castra tulerat, advocato bellico Senatu, quid jam optimum factum esset sententias exquirat: & illius unicum semper votum erat quàm primùm certamen hosti indicare, apertoque morte præcisâ omni morâ & cunctatione congregari, idque tunc & aliàs persæpe urgebat. Dabat fiduciam Imperatori experta continuâque in bellis gerendis felicitas: quippe multoties collatis

D d d d d 2 . cum

*Chodkie-
vicius in
bellico se-
natu suam
proponit
sententiam
de pugna
quancumque
committen-
tenda.*

cum hoste signis nunquam victus, semper victor ex acie excessit, quémque nec numerare nec famâ formidabilem expavescere didicerat, sæpiusque obstantes catervas fulminis adinstar pervaderet disjicerétque: hinc quoque gloriæ nimium memor, gerere non ducere bellum volebat: adferebat ad hæc, quod annonæ necessitatibusque exercitui in moram & cunctationem haud provisum esset, deinde periculum imminere, ne translatis propè castris fossis munitiombusque contraherent coarctarentque campum hostes, privarentque commoditate explicandæ aciei, militisque ardorem restinguerent: famæ denique interesse hostem aliquâ aggressionem exercitus admonere, alias latitantem intra munimenta Polonum contemptui futurum.

*Delegati
non pro-
bant consi-
lium, &
quibus ex
rationibus.*

Animosi ducis consilium probavêre ii, qui ejus fortunæ omnia tribuebant, at Delegati à Rege Reque publicâ adjuncti, penès quos pacis bellique arbitrium erat, tum veterani quique Præfecti ac Tribuni laudabant quidem animi infractum invictumque robur,

robur, temperandum tamen pugnandi ardorem censébant. Quid enim tantopere prodesset ad belli aleam hostem provocare, qui à cunctatione imminens expectaret exitium: ingruere mox hiemem Asiaticis populis militique amœniori Cœlo assueto inimicam, cum nimbis, procellis, frigoribusque luctaturo, atque certiùs per se nullo nostrorum periculo casuro ruituróque. Sed descendant licet Turcæ ex voto ad pugnam, aut virtute invadentium extrahantur, numquid illico victoria speranda erit? Fortunæ certè si uspiam, profectò in bellis fidendum esse minimè, nunc verò cautiùs illi commitendam salutem Regni totius, quòd vim omnem roburque in castris haberet, cujus vel minima jactura tot gentium ac populorum secum traheret ruinam. Et in exercitu permultos videri notarique defectus, prout nuper in acie comperisset indoluissetque simul Imperator, qui hostibus numero validis, subsidiorum opportunitate tutis, vix commodè opponi posset. Abesse cum præcipuis equitum peditumque signis Vla-

dislaum Principem, expectandasque ejus copias, cum quibus & suam felicitatem nomenque Turcis fatale, & Patris auspicia brevi esset allaturus. Postremo quod ad necessitatem exercitus attineret, provideri posse securum à Cameneco in castra comitatum, ~~in~~ modo sit cordi iis, qui rei cibaria invehendæ curam susceperunt. Quapropter concedendum nunc aliquid temporis egregiè pro militibus pugnaturo, atque hosce spiritus magnos potius quam utiles in præsentia contrahendos. Recitata ad hæc literæ Regiæ, quibus perscriptum erat, ut non omittendam esse occasionem rei gerendæ, si certa se daret, ita cunctatione potius detinendum atterendumque hostem, seque cum novis adventantem copiis expectandum. Chodkievicius etsi pugna percipidus, contraria suadentibus refragari noluit: pungebat nihilominus veterem expertumque ducem sua coarctata auctoritas, bellique gerendi potestas ad alienum attemperata arbitrium, hinc æger animus impatiensque, corporis quoque acceleraverat ægri-

ægritudinem sibi propediem fatalem.

Interea Vladislavus de Osmani adventu certus, relictis ad oppidum Braham impedimentis, potiorique exercitus numero curæ ac imperio Joannis Veiheri Palatini Culmensis commisso, tractis secum aliquot equitum selectiorum turmis in castra venit. Incredibili profecto gaudio universum exercitum affecit desideratissimus votisque arcessitus Princeps, sed gestientium animos novus subitusque depressit moeror, ob repentinum ejusdem morbum, qui ex diurnis nocturnisque laboribus conceptus, tum à ^{In morbum incidit.} nimio æstu, dum armatus die Coelo ardente flagrantissimo Camenecio ad castra properat, provocatus erat: deinde à Valachico aëre gravi exitiosoque irritatus, atque in immodicam excrescens febrim, quæ ipsum cum fine belli dimisit sibi que reddidit. Nec minus invalescebat ab animi impatiencia: namque se tunc lecto affigi querebatur, quo tempore vires corpusque integrum rei gerendæ impendere cupiebat. Et tamen durante illâ expeditione etsi æger decumberet,

*Agri
Principis
præsentia
permul-
tum Exer-
citus pro-
fuit.*

*Copia
Vladislai
ad castra
venit.*

*Turca
educunt
Exerci-
tum certa-
men indi-
centes.*

beret, ejus tamen præsentiam cor universi exercitus jure dixisses, à quo vivaces miles acciperet spiritus. Arcesserat ille quantum per morbum licuit Tribunos, Centuriones, animabatque, promptissimum militum quemque ad se vocatum blandè compellabat, sententias cum febris aliquantum remitteret bellici senatus exquirebat audiebatque: & quantum ægri quamvis jacentisque interposita sæpius profuisset auctoritas, suo ordine nobis dicendum erit. Relictæ ad Braham copię sexto post die in castra fabricatis navigiis transvectæ sunt, pontem siquidem intumescens imbrium vi Tyras resolverat, ad quem restaurandum & impetus fluvii, & Bernascii latronis Valachi conatus per secundam aquam robora mollesque arborum dejicientis rumpentisque si quid operis coeptum fuisset, permagno erat impedimento.

Turcæ eodem quo Vladislais venerat die pridiani dedecoris ultores comparuere, & partem copiarum in adversam fluvii ripam circumductam Cosacorum, stationi veluti

luti tergo infestam imminentemque opposuere: universum verò exercitum in suas distributum phalanges, instructumque ad tentandam belli aleam eduxere, tubarum clangore tympanorumque sono indicentes certamen: sed cum nullatenus à commissis sibi locis stationibusque moverentur Poloni, non ultrà quàm velitari subinde prælio tentato à Turcis in castra reditum est. Ii verò qui in alterâ parte Cosacis ferociores instabant, à Vladislai turmis ripam insidentibus coerciti, audaciam non absque suorum strage deposuere, fractoque impetu animisque depressi pedem retulere.

*Non mo-
ventur
Poloni.*

Et quandoquidem Poloni ad pugnam elici non poterant, Osmanus veluti metuentes suæque nimium fidentes munitioni aggredi magnâ vi imperat: admota igitur tormenta, iisque à prima luce ad medium diem in irritum reboantibus plus fragoris quàm terroris erat. Petrus Opalinus Castellanus Posnaniensis cum suis equitum quas regebat turmis diurnas agebat excubias, versa itaque illuc derepente Turcarum

*Osmanus
Polonos
quasi pa-
vidos ag-
gredi im-
perat.*

Eeeee

agmi-

agmina, cùm aliquantùm velitari prælio distinuisset, è mandato Chodkievicii intra vallum se recepit, unico nobili commilitone ex Grzymultovii cohorte desiderato. Turcæ liberiores nacti campum, rectà castrorum portam Lubomirscii vulgò dictam petunt, ad cuius ingressum pedites levi munimento carraginum septi stationem habebant, à tormentis in propinquo vallo dispositis securam, & quorum subsidio veluti umbrâ tegerentur. Quantò itaque major spes hostibus quasi ab expositis peditibus, & aditus ad ulteriora ostendebatur, tantò acrior oppugnatio fuit. Ruebant Turcæ obstinatis animis, ductoribus eorum agmen propius vallum fossâque agentibus admoventibusque, & ubi aggredientium labescerent vires, nova fessis submittentibus auxilia, si non manu, at numero ipso exundantis multitudinis lassos defensores oppressura. Sed in cassum ea oppugnatio fuit, malè namque habebant barbaros tormenta è vallo propugnaculisque ab utroque portæ latere prominentibus crebrò tutòque fulminantia,

*Runt
ad Lubo-
mirscii
portam.*

*Arcentur
à tormen-
tibus.*

tantia, à quorum pernicie cùm se tueri ne-tiquam possent, quod nulla pars campi extra ictum foret, jamque & à sclopetariis nusquam irritis emissionibus peterentur, retrocessere, magnâ cum clade rejecti expulsi que.

Par impetus cæteras legiones Turcarum inter locorum declivia silvasque hucusque latitantes, in alteram castrorum ferebat partem, aggressioni opportuniorem, quia leviter munitam, eratque periculum à delubro ritus Græci, quod muro exstructum inter rudera Chotinensis oppidi integrum exstabat, ne ab hoste occupatum grave facesseret negotium. Et penè felicior successus Janizeros ulterius promoverat, qui vallo fossisque adrepentes propè, tenebant illud: cùm miles præsentis monitus discrimine vallum deserit, & in medios sese conjicit hostes, Janizerorum continuò explodentium agmina perrumpit, pugnâque novo ardore capeffit, donec accedente à Chodkievicio subsidio, accurrentibus Vladislai trecentis peditibus Hungaris unâ cùm Ko-

*Felicius
rem gerunt
Janizeri.*

chanovio intrepido notique animi Centurione, cum & Germanis sclopetariis è legione Joannis Weieri Palatini Culmensis submissis, post acerrimum conflictum hostes quâ cæsi, quâ fugati locum cui timebatur deseruere.

*Et hi cæsi
fugatique.*

*Cosaci
strenuè
rem ge-
runt.*

Nec segniùs Cosaci Turcis sese invadentibus opposuere. Exasperatam quippe hostium rabiem tormentorum secutæ sunt continuæ emissiones. Janizerorum sclopi continuò scintillabant, tandem cum nihil proficeret conatus, crescebat interea eò usque Cosacorum audacia, ut multis ante castra in locis cavatis scrobibus in eas se demittentes, hostium latera certâ pilarum explosione ferirent, tandem & in apertum exilientes cominus pugnam confererent, vulnera cædésque inferrent. Turcæ ad extremum per suorum cadavera summâ cum trepidatione fugâ sibi consuluere, cujus dedecus auxerant lixæ, calones, qui velitationibus immixti, dum cæteri milites signo receptui dato castra repetunt, illi fugacium virorum catervas dissipatas pellere, pecorum-

rûmque adinstar præ se agere longiùsque insequi non destiterunt.

Rediére iterum majoribus subnixa viribus hostes, & ignominia abolendæ cupidi renovatâ aggressionem omnem vim conatumque in Cosacos effundunt, apparuitque quid ultionis spes, quid desperatio demum posset: pugnatum acriter, illis obstinatè invadentibus, his pertinaciter propulsantibus, & quia ingens Turcarum vis continuò sibi succedentium invalescens, defensoribus graviter incubuit, opportunè à Chodkievicio missis subsidiis erecti, quæ partim ex Hungaris peditibus Georgii Ducis Zaslaviensis, Jelscii, & Sapichæ Marschalci Lithvaniæ, partim ex Germanis Veiherei & Lermunti erant, multâ cæde editâ à recenti peditatu accurrente repulsam accepere. Ad divertendum verò fatigandumque impetum hostilem permultum contulerat Lisoviana Rusinovii legio cum equitum Germanorum turmis: eæ namque fortiter in hostem invecæ repressere invadentium audaciam, conjectis in turpem fugam agminibus,

*Turca
ierum
majoribus
cum viri-
bus red-
eunt.*

*Cum stra-
ge pellun-
tur &
præcipuè à
Rusinovii
legione &
equitibus
Germanis.*

*Insequun-
tur sa-
gientes Co-
sacs, castra
hostium
invadunt.*

nibus, captisque grandibus tormentis, quæ ferreis catenis ad quercus revincta tenebantur, at cum ob magnitudinem loco moveri haud possent, religata à milite in vicinum detrusa sunt præcipitium. Atque hic victoriæ cursus abripuit paulò longius & Cosacos, & eos qui tulerant suppetias, tum & cæteram è castris accurrentem non tam militum quàm servitorum turbam: jamque superato campo defensore vacuo, sub ipsas stationes hostium Tyræ adjacentis procurrentes, tentoria auferabant, greges armentorum abigebant, terrorem quàm cædibus promiscuis, quàm ingenti excitato clamore tumultuque per Turcarum castra circumferebant. Sed derepente prædæ nimia cupiditas in vasoribus propè exitio fuit, quam dum avidius insectantur hostium securi, ii recollectis viribus rursus sese in eos effundunt, pellunt, trucidant, ad extremum retroacti majori cum gloria quàm gaudio ad stationes rediēre, acceptam in receptu non tam à temerario impetu, quàm à præpostera prædæ aviditate aliquam clade, secuturam

*Sed præda
nimiam
inmensa
cladem
aliquam
accipiunt.*

majori ni nox inhibuisset: Jam verò ex adversa fluminis ripa tormentis in Cosacorum stationem directis res agebatur: detonuere illa continuo per aliquot horas tanto cum boatu, qualem Chodkievicius ac plerique veterani nusquam se audivisse faterentur, & qui nonnullos militum auditu privaret: cæterum pilarum ille ingens numerus emissus innoxius fuit, uni tantum fatalis Basilio legionis Cosacorum Præfecto. Interea advenerat nuntius ad Chodkievicum referens castra Osmani ab irrumpentibus Cosacis penè occupata esse, hostemque deleri posse, si auxiliaribus copiis ultra contenderetur, idque, ut ferebatur, significandum Petrus Konaszevicius sollicitè curavit. Sed cautus per omnia Dux subsidia denegavit, quorum opportunitatem inclinatus in vesperam dies abstulisset, non dissimulavit tamen lætitiā, quam ex ea irruptione ceperat, utpote ad Osmani arrogantiam fastumque contundendum opportuna. Et prout tunc erat coronam militum cinctus, Divinam adoravit providentiam, petiitque

*Ad Chod-
kievicum
de castris
Turcarum
occupatis
rumor ve-
nit.*

*Denegat
ille subsi-
dia peten-
tibus, cur?
Deo tan-
tum sup-
plex even-
tum com-
mendat.*

que supplex ejusmodi ad se crebrius perferri nuntios maximi erga patriam suam testes beneficii, pergeretque sui nominis propagare gloriam, opprobrium verò ingerere juratis Christianorum hostibus. Tum illa recurrebat quæ tenaciùs inhæserat Imperatori animo pugnae offerendæ committendique prælii cupiditas, sed cunctatione aliter suadentium repressa, aliò Imperatoriam mentem avertit: videlicet partim ad corrigendas restaurandâsque, partim ad novas excitandas castrorum munitiones. Atque ita mox uno Græci ritûs ligneo delubro insidiis hostium opportunè dejecto funditusque everso, alterum muro eductum circa quod nuper strenuè pugnatum erat, Kochanovius suis cum peditibus insedit, vallo recenter ducto fossisque: colli itidem portæ Chodkievicianæ imminenti propugnaculum imposuit, advectisque illuc tormentis, & utriusque Denhoffii peditatu collocato egregiè munivit.

Castro-
rum mu-
nitiones
corrigi re-
staurariq;
imperant.

Magni
Ernelti
& Gerar-
di.

Atrox deinde sceleratûmque facinus in castris admissum est: ducenti circiter Valachi

chi ad radicem arcis Chotinensis cum uxoribus ac liberis inter rupes veluti nidulis affixi degebant, muniti fide publicâ, quam obsequio constanti & juratâ clientelâ promeruerant. Apud illos frequens erat infimæ plebis hominum concursus, aleatorum, ^{Insolentia in Polono- rum ca- stris lixa- rum ser- vitorum- que.} lixarum, servitorûmque, partim pecuniam, partim pignora deponentium, quæ ubi perlusum libidinemque defecissent, tempus condicunt quo Valachos invadant, sparso rumore quasi cum Turcis tacitè colluderent, vindictamque perfidiæ duces jussissent. Atque igitur in omnes iram effundunt, nullo discrimine ætatis aut sexûs, ^{Valachos fide publi- câ securos cadunt.} alios trucidant, alios ex alto in flumen præcipitant: deformis ubique facies; hinc cruor, rapinæ, alibi cum liberis fluitantes matres in gurgites propellebantur: nihil preces, nihil ejulatûs valebant, omnemque miserationem sævitia consumserat. Insolens facinus sanguisq; innocentum effusus in moerorem traxerat castra, & quamvis flagitio plures contaminati essent, aliquot tantum in recenti crimine capti suspendiôque ne-

Fffff

cati

Comptis
sceleris
suspendio
necati.

cati sunt, ne in cæteros animadverteretur valetudo Chodkievicii intercessit, celabaturque scelus: quippe periculum erat ne accensa bilis morbum, quo tenebatur, intenderet exasperaretque.

Turca ad
incendenda
Polono-
rum castra
rusticos
pelliciunt.

Interea Turcæ captato potiore situ castrorum partem in planitiem Tyræ adjacentem deducunt, fossis valloque Cosacorum penè contigui: deinde rusticos Podoliæ qui cum Valachis latrocinia impune exercebant, nacti, donis muneribusque pelliciunt ad inflammanda Polonorum castra, ad quæ illis tanquam nobilium subditis facilis ingressus esset.

Capitur
annus scelo-
ris con-
scius puni-
turque.

Et illi ad ignem per contubernia spargendum operam suam obtulerant, fecissentque: verum unius è complicibus à Cosacis fortuito capti indicio res detecta est, qui quidem primò quæstionibus subjectus cum plerosque conscios nominasset, tandem supplicio affectus ut milites vigilantia admonuit, ita inde ad cæteros conjuratos castigatæ perfidiæ exemplum dimanavit. Scio hæc à magni nominis Historico diversè narrata, non illius tamen vitio,

Strada
decad. 2.
lib. 2.

tio, sed eorum qui ei perperam retulere: non siluisset oculatus testis Sobiescius & Salutatores Valachos, & accensos in castris ignes, præsertim cum minutioribus narratiunculis nonnunquam inhæreat.

Et dolo, & aperto Marte, nullaque interposita quiete oppugnatum ibant Turcæ Polonos, præliaque magis infesta quam noxia inferebant, cum post recentem ad Denhoffiorum propugnaculum acceptam ignominiam, ejus rependendæ aliam mox oblatam sibi arripuere occasionem. Ceperant è mandato ducum inter Chodkievicii & Lubomirscii portam aliquot Centuriæ peditum stationem vallo fossaque munendam, ii ducta tantummodò perlevi fossa, reliquo operi absolvendo negligentius incumbebant, atque exilis munitionis fiducia freti, defixis pro terrore vexillis segnius agere, somno humi procumbere, custodias remittere. Zikovium & Sladkovium Centuriones ea cura spectabat: atque ii in summa veluti pace securi, inermes, vestibisque exuti meridiabantur. Animadversum id

Turcarum
felix suc-
cessus inter
Chodkie-
vici &
Lubomir-
scii por-
tam.

Cujus ne-
gligentiæ
duorum
Centurio-
rum cau-
sa.

Fffff 2

Tur-

Sladko-
vius &
Zikovius
obtruncatis,
pedites
concisi, si-
gna duo
ablati.

Turcis, captatōque quo negligentiam in-
tenderant tempore, medio planè die tantā
pernecitate impetūque intulere se in statio-
nem positis armis interquiescentem, ut
Zikovio Sladkoviōque obtruncatis, pedi-
tibus ad internecionem concisis, signisque
duobus ablati, ne unīco quidem è suis de-
siderato castra repetierint: plurium cæsorū
capitibus asportatis, quæ ad pedes Osmano
abjicerent, veluti eo fortitudinis specimine
gratiam & beneficentiam Principis provo-
caturi, nec vulgaris victoriæ exhibituri te-
stimonium, quasi non vilium aut gregario-
rum hominum, sed primorum militiæ rese-
cassent cervices.

Ad Veihe-
ri propu-
gnaculum
clades
Turcis in-
fertur.

At in altera Castrorum parte ad demen-
dum Turcis gaudium, contulerat nonni-
hil clades ad propugnaculum Veiheri Pala-
tini Culmenſis illata, quod dum milite nus-
quam in vallo comparente (prout à Veihe-
ro præceptum fuerat) alacrius fidentiūſque
subeunt, rati desertum vacuūque, subitā
inopinatāque pilarum excepti procellā, per-
multis suorum amissis resiliere cæteri à Lu-
bo-

bomirſcio dissipati, qui hostem versùs Græ-
ca delubra tendentem conspicatus, in subſi-
dium festinè advolarat. Tandem hostes re-
centi ad Zikovii fossam successu audaciores
facti, confertis & instructis agminibus,
præteritāque fortunā exstimulati, eodem
gradum referunt celerique cursu procur-
runt. Lectissimus is Turcarum equitatus
fuit, tum verò Chodkievicius debilitatum
ægritudine corpus animoso vivaciūſque sup-
plens sustentansque spiritu, oculis, vultu
Martem præ se ferens, cohortem propriam,
quam è veteranis fortissimīſque habebat,
in hostem ducit, mediūmque locum inter
Nicolaū Sieniavium & Zienievicium
Castellanum Polocensem capit, in subſi-
dium Georgium Rudominam collocat,
paucisq; verbis, ceu tonitru, militum ad-
stantium aures mentēsque perstringens,
adacto calcaribus equo in medios hostes se
injicit. Idem protinus fecere alii Impera-
toris voce exemplōque velut classico exci-
tati, impetūque tracti: & illæ quatuor ha-
statorum cohortes in numerosissima Tur-
carum

Chodkie-
vicius con-
tra Turca-
rum equi-
tatum sen-
dit.

Pugnat. carum agmina illatæ, à multitudine hostium haustæ absorptæque videbantur, summo cum spectantium horrore, ipsum belli Ducem ancipiti & propè temerario ausu Se, totiùsque fortunam exercitus in discrimen conjicientis miserantium. Sed audentes juvit ipse Deus: namque conferti cohærentesque inter armorum telorumque strepitus ubi perrupere hostes, post atrocem pugnam, inchoatâ jam victoriâ ferociùs incur-
Vincit. santes, sternentes obvios disjicientesque, denique haud sustinentes impressionem Turcas, in fugam compulere, quam illi ad sua continuavere castra: frendente Osmano illachrymantèque ad tantam illorum ignaviam, qui non ut viri fortes auspiciis Othomanicis bellantes reverterentur, sed pecudum adinstar œstro percitarum sparsi fugacesque à paucis cohortibus agerentur. Rarò aliàs à paucioribus plus sanguinis fusum celeriusque debellatum: siquidem paulò plus à septingentis equitibus, non minor sex bellatorum millibus exercitus sesquioræ spatio profligatus est. Cæforum numerus

Chodkie-
vici 260
equites,
Sieniavii
200, Zie-
nievicii
160, Ru-
dominæ
100.

rus etsi incertus, magnæ nihilominus cladis indicium dedit campus cadaveribus oppletus, & quidem fortissimorum quorumque ac militiæ præcipuorum, namque nocte à prælio subsequenti cum facibus & vehiculis inquisita collectæque nobiliorum cadavera fuere.

Et parta à Chodkievicio victoria aliquâ militum jacturâ constitit, cæsis ex diversis cohortibus amplius triginta, multo pluribus vulneratis. Nicolai Zenovicii Castellani Polocensis maximè erat luctuosa cædes: Is vir & natalibus & militiâ clarus primæque eo in bello notæ Tribunus, occiso in conflictu equo in medios prolapsus fuit hostes, cumque à subito dejectâ galeâ præpropere nec satis bene occlusâ nudatum caput Turcarum ictibus patuisset, conglobatisque circumcirca fortiter restitisset, viginti demum vulneribus acceptis propèque ungulis equorum attritus, tandem interventu suorum protectus relatúsque ad castra est: sed superante jam curationem malo, seminecem sanguinéque pluentem tertio die mors

Sex millia
profligat.

Et Poloniæ
pauci des-
derati.

Zienievici
Castellanus
Polocensis
vulneribus
affectus
moriatur.

*Item Rudomina.**Chodkievici signifer occubuit & vexillum Turca auferunt.*

mors oppressit. Cecidit & inter primos dimicans Rudomina Equitum ductoris frater, sub cuius signo stipendia meruerat, juvenis ætate vigoreque præfervidus, gloriæque perquam avidus. Sed Chodkievicius super omnes pessimè habebat vexillum ipsius interemto vexillario ab hoste ereptum asportatumque: hinc infaustum omen deducuntibus plerisque, quasi imminente facto vexillo turmæ veteri præferendo minùs opus haberet, quod ut vitæ ita & victoriarum metam brevi allaturum esset. Etsi verò novissimè excedens campo Chodkievicius cum egregiis bellatoribus universi exercitus plausum tulisset, fuere tamen qui dicerent oblitum fuisse partium quas ageret, plùsque virtutis suæ quàm securitatis omnium rationem habuisse.

Chodkievicius in campum educit copias, sed Turca non comparent.

Ab illo conflictu innotuit quantum animi ferociæque decessisset Turcis: eductæ namque ab Chodkievicio postera die extra munimenta legiones veluti facturæ pugnae copiam, frustra expectavere hostem in suis delitescentem castris. Et postmodum lentius

tiùs à Turcis bellatum est velitationes tantummodò intercessere, cautis interea circumspectisque ducibus ad subitam, si quæ ab hoste ingrueret, vim: incassum etiam reboantibus barbarorum machinis, quorum fragorem miles jam contemnere didicerat. Cosaci acriùs petebantur infestabanturque at irritò semper conatu, multà cum invadentium cæde, venientibus præsertim in subsidium Lermunti & Denhoffii Germanorum peditum Centuriis.

Hæc porrò dum ab extrà feliciter gerebantur, interna mala hoste pejora gravissimè fatigabant exercitum, ad easque redigebant angustias, quæ evidens accelerare possent discrimen. Ac primùm magnis indies conflictabatur angustiis, ob interclusam è vicina Podolia rem cibariam ademtamque Camenecum liberè commeandi facultatem. Invalescebant morbi jumentis ac hominibus juxtà graves, sævæque militum contubernia invaserat contagio, grassabaturque pestilentia infectarum undarum potu exasperata: hinc passim mortes, dein fu-

In castris Polonorum invalescit fames & pestilentia ceteraque mala.

Ggggg

nera

nera commilitonum ducebantur. Idem quoque hostium per castra volitabat virus, at in ea hominum multitudine vix observabile, cum in Polono exercitu longè numero inferiori tantò magis invalido imminutòque defectus exactius paterentur. Accessit multorum fuga quotidiana, & probro inusto & severioribus deinde vindicata poenis: pulverem quoque bellicum à continuis scloporum machinarumque explosionibus imminutum longioris belli moræ haud suffecturum nunciabant ii, qui rem

*E Polonia
tardum
subsidiū,
ubi Gene-
ralis expe-
ditio indi-
cta.*

tormentariam curabantur. Neque è Polonia venientis subsidii certa spes erat, quod adfuturum quidem sed serò nimis & intempestivè omnes sibi pollicebantur. Nec malé. Rex quandoquidem mense Augusto Varsoviā Comitia indixerat, in iisque curarum publicarum caput fuit bellum Turcicum, jamque venientis cum Osmano (de quo nonnulli hucusque addubitaverant) immensi exercitus famā excitatus, deque filio Vladislao Principe anxius, intimas Regni vires exciverat, indictā ex Ordinum omnium

omnium consensu expeditione generali, universamque nobilitatem primis diebus Octobris ad Leopolum præsto esse jusserat, inde in hostem iturus. Sed non eā celeritate, quam præsens volebat occasio, Rex Varsoviā movit, retardatus præposterā inau-

*Rex tarde
Varsoviā
movet.*

guratione Georgii Guilhelmi Electoris Brandenburgici, cui à morte Patris jure beneficiario Ducatum Prussiae contulerat, & Nobiles tardius confluebant, quorum adventus adulto jam Autumno vix sperari poterat.

*Cosaci in-
militan-
tur.*

Super hæc omnia Cosacorum tumultus, & continuæ querimoniae, quas fames accenderat, solitudinem regentium intenderant, gravi in omnia momento, sive licentiosè digrederentur, sive manerentur. Non annonam, non equis alimenta paraverant, & quanquam Lubomirscii liberalitas cæterorumque commilitonum laborantibus succurreret, at parvo opere pretio: namque illis quidquid daretur (dabatur autem per parcè) statim consummentibus, his diminutā penū eadem mox imminebat calamitas. Bro-

dawka tanti mali inculcatur auctor, quem in ducem turbidissimorum elegerat consensus: homo ignavissimus licentiosorum obsequens libidini, dum per scelera & populationes æquè in patrio ac hostili solo patratas, tardiùs exercitum ducit, & belli & parandæ rei cibariæ curam penitus neglexerat. Hinc adesis, quæ raptò pepererant, bonis, & copiâ prædandi præcisâ, Cosaci sua scelera unius capite expiaturi in vindictam prorumpunt, Brodawka imperium adiungunt, Konaszewicio pristinum locum honorémque restitunt: is verò Brodawkam ad supplicium duci eique caput amputari imperat, meliorique ordine ac strictiori disciplinâ militiam firmat.

*Brodawka
imperium
ad
Konaszewi-
cium
subst-
ituit.*

*Brodawka
capite pla-
gitur.*

*Konaszewi-
cii Elo-
gium.*

Vir profectò ille erat in bellis clarissimus, & primos inter militiæ duces jure recensendus, nomen habebat Petri Konaszewicii, aliud usurpabat suetâ Kosacorum transmutatione. Saydaczni quasi pharetratum dicas sibi impositum; literarum ut plerique Cosaci rudis, ingenii sagacis, iudicii maturi, de bello quoties diceret sententiam in deli-

deliberantium coetu, quod alii ex literis scitè magis quàm peritè, ille naturali prudentiâ usûque vetus militiæ graviter differebat. Cæterùm corpore erat laborum ærumnarumque tolerantissimo, animi ingens, periculorum contemtor, vitæ prodigus, somni exigui, sermonis parcus, in verbisque circumspectus, crapulæ Cosacis familiari vitio nullatenus deditus, disciplinæ militaris severus vindex, ideòque sæpius à Præfectura exercitûs concitato licentiosorum impetu amotus. Maritimis quoque expeditionibus non minorem gloriam pepere- rat, expilatis namque direptisque Asiæ & Europæ emporiis, demersis Turcarum navibus inclaruerat, littorâque Ponti Euxini sæpius pervagatus, terrorem potentiæ Othomanæ intulerat. De Tartaris multoties victor triumphavit, quantâve in Moschovia gesserit Vladislai auspiciâ ductumque secutus, superiùs retulimus.

Hic itaque tantusque vir quem è plebejæ sortis conditione bellica virtus præclarâ facinora altiùs extulerant, pullulantis in

*Konaszewi-
cium de
cumulu-
antibus
Cosacis
admonet.*

Ggggg 3

exer-

*Vladislai
hominem
blandius
compellat
ceterosque
Cosaco-
rum Prae-
fectos.*

*Mittit ad
illorum
stationem
tres Viros
primores.*

exercitu Cosacorum seditionis Vladislaium Principem ceterosque belli duces admonerat, certo rei gerendæ exitio, ni propere remedium pararetur. Et Vladislaius notum sibi olim fidumque in Moschovia hominem blandius compellans, magnaque præmiorum spe ostentatâ ad sedandos commilitones incitabat, ceterosque legionum Præfectos pari excipiebat humanitate, donisque plectos emollicbat, ut mitiora suaderent suis contubernalibus præpararentque animos ad excipienda Delegatorum postulata, quæ in medium ipsorum allaturi essent. Atque cum iis communicato jam consilio, qui ad illorum irent stationem, designaverat Petrum Opalinium Castellatum Posnaniensem, Stanislaum Lubomirscium, & Jacobum Sobiescium: qui mox summa cum observantia excepti deductique in medium, Sobiescium (ita ceteris Collegis visum erat) paucis eos alloquentem audire, is enumeratis Cosacorum in Rempub. meritis præsentique obsequio maximè collaudato, per Vladislai Principis salutem obte-

staba-

stabatur, neu carum sibi tantæque apud illos venerationis Principem, tum & Rempublicam desererent, extremoque involve-
rent discrimini: viderent quid religioni, quid Patriæ deberent, neu partam præclarissimis operibus gloriam præposteris conatibus obfuscarent. Ad refarcienda verò damna obtulere Delegati quinquaginta millium florenorum donativum, spemque in futurum luculentioris præmii: eo præcauto, ut absque Russiæ Provinciarum noxâ certis discreti locis eam pecuniæ summam bello finito præstolarentur. Incondito murmure & præmium impar & incertum persolvendi æris promissi tempus incusabant legionarii: Sublatus deinde clamor est misere conquerentium accusantiumque famem & inopiam: & cum ita aliquantisper agitantur, inferentibus sese in medium Konaszevicio, Tribunis, Præfectis, ceterisque militiæ antesignanis mitioraque proponentibus suadentibusque, tandem conticuere, id tantum postulavere acrius, quod etiam obtinere, ut promissum

Qui Cosacis donativum offerunt.

Placantur donativo.

sum donativum publico instrumento consignaretur, & Senatorum, qui tunc in castris adessent, & Delegatorum subscriptione ac sigillis firmaretur. Ita in herba extincta oppressâque seditio, non tam donativi respectu, quàm ab unicâ quamvis ægri decumbentisque Vladislai præsentia ejusque venerando Nomine & Cosacis perquam acceptissimo.

Nocturna
Castro-
rum Tur-
cicorum
invasio de-
cernitur.

Quandoquidem verò jam Cosaci in officio se mansuros spondissent, utendum militis alacritate Vladislai existimavit: tuncque expetita à multis probatâque in consilio bellico ac ipsius Vladislai suffragio, (dissentiente tamen nonnihil Chodkievicio) nocturna hostilium castrorum invasio decernitur. Hanc suadebant exploratores certò referentes, Turcas nullo vallo fossâque munitos esse, proinde non difficilem aditum ad castra patere; noctem verò aggressioni opportunam à captivis transfugisque cognitum asserentibus, hostes vestibis armisque exutos delicatius somno indulgere, insuper incuriosas vigilias, neglecta solutâque

lutâque omnia iidem referebant. Addebat animum multorum dierum quies, quæ hosti fiduciam dabat Polonos ultra defensionem nihil amplius molituros, tum & recens Cosacorum exemplum, qui nuper claro apertoque die castra hostium irruptione perterrefecissent. Electa itaque nox, divisa aliis alia munia: modus aggressionis futuræ quandoquidem à nonnemine enarratus fuisse, eundem repetere supervacaneum duxi præsertim cum res successu caruerit. Secundâ ferè vigiliâ miles è castris egreditur, cumque nihil præter auroram expectat, repente imber, qui sereno tunc neutiquam sperabatur Coelo, fusus, invalescensque cohibuit impetum, summoque silentio ad castra rediit ob amissam rei gerendæ opportunitatem moestior. Atque sive pluvia subito decidens militis optata elusit vota, sive quod alii ferunt tarda succedentium Cosacis Germanorum peditum auxilia (id verò minus crediderim, ad amissim tunc milite ducum mandata exsequente) in causâ fuere, non acceleratæ retardatæque aggressionis,

Subitus
imber im-
pedit.

H h h h h

nis,

*Non sine
omine.**Eadem ag-
gressio post
triduum
decerni-
tur, nec
succedit, à
transfugis
detecta.*

nis, id tamen non absque Numine evenisse in comperto est, improsperum rei exitum præmonente. Et mira profecto res nec sine omine notanda: Cœlo amoeno sudorque, in ipso rei executioni mandandæ momento collectam subito apparuisse nubeculam, quæ tantum dmitteret imbrem, quantum ad scloporum usum amittendum (quod Cosaci propterea receptum efflagitantes ducibus nuntiaverant) totumque exercitum madefaciendum satis esset: deinde milite in castra reverso, subito quoque Cœli amenitatem serenitatemque rediisse. Neque tamen præcaventis Cœli monitum duces militesque continuerat, quin post triduum decretam semel aggressionem iterum repetere destinassent, at invitis Superis: namque eâ ipsâ vespere noctem invasioni castrorum designatam præcedente, Hungari aliquot Germanique pedites transfugæ consilium hostibus aperuere, adversusque futura providos cautosque reddidere. Et postmodum omnibus clarè innotuit, quantis casibus periculisque impressio illa obnoxia fuisset,

fuisset, tunc verò duces militesque adoravere propitiam fatorum benignitatem, quibus res Polonas curæ esse è tam certis constaret argumentis.

Jamque Osmanus adversis bellorum irritaque castrorum obsidione fatigatus, ad pacem inclinare videbatur, tantò magis aulæ ministris eam deposcentibus, quantò illis gravior immineret metus ab excandescente Osmano, ob depressam fractamque tantis viribus subnixam Othomanicam potentiam, non difficile in eosdem malè gesti administratque belli culpam rejecturo, capitis eluendam supplicio. Cùm verò in præsentia Cæsaris iis sese tractatibus ultròingere haud è dignitate decoroque judicarent, per intermedium Radulonem Valachiae Palatinum pertentare Polonorum animos visum, ac si id à singulari Christiani Principis erga Christianos proficisceretur affectu, malisque compatiante, ac ulterioribus bellis quæ in longum à pertinaci Osmano suæque conscio potentiae non absque gravi periculo Poloniae trahi possent, obviante. Is itaque

*Turce ad
pacem in-
clinant.**Radulo ad
Chodkie-
vicium
Vevelium
mittit.*

H h h h h 2 ad

*Pacem
suadet &
misi ali-
quem ad
Vezirum
postulat.*

*Designa-
tur Zie-
lenscius in-
struitur-
que man-
datis.*

ad Chodkieviciū literas Hungarico idio-
mate scriptas sueto illo notōque Cretensi
Vevellio deferendas tradidit, suāsque sat
feriō & ardentē: neu Regnum ulteriori
objectaret discrimini, quod pace initā ser-
vandi firmandique peramplam haberet oc-
casionem, mitteret modō ad Vezirum nun-
cium quempiam ab ingenio usūque rerum
instructum, debitam jure gentium securita-
tem, ēque Reipub. Polonæ dignitate condi-
gnam apud Turcas habiturum se sponfore
reverentiam. Paucos ab hinc dies Vevel-
lius dimissus; comitem habuit ē communi
Delegatorum consilio lectum, instructum-
que mandatis, quæ Veziro referret, Jacobum
Zielsenscium aulæ Lubomirscii Præfectum,
virum & decorā corporis proceritate, &
egregiis animi dotibus insignem, tantōque
muneri parem. Postulata in primis à Veziro
fides publica, quā & in Turcarum castris,
& in reditu pro more institutōque gentium
tutus esset. Monitus deinde Zielsenscius
ut si inter familiariū colloquentes spes ali-
qua concordiae injiceretur, eam non peni-
tus

tus arriperet, neque tamen nimum ab ea
alienum declararet animum, asserens, Polo-
num ut armis viribūque infractum, &
æquitate causæ armatum belli aleam non
detrectare, ita nec pacem aspernari modō
nomini Polono decoram.

Exceptus Zielsenscius à Primoribus Tur-
carum vultu minaci rigidōque: variāque
ingerentium erant terriculamenta, quibus
de exercitū Poloni consiliis, an bello fes-
sus receptum cogitaret? an supplex pacem
peteret? à perterritō, ut rebantur, nuntio
quidpiam meticulosi colligerent extorque-
rētve. At contrā ac speraverant impavi-
dum Zielsenscii animum, suūque in dictis
ac responsis egregium & constantem co-
gnovēre, & cum postea cum Veziro de
bello à Turcis Polonis iniquē illato ruptis-
que foederibus fortiter animosēque disse-
ruisset, perparcē injectā concordiae mentio-
ne, abrupto dilatōque colloquio respon-
sum diutius ultra spem factam expectavit.

Abrupti colloquii tractatūque de pace
intermissi occasionem, simul & aliam Ve-
ziro

*Zielsen-
scius à Tur-
cis rigidē
excipitur.*

*Cum Ve-
ziro ani-
mosē disse-
ru.*

*Traſſa-
im de
pace ab-
rumpit
adventus
Carakassii
Baſſa.*

*Osmanus
ab eius ad-
ventu læ-
tus certam
victoriam
concepit, in
castris Po-
lonis cœna-
re vult.*

*15 Se-
ptemb.*

*Turca
pugnatum
comparent.*

ziro mentem indidit adventus in castra Tur-
carum (quippe eodem quo & Zielenſcius
intraverat die) Carakassii Baſſæ cum recenti-
bus ex Hungaria copiis, proindèque incli-
nati ad concordam Turcæ novo ferociores
auxilio, acſi debellatum foret, Zielenſcium
contemptius habuere. Præfectum in Hun-
garia Budæ Carakas agebat, vir bellandi
peritiâ clarus, & quem fama, exſtimatio,
reſque geſtæ apud barbaros ipſumque Of-
manum ita extulerant, ut hic ab adventu
eius lætus geſtiensque, quaſi ultimum Polo-
nis jugum impositurus truci ſe obſtrinxerit
voto, Nuſquam ſe niſi in captis cœnaturum
caſtris: ad hæc veluti certus excidii Polono-
rum, locum unde pugnam ſpectaret ſibi
delegit.

Ortâ luce comparuere legiones. Turca-
rum prope ſilvam caſtris Polonorum oppo-
ſitam, poſt directâ verſus Lubomirſcii ſtatio-
nem tormenta detonuere, ſed præter ali-
quot equorum ſtragem editam, & unicum
è commilitonibus Stadnicii Brenicium cæ-
ſum, nihil ſingulare præſtitere. Intercef-
ſere

ſere velitationes leves excuſſionéſve, fu-
gientium agminum ſimulatus metus ad ex-
trahendum è vallo militem, interim uni-
cum erat votum Turcarum in ſtativa Moſ-
ſinii perrumpere, quæ minori ſervari manu,
humilique nec ad Architecturæ militaris
præſcriptum erecto cingi vallo, à transfuga
Hungaro didicerant, proindèque facili per
hæc in caſtra aditu. Ergo Carakas dato ſi-
gno ad deſtinatum locum numeroſa movet
agmina, ruitque tantâ alacritate, ut deſi-
lientes ex equis Turcæ iſſque ad arbores al-
ligatis, Janizeris immixti pugnam expete-
rent. Et relictis, quod non è militiæ more
præviderat hoſtis, à tergo munitionibus Jo-
annis Veiheri Palatini Culmenſis, pedite
equitéque Germano inſeſſis, ſummâ cele-
ritate ardoréque in deſignatum locum im-
petum faciunt. Exoritur ingens pugna
inde acerrimè instantibus, illinc fortiffimè
reſiſtentibus: mox hoſtes ſuperaffe foſſam
per caſtra rumor tulit, tum verò miles in
ſubſidium ruere, cædere, barbaros loco mo-
vere, animante ſuos Lubomirſcio recentéſ-
que

*Carakas
ſtativa
Moſſinii
furioſè ag-
greditur.*

*Pugnatur
acerrimè.*

Poloni è
vallo in
medios ho-
stes desili-
unt.

Venerus
strenuè
rem gerit,
ex cuius
munitione
Caracas
pilâ traji-
citur &
occumbit.

Echetus
Hungarus
Turcas ca-
dit, equos
abducit.

que fessis submittendo. Chodkievicio ve-
rò aliis cum legionibus, & præcipuè Præ-
torianâ Vladislai turmâ ad extremam vim
sefe reservante. Jámque ita fervor defen-
dentium exarserat ut è vallo in medios de-
silirent hostes pugnâque confererent, præ-
liûmque crebris coitionibus conglobati re-
pararent. Veihero ex altera parte strenuè
rem gerente, certâ cum hostium clade,
ipsiûsque Caracasi cæde, qui cum detracto
capitis tegumento, quò magis à suis nosce-
retur, strictoque ferro præcurrit, inque vo-
litantium globorum procellam sese infert,
patefactâ vulneri simulque morti fronte,
pilâ tactus occubuit, momentoque tanti
viri casum secuta hostium fuga stragésque,
nec citiùs quàm cum inumbrante terras de-
finens vespere. Cæteri ad prædam spoliâ-
que jacentium versi, annulos cum digitis
abscissos, vestes sericeas, barbarorum nu-
mismata, capitum ex Asiaticâ telâ integmi-
na per castra circumtulère ostentaveréque.
Atque interea majore ausu Echetus Hunga-
garus Centurio silvam ingressus, pluribus
Tur-

Turcarum necatis, equis abductis, prædâ
reportatâ ovans ad suos rediit.

Quantus numerus cæforum victoriam
auxerit nihil apud auctores reperio, Polo-
nis non adeò cruentam fuisse constat, de
Turcarum ingenti clade omnes consen-
tiunt, videturque aliorum capitum exclu-
sisse computum unica mors Caracassii cele-
bris famosique ducis. Neque verò aliud
tunc majori barbarorum comploratione
exceptum fuit cadaver: quippe cooperto
impositum currui, & quadrigis albis ave-
ctum asportatûmque barbaro ejulatu castra
complevit. Proditor Hungarus minutim
concisus proditoris poenam tulit tanti ve-
luti Herois umbræ immolatus. Improperi
exitûs cladisque Caracassii causa Usaïmus
non postrema fuit, ægre ille patiebatur re-
centem ab Hungaria ducem, ignavum si-
bi regimen exprobrantem, cavillisque ac
scommatibus proscindentem, feliciorém-
que armorum progressum certâ cum Polo-
norum ruinâ suo ductu Osmano perquam
jactanter pollicentem: Libenter itaque

Caracassii
cadaver
currui coo-
perto ave-
ctum.

Quem
amulatio
cum Usaï-
mo perdi-
dit.

Uſaimus Caracaffio primas detulit, reſervatis reliquis copiis, quæ ſe duce in ſubſidium pugnanti venirent. Sed toto illo durante conflictu immotus ſtetit æmulumque deſeruit; cujus infelix pugna tantum iterum Uſaimo apud Oſmanum conciliaret in re bellica adminiſtranda opinionis auctoritaſque, quantum alterius importuna jaſtancia detraxerat.

Tabuli inopia caſtra Polona affligit, indeque ſubſpecie quærendi commeatus multi fugam meditantur.

Non deerat hucusque militi ad reprimendos propulſandosque hoſtium conatus animus, ſed ab intus acriter oppugnantem commeatus pabulique inopiam difficilius ferebat: Tartaris arctius vias obſidentibus præpedientibusque, ne quid rei cibariæ importaretur. Ergo jam plerique ſub ſpecie quærendi commeatus catervatim fugam meditabantur, quam ſeverum ſtitit edictum: ne quis inſciis ducibus Tyram transmittere auderet, poſque abrumpi juſſus. Languebat indies magis magisque à diuturno morbo viribus deſtitutus Chodkievicius, non tamen belli curas omittebat magnanimi memor dicti: Imperatorem ſtante

tem mori oportere. Tribunos itaque Centuriones & militum primores in concionem advocat: conveniẽre ad tentorium ducis frequentes, cum lecto affixus & aliquantum pulvino ſuffultus, brevibus præ ægritudine verbis quantas in anguſtias redactus ſit exercitus docet, & primum à rei cibariæ penuriâ, tum à morbis indies atrocius graſſantibus, deinde ab attritis viribus, equitatusque robore ob equorum continuo cadentium mortes imminuto, proindeque Turcarum iteratos impetus ſuſtineri diutius vix poſſe, deficiente inſuper tormentario pulvere: deinde auxilia à Rege nulla comparere, aut ſera exſpectari. Dignitatem itaque ſalutemque Principis Vladislai præ oculis haberent, promerentque de receptis ratione ſententias, ſatiùs namque eſſe integris agminibus recedere, quàm ſparſim turpi fugâ militiam deſerere. His dictis conticuit, vultum, geſtus, motumque audientium obſervans: & vetus militiæ dux diſſimulatâ ſuâ ad præſens ſententiâ, animo votisque contrariam inſecit quæſtionem explor-

Chodkievicius ager Tribunos ac milites in Conſilium advocat.

De receptis ratione ſententias exquiratque animos militum interea.

ploraturus sensum militis. Sciebat enim sparsos per contubernia de discessu sermones, multis eundem suadentibus, commendatâ interea solis Cosacis & peditibus castrorum custodiâ: alii verò censebant, ut Vladislais cum primariis abiret viris: quod consilium ille averfatus, moriturum potius se in castris dixit, quàm foedo receptu subiturum ignominiam.

Chodkievicii sermone excepto mirari Tribuni militesque seque mutuò respicere, unde hæc vox: ingloria veteri & tot palmarum excidisset duci, qui antea pugnae cum hoste conferendæ cupidus, ultimam prælii aleam tentandam multoties suasisset, nunc verò de receptu rogaret sententias. Tum verò unanimi voce omnes conclamant: gloriosè potius pro patria occumbendum esse, quàm turpem fugam virisque militari-
*Miles glori-
ose oc-
cumbere
maius
quàm sese
in Patri-
am recipere.*

bus indecoram arripiendam. Non dubitarent duces de suo constanti obsequio, dicto etiam sacramento si ita libuerit confirmando. Idem sensus Konaszevicii Cosacorumque fuit cum reliquis alacritate prom-
tisque

tisque studiis concertantium. Collaudat Chodkievicius generosam militum ad quævis pro patria subeunda pericula promtitudinem, durarent inquit interim perferrentque paulisper incommoda, seque rebus fervarent secundis, brevi de hoste & à forti militis dexterâ, & suâ mole ruituro casuróque triumphaturi. Obtulit insuper suo Delegatorumque nomine unius trimestris gratuitum stipendium, ultra debita persolvendum æra. Atque hac spe donativi recreatus miles novos spiritus animosque sumferat, & paucò interjecto tempore, ad conquiendum à Cameneco commeatum expeditus erat Nicolaus Kosakovius spectati
*Laudat
Chodkievicius
vires
Generos
spiritus &
donatum
offeri.*

animi Tribunus Præfectus Vifnensis cum aliquot turmis levis armaturæ equitum peditibusque è Vladislai legione selectis centum, instruxeratque carraginem, quæ iter facientibus pro munimento contra Tartarorum insultus esset.

Multoties ab omni castrorum parte fortunam tentabat hostis, solitâ incurrens ferociâ: at obstinatâ Polonorum virtute re-

*Cofaci
Turcarum
Castra ag-
greduntur.
18 Se-
ptemb.*

pressus, suis indoluit cladibus, ingloriúsque abcessit, & quos Osmanus vinci posse speraverat totâque virium suarum mole appetierat Cofacos, ii in mediis ejus castris, & penè in oculis Turcas ad cædem quæsivêre. Namque quatriduo post à morte Caracassii eam castrorum partem ubi ipsis stativa erant noctu adorti, Turcas somno deditos incis tentoriorum funibus aut suis tegumentis coopertos trucidant, prædam rapiunt, equos, camelos abigunt: excitatis verò hostibus armâque corripientibus dant suis commilitonibus quos vigiles constituerant signum; oritur & ab aggressoribus & à vigilibus clamor, cum hostis à tergo fronteque exterritus quasi undique teneretur in diversa fugiens, latam prædâ onustis Cofacis exeundi aperuit viam, spolia, signa, vexillâque rapta deportantibus. Prima hæc castrorum aggressio, quia prospera, miram Cofacis alacritatem indidit, ita ut geminatis postmodum eadem adorti. promiscuas inferendo cædes magnam trepidationem intulerint, nocte præsertim, quæ patrando faci-

*Et quia
prosperè
iterum
redeunt.*

facinori potissimum deligebatur. Sed Taki Bassa interfecto, & Ufaimo propè intercepto, famam metumque sui auxerant, qui vestibus exutus æréque spoliatus, cum è manibus Cofaci ferrum intentantis elabatur, vagus in proximo nemore latuit, donec inalbescens dies pavidum lacerumque ad suos redeuntem, vixque agnitum reduxisset. Jamque interceptus pons tenebatur, interrumpique magno Turcarum damno poterat, nisi victores prædæ inhiantes egregii memorandique facinoris occasionem corrupissent, convolantibus interea Turcis animosque à metu resumentibus, Cofacis verò sat gloriæ partum existimantibus, si cum spoliis abcessissent incolumes.

*Sivagem
Turcu in-
ferunt &
Taki Bas-
sam occi-
dunt, U-
faimum
vix elabi-
tur.*

Monebatur interea Vladislâus à medicis Ghodkievicii morbum magis magisque ingravescere, de instanti vitæ termino ex accessionum decessionumque circuitu præfagentibus, tum verò reliquæ militiæ curæ ægro Principi incubuêre, quibus remedium à Senatorum Delegatorumque consilio poposcit. Censuêre illi castrorum ambitum

*Vladislâus
de pericu-
loso Ghod-
kievicii
morbo mo-
netur à
medicis;
cum Dele-
gatis con-
sultat.*

Lubomir-
scius munitiones
contrahi
jubeat bre-
viorique
circuitu
stringit

Zielsen-
scius e castris
Turcarum
cum Ve-
rellio re-
dit: cur
tardius
venit.

bitum latè diffusum, propter invaletudinem militum accisasque vires stringendum coarctandumque: Regem verò quantocius edocendum, tum de Chodkievicii desperatâ valetudine, tum & de belli statu. Et Lubomirscius ad quem jam universi exercitus regimen spectabat, celerrimè opus aggressus Veiheri propugnaculum dirui jussit, & reliquas munitiones breviori circuitu stringi, & Cosacorum stativa propè Denhoffii vallum ad moveri mandavit: ita tamen dextre providit, ne hostes à coarctatis munitionibus famâ exinde minorem aestimarent exercitum. Sed super hæc sollicitum inprimis habuit Lubomirscium Zielsenscius ad Turcas missus tardius comparens, verebaturque ne post tot atroces Turcisque cruentos conflictus, gravius in illum aliquid statuissent barbari, jus legationum fidemque suis metientes commodis: cumque ita anxie expectatur, eodem penè tempore cum Vellio redierat. Usaimi cunctatio virum detinuit, qui omnes captabat occasiones intentusque erat, an non cum recentibus Carakassii

rakassii copiis, tamque obstinato suorum impetu ipsa quoque sponte veniret victoria, alias tunc tantum opus haberet pacis tractatibus, prout adversa belli tulissent. Nec levem moram fecit repentina Magistratum mutatio, quippe Dilaverius Mesopotamiae Præfectus summâ primùm authoritate nixus, quam à sancito cum Persis foedere emeruerat, deinde & opibus quas ingentes ex Asia advectas Osmano talium summè avido obtulerat, emto insuper potentium aulicorum favore, magni Veziri officium amoto Usaimo adeptus erat, magna cum Osmani vulgique gratulatione, damnosum utique belli jam pertæsi, adversamque fortunam in ministros plerumque rejicientis referentisque. Proinde Dilaverius ob ætatem decrepitam quietis quàm belli studiosior, introspectisque Turcarum animis ad concordiam propendentibus, Zielsenscium benignè humaniterque exceptum factâ spe pacis dimisit, venturoque Legato liberi com meatu tesseram transmittendam pollicitus est.

Zielsen-
scius e castris
Turcarum
cum Ve-
rellio re-
dit: cur
tardius
venit.

Usaimus
Veziri
Officiam
Dilaverio
cedit.

K k k k k

At

*Chodkie-
vicius in
arcem
Chotinensem
deferri
iussit
morsu.*

At verò Chodkievicius cùm viribus indies magis recedentibus vitæ restitui non posset, humanis valedicturus curis in arcem Chotinensem deferri se iussit, ibidémque in Lubomirscium jus omne belli regiménque transtulit, paucisque pòst diebus superstes VIII Kalendas Octobris, à meridie inter secundam & tertiam horam magnâ utique pietatis significatione decessit.

*Elogium
illius.*

Et sanè in hunc Heroëm Sarmaticum, & paterna Chodkieviciæ Domûs & materna Zboroviæ decora confluxère: hæc quidem Palatini Cracoviensis filia, fratrum in Rep. eminentissimorum soror, & penès quos tunc in Regno Poloniæ summa erat potentia, cùm splendidis natalibus fumosas clarissimorum virorum imagines veluti paternos in sinu ferens Deos ad maritum attulerat, æquali sanguinis prærogativâ conspicuum, & qui majores suos celeberrimis summisque functos honoribus, ab ipsis Magni D. Lithvaniæ exordiis haud vanè memorare posset: eminebátque tunc & Marschalci supremi dignitate, deinde Castellani Vilnensis

Parentes.

nensis honore, armorumque & militiæ Præfecturâ auctus erat. Ejus igitur patris & virtutum & gloriæ felicissimè adierat *Magistratus.* hæreditatem Carolus, ac juvenis primùm à poculis M. D. Lith. fuit, dein in Gubernatorem Samogotiæ, quæ dignitas Senatoria, est evectus, tum supremus armorum per Lithvaniam Præfectus creatus, ad extremum eo cum munere Palatinatum Vilnensem beneficio Regio obtinuit. Sed potissimum in tractandis armis militarique scientia magnorum Imperatorum tam prisca quam recentis ævi adæquavit gloriam, illudque maximè pertinuit ad ejus altitudinem animi, quod nullum unquam genus hostium vel numero majus, vel famâ insuperabile expavit. Fertur illius magnanimum dictum Sarbievii metro elegantissimè inclusum, cùm Turcam tot millibus innumerisque propè turmis validum innere rumor ubique spargeret, respondit: *Veri nuntia fama num sit, hic hostem mihi computabit ensis.* Testis & illa ad Kirchholmum celebris pugna, ubi parvâ trium millium & trecentorum *Ad Kirchholmum de Summa victoria.*

K k k k k 2

torum

torum manu, sexdecem hostium millia è Germanis, Gallis, Belgis, Suecisque collecta, Marte aperto, acie utrinque instructâ, invasit, delevit: cæsis (raro exemplo) novem millibus, cum suos tantum paulum supra octuaginta desiderasset, captis quingentis, relatis militaribus signis plusquam sexaginta, tormentis ademtis undecim. Ex primariis occubuere Fridericus Brunsvicensis Dux, alter Luneburgensis. Andreas Linderman illius militiæ cum imperio Præfectus, Mansfeldius faucibus fugâ se eripuit, & ipsemet Carolus Regni Suetici invasor vulnere affectus ægre ad naves profugit. Tanta illi tamque constans semper præliorum felicitas fuit, ut in iis perpetuò victor nunquam victus discederet. Parnaviam recuperavit, Rigam, Dinamuntum, Derpatum, Vaisensternium hostibus quâ profligatis, quâ submotis defendit. Volmariam duobus totius exercitus Præfectis captis, cæteris verò profligatis expugnavit. Suecorum naves in mari succendit Verus Livoniæ Hector, cuius ille quoad vixit morabatur.

*Urbes ab
hostes recu-
perat.*

rabatur fata, summâque cum laude delatum sibi à Rege Ordinibusque Gubernatoris titulum gessit.

*Livonia
Guberna-
tor fuit.*

In Moschovia Chodkievicii conatibus successibusque nulli obfuere magis quam milites, qui stipendia importuniùs exposcentes, renovatâ multoties seditione & victorias ipsi suas corrumpere, & Chodkievicio ægritudinem animi talium impatientissimo arcessivere. Non tamen ego prorsus inter infelicia numeraverim ejus in Moschovia administrationem, in qua ille semper victor parvâque manu cum ingentibus Moschorum copiis decertando militem servavit: & in altera cum Vladislao expeditione rem egregiè gessit, prout ante memoravimus.

*In Mo-
schovia
ejus cona-
tus mili-
tium sedi-
tiones re-
tardant.*

Disciplinam militarem severissimè exigebat, proindeque non adeò acceptus militi, à qua expeditionem Chotimensem exorsus, capitis damnato nobili commilitone odium plurimum incurrerat; aliàs iræ deditus & inexorabilis dux, sed qui licentiæ Polonæ maximè conduceret: nisi enim

*Disciplina
militaris
rigidus ex-
actor.*

*In milites
ejus libe-
ralitas.*

*Statua ipsi
posita in
hortis
Mediceis
Romæ.
Sarbievi-
us in Epi-
gram.*

eo disciplinæ rigore tanquam fræno injecto contineatur, frustra sibi Imperator de hoste victoriam pollicebitur. Ea sæpius florentissimos pessumdedit exercitûs, & protrusura est aliquando Rempub. in ruinam, hæc gentis nimium sibi indulgentis lasciviens libertas. Ut verò rigorem intenderat, ita militum spes summâ benignitate sustentare solebat: namque non tantum eorum virtutem immodicis præconiis amplificabat, sed præsentī alacritate, armis, equis, vestibus, auro in magna opum affluentia suppetenti donabat, vir ubique splendidus ac magnificus, & qui liberalitatem exercere opportunè nosset. Ad extremum Imperatoriis artibus exquisitè instructus eorum famam ad exteros transmisit, meruitque in hortis Mediceis statuam inter eminentissimos Duces collocatam, perpetuum magnanimæ virtutis tropæum.

*Uxores
Chodkie-
vici.*

Splendidis Chodkievicii natalibus fortuna illustribus arrisit connubiis: & primò quidem Zophiam Meleciam sibi junxerat Palatini Podoliæ & supremi exercituum
in

in Regno Poloniæ Ducis filiam, viduam à morte Simeonis Ducis Slucensis, cujus antè uxor fuerat. Eâ defunctâ cum Anna Alexandri Ducis Ostrogia, & Palatini Volhiniæ filiâ matrimonium firmaverat. Utramque conjugem habuit sanctimoniâ, innocentia vitæ, pudicitia inclitam, opibusque hæreditariis in mariti Domum illatis illâ tempestate celeberrimam: utpote illam Meleciorum, hæc Ostrogia Ducum, extinctis familiæ capitibus successoribusque masculis, bona fortunâsque afferentem. E priorē conjugio filio filiâque auctus: sed *Libert.* hanc tantum superstitem vidit Joanni Stanislao Sapiehæ M. D. Lithv. Marschalco nuptam, filium verò unicam Domûs suæ spem præmaturâ sibi ereptum morte luxit.

At super omnia præclarissima Chodkie- *Pietas.* vicii facinora pietatem ego non omiserim, quæ in eo summa eximiâque fuit. Munditiem animæ tanti fecit, ut nullam paulò gravio-rem noxam Deique offensam apud se ferre diutius posset: ideoque pluribus ante obitum annis singulis hebdomadis concien-

scientiæ labes sollicitè confessus excutere, Coelestique supplex reficere pane solebat, diémque Sabbativum huic sacraverat pietati, utpote Coelorum Reginae Virgini Dei-paræ, in cuius se totum tradiderat clientelam, veteri Ecclesiæ dicatum instituto. Imò nec aliquam expeditionem suscepit, aut signa cum hoste contulit, quin ante supremum Numen propitiaverit Coelitumq; imploraverit opem. Exstant exstabantque perennia pietatis illius monumenta quoad viget vigebitque Orthodoxa religio, fatebunturque pii Ducis munificam manum erecta templa Coenobiâque, Cretingæ Divi Francisci sodalibus, Bichovii Canonicis Regularibus congregationis Lateranensis, apud Crosenses Patribus Societatis Jesu.

Templa erecta & Coenobia fundata.

Ætas viri supra sexagesimum annum processit, quæ tamen fatum haud arcessivit vivido aliàs corpori, nisi illud continua ægritudo animi accelerasset. Hanc verò irritavit partim bellicus apparatus non ad præscriptum Comitiorum consiliorumque suorum instructus ordinatusque, proinde præclara

Ætas Chodkiewicz & quid insanabile morbum irritaverit.

præclara quæque molienti adversus: partim tarda subsidia majoribus indies presso angustiis exercitui venientia, & quod summè ejus cor exedebat, additi videlicet arbitri moderatorésque bello veterano expertoque Duci, dignitatísque suæ tenacissimo & novæ gloriæ decorisque avidissimo. Itaque geminati imperii impatiens, ingens animi Imperator, rerumque olim à se gestarum nimium memor, ex moerore contabuit: id tamen mors præmii attulisse visa est, ut confecto feliciter bello inter victoriæ plausus suo in triumpho conderetur. Corpus Chotimo Ostrogium deportatum, ibidem decimo quarto post obitum mense ab uxore summâ cum exsequiali pompâ tumulo magnificè exstructo illatum est.

Ostrogii sepulchrum

Evulgatâ in castris Chodkiewiczii morte, effusâ virtutum commemoratione deflevère milites ducem, & quem olim rigidum nimis exactorem disciplinæ metuebant inculpabantque, jam tum desideravère mortuum, sublatamque ex oculis quæsiwere virtutem. Vladislais certè ad tanti viri casum

In castris Chodkiewiczii mors deploratur.

LIII

inge-

Lithuana
legiones
denegant
obsequium
Lubomir-
scio.

Vladislai
accitus
Tribunis
negotium
componit.

Vladislai
Lubomir-
scii regi-
men agno-
scit.

ingemuit indoluitque, quod eo tempore, quo maximè Rex Rēsque pub. & ipse opus haberet, summo fidōque militiæ duce orba- retur. Et mox excepit nova Principem cura: namque Lithvanæ legiones Lubomirscio obsequium denegabant, unius Vladislai regimini sese subjicientes, alterius nullatenus passuræ imperium. Tum verò Vladislais accitis Primoribus: *scire se inquit in hac Lithvanorum ad Polonos accessione conjunctionēque, in unum nomen Imperiūque, unāque coaluisse gentem, solis tantummodo honoribus officiisque discretam distinctāque, nunquam tamen dedecori duxisse Polonos in absentia suorum Imperatorum Lithvano paruisse Duci. Vixisset utinam Chodkievicius, constantem obsequii facilitatem prout expertus erat à tam numeroso Polonorum exercitu habuisset, quam nunc pauca ac longè inferiores numero Lithvanæ copiae Lubomirscio denegarent, quem collegam Chodkievicii Rex Rēsque publica unanimi Comitiorum consensu dixisset. Se certè Lubomirscii regimen agnoscere velle, nec infra Majestatem suam videri, si illi obtemperaret, penès quem jam armorum bellicue summa esset.* Ruborem incusserat memorandum in Principe

cipe Regisque filio modestiæ & comitatis exemplum Lithvanis ductoribus militibusque, & mox tacito illo convicio faciles in Lubomirscii traxit obsequium, qui advocato bellico senatu compluribusque militum de ulteriori progressu belli differuit, & quasi auctoritatem suam firmaturus promissum trimestris stipendii donativum confirmavit.

Lubomir-
scius suam
auctorita-
tem firmat.

Atque hæc dum in castris geruntur, non desinebant Turcæ repetitis insultibus bellorum momenta experiri fortēque propitiam provocare: & nullā datā quiete ruebant, ut lassatis tandem defensoribus, & invadentium numero & continuato impetu oppressis, victoriam simul & finem belli lucrarentur. At nullibi coeptis illorum aspirante fortunā, conatūs multo sanguine damnisque defessos misere querulabantur. Tum verò Osmanus temeritatis suæ conscius, pudore acrius accendebatur, quod petitis frustra oppugnatisque castris nihil proficeret, deinde commotæ Orbis expectationi, intentisque ad exitum belli ab ejus

Turca iterum fortunam tentante

Osmanum pudor & rabies exstimulat.

Tormentis
res pri-
mum agi-
tur.
28 Se-
ptemb.

præsentia celeberrimi, Regibus Principi-
búsque, non ita responderet, quemadmo-
dum à formidandis Othomanæ potentia
viribus ipso præsertim ductore Cæsare,
Regno Poloniæ vicinisque ejus Provinciis
metuebatur: prævidebátque è Coelo cum
autumnalibus pluviis rigóreque mox ad-
futuro certam exercitús sui ruinam: tandem
irá præceps excandescénsque ultimum fu-
rorem rabiémque exseruit, & prout vires
morientium in novissimis intenduntur,
quidquid virorum copiarúmve in castris
erat educi imperat. Quadraginta & am-
plius tormenta miræ magnitudinis in castra
obversa, viginti quinque ad Tyræ ripam
contra Cosacorum stationem deportata,
additis Tartarorum millibus propè triginta
horridis clamoribus metum intentantibus,
littúsque incurfantibus, quasi jamjam traje-
cturi flumen aggressurique Cosacos essent.
Sed ille machinarum terror vitatâ pernicie
à militibus, supervolantibúsque munimen-
ta globis è loco leviter in planum devexo
excussis, haud æquavit detrimentum. Plus
in-

inerat ab altera parte periculi, petebáturque
crebris ictibus Vladislai ædicula, nisi propi-
tium Numen volantes pilas stitisset arcuif-
sétque: unus nihiolminùs è custodia Prin-
cipis Scotus humi tunc æger decumbens,
dum ad capiendum cibum caput paulum
elevasset, tormenti ictu sublatus est, memo-
rando tunc exitu, ut qui ob ægritudinem
timeret fatum, aliunde illatum repentè ex-
ciperet.

Absque
effectu:
unus tan-
tum Sco-
tus occidi-
tur.

Inter reboantes machinas nihilque sum-
mo cum fragore tonitrúque interquiescen-
tes, quas millenis ictibus castra petisse fe-
runt, admota deinde vis cum in omnes par-
tes, tum maximè intento in Lifoviensium
velitum & Denhoffiorum stationes insul-
tu: Et has sanè egregiè munitas infessásque
à Germanis peditibus majoribus sclopis in-
structis non sine clade tentavère, dúmque
his assiduis miniméque irritis scloporum
ictibus excepti arcentur, procurrunť extre-
mo validoque conatu ad Lifoviensium
vallum, patente accessu per negligentius
dirutas veteres Zaporoviensium Cosaco-
rum

Lifovien-
sium Veli-
tum statio
impetitur.

rum fossas: & plerique Janizerorum ligneis muniti scutis quæ invasores à scloporum ictu latè contegerent, cæco ruebant impetu. Lisovienses quia acinace tantùm & fistulis armati, equestribusque assueti præliis, & loco infirmiore humili præcincti vallo constiterant, in maximo versabantur discrimine. Oritur itaque ingens clamor, dum hi prærapidi obstinati que signa inferunt, illi connixi repellunt, conseritur pugna mortisque aut subeundæ, aut inferendæ; miles necessitate coactus in hostem fertur, qui cæcus irâ, & vindictæ cupidine abalienatis à periculo sensibus, nullo suorum cadentium metu perrumpit, & post acrem pugnam multo tamen defensoribus iniquiorem in locum sese infert, ac inter eas angustias contractis Lisovianis, cum & ipsi præ ingruente hostium multitudine animos ferociamque contraherent vacillaréntque, viderétque Lubomirscius legionis discrimen ac desperatam propemodùm stationis defensionem illico auxilium submitit, decimo quoque ex omnibus cohortibus ab-

*Summo
cum illo-
rum peri-
culo.*

*Lubo-
mirscius
subsidium
mitit.*

stracto, tum in unum coactos ordinatosque ubi laborabatur in hostes ire jubet. Et Vladislavus, qui licet æger decumbensque è ten-

*Et Vla-
dislavus
Kochanov-
ium cum
pedibus,
Scotos &
Hibernos
properare
jubet.*

torio quotidianas belli curas non omitebat, accito ad se Nicolao Kochanovio peditem suorum ductore, pergeret inquit ferretque Rusinovii legioni quantocius subsidium, in manu, armis, locoque retento omnia sita esse: tum Scotos Hibernosque fidissimos sui custodes eodem properare jubet admonitos veterani expertique roboris sui constantisque erga Principem fidei.

*Pugnatur
acerrime
cum ho-
stium cla-
de.*

Summâ contentione alacritatēque deleta agmina in hostem procurrunt, exoritur cruentum certamen, resumit à recenti subsidio animum Rusinovii legio, conglobati omnes confertique instant acrius, redintegratâ utrinque pugna si unquam alibi ferox & memorabilis, fusi hostes, sequitur clades, deinde fuga, & quem diem victoriæ destinaverant, penè suis viribus supremum habuere: non diffitentibus Turcis postmodum eo in conflictu Osmanum præcipuum exercitus sui robur amisisse. Theophilus

Szem-

Quam
auges
Szember-
gus stra-
tegemaie.

Szembergius acceleratæ victoriæ egregiam laudem tulit. Exstruxerat ille in editiore colle subjectam despiciente planitiem repentinum propugnaculum, tectum undique frondibus arbutisq̃ue, quod hosti virgultorum speciem exhiberet: imposueratque duo tormenta, tum induxit quinquaginta Hungaros pedites, & Thomæ Zamoscii Palatini Kioviensis aliquot decurias, lateréque iussit, quoad necessitas & occasio provocaret. Turcæ locum præsidio vacuum rati, sæpius obequitantes, cum & quies & silentium metum insidiarum eximeret, accurrunt veluti se illuc securiùs recepturi, quos propiùs in unum conglobatos agmen nactus Szembergius, effusâ pilarum glandiûmq̃ue tempestate penè ad internecionem delevit, reliqui ab erumpente è castris milite concisi prostratique. Totus ille dies Polonis felix auspicatûsque fuit hosti verò ab octava hora matutina ad vesperam continuo impetu insultûque decertanti propè fatalis. Et hunc quidem prout observatum à nonnullis lego, dicatum fuisse

Polonia
hic dies
faustus,
Turcis pe-
nè fatalis.

Divo

Divo Venceslao Bohemiæ Regi, ejusdem cum Polonis originis primòque Regni in recenter susceptæ religionis Christianæ primordiis Tutelari, multisque non inconsideratè persuasum est, victoriam non absque cognato & commilitone Divo Polono venisse.

D. Venceslao sacer, & pice
creduur
tunc vel
maxime
Patrono.

Ultimus Osmani impetus iniquis & renitentibus fatis inchoatus peractûsque, iterum ad pacis consilia animum aliàs ferocem pertinacemque revocavit. Rediebat interea ad castra Vevellius nuper ad Vezirum remissus, ad conquiendas assertitias literas publicæ Legatorum securitati servientes, attuleratque sufficientes. Profecti igitur Stanislaus Zoravinskus Castellanus Belzensis, & Jacobus Sobiescius Palatinides Lublinensis, & quia res non patiebatur moram propter sinistrum malevolorum sensum interpretationemque, deposuerunt instrumentum à plerisque Senatoribus ac Delegatis subscriptum, quo tractandæ pacis condiciones continebantur apud Andream Szoldrscium Regi à secretis,

Turca
ad Pacis
Consilia
redemnt.

Zoravinskus &
Sobiescius
ad Turcarum
Castra proficiscuntur.
29 Septembris.

M m m m m

&

& Principis Vladislai Cancellarium. Ad-
didit Legatis Vladislais munera è supelle-
ctili militari depromta, quæ Osmano ejus-
que Purpuratis non ipsius sed suo nomine
deferrent, & Lubomirscius tanquam eâ
tempestate copiarum supremus dux ad eun-
dem literas.

*Excipiun-
tur honori-
ficæ à Tur-
cis.*

Ingressu castrorum obvios habuere ho-
noris causâ prodeuntes Turcas, viros ætate
provectiori militiâque claros, è quorum
numero unus nomine Dilaverii supremi
Veziri Legatos brevi sed amico sermone
compellavit, idem officii præstitum à Ra-
dulone Palatino Valachia per selectiores è
suo comitatu aulicos, prope cujus tentoria
statio Legatis assignata erat, deducuntibus
illos Turcis ad locum destinatum splendi-
dè, nec sine ostentatione castrorum jactan-
tiâque. Ubi iterum comparuere Proceres
Valachi salutationis officium à Radulone
deferentes, omnisque commeatûs copiam
ab amico Principe utpote Christiano pol-
licentes. Magni se æstimare eam Radulonis
humanitatem significavere Legati per Trze-
latko-

*Et à Ra-
dulone
quem pri-
mò per
Trzelatko-
vium.*

latkovium aulae Sieniavii Præfectum, tunc
verò primæ in ea legatione ob singularem
prudentiam notæ, contestatque suam er-
ga eum propensissimam voluntatem; po-
stulavere ut de tempore, modo tractandæ
pacis fidenter sententiam suam aperiret.
Mox & ipsi accessere Palatinum, adventum
Legatorum extra tentorium præstolantem,
ubi post officia mutuâsque venerationes,
redditis à Lubomirscio literis, id unicum
ipsius exploratæ commisere amicitia, qua-
tenus iis præcisâ longiori morâ ad Dilave-
rium facilem promptumque procuraret ac-
cessum. Quâ in re prout & in conciliandâ
pace non segnem se præstitit Radulo, mox-
que ejus operâ patefacto ad Vezirum aditu
arcessiti Legati auditique. Ubi succinctè
Castellanus Belzensis fidem Regis Reique
publicæ Polonæ in antiquis cum domo
Othomanica foederibus sacrosanctè semper
servatam contestatus est, ea verò ut iterum
coalescant cum mutuæ amicitia incremen-
to, id à Dilaverii auctoritate quam tanquam
supremus consilii arbiter haberet, depen-
dere,

*Deinde &
ipsi acce-
dunt.*

*Adem, &
Vezirum
alloquitur
Zoravim-
scium.*

Comiter
Legatos
accepit.

Prout &
superstitionis
Machometana
Præfuit.

Turcatam
acceptas
clades
vindicare
voluit.

dere, hanc porrò in tam salutari pacis negotio sincerè pro sua prudentia interpositurum, minimè se dubitare. Eà perhumanâ salutatione, gestu composito placidòque, & voce affabili studium suum erga commune pacis bonum luculenter declaravit Dilaverius, illud Legatis insinuavit, ut ob commodiùs instituenda colloquia, stationem inter sua & Bacci Bassæ tentoria transferrent. A Dilaverio itum ad Machometani delirii sacrificulum, & quia Osmani pueritiæ moderator erat, carum idcirco acceptumque Principi: nec is pacem aspernari videbatur, ad quam promovendam operam suam obtulit.

Dum hîc officiis veluti futuræ pacis prænuntiis certatur inter Legatos Primatèsque Turcarum, hostili interea animo armisque in consueto Martis campo à milite certabatur; non desinentibus Turcis iterum Polonorum munitiones aggredi acceptasque ulcisci clades, aut certè novo aliquo insigni facinore inclarescere: stimulabat pudor, accendebat spretarum contusarumque virium

rium injuria, eoque acriores intendebant velitationes: quin etiam ausi plus quàm velitari prælio contendere, majori semper Polonorum gloriâ, summa verò cum strage fugâque suorum: unus tantum desideratus est iis in conflictibus Jacobus Kriniec-^{Kriniecium occumbis.} cius Alexandri Prusinovii hastatorum turmæ Subcenturio. Ita non respondente per omnia votis hostium successu, illud unicum restabat consilii, ut Osmanus eductis ultra Tyram agminibus, calcatoque hostili solo oppidum aliquod vicinum invaderet, quo intercepto expugnatòque famam expeditionis suæ non irritæ in universum Orientem extenderet, ad eam attentis ibidem Persis cæterisque Othomanæ æmulis: aliàs è vano tanti apparatus præsentis Imperatoris conatu, in posterum de fortuna viribusque ejus contemtim judicaturis. Deportatis igitur trans Tyram copiis, primam inquam incurrerent arcem nacti Paniow-^{Paniowce Potociorum artem oppugnat.} ce dictam Potociorum gentilitiam, magis ad elegantiam amoenitatèmq; quàm ex arte militari excitatam, paucis tunc fed

M m m m m 3 stre-

*Nec ex-
pugnati
ab inglo-
rum.* strenuis infessam defensoribus. Admota tormenta, repetiti insultus irriti fuere, & unde expectabatur Osmani gloria, inde pudor & rabies sortem suam accusantis secuta. Sed longè major metus Turcas invaserat à Sigismundi Regis cum universa nobilitate adventantis copiis, earum numerum rumore augente evulgantèque, tum & captivis in idem consentientibus.

*Tax tra-
datur fer-
ventius.* Inde ad tractandam pacem reditum est, & celerius ferventiùsque de conditionibus agi coeptum per Radulonem, cui Dilaverius primam glaciem frangendam commiserat, expiscarique jusserat quæ facilitas in iis accipiendis Legatorum esset. Inter multa ab utrinque disceptantes duo maxime in controversia fuere; Cosacorum coercitio poenæque, & munera quæ loco tributì Osmano Constantinopolim mitti sedulò efflagitabat. At Legati rejectâ animosè

*Duas con-
ditiones
Legati a-
nimosè re-
jiciunt de
Cosacis
coercendis,
& tributo
dando.*

utrâque conditione, negatâque, post varios rationum conflictus, congressum illum dissolverunt. Et ad Cosacos quod attinet, ut omne robur, ita & rabiem suam odiûm-
que

que Osmanus in eos verterat, excidium illius militiæ animo volvens. Implacabilis iræ argumentum fuit edictum per castra evulgatum, ut quisquis Cosaci caput adferret quinquaginta aureorum præmio donaretur. Hinc Tartari sæpius illudere Osmano; agrestium namque colonorum in Podolia captorum amputantes capita, quasi Cosacorum essent deferebant, summè gestiente barbaro, acervumque capitum magna cum voluptate inspiciente oculosque pascente.

Sed callidiore consilio Turcæ agebant: quippe cum non possent excidio invisî agminis, injectâ saltem inter Polonos & Cosacos perpetuâ dissensionum simultatûmque materiâ, eosdem tam præclaro deinceps privarent militiæ robore subsidioque; injici autem non poterat efficacior quàm si poenæ expositi rupta foedera supplicio expiarent. Quod à Cosacis olim prævisum erat, ut supra meminimus, ideoque nisi datâ fide receptâque sponsione ad eam se accinxerant expeditionem, & Delegati in nupero cum iisdem confesso, idem sanctè firmaverant.

At

*Cosacorum
capita 50
anteis assti-
manur.*

*Turca
Cosacos
abalienare
à Polonis
sudent,
quali astu.*

Dilaverius easdem conditiones proponit, & simul metum intendit Legatis.

At Dilaverius posteaquam à Radulone percepit ea pactio-
num capita penitus aspernari Legatos, eos ad secretius evocat collo-
quium, ac si maiorem vim à supremi Magi-
stratus auctoritate reverentiâque ad persua-
dendum allaturus, idemque seriò propo-
nit urgétque intentato ad hæc metu minis-
que. Constituissè videlicet Osmanum ad
medium Novembrem fixis manere castris,
bellumque per id tempus acerrimè conti-
nuare, neque Constantinopolim regredi
velle, ideòque delectam esse hibernis agen-
dis Valachiam Moldaviâque: jam verò
Tartarorum Valachorum & Europæorum
Turcarum copias destinatas esse ad dive-
xandas vastandâsque per hiemen Polonas
ditiones, parandosque aditus primo vere
cum ingenti virium suarum mole redituro
Osmano, petituròque ipsius Regni viscera:
viderent proinde quid agerent, neu obla-
tas pacis conditiones tam arroganter respue-
rent: simulque fixis oculis gestum Legato-
rum vultusque contemplabatur, si quid me-
tus aut commoti prodidissent animi: infu-
per

per in castra si vellent regredi rebus infe-
ctis, id se illis permittere significavit. Tum
verò Castellanus Belzensis Zoravinscius
generoso responso excepit tumidum arro-
gantemque Veziri sermonem. *Bellatum est
hactenus inquit ô Dilaveri, sed necdum vobis æquus
Mars adjudicavit victoriam, quæ vos hoc tumido
inflaret fastu, nos verò extremo metu dejiceret: quid
sit futurum caliginosâ nocte premit Deus, prudens
temporis arbiter rerumque humanarum rector. Polo-
nos scias libere sibi impositis parère Regibus, gen-
témque in libertate natam ultimum potius excidium
interitumque laturam, quàm aliquo infami tributo
libertatis suæ detrimentum accepturam.* Post hæc
surrexère Legati, manumque valedicturi
porrexère Dilaverio, eandem, cum qua ve-
nerant, abituri exposcentes securitatem fi-
démque. Ad hanc Legatorum denuntia-
tionem & magnanimæ vocis constantiam
attonitus Dilaverius, apprehensâ utriusque
familiariter manu, abitum parantes detinuit,
remissòque quem nimium intenderat rigo-
re, æquior faciliòrque in tractando negotio
mox comparuit. Et cæteræ conditiones

*Respondet
Zoravins-
cius gene-
rosè.*

*Legati ve-
niam ab-
eundi pe-
tunt.*

*Detinet
Dilave-
rium faci-
lioribus ca-
teris condi-
tionibus.*

Cosacos tamē ad poenam depopulationis perimaciter.

Legatis idem contra Tartaros & Bernascium gentem.

levi negotio complanata sopitæque, de Cosacis disceptatio diutius paulum tenuit, Turcis poenam suppliciaque tanquam à foederis violatoribus mordicus deposcentibus, Legatis contrà objicientibus: Cosacorum licentiæ maritimisque excursionibus ansam dedisse, daréque frequenter Tartarorum in Russiam irruptiones, summâ cum terrarum vastitate: quantò æquius esset, si illi Tartaros graviori coërcerent poenâ, à quibus ruptæ pacis promanaret origo, & redactos per depopulationem ad summam egestatem colonos, in vindictam accenderent, solâ desperatione relictis domiciliis, spretoque imperio dominorum spe prædæ militiam Cosacorum augentes: proinde statuerent potius Turcæ exemplum severæ animadversionis in Bernascium, Cantimirum, latrocinantiumque Tartarorum turmas. Ita quod in Cosacos Turcæ cupiebant, id in Tartaros ut fieret nostris postulantibus, cum utrinque difficiles exitus controversia haberet, oblivione tandem utrâque ex parte condonatis con-

consepultisque injuriis, quievêre.

Acrior de muneribus Osmano per Legatum transmittendis contentio fuit, Legatis pactorum conditionibus ea inferere recusantibus, ne sub specie munerum tributideinceps dandi necessitatem Turcis ita interpretantibus inducerent, à quo liberæ gentis, nullius armis subactæ abhorreret animus. Sobiescius itaque obtentâ à Dila-verio facultate, relicto in castris Zoravinscio, eo in negotio ad Vladislavum Principem Delegatosque ivit captandi consilii causâ: & postero die rediit eâ cum declaratione: Sigismundum Regem Osmano per Legatum, qui ad conficienda foedera Constantinopolim iturus esset, munera deferenda missurum, is modò pari humanitate cum Rege vicino amicoque Principe certaret. Acquievêre Turcæ, majorique ardore pacis incubuere consiliis, iis verò feliciter peractis, perque conditiones stabilitis, Dilaverius Legatos arcessivit, & Bassarum totiusque Othomani Senatûs coronâ cinctus, amicitiam inter Osmanum Turcarum Im-

Tandem sopitur oblivione controversia ab utrinque.

De muneribus Osmano mittendis per Legatum controversia, id patet inferi nolunt Legati.

Et hac scripta.

Pax tandem stabilitur & promulgatur per Dilaverium.

N n n n 2

pera-

Qui Tar-
tarios ser-
mones ne
cum suis
turbent in-
curfioni-
bus.

Legatos ad
Osmanum
adducit.

Quem
Zoravim-
serius pau-
cis com-
pellat &
dona offert.

peratorem. Regémque Poloniæ, quod fe-
lix faustumque esset coalescentem gratula-
tus est: pollicitusque sacrosanctè pactorum
conditiones à Turcis observandas, parem
modò præstarent fidem Poloni, caverent-
que à perjurii labe. Mox ad Cancellarium
Reguli Tartarorum conversus sermone mo-
nuit, neu Regnum Poloniæ ejusque terras
infestis invaderent percurrerentque signis,
præcaveret id Dziambergerejus, secus fa-
ciens, se Imperium amissurum & poenam
capitis subiturum certò sciret. Posthæc
præeunte Dilaverio patuit ad Osmanum
Legatis aditus, comitantibus primùm Su-
liszevio destinato qui ad aulam Othoma-
nam Inter-Nuntii munus ad adventum ma-
gni Legati obiret, deinde Radulone Pala-
tino Valachiæ, Vevellio, cæterisque: ubi
post solita venerationum officia Castellanus
Belzensis brevi sermone pacem inter Re-
gem Poloniæ Domumque Othomanam
postliminiò sancito foedere redeuntem, Di-
laveriique prudentiâ firmatam, tum suo &
Collegæ nomine religiosè observaturos Po-
lonos

lonos sponndit: deinde literas Lubomir-
scii obtulit, & acinacem egregii operis ar-
tificiique, & fistulas ferreas non minori ele-
gantia elaboratas.

At per castra Turcarum pace divulgata
ingens secuta lætitia: quippe illa tot gen-
tium nationumque congeries, inter conti-
nuos cum Polonis elementisque sibi adver-
sis, Coelo denique irato conflictus; funesti
belli tædio lassâ fatigataque, finem ærumna-
rum, sui que Orientis clementiorem respec-
tabant Orbem: & Proceres Turcæ inimi-
ca accusantes fata, infaustamque damnantes
militiam, gestientibus animis excepere foe-
dus, testatique hilaritatem sub primas tene-
bras suspensis accensisque lucernis in singu-
lis tentorium apicibus; quæ nocte serenâ
stellarum adinstar jucundo fulgore radia-
bant. Barbarorum lætitia addidit Cosaci
plausum, repetita aliquoties scloporum ex-
plosione, eque Polonorum munitionibus
detonuere tormenta in reciproca gratula-
tionis argumentum.

Turcarum
ob pacem
confectam
lætitiâ &
ignem.

Poloni &
Cosaci tor-
mentoribus
& sclope-
torum ex-
plosione
eandem te-
stantur.

Unicum adhuc restabat negotium cum

Nnnnn 3

Dila-

*Turca po-
stulant ut
primò Po-
lonia
campo ex-
cedant.*

*Legati ali-
ter senti-
unt, nec
volunt
permittere.*

Dilaverio perficiendum, quod ita se habuit. Postulabat ille à Legatis ut Poloni prout primi Valachiam Osmani Provinciam infestis invaserant intraverántve armis, primi quoque decederent, motis trans Tyram castris. Plena periculi ea conditio visa, reputantibus apud se Legatis, exercitum magnis attritum angustis calamitatibúsque, tum cohortibus à milite partim invalido, partim morbis impune grassantibus absumto imminutis, ponè oculos hostium transducere, ne prout nulla fides barbaris, defectus virésque accisæ propiùs inspectæ occasionem belli porrigerent, ex amicis quoque iterum factò impetu hostes facerent. Compluribus itaque rationibus adductis Legati persuadere conabantur Dilaverio, haud promptè id fieri posse, elapsurósque plures dies, moram transportandis militibus facturos: deinde æquius esse éque decoro militiæ, ut ii qui primi campum tenuissent, iidem postremi decederent. Ad pontem verò quem Turcæ ad transportandas per Tyram copias offerrent, plurimas orituras diffi-

cul-

cultates: quippe quis sponsor in eadem Turcarum vicinia, ibidémque suis in stativis commorantium, non intercessuras aliquas inter lixas servitiæque contentiones, prout fieri solet, inde rixas, post & armorum experimenta, unde iterum sopita belli flamma hisce præludiis ventilata erumperet. Vanum esse metum suspicionémque Dilaverius ostendit, cui à fido Janizerorum præsidio immisso facile obviare posset; mitteretque illico qui pontis curam haberent, servaréntque integrum Polonorum commoditati. Fuitque hæc non ingloria postmodum victoriæ de barbaris appendix, cum Poloni pontem ab hoste constructum, simulque & fastum Osmani calcarent, sterneréntque Turcæ abituris copiis viam, à quibus tanti Imperii vires prostratæ fuissent. Ita inter se disceptantibus commo-

*Nuntius
moveri ca-
stra Polo-
nia adse-
rens con-
troversiam
definitum.*

dè quispiam advolavit nuntians Polonorum castra moveri, jámque ultra Tyram complura apparere tentoria non inane certi abitus indicium. Lubomirscius namque præmonitus ad eludendos barbaros, aliquot

taber-

tabernacula trans flumen extendi fecerat, quæ aliquam castrorum speciem præ se ferrent. Sopitâ eo nuntio quæstione, pacta conscripta signatâque Dilaverius Legatis porrexit, iis receptis commendatôq; de meliori notâ Stanislao Suliszewio Inter-Nuncio aulam Osmani comitatus, post mutuas valedictiones humanitatîsque officia ab utrinque discessum est: & Legatos quidem ad suam stationem serus vesper reduxit sequenti die abituros.

*Legati
pacta con-
scripta re-
cipiunt.*

Quibus conditionibus pax steterit mihi promptum esset referre, nisi ab aliis scriptoribus fusè satis enarratas esse scirem, ad quos lectorem curiosum transmitto: certè Poloniæ haud poenitendis, mansurisque ad posterorum memoriam. Tanti namque apparatus tantarumque virium ferocia, non alias à constanti Polonorum robore extorquere potuit: quandoquidem præsentia bellantium Othomanorum, integras Provincias Regnâque summo cum Christianorum probro sæpius avulserit subjugaritque.

Primâ

Primâ luce Turcarum exercitus motis signis Prutum versùs incescit, & Legati hoste abscedente in castra se contulêre, ubi Vladislâum Principem recuperatis aliquantum viribus, primâque tum vice in publicum prodeuntem Missæ sacrificio intentum reperêre: & is accepto nuntio de Legatorum reditu, non antè se loco movit quàm ibidem confluentibus militibus, universoque penè exercitu Gratiarum carmen Deo immortalî venerabundus decantaret. Mox Andream Szoldrscium ad Sigismundum Patrem misit, qui victoriam bellumque confectum nunciaret. Is Leopoli Regem assecutus expectantem reliquas Nobilitatis copias, cum quibus propediem moturus erat: primâ quidem fronte Rex nuntium pacis non adeo lætus accepit, nisi fortasse tunc gaudium dissimulavit, quò nominis sui expeditionisque generalis famam apud Turcas augeret, cæterum in urbe sat opulentâ subito excitata sunt argumenta publicæ gratulationis, & Rex ad Principem Basilicam Procerum nobiliûmque co-

*Turcamo-
vent exer-
cium &
Legati ad
castra re-
deunt.
12 Octo-
ber.*

*Deo refe-
runtur
gratia à
Vladislao,
& Szoldr-
scium ad
Regem
misit.*

*Quem
Leopoli re-
perit totius
Nobilita-
tis expe-
ctantem
copias.*

O o o o o

ronâ

ronâ septus festinavit, debitâ gratiarum actione benignum Poloniæ Numen veneraturus.

*Cosacis si-
gnificant
Delegati
quanta sit
habua
ipforum
ratio in
tractandâ
pace.*

Jâmque Chotimò pactis ita volentibus Valachis reddito, tum & signato subscri- ptoque Delegatorum manibus Instrumen- to pacis, quod missus à Radulone nuntius confestim Osmanò deferret traderetque, Cosacis per Matthæum Lesniovium, & Ja- cobum Subiëscium significatum est, quan- ta illorum ratio fuisset in tractandâ con- cludendâque pace, Turcis prima ipforum capita ad supplicia deposcentibus: sed datæ fidei memores Delegatos constantissimè acre contentiosumque postulatam rejecisse, nihilque pactis inseri permisisse, quod illo- rum obesset militiæ. Viderent itaque in po- sterum, neu Rempub. cum potentiâ Otho- manâ committerent, suisque in Pontum Euxinum excursionibus piraticâque foedus violarent. Paucis submissisque respondit verbis Konaszevicius: se prout infimos Re- giæ Majestatis & Reipub. servos esse, ita nolle edictis publicis refragari. Adextre-
mum

mun exercitus Tyram per Turcicum pon- tem cum dispendio aliquo militaris disci- plinæ transgredi cœpit, & Cosaci illi, qui paulò antè in omnem compositi submissio- nem jussa expectabant, à Vladislao de ra-
*Primi
licentiosè
prada-
bundi per
pontem
abunt.*
tione modòque reducendarum copiarum requisiti, responsum distulerant, eoque haud dato primi seorsimque licentiosè Tyram
*13
Octob:* transierant, in prædam intenti, carpentés- que extrema agmina latrocinantium more. At Vladislai Principis curram, quo æger ve- hebatur, circumstetere hastatorum nonnul- læ turmæ, tum & Lithvanæ legiones, quas
*Vladi-
slaium de-
ducunt
Legiones
Camene-
cum.* ex hostico Alexander Sapieha Orfanensis Præfectus ducebat, & complura peditum vexilla, deduxeréque primò Zuancium op- pidum, ad Tyram situm, inde Camene- ciam & munitione prævalidam Civitatem, & incolarum frequentiam opulentiâque no- bilem.

Et Sigismundus Rex nihil prius habuit, quàm ut summâ cum gloriâ peracti belli nuntium ad Gregorium XV. Pontificem
*Sigismun-
dus
Rex Pon-
tifici Ma-
ximo vi-
torem
nuntiat.* Max. mitteret, qui ut preces pro eventu

Ooooo 2

cer-

certaminis ad Deum sollicitè fuderat, ita voti compos, non sine supplicatione Divinæ clementiæ grates persolvit, ac edicto solenni incolis Populisque Poloniæ diem decimum Octobris festum sacrumque perpetuò esse jussit. Urbanus verò Pontifex ut peculiari precum horarumque, quas Canonicas vocant, officio eum diem Polonia coleret, petente Vladislao indulserit. De quo Principe quale tulerit iudicium Sigismundus Pater Gregorio Pontifici scribens, ex ejus literis subjicio. *Filius meus ita in hoc bello versatus est, ut ejus virtus hostibus ipsis admirationi fuerit: hæc sunt Regiæ ejus indolis rudimenta, hæc Heroici animi facinora, quæ ille tot jam bellis exercitatus, & ad virtutem formatus Reipub. Christianæ & imprimis Catholice religioni juvande deinceps devovet. Hunc ego ex me natum, iis eruditum monitis, quæ ad salutem publicam curandam pertinent, præceptis paternis obsequentem, & nomini Catholico devotum, Sanctitati vestræ tanquam communi parenti filium commendo. Vivat in sinu Ecclesiæ Sanctissimis S. V^{re} benedictionibus cumulatus, totum se publicæ utilitati impendat. In eam spem &*

reliqua

*Vladislai
filius
laudem
dat.*

*Vide apud
Lubie-
num hanc
epistolam.*

reliqua mea nunc crescit soboles, & ego ipse quâ mente juvenis fui, & nunc provecâ ætate idem sentio, dulce & decorum & optabile esse, pro Religione Ecclesiæque Catholicæ mori.

Scio hanc victoriam miraculi loco à quibusdam habitam, ego verò certò affirmare audeo, (quod & Sigismundus Rex fatetur) divinitus hoc factum. Consideranti namque mihi Turcam & Tartarum ingentium exercitum Imperatores ex unâ parte, & ex alterâ parvum militum manipulum, Christianorum Principum auxiliis destitutum, Deo tantum devotisque pro patriâ pectoribus fidentem, exilem inquam illum scopulum, ad quem potentiæ Othomanæ fluctus Poloniam inundaturi, in immensum elati, allisi dissilirent: certè belli exitum miraculo similem videri. Et magis dum respicio Osmanum inaudito Turcarum Imperatoribus exemplo, ad quorum præsentiam Regna, Provinciæ subjugatas flexissent cervices, & nunquam nisi victores campique domini excessissent, nunc ne palmo quidem terræ adempto, cum maximâ clade, tanto opum

*Victoria
hæc divini-
tis Polo-
nis obtigit.*

impendio, in summâ suorum consternatione, æmulorum lætitiâ, hostium triumpho, abeuntem recedentemque. Placatum Numen quidni credam ab universi per Poloniam populi precibus votisque ejus clementiam implorantis; excitante pietatem Antistitum curâ, indictis jejuniis & crebris ad Divorum aras supplicationibus, admonentibus insuper è suggestu concionatoribus, advocandisque esse superos præsertim Regni Tutelares in communis causæ societatem adhortantibus. Et comparuere

A Laurentio Gembicio Archiepiscopo Gnesnensi Mater Dei & virgo conspecta.

Squiernieviciis in aream à fenestrâ prospicit, ecce tibi desuper tiliam ibidem loci eleganter insitam virescentemque, videt Misericordiæ Matrem decrepantis lunæ cornibus insistentem, auditque bono animo

mo jubentem esse Gembicium, utpote nomini suo devotam curæ habituram Poloniam, Filiūque suum jam prohibiturum ea quæ metueret mala, ne ipsius eventura essent sæculo, His dictis disparuit, Gembicius verò lætus coelesti nuntio, iis quibus maximè fidebat rem patefecit, & prout viderat Deiparam, advocato pictore ejus effigiem ita exprimi curavit: exstatque Squiernieviciis in sacello Archiepiscopalis Palatii, mihi olim à Matthia Lubienio magnæ probitatis Præsule quarto ejusdem successore commonstrata. Atque ejusdem Magnæ Matris patrocinium alter vir religiosus probusque evulgavit. Namque eâ tempestate per quietem vidit, curru radianti equis duobus candidis eundem trahentibus per coruscantem in Cœlo viam ab Occidente in Orientem versum Chotimum insidentem vectamque ad cujus ex opposito pedes, supplex genu flexo Divus Stanislaus Kostka maternam apud filiū opem Polono exercitui imploraret. Non somniantis illud erat miraculum, cui fidem dies stabilitæ pacis

Viri pii ejusdem visio. Calissii.

cis quin ipsum penè momentum adstruxerat. Quæ quidem Dei Optimi benignitas coelitumque favor me permovit, ut rem loco attexere non dubitarem. Nam ut dubia & admiranda, & triviis aut circumforaneis schedis conquirere procul gravitate suscepti operis habuerim, ita seriò traditis, eventumque comprobatis, silentio fidem adimere, profecto & Divorum, qui propè damnantur, cum prætereuntur, injuriam duco, & ab homine Catholico veluti beneficii minùs grato alienum existimo.

*Vladislavus
Varso-
viensis re-
dit.*

*Seditio
militaris
erumpit.*

Post exactos complures firmandæque valetudini impensos dies Camenecii Vladislavus lentis itineribus inter populorum plausus acclamationesque Varsoviam processit, ubi à Rege Patre jucundo complexu, ab universâ verò aulâ festis gratulationibus exceptus est. Insequens deinde annus quieti datus, quanquam quæ illa poterat esse quies à seditioso milite impune grassante, patriamque hostilibus divexante rapinis, quem ad similes ausus traxerat exemplum Moschoviticæ conjurationis, quia impu-
nitum

nitum; recurrebátque Zolkievii consilium, nimiam tunc damnantis indulgentiam, vaticinantisque, à neglecta nulloque coërcita rigore insolentia plures ejusmodi promanaturas seditiones: & supererant adhuc in exercitu impii contra Patriam foederis focii, nimium prædæ rapinarumque præteritarum memores, ipsèque Kovenicius, quem seditiosi in Ducem seu Marschalcum elegerant, inter Moschoviæ milites foederatos non postremo olim loco censebatur. Sopita tandem gravis hæc & nimium damnosa secessio, persoluto ære donativisque largè numeratis, & quanquam exasperatus miles ferociam immensis vixque tolerandis intenderet postulatis, videbaturque eam non tam citò depositurus, effecit nihilominus permultum Stanislai Lubomirscii auctoritas, cui ad Chotimum conservati exercitus reique præclare administratæ palma debebatur, qui consilio, ratione, & suis quoque profusis in largitiones opibus, seditiosorum aggressus capita, tum & reliquos milites, certis conditionibus ad sanio-

*Sopita
Lubomir-
sci eximia
operâ.*

P p p p p

re-

reduxit mentem, pervicitque ne malum longius serperet, Regno grave metuendumque.

Osmani
cades en-
multusque
Janizero-

A felici belli Turcici exitu, populorum lætitiā quamquam militaris insolentia non nihil interrupisset, renovavit mox faustus de Osmani cæde rebûsque perturbatis Turcarum nuntius. Redierat ille Constantino-
polim inglorius, triennii apparatu irritō, imminutoque exercitu: namque auctores habeo ferro absumta sexaginta millia, morbis, coelique injuriis & Autumno Asiaticis corporibus perquam gravi longè plures, ita ut vix tertiam partem bellatorum domum reduceret, cum è Polonis toto conflictûs tempore, vix suprâ quadringentis cecidissent, nisi contagio sæviens plurimum accumulasset funera, ingentemque equorum stragem pabuli inopia fecisset. Hinc pudor, deinde ira Osmanum in rabiem verterat, ignominiam famæque dedecus agerimè ferentem, quod ab ignaviâ militum suorum profectum fuisse reputans, Janizeris eandem exprobrare solitus erat, datâque vel minimâ occasione promiscuis in eos cæ-

cædibus sæviebat, ad extremum vetus illud Othomanorum robur delectamque militiam amovere destinabat, in eorum locum Arabibus substitutis, quorum fortitudinem proximo in bello expertam probabat prædicabatque. Abire itaque in Arabiam statuerat, siue Imperii sedem ibidem translaturus, siue Machometis in visurus sepulchrum, quæ duæ itineris causæ vulgò ferebantur: certè bellum ille moliebatur, cum selectioribus copiis, perque varia interim armorum exercitia optimè instructis, iterato Poloniam aggressurus. Jâmque præconis voce proclamatum iter non tulere Janizeri, mox aulæ Primores circumstetere orantes, contrarium suaderent Cæsari, aliâque ingererent consilia, neu tam longinqui itineris difficultatibus se suosque iret perditum. Pertinax animus Osmani haud flecti poterat, & verò ubi dictatorii responsi *Sic volo, sic jubeo*, emanavit in vulgus oraculum, tunc conglobati in palatium irruunt, obvios trucidant, Osmanus fugâ latebras quæsit, mox protractus, indeque ductus ad carcerem, ultimò

tandem strangulatus, furentium tumultuantiumque Janizerorum infami morte vota explevit. Eoque furoris cursu Patruus ejus Mustapha Cæsar consalutatur, amens stupidusque, ideoque in successione ad Imperium Osmanum posthabitus.

Octiduum integrum tumultuantes Janizeros summâ cum trepidatione spectavit Constantinopolis, tantò magis inhorrescentibus civibus, quantò intentiùs primum appetitæ Majestatis adhæc usque tempora ad superstitionem usque venerandæ considerarent exemplum, haud dubium ruituri Imperii indicium, cùjus retinendi unicum erat arcanum, culta Divinitatis adinstar Othomanorum Majestas.

Hunc tandem Osmani exitum ad plenam de Turcis victoriam adjecit benignum numen, auctâ non mediocriter inde Vladislai Principis gloriâ, quem dum triumphantem faustæ populorum voces in Cœlum tollerent, hunc ex tam alto Imperii folio seditionum inconditæ acclamationes, & fatales ictus præcipitem darent proturbaréntq;.

H I-

HISTORIÆ
VLADISLAI
POLONIÆ ac SUECIÆ
PRINCIPIS,
LIBER UNDECIMUS.



Acato tranquillatôque Rex in Prussiam proficiscitur comitante Patrem Vladislao. Regno, ineunte Vere Anni Vigesimali Tertii supra Millesimum Sexcentimum, Sigismundus Rex, Constantiâ consorte, Annâ Catharinâ filiâ quinquenni, Vladislao Principe filio comitantibus, in Prussiam profectiorem adornare coepit. Iter secundo Vistulâ paratis adhæc exquisitèque instructis navigiis continuatum, quo non aliud splendidius unquam visum, in maximâ Procerum aulicorumque nobilium

Ppppp 3

lium

lium frequentia, non iucundius: quippe omnes in lætitiā ac hilaritatem versi, deducebant Regem post tam celebrem ductu Vladislai partam obtentamque victoriam, reductamque Regno quietem, solutis curis triumphantem. Et fluviatilis illius classis impellebat carbasa promptus ubique populorum plausus, certabaturque erga Regem observantiā à viris Principibus ad ripas accurrentibus invitantibusque tantos hospites, à quorum præsentiā eorum penates tantum honorem acciperent. Ad confinia Prussiae ubi ventum est, propè Zlotoriam substitere naves, indeque Golubium itum: orante Annā Infante Sueciae, cuius hæc Præfectura erat, excipientēque cognatas sibi Majestates debito affectu venerationēque: postque datos aliquot dies mutuae hilaritati, perrexere Torunium urbem Prussiae primariam sub adventum Regis in omne lætitiæ genus effusam, eam verò auxit Stanislaï Koniecpolii Magistri Equitum Generalis adventus, qui è Turcica compede liber, tunc primum Regem adiit salutavitque, Prin-

*Golubium
divertit.*

*Post Tho-
runi.*

Principi verò Vladislao de rebus tam præclare contra Turcas gestis, depressioque nominis Christiani hoste, gratulatus est.

Namque recenter tunc peracto feliciter legationis suæ munere Constantinopoli redierat Christophorus Zbarascius, is præter cætera eximia facinora resque è voto Rei. pub. confectas, in eam maximè incubuerat curam, ut magni nominis viros Cecorensi nuper prælio captos, turrique inclusos, in libertatem assereret: effecitque quā singulari prudentiā, quā profusis largitionibus, numeratōque insuper pretio, & patriæ reddidit Stanislaum Koniecpolium, Lucam Zolkievium, & Ferensbachium, præter Samuelem Korecium, cui magni nocuere spiritus frustra in carcere ostentati: namque superbè contemtmque ab illo sæpius compellati Turcæ, elisis faucibus importunam castigavere audaciam.

Et Koniecpolius post redditam sibi commendatamque à Rege armorum Præfecturam Torunio abiit, Rex verò conscensis navibus lustratā primū Bidgostia, ubi offi-

*Ubi Ko-
niecpolius
redux è
captivitate
Regem sa-
lutat.*

*Opera
Christo-
phori
Zbarascii
ad Turcas
Legati li-
bertati
redditus.*

*Kucbor-
scius Epi-
scopus
Culmensis
Regem
magnifice
excipit.*

officinam monetariam adiit, ab ejusque Præsede Jacobsonio amplis muneribus ex-
cultus est, ad Joannem Kucborscium Epi-
scopum Culmensensem divertit: is ad ripam
Vistulæ sub Starogrodo arce Culmensium
Antistitum, in amænâ planitie magnis ho-
spitibus epulum præbuit, cujus pretium ex-
cessere bellaria, læces videlicet argentææ
auro Hungarico onustæ Principibus convi-
vis appositæ donatæque. Supervacaneum
referre existimo, quo apparatu quibûsve
lætitiæ signis Prussiæ Civitates longâ tunc
pace florentissimæ Regem excipiebant, tan-
tò illæ in majus omnia cumulabant, quantò
Reginam Constantiam & Principem Vla-
dislaum novos nec ante iis in terris visos
hospites suis succedere portis gaudebant.
Dantiscana Civitas ut opulentissima, ita
quæsitissima quæque in adventum Princi-
pum apparaverat: nam præter pegmatum
species, arcuum moles, ignium hilaria, lu-
dis, spectaculis, conviviiis, cæterisque pu-
blicæ gratulationis indiciiis propè quindecim
dies Regias Majestates detinuerat, gra-

*et Civitas
Dantiscana*

to

to aspectu eos fidissimorum Civium appa-
ratûs æstimantes.

Interea Regius Dantiscum adventus su-
spicionem moverat Gustavo Sueciæ tunc
Regi: quippe de transferendo in Sueciam
bello, classêque armandâ, & è portu Dan-
tiscano emittendâ, consilia agitasse Sigif-
mundum certò compererat, proindèque
Princeps cautus, ad omnesque occasiones
invigilans, ad avertendum, si quod ingru-
ret periculum, instructâ viginti & aliquot
navium classe, ipsemet præsens haud procul
à portu constiterat, certus inferre potius,
quàm domi expectare bellum. Et Sigif-
mundus Rex classem illam patruelis sui spe-
ctavit; namque invitatus à Magistratu Dan-
tiscano ad ostium Vistulæ sese in mare exo-
nerantis, ubi prævalida munitio portum
tuetur, in ejus medio eminentem conscen-
dit Pharon accensis ignibus nocturna nau-
tis ministeria præbentem, indèque patente
in longum latumque mari, naves illas con-
spexit. cùmque Rex ingenti tormentorum
fragore è propugnaculis navigiis infinitè re-
boanti-

*Gustavo
Sueciæ Re-
gi susce-
ptus Sigif-
mundus
Dantisc-
um ad-
ventum.*

*Proinde
in mari
cum classe
comparet.*

*Quem Si-
gismundus
ex turri
conspicit.*

Qqqqq

boantibus salutaretur, pari boatu respondebant naves Sueticæ ex aduerso fulminantes, non absque insolentiæ cuiusdam indicio, cuius compescendæ, etsi non nemo modos rationesque Regi aperiret, dissimulandum tamen pactisque standum esse plerique censuere: visum tamen mittere quempiam, idque Magistratûs Dantiscani nomine, qui portûs securitatem durantibus adhuc induciis violatam quereretur. respondente ad hæc Gustavo: nihil se hostile nisi lacefferetur, meditari, nec à tractandâ ulteriori pace alienum esse: cûmque de Rege, Regina pleraque familiariter percontaretur, Vladislai Principis honorificâ mentione factâ, ejus se videndi alloquendique desiderio teneri significavit.

Unde illa
suspicio
Gustavi
ortâ.

Nec illa vana fuit Gustavi de Sigismundo suspicio, qui persuasus à quibusdam Germanis Suecisque, (nam id consilii clam cæteris Polonis, unum alterumve si demas, habebat, rarò videlicet cum iis de rebus Sueticis communicare solitus) posse in Sueciam bellum transferri, ostendebantque

que occasiones opportunitatesque Regi nimium credulo, facileque suadentibus aures accommodanti, moxque de ære ac milite ad tantos perficiendos conatûs sollicito. Interim dum procurat ne destinata ad hostes emanarent, evitare non potuit, quin à pluribus exploratoribus id molis in Sueciam obverti Gustavus resciret. Anno verò insequenti jam palàm fuit celatum eò usque consilium, cûm indictis Comitibus subsidium pecuniarum Rex ab Ordinibus efflagitaret, militemque collectum in eum haberet finem, omnemque navalem apparatus sedulò adornaret. Sed brevi conatus ille evanuit: quippe Ordines denegato subsidio invitoque Rege prorogatis induciis opportunum expeditioni tempus corrupere. Et Suecus reputans, quantumcunque moræ protraheretur, tantundem spatii ad instruendam defensionem sibi indulgeri, gravis postmodum primùm Livoniæ, deinde Prussiæ incubuit, cujus littoribus in præsentia Regis admota classis, triste calamitosi, quod secutum est paucis post annis, belli fuit præsagium.

Qqqqq 2

Ve-

Rex Dantisco Majorem Poloniam movet.

Excipitur à Vladislao Primice Osieci.

à Regina Tucholia.

à cateris primoribus.

Verum quæ postea evenere, narrare superfedeo, jam me Dantisco valedicens revocat Sigismundus, qui directo per Pomeraniam itinere, Majorem invisurus Poloniam ibat, non cessantibus interim Prussiæ Primoribus Regem cum universo aulico comitatu partim in suis Præfecturis, partim in gentilitiis ædibus lautè debitòque venerationis obsequio excipere. Atque id officii quoque præstitit Vladislavus Princeps, cum Regem Reginamque Osiecum, cujus juris ea tunc præfectura erat, invitavit, splendidèque habuit, totamque aulam, nobilemque comitatum comiter tractavit. Excepit mox Constantia maritum Regem Tucholiam venientem, in iisque bonis, quæ ad se pertinerent, hospitam egit, Rege in gratiam conjugis blandè invitantis, in omnem hilaritatem effuso, genioque liberaliùs indulgente. Tandem excedens Prussiâ in ipso Majoris Poloniæ limite à Zebrzydovio Castellano Calissienfè salutatus est, perrexitque ulterius, & Grocholini Baranovium, Naklæ Stephanum Gembicium Castellatum Rogoznen-

goznenfem, Vagrovecii Kozielfcium loci Abbatem suâ præfentiâ dignatus est, probavitque invitantium pronam alacritatem debitumque obsequium. Gnesnæ Divi Adalberti Poloniæ tutelaris, ejusque olim in Regno urbis primariæ celeberrimæque Archiepiscopi, clarum Othonis Imperatoris & Boleslavi Poloniæ Regis peregrinatione tumultum, supplex veneratus est. Posnaniam appropinquant Majoris Poloniæ sedem, elegantiam ædium nitorèque conspicuam, Provinciæ illius nobilitas frequens in occursum venit, & prout est præ cæteris animi elatioris, generososque gerens spiritus, comparuit splendidè cultuque decoro & magnifico: omniumque nomine Adamus Sandivogius Czarnkovius Palatinus Lanciensis Majoris Poloniæ Generalis Præfectus, Regem advenientem salutavit. Quoniam verò universæ nobilitatis flos in equis occurrerat, Rex quoque in equo movens, laterique sinistro adequitantem Vladislavum habens, processit, inter Civium dispositas per stationes cohortes, refertis magnâ homi-

Posnaniam intrat splendide.

Excipitur ab Adamo Czarnkovio Palatino Lanciensi Majoris Poloniæ Generali.

Qqqqq 3

mi

862 HISTORIÆ VLADISLAI
minum multitudine intra extrâque urbem
viis tectisque.

*Rex Nobilitatem
Majoris
Poloniae
comiter
tractat.*

Triduum Posnaniæ commoratus, omni-
um se oculis quærendum, fruendûmque ex-
ponebat, in omnem benignitatem, clemen-
tiâque intentus, nobilitatîque devincien-
dæ maximè studens, quam parùm æquam
sibi hucûsque experiebatur, cùm acrioribus
mandatis instructos legatos ad Comitiam
mitteret, duriûsque regiminis rationes à se
exposceret, indeque potissimùm querelæ
emanarent, arripientibus easdem cæteris
terrarum delegatis, sperabâtque à sua præ-
sentia comitatæque mitigandos in posterum
animos, emolliendosque, quos nonnullorum
ambitio per speciem libertatis publicæ
utilitati propriæ inservientium exasperaret.
Sed ut majores Poloni in venerationum
Regis obsequium ruebant, ita pronis
erga Vladislavum ferebantur studiis, volu-
pèque fuit spectare Principem, juventâ de-
corum, tot victoriis clarum, ac à recenti
Turcicâ expeditione summâ cum gloriâ
reducem, quam intuentium cogitationi-
bus

*Vladislavus
Principem
magnam
ibidem
bonor ex-
hibuit.*

LIBER UNDECIMUS. 863

bus fama suggerebat, augebant verò pleri-
que Centurionum præsentis Vladislavo no-
tissimi, Joannes Rozrazevius, Zlotnicius,
Grzymultovius, ac plerique nobiles com-
mitones. Hinc salutantium deducentiûm-
que ingens frequentia, ita ut palatio ad ma-
gnificas Czarnkoviorum ædes ubi diverte-
rat, plateæ magnis spissisque comitantium
implerentur ordinibus, Principe, prout erat
animorum captandorum artifex, vultu,
gestu, alloquio, omnique humanitatis ge-
nere prompta rependente officia.

Et jam Posnaniâ abeuntem Regem per-
que Palatinatum Calissensem, qui Majoris
Poloniæ non postrema pars est, iter conti-
nuantem, deduxere viri Primores ædibus
suis gentilitiis magnos hospites excipientes.
Habuere id honoris Sigismundus Grudzi-
nius Curnici, Andreas Opalinius Radlini,
Stanislaus Przyemscius Cosmini, Joannes
Rozrazevius Crotosini, Venceslaus Lesc-
zynius Regni supremus Cancellarius Go-
luchoviæ, donec tandem Calissium cele-
brem Collegio Karnkoviano & situ amæ-
nissi-

*Rex per
Palatina-
tum Ca-
lissensem
iter, fa-
ciens à
Primori-
bus excipi-
tur.*

*Opalini-
us Succa-
merarius
Pozna-
niensis,
Przyem-
scius qui
fuit Re-
gni Mar-
schaleus
& Gene-
ralis Ma-
joris Po-
loniæ.*

nissimam Civitatem Majestates pervenis-
sent, exhibentibus loci incolis sincerum
fidelitatis, subjectionisque suæ argumen-
tum. Ad extremum post datos quinque
menses itineri Rex Varsoviā rediit, in
cujus vicinia degentem tunc Laurentium
Gembicium Archiepiscopum Gnesnensem
Regniq̃ue Primatem Lovicii invisit, à cla-
rissimo optimèq̃ue de Republica merito se-
ne, Primòq̃ue Principe, invitatus, ulti-
mumq̃ue id officii Regi suo præstiterat:
quippe intra tres ab abitu Regis menses ex-
tremum vitæ terminum habuit.

*Gembi-
cium Ar-
chiepisco-
pum Rex
invisit.*

*Vladislai
Loretum
adire &
simul vi-
dere Extē-
ra natio-
nes deside-
rat.*

Atque ea brevis cum patre peregrinatio
longioris postmodum Vladislao prælu-
dium fuit. Statuerat namque voto conce-
pto adire Loretum, ubi secundum Deum
Magnæ Virgini Matri, pro feliciter susce-
ptis, felicius absolutis expeditionibus, pre-
ces gratèq̃ue persolveret, venerareturq̃ue
illam ædem, in quâ Virgo cœlitus missum
audivit Legatum, & Deum hominem ute-
ro excepit. Quandoquidem verò Annus
Jubilæi instabat, Romam quoque per id
tem-

temporis invisere destinaverat. Pietas
quidem peregrinationis incentivum esse vi-
debatur, sed per eam occasionem videndi
exteri Orbis divertendiq̃ue ad cognatos
Reges ac Dynastas, morèsq̃ue variarum na-
tionum inspiciendi, summo desiderio te-
nebatur juvenis Princeps; Rege nonnihil
filii votis obstante deliberantèq̃ue, an suum
præberet consensum, quem solita cuncta-
tio vehementer præpediebat. Expende-
bat namque majorem esse semper Princi-
pum à longinquo venerationem, præsentia
verò sæpissime famam minui & evilesce-
re, ex iisque congressibus non rarò similitudines
ab æmulatione excitatas, loco amicitia fa-
miliaritatisq̃ue reportari: denique apud Re-
gem dignitatis suæ domusq̃ue Regiæ tena-
cissimum, gravis ea longaq̃ue deliberatio
fuit, quæ tamen ad votum Vladislai expe-
dita est, suggerentibus nonnullis eam esse
Principis indolem virtutèsq̃ue Regias, quæ
exteriorum non solum illi conciliarent a-
morem admirationemq̃ue, sed allaturæ
quoque essent Orbis Christiani encomium
Rrrrr si

*Rex ali-
quantum
filii vota
moratur.*

si propius à Christianis inspicerentur Principibus. Nec minorem famâ compariturum, quæ magnitudinem rerum ab eo gestarum per populos sparsisset evulgassétque: accommodaturum se genio moribúsque exterorum, qua comitate, qua linguarum peritiâ, & id quidem postremum maximum fore comparandorum animorum adju-
mentum.

*Decerni-
tur iter.*

Ergo decreto itinere rebúsque quæ ad illud pertinerent præparatis, curam Serenissimi Principis totiúsque peregrinationis progressum, summum denique regimen demandat Rex Alberto Stanislao Duci Radivilio supremo Mag: Du: Lith: Cancellario. Quid verò moveret Regem, cur eum præcæteris deligeret ejúsque fidei peregrinantem filium tam carum Domûs suæ Regiæ pignus committeret, pauca ex ipso mandatorum Commentario cujus exemplum habeo, subjiciam. Debetur enim id tanti viri gloriæ famæque, nosse magni Regis de eo judicium. Quas enim (verba sunt commentarii) in illo pietatis, prudentiæ, integritatis, modestiæ,

*Albertus
Stanislaus
Dux Radivilius
eligitur,
cui Rex fili-
um com-
mendat,
summum-
que Regi-
men de-
mandat.*

destiæ, virtutes longè antè Regia Majestas perspectas habebat, eas serenissimo Principi filio suo peregrinationis comites adjungere volebat, iisdémque ducibus illum reducem saluum, sospitem, incolumem reversurum confidebat. Quare ut Illustris & Magnificus Dux opinioni, tamque illustri S. R. Majestatis judicio de se habito expectationique respondeat, diligentem navabit operam: ut quemadmodum illi sacra Regia Majestas, plenam Serenissimi Principis ducendi reducendique, & familiæ regendæ gubernandæque detulit potestatem, Serenissimúsque Princeps quamquam hac ætate, hoc rerum usu, bellicâ laude atque gloriâ comparato, hac excelsi animi moderatione, monitore minimè egeret, voluntati tamen paternæ sese pro ea ac Magnum Magni Principis filium par est conformando, gubernationi ipsius unâ cum familia se commisit, ita ille munus id à Regia Majestate sibi demandatum dextre, prudenter, graviter, cautè obeat, omniâque tam à persona, quam honore & dignitate Serenissimi Principis pericula pro virili avertat, memineritque quanti Regis, quam ubique gentium & terrarum clari atque gloriosi, quot victoriis atque triumphis conspicui Filium, & ipsum armis & virtute illustrem, Moschoviticoque & Turcico bello

*Regis de
illo judi-
cium.*

Rrrrr 2

·feli-

feliciter & gloriose gesto celebrem, in suam curam fidem & gubernationem recipiat. Et compluribus

*Mandatis
instruit.*

mandatis instruxerat Rex Radivilium: maximè de ratione itineris, de sumtibus haud prodigè erogandis, de comitatu in officio retinendo, tum præscripsit qui Principes adeundi essent, ubi commorandum diutiùs, Hispaniam, Galliam, Angliam, Hollandiam neu Princeps attingeret, seriò monuit inhibuitque: ad extremum voluit ut Radivilius Legati personam ageret, qui Principes ad quos Vladislai diverteret, nomine suo compellaret, officiosamque impartiret salutem, affectumque testaretur. Paulò graviora legationis capita data ad Imperatorem, Archiducem Carolum, & Isabelam Belgii Gubernatricem.

*Et Legati
personam
sustinere
jubes.*

*Comites
itineris.*

Post Radivilium penès quem summa erat totius itineris, lecti iudicio Regio in viæ comites Stephanus Pacius M. D. Lith. Notarius, post Pro-Cancellarius, & Lucas Zolkievius Præfectus Calussiensis, viri præter generis avitam claritudinem, elegantiam suavitatèque morum, peritià linguarum,

rum, prudentià ac usu rerum conspicui: è Vladislai verò ordinario nobilium aulicorum numero delecti, Adamus Kazanovius, Gerhardus Denhoffius, Samuel Rylscius, Nicolaus Piglovius.

Finitis itaque Comitibus, quæ Rex sub initium Anni Millesimi sexcentissimi vigesimi quarti Ordinibus indixerat, primo vere Princeps itineri se accinxit & XVI Kalend. Junii post paternæ manûs osculum, imploratamque fausti felicisque successus appreciationem, Varsoviâ movit. In ipsis Poloniae Silesiæque confiniis accessit Clarum montem Virginis Matris veneratione celeberrimum, ubi ejus imago à D. Luca depicta, maximo in honore habetur, Constantino-
*Princeps
Varsoviâ
discedit.*
poli in Poloniam advecta, ubi nota olim per universum Orientem populorum peregrinationibus ad eam urbem confluentium erat, templumque insigne suo dicatum honori scriptorum testimoniis famosum habuerat. Illic itaque supplex post expiatum à noxis animum, Sacrà Synaxi relictus Virginis Deiparæ exteras invisurus nationes
*Clarum
montem
adit, &
Virginem
Deipara
ram vene-
ratur.*
im-

Carolus
Archiducem
Austriæ
Nyssa
adit.

imploravit opem patrociniūque. Mox Nyssam perrexit magnâ celeritate, interceptis Caroli Archiducis exploratoribus detentisque, quò famam adventūs sui præveneret: & mox ipsum Archiducem nihil tale opinantem in templo offendit, rei que novitate attonitum salutavit: atque datis mutux hilaritati viginti circiter diebus, intra quos Vratislaviam Princeps excurrerat, urbemque incognitus lustrarat, Viennam ad Imperatorem proficisci placuit, seque socium itineris Archidux Vladislao adjunxit: mox ambo statuunt adventūs sui nuncios antevertere, ac Imperatorem insperatò accedere venerarique. Et successit strategema; namque Imperator illo die hospites haud venturos cogitans, ad suburbanam villam animi causâ cum Imperatrice secesserat. Interea Archidux cum Principe, famulatu ne personas proderet longè relicto, eodem curru vecti advolantēque, cum Viennam fefellissent, redeunti Cæsari obviam fuere, ad subitaneum Principum aspectum nonnihil præ stupore primum, dein præ

præ gaudio hærenti. At Avunculus Cæsar Sororium Principem redditum sibi ab Archiduce fratre arctè complexus, curru suo recepit, Viennamque duxit, ubi inter varia mutui affectūs benevolentiaque certamina, lætitiæ hilaritatisque specimina, in gratiam tam cari hospitis exhibita, complures elapsi dies fuere. Spectavit Princeps ipso commonstrante Cæsare veterem Domūs Austriacæ gazam, non divitiis tantum, sed variis naturæ artisque miraculis refertam, interfuit tripudiis choræisque ab Imperatrice in suum honorem institutis, exhibiti ludi venationes, cæteraque oblectamenta oculos animūque Principis exhilarantia. Legatos Regum Principūque salutationis prolixum deferentes officium humanissimè excepit audivitque. Tandem relicto magno sui desiderio, præmissaque ab aula Imperatoria magnarum virtutum famâ, quæ ad videndum recipiendūque Principem reliquam Germaniam erigeret, Viennâ discessit, prosequente Imperatore ad medium extra urbem milliare cum filiis, fratre-

Cæsarem
Viennæ
salutat, à
quo humanis-
sime excipitur.

Viennâ
discedit.

tréque Archiduce, ægre omnibus à mutuo complexu perhumanâ valedictione avulsis.

*Vladislaus
ignoti per-
sonam
assumit.*

Atque in toto hoc itinere latere voluit Princeps sub ignoti persona, ne promiscuè omnibus pateret, turbâsque spectantium declinaret, proinde unum se è comitatu Radivilii finxit, cognomine aliunde mutuato sibi que imposito, quo à cæteris compellari volebat: aliter si cuipiam per inadvertentiam, aut errorem excidisset inter familiariùs agentes colloquentesque, multam imposuerat. Sed ut solem medio etiam die nubibus tectum radii produnt, ita & Principes nunquam toti latere possunt, quos ut extra cæterorum mortalium conditionem Numen extulit, ita in vultu, oculis, gestu præ aliis hominibus peculiarem addidit Majestatem, nullâ larvâ tam facile obtegendam. Et Vladislaus dum Lintzium ingreditur, seque à nemine nosci existimat, utpote comitatui immixtus, curiosis nonnullorum oculis notatus profundiore veneratione salutabatur. Lintzio deinde Salisburgum profectus Antistiti Dominoque loci inno-

*Lintzium
ingreditur.
19 Julii.*

innotuit, exceptusque eâ, quæ tantum Principem decebat, humanitate venerationeque. Inde Bavariam petiit, & Monachium urbem amoenissimam nitidissimamque, in absentia Electoris permultis nobilibus aulâque obviam prodeunte deducensque, intravit. Ac in primo palatii limine Guilielmus Dux unâ cum Electrice Vladislaô salutationis officium detulit, absentiam mox adfuturi Electoris excusatâ: is verò post biduum accurrens in omnem effusus humanitatem variisque lætitiæ gratulationisque exhibitis argumentis, Principem impense coluit, detinuitque complures dies inter varia spectacula, & mutuas benevolentiae concertationes. Tandem Vladislaus Guilhelmo Duci ac Electori valedicens, cum Electore Starenbergam abiit; ibidemque piscatione venationeque recreatus, post valedictiones ab utrinque mutui affectus benevolentiaeque plenas, Augustam Vindelicorum perrexit, atque sub diei sequentis vespere ingressus est: inde Donoverdâ in transitu visâ Norimbergam adiit,

Salisburgum pergit.

Monachium in absentia Maximilian Electoris Bavaria intrat.

Is post biduum accurrens & solenniter excipit.

Absentem Starenbergam deducit.

Norimbergam adiit & Augustam Vindelicorum. 8. August.

Sssss

adiit, utrâque urbe in honorem tanti Principis assurgente: & Augustæ quidem Fuggerorum in convivio exhibito, suarûmque ædium demonstratâ magnificentiâ præcipua eluxit humanitas.

*Herbipolis
visa.*

*Hano-
via, Fran-
cofurtum,
Mogun-
tia.*

*Bacharati
à Guber-
Verdugio
excipiunt.*

Continuatum deinde per Franconiam iter, lustratâque Herbipolis opulentissimæ pulcherrimæque regionis Metropolis, ejus Principe Episcopo tanti hospitis præsentiam omni genere cultûs observantiæque æstimante. Postmodum Hanovia, Francofurtum ad Mænum, Moguntia perlustrata, & hac in urbe à magnæ eruditionis & eloquentiæ viro Maximiliano Sandæo Societatis Jesu salutatus est. Inde per Rhenum navigio vectus, assurgentes hinc & inde vitiferos colles infessâque elegantissimis pagis littora contemplatus, Bacharacum pervenit, cujus territorium nobilissimi vini fertile oppido nomen fuit: aderat tum ibidem Verdugius Geldriæ Palatinatûsque Gubernator, excipiebâtque Principem & festo tormentorum boatu, & splendido convivio. Rursus versum Boppardiam ve-

la

la fecere, & ecce Trevirensis Electoris Legati obviam veniunt, ejûsque nomine Confluentiam invitant, Principe verò nonnihil tergiversantē, illi navem suam navi colligantes mandatum se Domini sui exsequi nuntiant, supplicique prece sollicitant, venire ne gravaretur, expleretque desiderium exspectantis tantum hospitem Electoris. Annuit tandem Princeps, & jam cives ad littus in turmas dispositi stabant, ipse verò Elector ad portam palatio vicinam processerat, cum mox advenientem Vladislaum perhumanæ salutionis officio dignatus est: secutus deinde in lætitiæ signum tormentorum ex arce fragor, civiûmque sclopos explodentium plausus, & quidquid restabat temporis, genio prolixioribûsque erga Principem Electoris studiis datum. Postero die Elector initium à sacris faciens, cranium Divi Sebastiani manu suâ Principi ejûsque comitum venerationi exposuit, tandemque cum properantem nullis verborum lenociniis, affectûsque luculentâ contestatione diutiùs detinere posset, navem adornari imperat,

*Confluen-
tiam intrat
& à Tre-
virensi E-
lectore sa-
lutatur.*

S ffff 2

Bonna Ele-
ctor Colo-
niensis
Vladisla-
um salu-
tat.

Coloniā
perluſtrat.

perat, quam Princeps conſcenderet: in eā-
que præparato à Legatis Electoris jentacu-
lo, poſt & prandio inſtructo non abſque
deprædicatione exhibitæ ſibi humanitatis
excipiebatur. Bonna jam adeunda erat, quā
in Civitate præſtolabatur Vladislaūm Ele-
ctor Coloniensis, eiſque appropinquanti
ad ripam Rheni obviuſ fuit unā cum fratre
Alberto Duce Bavarix, peractāque mutuā
ſalutatione & complexu, quidquid huma-
nitatis, amoris, benevolentix à cognatis
Principibus exſpectari poterat, luculen-
tiſſimè Vladislao teſtatum fecere: uniūſ-
que tantūm diei ejus præſentiā exhilarati,
Coloniā diſcedentem votis & affectu
ſunt proſecuti. Et hanc quidem ingreſſuſ
ſpectavit veteris Romæ æmulam, totōſque
dies quatuor Baſilicis, publicæque magni-
ficentiæ perluſtrandæ, & templis impen-
dit. At præcipuè ſingulare illic celebrēque
apud Agrippinenſes depoſitum videlicet
tria Regum puerum Chriſtum adorantium
corpora veneratus eſt, univerſā urbe Prin-
cipi applaudente, Conſulibus Senatūque
ex-

exquiſitam humanitatem, ſtudiorum offi-
ciorūque promptitudinem declarantibus,
conſeſtantibūſque.

Coloniā Juliacum proſectus eſt, inde
cū Aquisgranum excurriſſet, vidiffetque
nonniſi evoluto ſeptennio oſtendi ſolituſ
primarii templi theſaurum, ad Belgii fines
pervenit, reperitque Comitem de la Val-
le Sereniſſimæ Iſabellæ Claræ Eugeniæ
Archiducis Auftriæ Legatum, ejuſdem
nomine peramanter ſalutantem, Viſetū-
que deducentem. Et jam præmiſerat quo-
que Vladislaus unum è primoribus Stepha-
num Pacium, qui Bruxellis Infantem adi-
ret, & officiū genus ſtudiūque ſua, & ob-
ſervantiam deferret. Interim Viſeti ru-
mor percrebuit Hollandorum equitum ali-
quot turmas vias inſediſſe, inſeſtāſque red-
didiſſe, proinde Princeps Leodium vel
Thenas verſuſ iter publicè pronuciari ju-
bet, mox noctu Viſeto digreſſuſ, Diſthe-
mium properavit, intravitque oppidum
horā circiter octavā ante meridiem, & in-
ſidiantium prædonum agmen eluſit.

Juliao
Aquis-
granum
excurrit.

In Belgii
finibus à
Legato
Iſabella
Archiducis Au-
ſtriæ ſalu-
tatur, Vi-
ſetūque
deducitur.

Diſthe-
mium pro-
perat.

Sſſſſſ 3

Inter

Inter Disthemium & Sichemium non infima Brabantiae oppida, huic tamen viciniùs eminet asper collis, à Virginis Matris simulachro miraculis ac prodigiis celebri claritudinem adeptus, ideoque Belgarum finitimarumque Provinciarum peregrinationibus frequentatus. Templum Archidux Albertus Belgarum Princeps loco imposuit splendidum magnificumque, adjecitque domum Patribus de Oratorio institutum Divi Philippi Nerei profitentibus, qui divinis intenti Deiparae honori deservirent. Locum itaque vicinum sacrumque Vladislai praterire nolens, illuc religionis causa proficiscitur: tum in genua provolutus egit secundum Deum Magnae Matri gratias, quae illum per tot terrarum spatia salvum & incolumem hucusque duxisset, quam & in perficiendo reliquo itinere, Dominam suam unicamque imploreret agnosceretque patronam. Inde Lovanium perrexit, extra quam urbem Comitum de Noyelles Infantis aulae magistrum, officiosam Dominae suae gratulationem expon-

*Inde templum As-
pex Colen-
se adit, in
eoque Vir-
ginem
Matrem
veneratur.*

*Lovanii à
Comite de
Noyelles è
mandato
Infantis
excipitur.*

ponentem obvium habuit, insequente aulicorum globo multisque nobilium. Et nobilissimum hoc pulcherrimumque Orbis totius Athenaeum, aiebat exquisito apparatu tantum venerari Principem, nisi festinatio obstitisset: quidquid tamen temporariae laetitiae plaususque explicare testarique potuit, non indecore praestitit. Nec ibidem diutius Vladislai immorari voluit, namque in Dalensi Collegio cibo refectus Bruxellas properavit.

Advenientis Principis Poloni fama universum compleverat Belgium, proindeque ingenti concursu hominum spatium illud inter Bruxellas & Lovanium refertum fuit, singulis videre novum hospitem gestientibus, cujus gloriam rerumque gestarum splendorem, abunde perceperant. Accessit iterum novus ab Infante honor offerentis videlicet Supremi Praefecti stabuli Vladislao rhedam, quae recenter eleganti artificio elaborata, ejus usui erat deservitura. Quò verò Bruxellis fiebat vicinior, eò majori occurrentium pompâ excipiebatur, &

*Bruxellas
proficisci-
tur & con-
cursum ho-
minum ad
videndum
Princi-
pem.*

*Comes
Octa-
vius.*

Noctū
Bruxellas
intrat.

Ab Infan-
te saluati-
m.

Coliturque
omnibus
affectibus &
benevolen-
tia argu-
mentis.

& ante portam quidem inter civium mili-
tariter instructorum procedebat agmina,
tum adultiori jam nocte per urbem festis
collucentem ignibus progrediebatur, do-
nec ad palatium pervenisset, in cujus limine
ab Infante peramanter exceptus est, & post
primæ salutationis officia, Principum viro-
rum coronâ cinctus ad cubiculum olim
Archiducis Alberti, nunc verò suæ desi-
gnatum stationi deductus est. Quanti por-
rò honores Vladislao delati fuerint, quibus
lætitiæ significationibus Belgæ venerati
sint, quo spectaculorum genere detinue-
rint, nolo lectorem in iis recensendis im-
morari: profectò Infans, quam matris no-
mine Vladislāus compellare solebat, ejus-
que loco semper habuit, tantum ipsius ad-
ventu exhilarata fuit, tantæque singularis
affectûs benevolentiaque demonstravit ar-
gumenta ut & Gubernatricem eo præsentem
agere nollet, summamque totius penè re-
giminis ad eum deferret, illum omnium
consiliorum participem faceret, ei postula-
ta populorum, supplicum vota innotescere
cu-

cuperet: quæ omnia cum ille modestè recu-
saret, nihilominus in ejus gratiam nihil cui-
quam petenti denegavit, professa benefi-
cium non à se sed à Principis provenire cle-
mentia. Jam verò quidquid olim Archidu-
ci Alberto Belgarum optimo Principi ho-
noris venerationisque à Belgis exhibitum
fuerat, paria omnia Vladislao fieri cupiebat,
par aderat majestas, eadem ministrorum
obsequia, nobilium aulicorum non absi-
milis reverentia respectusque, & quò con-
spectior erga Vladislaum affectus foret, eo-
dem in curru cum illo aliquoties ad cele-
briora urbis loca vecta, populorum deside-
ria, ostentato, quem tantum æstimaret, Prin-
cipe, explevit.

Quis etiam Ducum, Comitum, viro-
rumque terræ illius illustrium sensus, quæ
significatiolætitiæ fuerit, satis erit innuisse,
ad Belgas Vladislaum venisse, qui in ludos
pompaque effusi, gaudere solent patrias
opes ac potentiam advenis ostentare Prin-
cipibus, & quidem cum summa comitate
candoreque. Ac post salutantium officia
T t t t t Vla-

Par illi
honor e-
h betur,
quod olim
et erit
Belgarum
Principi.

Magnates
Belgæ ad
concursum
invitat.

Vladislao à Cardinali de la Cueva, Nuntio Apostolico, cæterisque summatis reddita, sæpiusque iterata, Croyus, Arschotanus, Bournevillius Duces exhibuere convivale tripudiantium oblectamentum, nobilissimarum matronarum comparente choro, institutâque saltatione: earum blanditiis invitatum aspexere Vladislaum choreas agentem summo decore & venustate, & prout decebat Principes feminas, eas omni cultu humanitatēque prosequentem: permultumque illa comitas Vladislai apud Belgas valuit, ut benignum amabileque Regii juvenis ingenium admirati, sæpius deprædicarent. Et Vladislais mirum in modum eorum comitate captus, candorem aperti pectoris, sinceritatem, in agitandis conviviis sermones lætos jucundōsque, matronarum formam, formæque junctam gratiam, decentissimis attemperatam moribus extollebat: semperque quoad vixit memoriam exhibitæ sibi apud Belgas humanitatis retinuit, Belgium pulcherrimam Orbis terrarum portionem, in familiari sermone appellans.

Et tripu-
dant.

Vladislao
mirò Bel-
gium pla-
cuisse.

At

At super omnia Martialis genius Vladislaum ad videndum Hispani Regis exercitum excitabat, qui eâ tempestate clarissimo militiæ Duce Ambrosio Spinola Bredam vetus Nassoviorum dominium obsederat, urbem adversus quasvis hostium vires perquam egregiè communitam à Mauritio: nihilque eâ munitione perfectius antea visum in Belgio affirmabant omnes, imò & ipse Mauritius velut jactabundus, eam normam ac regulam cæterarum munitionum appellare solebat. Annuit Infans Principis voto, præmonitōque Spinolâ quantum habiturus esset hospitem, profectioni necessaria adornari imperat. Et primò per Mechliniam iter fuit, inde Villebruci cibo sumto, conscensâ navi placidè per Scaldim vectus Antverpiam navigavit, urbemque intravit, referti ingenti multitudine hominum intra extrâque urbem viis tectisque, & in lætitiæ signum reboantibus è castris urbisque propugnaculorum tormentis: post Merano in ponte magnifico exceptus Palatio, habuit sanè complura quæ spectaret,

Breda ob-
sidionem
videre cu-
pit.

Annuit
Infans
Spinolam
præmonet.

Per
Mechli-
niam Anti-
verpiam
venit.

Ttttt 2

ret, publicæ gratulationis argumenta.

*Urbem
instrat.*

Triduum lustrandæ urbi impendit, accessitque Principem Dei Genitricis Basilicam, & curioso aspectu ornamenta, tabulas illustrium pictorum æstimavit, artificium turris suspexit, Templum Societatis Jesu è marmore candido magnis exstructum sumptibus probavit, Curiam operumque publicorum magnificentiam laudavit, celebrem Plantini Typographiam invisit, Petri Pauli Rubenii clarissimi per ea tempora pictoris domum suâ præsentia condecoravit, ejusque antiquaria & artis specimina vidit, Petri Brugelli in minutioribus elaboratè depingendis solertiam, & cum natura decertantem admiratus est artem, postremò arcem ab Alexandro Farnesio reparatam restitutamque intravit, viditque illud frenum, quod, tanto Bucephalo Alexandri viribus ac dexteritate subactò, Antverpia acceperat, tum & propugnacula ipsius Urbis prævalida, & decoro tiliarum ordine ad amœnitatem consita intuitus est. Ad extremum ocellum illum Urbium sic à nonne mine

mine appellatam Antverpiam suo encomio non mediocriter extulit.

Interea venerat Antverpiam Ludovicus de Velasco Magister equitum Generalis cum duobus millibus equitum, qui eunti ad castra Vladislao & honori & præsidio essent: atque iis postmodum vicinior factus, supremum armorum Ducem Spinolam cum primariis Tribunis obvium habuit, fausti adventus gratulationem deferentem, præ ipsis verò munimentis Henricus Comes Bergensis tria equitum millia explicaverat, & militari more armis submissis Principi reverentiam exhibuit. Mox per universum castrorum ambitum ingens tormentorum in urbem obsessam obversorum fragor audiri coeptus est, alternatim scloporum strepente lætitiâ.

*Lipsius.
Bredam
euntem
ducem Lu-
dovicum de
Velasco.*

*Spinola
obviam
venit.*

*Comes de
Berge præ
castris
eum equi-
tatu exci-
pit.*

Acceptum castris Principem Marchio Spinola ad stationem temporaneam quidem at percommodam deduxit, atque universi exercitus regimen reverenter detulit, in præsentia Vladislai solam sibi obsequendi, non imperandi relictam gloriam in-

*Spinola
Vladislao
regimen
deferre,
quod ille
modestè
recessit.*

Ttttt 3

quiens.

*Ambitum
castro-
rum per-
lustrat.*

*Obsidio-
nem pro-
bat.*

quiens. Sed ille veteranum Imperatorem omni honore prosecutus, ejus emeritæ auctoritati, quam insigni rei militaris peritiâ, & tot triumphis auctam suspiceret, omnia permisit: deinde ipso ductore castrorum ambitum emetiri incepit, quibus urbem circumvallatam tenebat. Nec sine ipsius encomio intentis spectabat oculis curiosus bellicorum operum contemplator, castella per intervalla altius à solo disposita, continuâ militari sepe inter se commissa, alias itidem stationes quatuor plurimum centuriarum capaces fossâ ac vallo præmunitas, contra vim sive ab obsessis sive ab auxiliariis copiis ingruentem instructas, & unde ad reliquas munitiones tuendas facile miles provolaret. Denique aggerum nexûs, suggestûs tormentarios, obsidionales accessûs admiratus, Bredam ad Hispani Regis dominium redituram, novos verò daturam triumphos Spinolæ gratulatus est. Sed hujus urbis circumvallatæ delineationem eleganti stylo explicatam publici juris fecit Hermannus Hugo, vir æquè pius ac doctus, non

non absque honorifica Vladislai mentione, ad quem lectorem remitto.

Post lustratas intra biduum munitiones, circulumque emensum, quo urbs continuatis veluti moenibus undique conclusa tenebatur, nova iterum Castrensis oeconomia Principis oculos attraxit. *Oecono-
miam Ca-
strensem
admira-
tur.* Inspecta granaria annonâ réque cibariâ refertissima, visa braxatoria continuo braxatorum labore potum exercitui subministrantia, & pistorum furni haud otiosi: quippe septemdecim mille panes quotidie militi exhibentes. Ad extremum in rebus omnibus magnopere æstimabat solertissimi Ducis prudentiam, majorémque famâ reperit Spinolam, juréque inter primos in Europa Imperatores nemini secundum adnumeravit, plurimique semper fecit tantum se vidisse Ducem, & obsidionem inspexisse magnis coeptam impensis, maximâque dexteritate continuatam. Nec Spinola postremam felicitatis partem habuit à Principis adventu, tantóque impensius gaudebat ab ejus judicio ac æstimatione sui, quantò illud à Regii juvenis & bellis

*Redit
Antver-
piam, inde
Bruxellas.* bellis innutriti, & militarium operum intelligentis, eximiâ censurâ procedere videbat. Et verò postmodum è castris abeün-tem omni reverentiæ obsequiorumque genere profecutus est, Antverpiamque deducendum eidem, cum quo ante quatrimum venerat, Ludovico de Velasco Comiti Salazario demandavit, ubi posteaquam feliciter appulisset, nihil moratus sequenti die Bruxellam rediit, pari honore ab Archiduce receptus, pari magnificentiâ habitus tractatusque.

*Infanti
valedicit.* Sed jam adultior Autumnus canâque præforibus hiems in Italiam Principem avocabat, aliàs si tardaret, incommodis difficilioribusque objiciendum itineribus, proindeque amœnas illas Belgii relicturus terras, Serenissimæ Infanti valedixit, non absque gratiarum actione, pro ea, quam luculenter expertus fuisset, materni affectûs declaratione: & illa post tenerissimi amoris benevolentiaque contestationem, Principem, quem filii loco habebat, ægre dimisit, addiditque aulæ suæ magistrum Comitem de Noyel-

Noyelles unâ cum selecto aulicorum nobilium agmine, qui ad extremos Belgarum fines comitaretur, monitis interea quâ transf- *Deduci-
tur ad fines
Belgi
à Comite
de Noyel-
les.* eundum erat edicto locorum Præfectis ac Urbibus de ejus adventu, debitâque præstandâ reverentiâ. Et Duces quidem Crojius, & Areschotanus Nivellâ quò Principem deduxerant, illâque nocte tripudiis festoque conviviorum apparatu exhilaraverant Bruxellas rediére, cæteri in ipso Belgii limite post ultimum valedictum faustamque itineris apprecationem digressi sunt. Nec immemor Princeps exhibitæ sibi humanitatis fuit, nam cum ejus comitas ad omnes, ad nonnullos verò aulæ officiales etiam munificentia sese extendisset, Comitem de Noyelles Infanti impensius commendavit, tantumque ejus postmodum commendatio valuit, ut Præfecturam Ducatûs Limburgensis eidem in gratiam Principis scriptis ad Hispaniæ Regem literis impetraverit. *Quem
Infanti
impensius
commen-
davit.*

Constiterat in aditu Lotaringiæ Vladislâus, & quandoquidem terræ illius Regulum

*Metas vi-
dere gessit.**Intromit-
titur in
urbem
cum dff-
cultate.*

lum aditurus non erat, & propè esse Metas
perceperat, urbem Gallorum expugnatione
percelebrem, & ad quam Cæsaris Caroli
Quinti fortuna fastidio ac satietate jam ca-
pta retrocedere incipiebat, proinde ne pa-
lâm omnibus fieret, remoto comitatu &
Nanseium rectâ pergere iussu, ipse cum Ra-
divilio, Casanovio, Denhoffio, duobusque
insuper famulis à via deflexit, Metasque ac-
cessit. In transmittendo ponte nulla diffi-
cultas fuit, portam intranti Decurio sese ob-
jecit, frontèque caperatâ asperius interro-
gavit: qui genus, unde domo, & quid ne-
gotii in urbe haberent? responsum tulit,
duos nobiles Polonos, Germanos itidem
duos cum famulis esse, qui videndæ urbis
desiderio invitati, à recto itinere quo Nan-
seium tendebant aliquantum deflexissent,
postero die aliò se mox collaturi. Tum ille
subsistere aliquantulum jubet, præten-
sâ moræ causâ, videlicet à Gubernatore, quam iret
petitum, licentiâ. Interim tympani sonitu
militem excitat, & custodiam portæ auget,
tandem aditum facit, militemque assignat,
qui

qui diversorium commonstraret. Enim-
verò vultus sublime quidpiam animosum-
que spirantes Decurionem perterrere, ut
postea cognitum est, baltheique rubei colo-
ris, qui Austriacorum est, aliquam movere
suspicionem. Postero die Princeps paucis
impensis horis, quæ ad videndam urbem,
& quidquid in ea singulare satis essent, Sa-
vernâ properavit: ubi Archiducem Leo-
poldum Avunculum salutavit, mirè de ad-
ventu suo gaudentem, quemque jam hu-
manissimè per nobilem aulicum Bruxellas
antea missum invitaverat. Atque dum
Savernæ subsistit, detinente eum Archidu-
cis prono affectu cognitâque humanitate,
ignotus interea ad viciniore excurrere
urbes, quæ inde unius diei aut summum bi-
dii abessent itinere. Ac primum Argento-
raturum tantum erat, quod Principis mereretur
oculos, post Molschemium, Reinfeldia,
Slechstadium, Ruvachia, Einssemium, &
Brisacum inspectum. Id verò accuratè ut
non tantum curiositati satisfaceret, sed mu-
nitiones, locorum positiones attentius ob-
fer-

*Inde Sa-
vernâ ad
Archi-
ducem
Leopol-
dum ivit.**Excurrit
ad viden-
das vicina
magni no-
minis Ur-
bes.*

1638. servaret. Ac dum post plures annos Brisacum Bernardus Dux Veinmariensis obsideret, ille scitè peritéque de ipsa urbe, ejusque munitionibus, tum de situ differere solebat, prævidebátque ab ejus casu, universam Alsatiam periclitaturam.

*Ejus de
Brisaco
judicium.*

Et jam Savernæ complures moratus dies, ad ejus præsentiam Archiduce novis quotidie gestiente lætitiæ signis, post mutuum valedictionis officium, ad superanda Alpium juga continuato itinerè ferebatur. Itum per Basileam, Grifones, ac Rhætos, Soloturnensium, ac Lucernensium fines, transmissus cimbâ Flieram usque Lucernensium lacus, & quidquid olim singulare ad historiam locorum ille tractus contulisset, à peritis inquirebat erudiebaturque. Superata ad extremum per montem Gotardi Alpium cacumina Italiam aperuere, & primi occurrebant Insubres totiúsque Provinciæ caput Mediolanum, eam urbem magni per Europam nominis vidit Vladislavus, nullique notus intravit, quò liberiùs perlustraret. Idem fecit Genuæ, cæterisque Italiae

*Medio-
lanum vi-
det cate-
rasque ur-
bes.*

liæ locis, pergebátque Romam dissimulatâ Principis personâ, nisi illa dissimulari de integro non potuisset, quam fama multorúmque curiosa diligentia propalaverat. Hinc Principum Parmæ, Mutinæ, Urbini, primariarúmque urbium erga Principem reverentia, invitantium, salutantium, deductum prona insignisque humanitas: & maximè tenerrimus Urbani Pontificis Maximi affectus emicuit, qui Vladislavum suis viciniorem terris, misso Ariminum Carolo Magallotti cognato suo salutavit, Romamque literis paternè scriptis invitavit. Eas verò quandoquidem Sacrorum summi Præsidis sublime de Vladislavo continerent judicium, huic loco attexendas esse existimavi, quæ ita se habent.

*Principum
Italia erga
illum affe-
ctus.*

*à Summo
Pontifice
per Caro-
lum Ma-
gallotti in-
vitatur.*

Hæc Patria generis humani, quæ non semel armatos terrarum triumphatores vidit ad Piscatoris sepulchrum procumbentes, cum jam diu anxiiis votis te vocet, propinquâ nunc adventûs tui spe summopere letatur. Cum enim indicta pridem Anni Christiani & Sancti Jubilæi solennitas, credentes populos ad hoc Religionis Sanctuarium convocet, jucundum cælo homi-

*Littera
Pontificis.*

hominibûsque spectaculum fies Poloniæ Princeps, qui Regiam juventutem illustribus victoriis Catholicæ Ecclesiæ commendasti. Excitam illam Aquilonis Orientisque latebris colluviem Turcarum atque Tartarorum, quæ toti Europæ non ita pridem videbatur diluvium minitari, Roma scit Poloniæ Principis virtute compressam, coactamque fuisse salutem meticolosâ pactione, & fugâ turpi redimere. Proinde cogitare potes, te hîc Urbis amore & populorum plausu colendum, ubi fortitudinis tuæ tropæa quæ Christianitatis propugnacula fuerunt, consentientibus nationum tam diversarum vocibus celebrantur. Nos verò, qui jam diu triumphalibus nominis tui laudibus favemus, Apostolici amoris brachiis te complectemur decus Septentrionis, & fidei præsidium. Scito ergo te maxima adventu tuo Pontificiæ charitati solatia allaturum, qui certè præsens cognosces quanti apud nos ii Principes sint, qui Barbaricam impietatem profligantes, cæleste regnum in terra propagant. Mentem nostram uberius declarabit dilectus filius Carolus Magallottus, custodiarum nostrarum Generalis Locumtenens, Barberini Nepotis nostri Avunculus, & Cardinalis Magallotti frater: quem nobis charissimum ad te ablegamus, ut Apostolicas literas afferens,

Pontificis
elogium.

rens, Paternum desiderium nostrum tibi significet. Is autem se nobis morem gessisse tum arbitrabitur, cum omni officii atque obsequii genere demereri poterit Patrocinium tanti Principis, cui ad nos proficiscenti felix iter precamur, & Apostolicam benedictionem amantissimè impertimur. Datum Romæ, apud S. Petrum sub Annulo Piscatoris, die XXVIII Novembris Anno: MDCXXIV. Pontificatus nostri Anno Secundo.

Enimverò acceptis hisce literis Vladislai jure gloriari poterat de tanto tamque eximio Pontificis elogio, quo illum decoravit. Nam cum nonnulli Principes obtentos Christianissimi, Catholici, Defensoris fidei titulos suis præfigant non absque quadam jactantia nominibus, non inferiorem is certè acquisivit, cum Decus Septentrionis & Fidei præsidium à Christi in terris Vicario est appellatus. Et confestim peraman-
ti Pontificiæ invitationi morem gerens, ac-
celerabat Romam iter, perque Anconam
primùm Loretum adiit Magnæ Matri sua
redditurus vota, cujus ædem Angelorum
delatam ministerio ibidem summo cum
pie-

Loreti
ædem Dr-
va Virgi-
nia invise-

*Et ex voto
donarium
appendit.*

pietatis sensu vidit, in eâque Coelestem auditum Oratorem, deinde humillimâ obsequentis ancillæ voce de cœlo evocatum in uterum Deum, humanam assumentem carnem piâ recolebat mente: inde verò abiturus divi Vladislai tutelaris sui auream reliquit statuam, perenne erga Deiparam grati affectûs monumentum.

*Cardinalis
de Torres
Romam
veniens in
occursum
est.*

*Romam
ignotus in-
greditur.*

Et jam Romam appropinquantem in occursum venit Cardinalis de Torres, duos ante annos in Polonia Apostolici Nuncii munere perfunctus, ubi & Cardinalitiæ purpuræ honorem sibi à Gregorio xv transmissum acceperat, à cuius præsentia ne populo undique confluenti innotesceret, clauso curru Urbem intravit, atque ad palatium Ammerini Caponi prope Portam Populi divertit, mox forensi veste depositâ, Summum Pontificem adiit, ante cuius conclave Cardinalem Barberinum ejusdem Nepotem offendit, fausti adventûs è mandato Patruî gratulationem deferentem, tum medius inter duos Cardinales introductus, repetitâ ter reverentiâ, modico nisu ad earum

rum singulas assurgente è folio Pontifice, ad osculum pedis accessit: quem ille procumbentem utrâque manu allevat, deinde admoto ori capite arcè complectitur, post ad sedendum invitat, appositâ sede ad dextrum latus, sinistrum capientibus Cardinalibus Torres & Barberino. Intercessere deinde sermones familiaris colloquentis Pontificis respondentisque Principis, quo alloquio mirè delectatum fuisse ferunt Urbanum, Magno Principe dignas Vladislai æstimantem virtutes. Admissi deinde ad osculum pedum Dux Radivilius, Stephanus Pacius, Lucas Zolkievius, cæterique: peractâ salutatione Princeps ad Palatium unde venerat se recepit, aliis Cardinalibus extra conclave deducantibus, solo Torres perpetuò lateri adhærente, comitantèque.

Subsequentibus diebus à visitantium Cardinalium officiis honorem recepit, post quidquid Roma pietatis, Basilicarum, Palatiorum, hortorum, antiquitatumque ostentat, oculis Vladislai attentè omnia perlustrantibus subjecit. Adfuit sacris

X x x x x

ope-

*Pontifici
exhibet re-
verentiam.*

*Visitatur à
Cardinalibus
Romanis
antiquitates
perlustrant.*

*Auream
portam
aperientem
Pontificem
spectat.*

*Linteam
Diva Ve-
ronica.*

*Quod ut
videre
propinquo
& attre-
ctare pos-
set Vladis-
laus,*

operanti Pontifici, & quod caput votorum-
que summa fuit, portam Auream pridie
Natalis Domini aperientem & Annum Ju-
bilæi inchoantem spectavit. Super omnia,
quæ maximè Roma veneratur antiquitatis
Christianæ monumenta, linteam est quod
Diva Veronica Christo Crucem ferenti su-
dore sanguinéque mananti porrexit, cui ille
sacratissimæ faciei imprimens lineamenta,
piæ mulieris affectum relictâ sui perpetuâ
memoriâ gratus rependit. Hunc porro
tam nobilem thesaurum Vaticana asservat
Basilica, neminique ad illud Sacrarium pa-
tet aditus, nisi qui Divi Petri Canonicus
esset. Anhelabat Princeps & videre & at-
trectare tam singulare donum, venerarique
vultûs Divini umbram, cuius ut satisfaceret
desiderio, Urbanus ad Cardinalium sena-
tum retulit, rogavitque sententias: num
Vladislaus Poloniæ Princeps Collegio Ca-
nonicorum asciscendus esset, sed plerisque
tergiversantibus, unicûmque exemplum Ca-
roli Quinti Imperatoris referentibus, cui
tot Imperiorum Monarchæ, tot victoriis
cla-

clarissimo, an Vladislaus concessio pari ho-
nore exæquandus esset, quæstionem haud
postremam videri. Tum verò Pontifex:
Nihil se moveri inquit Imperatoriâ Maje-
state, facileque se æquiparare posse Carolo
Vladislaum Poloniæ Principem, atque eos
omnes qui triginta præliis Turcam fuderint,
concessioque privilegio Canonicum S. Pe-
tri renuntiat, quo beneficio fretus à duobus
è Collegio Canonorum ad Sacrarium de-
ductus est, sumtâque lineâ desuper veste, &
ipse cum maximo pietatis sensu fruebatur
conspectu tam sancti venerandique pigno-
ris, & illud affusæ undique populorum tur-
bæ è solito theatro videndum exhibuit.

*Contra
nonnullor-
um Caro-
linarum
vota crea-
tur Cano-
nicus S.
Petri à
Pontifice.*

*Frui tur
hoc Privi-
legio, videt
& populus
videndum
publicè ex-
hibet.*

Et hæc in ipso decursu veteris anni acta 1624.
sunt, ut verò Kalendæ Januarii novum ape-
ruere, ejus auspicia Pontifici per Radivi-
lium Ducem apprecatus, itineri Neapolim
versus sese accinxit: inque Regni limitibus,
Ducis Albani Proregis Neapolitani Dele-
gatum obvium reperit, qui & salutaret, &
invitatum deduceret exciperetque. Ven-
tum tandem Neapolim sexto postquam
Xxxxx 2 abie-

*Novum
annum
Pontifici
gratula-
tur.
1625.*

Neapolim venit.
8 Januari. abierat Româ die, nec tardavit Prorex adire venerarique Principem, Palatium omnéque officii ac humanitatis genus deferre.

Prorex salutatur Principem.
Sed ille æstimatâ sereno vultu blandiorique alloquio ipsius benevolentia, propensaque voluntate, petiit ut sibi sub persona ignoti tanto liberius urbem, vicinaque loca lustrare liceret, expleturum deinde desiderium Proregis suâ in Palatio præsentia, daturumque aliquot horarum spatium familiari colloquio. Et fecit libenter; namque unâ cum Prorege coenavit, & in suum honorem institutis voluptuariis præliorum simulachris, ludicrisque decursionibus interfuit, quo in

Coenat cum Prorege & spectaculis ludicris exultat.
genere ludorum Neapolitana nobilitas cæteris anteit facile, in apparatus, magnificentiam, sumtusque immodicè profusa: connivente Hispano, gaudenteque ab iis patrias opes in scena ludisque atteri, noxias fortasse suo regimini futuras, si nimium generosos excitarent fulciréntque Spiritus. Ita demum post varia spectacula, tripudia more gentis edita, Prorege amicè salutato Neapolim Vladislâus reliquit, Romamque iteratò

iteratò petiit: adhærente ejus lateri per Regnum Neapolitanum Joanne Deodati Proregio Delegato, lautitiâsque præbente. In terris porro dominiisque Pontificiis, Carolo Magallotto idem officii vicissim exhibente.

Redeunti Romam Palatium S. Petri destinavit Pontifex, ibidemque lautè habuit, novo deinde honore auxit, gladio galeroque collatis. Vetus is Pontificum Romanorum mos est, ea dona in Natalis Domini nocte consecrandi, Catholicosque ad Principes uti Ecclesiæ defensores transmittendi. Sed Vladislâus ab ipsius Pontificis manu magnificè juxtâ ac reverenter accepit. Namque in sacello interiore Urbanus gladium gemmeo capulo radiantem lateri ejus applicuit, qui à Magistro Ceremoniarum cingulo adstrictus, post exsolutus Duci Radivilio ad tenendum traditus est. deinde galerum capiti imposuit, consuetâ bene precandi formulâ recitatâ. Posthæc epulum instructum, cui in ampliore aulâ duo assidere convivæ. Et Pontifex quidem ad se-

XXXX 3

pa-

paratam mensam sublimiori loco intra velum confederat, Principem verò aliquod sejunxerat intervallum demissiùs accumbentem. Lavanti Pontifici Principum Christianorum more mantile genuflexus porrexit, spectantibus permultis virorum illustrium nobiliùmque, qui etsi rariores admitterentur, in magnam tamen excreverant multitudinem. Inter prandendum per internuntios inter se collocuti sunt, missi è Pontificia mensa cibi delicatiores, propinata salus, bibente Pontifice omnibus venerationis ergò procumbentibus, solo Vladislao capite detecto paululùm assurgente. Sublatis epulis decantati exquisitissimis vocibus dulcique instrumentorum Muscorum sono, Sigismundi Regis, & Vladislai Principis, Turcici, Tartarici, Moschovitici triumpho, metris Italicis alligati. Ad extremum Pontifex ducto secum ad retractius cubiculum Vladislao, familiares miscbat sermones, fruebatùrque suavi nec tam facile rediturà conferentis secum Principis affabilitate. Tandem finito colloquio, cum

*Colloqui-
tur fami-
liariss.*

ad

ad aliquod temporis intervallum recessisset Vladislais, iterum rediit, sed jam valedicturus: postque impressum à Pontifice capiti abeuntis osculum, faustamque appreciationem dimissus est: donumque accepit singulare, offerente illud à sua Sanctitate Cardinale Barberino, videlicet D D. Primi & Feliciani Cineres, Patronorum diei Natalis ipsius, quod insigne munus Regnum adeptus Varavia in templo Patrum, quos ex recenti instituto Piarum Scholarum vocant, deposuit, ibidemque asservatur magna cum populi veneratione. Atque cum eadem vesperà adjiciale coenam Cardinalis Barberinus Principi ejusque Comitatus apparasset, tractassètque opiparè, sequenti die qui vigesimus erat Januarii discedentem Romà Carolus Magallottus Pontificis jussu ad Hetruriæ fines comitatus est, quo in loco Magni Ducis nomine excepturus Principem comparuerat Coloredus quadraginta nobilium agmen secum trahens, post venit Laurentius Magni Ducis Patruus: ad extremum & ipse Dux unà cum fratribus adfuit, post-

*Tandem
valedicit
Pontifici,
& SS.
Primi &
Feliciani
cineres re-
cipit.*

*Apud
Cardina-
lem Barbe-
rinum coe-
nat.
Romà dis-
cedit.*

*In finibus
Hetruria
excipitur
à Coloredo
Magni
Ducis ag-
mine.*

póstque mutuas salutationes amoris cognatæque benevolentiae indicia, uno insimul curru vecti Florentiam intravere.

*Ipsemet
Dux fit
deinde ob-
viam &
Floren-
tiam in-
troduct.*

*Splendidè
tractat &
varius ob-
lectamen-
tis decinet.*

*Comœdia
ab Archi-
ducissa
exhibita.*

*Pisat, Li-
vornum
videt &
Magni
Ducis tri-
remes.*

Et toto illo tempore quod in octodecim dies excreverat, Florentiae subsistenti Vladislao varia à Magno Duce hilaritatis lætitiæque publicæ ac privatæ edita sunt specimina, nec alibi in Italia magnificentiora splendidioraque. Visæ namque decursiones equestres, ferarum è caveis emissarum certamina, personata tripudia, comœdiæ miro artificio, versatiles scenas, æquora, rupes, urbium sitûs, silvas, nemora repræsentantes. At una omnes sumtu operarumque ingeniosâ inventione supergressa est comœdia, in villa Archiducissæ in gratiam sui è sorore nepotis de Rugero, Alcina, & Melissa pulcherrimo apparatu exhibita, decantataque. Neque tantum Florentino Palatio aut elegantissimæ urbis moenibus sese continuere oblectamenta, edita quoque Pisis & Livorni: hîc quidem triremes Magni Ducis quotquot in statione erant levatis anchoris suis serenitatibus adnavigantibus

in

in occursum venere, tormentorum sono tubarum clangore lætitiâ contestantes. Fortunatus erat Navarchis Vladislai adventus, sed longè fortunatior mancipiis ad remum damnatis, quibus illius præsentia felicius Castore ac Polluce amicis navigantium sideribus illuxit, cum plerisque illorum præsertim gentis Sarmaticæ hominibus, libertatem à magno Duce impetrasset, abjurantibus confestim Machometanam religionem, quâ miserrimæ vitæ tædium apud Turcas emerant, proindeque Christianis infesti navigiis, Dei, Religionis, generis obliti piraticam exercebant.

*Mancipia
ad remum
damnata
libertati
restituit.*

Tandem Princeps exquisitâ humanitate Magni Florentiæ Ducis ubique recreatus, post mutuas venerationes valedictionesque, Venetias profectus est, ejusque Reipub. singularem erga se propensionem favoremque agnovit: cujus sumtibus Regiæ tractatus, insuper spectaculis, & in magno Canali editâ naumachiâ exhilaratus fuit, tum quidquid sanctioris rariorisque urbs illa asservat, totum id Principi patefecit, Senatoribus la-

*Venetias
inrat a-
gnoscatque
Reipub.
singularem
humanita-
tem.*

Y y y y

teri

*Venetis
mirè factū
ad extre-
ma usque
tempora.*

teri ejus semper adhærentibus, omniâque edocentibus. Atque illâ comitate Venetâ tantopere deinde captum vidimus, ut dum Candiensi bello implicati, à Rege Vladislao subsidia peterent, is sedulò arma pararet, quibus Othomanas vires distraheret avertetque, nisi alia mens Senatûs Ordinûmque tunc fuisset. Certè ad extrema vitæ tempora quantum Venetis fideret crederetque declaravit, cum eis in tractanda cum Suecis pace arbitrium moderationemque unâ cum cæteris Christianis Principibus detulisset, quæ alibi fusiùs explicanda erunt.

*Per Sti-
riam Vien-
nam venit.*

*Inde Nyf-
sam ubi
permul-
tum ejus
adventus
conduxit
Carola
Ferdinan-
di Fratri
ad Episco-
patum a-
dipiscen-
dum.*

Martio mense Venetiis Italiâque relictâ per Stiriam ejusque Urbem Principem Græcium, Viennam rediit: ubi Imperatoris manum exosculatus, post recuperatas à morbo, in quem summo cum aulæ illius mœrore inciderat, vires, Nyssam contendit, commo- déque illuc advenerat. Destinaverat quippe sibi Episcopatûs Vratislaviensis successorem Carolus Archidux Austriæ suum ex sorore nepotem, ejusdemque nominis Poloniæ Principem Vladislai fratrem, miseratque Rex

Rex Vratislaviam Legatum Sigismundum Opacium, qui Electioni Episcopi interesset, jûsque ab Archiduce consentiente Capitulo acquisitum promoveret. Tergiversantibus verò Canonicis, atque electionem differentibus eludentibusque, subito Vladislau principem Nyssam advenisse, & aliquot millia velitum Polonorum in Silesiam irrupisse nunciatur: tum porro perterriti Collegii illius primores, remque armis geri existimantes, Imperatore pro jure affinitatis connivente, (quanquam procùl tunc omnis vis aberat) nec non & Vladislai præsentia Nyssæ commoti acceleratâ Electione, Principem Carolum Episcopum Vratislaviensem renunciarunt.

Hic demum finis fuit susceptæ à Principe peregrinationis summo cum omnium applausu peractæ, & Rex Pater complexus reducem, jucundo excepit vultu, cum maxima totius aulæ gratulatione. Et tunc quidem Domum Regiam à recenti luctu attritam reperit; namque paulò ante ipsius reditum decesserat Anna Infans Sueciæ, Sigis-

*Redux à
peregrina-
tione Re-
gem salu-
tat.*

*Anna In-
fans Sue-
ciæ Vladi-
slai amica
moriuntur.*

mundi soror germana, virgo maturæ ætatis
summæque prudentiæ, ac præclarissimis
quâ naturæ, quâ ingenii dotibus exornata.
Pulsum è Suecia fratrem secuta erat, seque
Caroli Patruï jam tunc furentis insidiis sub-
duxerat: Polonis mirè favens, unde illi ma-
ternum genus, eaque propter magnæ apud
eosdem venerationis, utpote in qua hæredi-
tarias Catharinæ, Annæ, Zophiæ Heroïna-
rum Domûs Jagielloniæ magnarumque Re-
ginarum virtutes suspicerent, nisi quod ab
illarum veteri avitâque descivisset religione,
inque Patris gratiam Lutheranam professâ
fuiſſet, retinuiſſetque usque ad extremum
vitæ terminum. Vladislauum summo proſe-
quebatur amore, eam verò ille magnopere
observare solitus erat, discedensque ad ex-
teros Brodnicii convenit salutavitque, ubi
paucis ante mortem annis domicilium fixe-
rat. Et cum Sigismundus frater ultimum se-
pulturæ honorem distulisset, captâque à Sue-
cis Brodniciâ, & postmodum recuperatâ,
corpus ipsius aliquot annis inhumatum ja-
cuisset, Vladislâus jam Regno potitus magni-
ficè

*Eius elo-
gium.*

*Cathari-
na Sue-
ciæ, Anna
Poloniæ
Reginæ,
Zophia
ducis
Brunſui-
cenſis
uxor.*

*Vladisla-
um tene-
rius ama-
vit.*

*Torunii
sepeliunt
procurante
Vladislâo.*

ficè illud efferri curavit deposuitque Toru-
nii splendido desuper imposito mausoleo.

Duas illa beneficio Regio è consensu Or-
dinum obtinebat Præfecturas Brodnicen-
sem & Golubensem, utramque in Prussia ad
fluvium Drwanciam loco opportuno sitas.
Eas sperabat Vladislâus sibi à Rege confe-
rendas, instabatque apud Patrem arden-
tius: jamque affectûs Paterni quasi securus
dum ille grassante sævâ per Poloniam con-
tagione Osjecium primò, deinde Ciemier-
nikos aulam transfert, hic Brodnicium Go-
lubiûmque secesserat liberas tunc à peste Ci-
vitates, earumque in territoriis venationi-
bus vacabat, fixo ibidem tantisper domi-
cilio. Sed Rex sive suâ sponte, sive illorum
suasû, qui gynecæo fortunæ suæ incremen-
ta debebant, Reginæ præter omnium spem
contulit: id verò quandoquidem insciis Or-
dinibus fecisset, nec requisito illorum con-
sensu, ingens ortum erat murmur, quod ali-
quot Comitiorum consilia retardavit: acriter
cum Rege expostulante equestri Ordine,
eamque donationem rescindi annitente.

*Vacantes
à morte
ipsius Præ-
fecturas
Brodni-
cium &
Golubium
à Rege
Vladislâus
postulat.*

*Eas Regi-
na confert
sine Ordi-
num sententia.*

Y y y y 3

Existi-

*Id molestè
ferunt Or-
dines, nec
assensum
præbent,
suspensio o-
runt quasi
conciliari ei
illos Vla-
dislao.*

Existimabant plerique à Vladislai repulsa nobilitatem ferocius insurrexisse, ac si clàm concitatum exasperatamque. Sive enim id ipsum Princeps amicorum nonnullis insurrasset, sive affectus bene illi cupientium sponte erupisset, certè constat post collatas Reginae Præfecturas in primis statim Comitibus nullum voluisse assensum præbere Delegatos Ordinum, sperabantque Regem suis permotum querimoniis, injicientibus continuo remoram saluberrimis de Republ. consiliis, revocaturum donationem, quam tacitè destinabant Vladislao, permittentes videlicet Regi ejus redditus censumque, è Reipub. bonis augere, utpote cujus in eam exstarent maxima merita, quorum seriem summa cum Principis laude fusè lex recenset. Nec diffiteor vidisse me literas manu Vladislai ad nonnullos Procerum scriptas, perque id tempus missas, quatenus auctoritatem suam in conventibus nobilium peragendis eo in negotio interponere vellent, indeque magnos nunciorum clamores promanasse existimo. Sed Rex etsi in pluribus Comi-

*1626 Ti-
tul. Au-
dio pro-
visionis.*

Comitiis Delegatorum vocibus peteretur, summo cum Reipub: damno, alia tunc consilia aliàque subsidia exposcentis; nil tamen de sua remisit constantia, cunctatione solitus motus præfervidæ nobilitatis languidiores sensim reddere. Neque quæstio nisi post annos aliquot sopita est, accedente tandem facultate Ordinum, quæ Reginae eas concessit Præfecturas, cum interea Vladislais à Rege quadraginta millium florenorum summam annuatim perciperet, quam olim Annæ Sorori Infanti Sueciæ è proprio peculio dare consueverat, & censu ampliori rex aliquot Præfecturis proveniente ditaretur.

Atque hinc libens arripio occasionem plura de redditibus censuque annuo Vladislai scribendi, non tam nostratium causâ, quam exterorum si fortè hæc in illorum manus inciderint, ut constet etsi Polonis non sorte nascendi, sed liberis suffragiis impositi dominantur Reges, eorum nihilominus posteritatem paterno à Repub. excipi foverique sinu: Contigit namque mihi audire virum aliàs gravem, sed rerum nostrarum minùs peri-

*Concedunt
tandem
Regina
Ordines
Præfectu-
ras.
1631.*

*Et Vla-
dislao au-
ges Rex
redditis.*

*Quales
illi & quas
habuerit
Præfectu-
ras.*

peritum aliter sentientem, & ejus quidem inter nos sermonis dederat ansam unius è Principibus Polonis frequens peregrinatio, quam ut rarissimam Regum filiis lubens concesserim, ita repetitam & promiscuam nil nisi contemptum parere existimo, evilescente & famâ & auctoritate, quasi multoties apud vulgum prostitutâ, cui Principes exteros à longinquo tantum mirari usitatum est. Vladislâus itaque ut meritis erga Rempub. inclytus, ita bello Moschovitico peracto Ducatus Severiæ administrationem primum à Rege consentientibus Ordinibus obtinuit, & profectò satis quaestuosam, deinde à decessu Joannis Zolkievii Rubisevensem & Janorovensem, tum vitâ excedente Niemoievio in Prussiâ Osiekum & Miedziesium, ad extremum Solecium & Krepi-
cium, illam post Zbarasci Ducis, hanc post Nicolai Volscii Marschalci Regni mortem, nobilissimas Præfecturas collatas sibi habuit, nec minus in Lithvania opulentas Borisovium, & Merecium. In subsidium Rex prout meminimus quadraginta mille florenos

nos annuatim seponebat, quò decentius se suamque Domum sustentaret. Ex iis omnibus Præfecturis si census exactè collecti in ærarium Principis illati fuissent, habeo auctores summam aliquot centenis aureorum communium millibus æstimari potuisse. Stanislaus Grochovius supremus fisci Regii Notarius, vir in subducendis rationibus exactissimus, idipsum multoties nobis audientibus referebat, solamque Severiam, si ab exquisitis Oeconomis justè & sincerè administraretur, suffecturam ditando Principi fuisse affirmabat. Sed ille minus attentus rei suæ domesticæ, ministris facilitate ejus abutentibus, semper egebat, cum cæteri opes inde corraderent, exiguâ & quàm liberet portione relictâ ipsius ærario inferendâ: indeque nonnulli aspersere Principem prodigentiæ nota, cujus erat indicium profusa quædam nimiaque donandi libertas, absque ullo rerum suarum respectu, quandoque & personarum delectu.

Inter ministros qui Principis ingenium mobile paribus foveret excitaretq; artibus,

Z z z z z

in

Vladislâus minus attentus rei suæ domesticæ non absque prodigentiis nota.

Adamus Kazanovius in summa gratia Principis, in quem nimis effusè liberalis.
 in ore omnium erat Adamus Kazanovius; hunc Sigismundus pater supremum Cubiculi Præfectum commendaverat, servitiōque addixerat juvenem ejus penè cujus & Princeps ætatis. Admotus ille Cubiculo promptus facilisq; obsequio esse coepit, Principis jussa exsequi, dictis factisque adblandiri, & ut ipsius ingenium altius introspexerat eidem se conformare, in mores naturamque immigrare, lenociniis & illecebris, quibus illa ætas capi solet detinere ac devincire, pèrque hoc in gratiam paulatim sese insinuarè: cujus posteaquam culmen occupasset, majora audere visus est, tenuitque eam diu potentiæ arcem, in summâ opum affluentiam, magnis à Rege Vladislao auctus ornatúsque honoribus, ut alibi dicturus sum. Sed dum apud Principem adhuc vacuum rerum potitur, vulgò ferebatur sæpius munificam ejus implorasse manum, suisque plùs quàm Domini studuisse commodis: adeò ut & Præfecturam Boristoviensem solus haberet, nullo vel exiguo Principis fructu, & elegantias Domûs Regiæ signa, tabulas, nonnullas

nullas etiam à Patre donatas filio magni pretii gemmas, importunâ extorqueret prece, nihil sibi quidquid placuisset denegante Principe, summâ cum ejusdem jacturâ dispendiōque, præsertim cum tantopere adamati famuli pratrociniō in plerosque haud opportuna derivaretur liberalitas.

Edocebant Regem maturiores Vladislai ministri de immodicis largitionibus, pèrque has exhausto Principis ærario, nec suffecturo, si ita spargere pergeret, sustentandæ ipsius dignitati, passimque Kazanovium incusabant, qui in Regiam supellectilem involare, connivente multaque donante Principe, orabantque Regem, obviaret maturè, filiique commodis pro suâ prudentiâ & auctoritate paternâ provideret. Sive ea fuit constans & supra aulicum obsequium deferentium fides, quæ procul dubio Regiam eis benevolentiam conciliaret, sive odium in Kazanovium, quod veriùs existimo, cujus dominantis potentiam ægre ferebant, pèrque hoc, ut de gradu deicerent, arietare incipiebant. sanè Rex nihil prius habuit, quàm

Accusatur apud Regem.

Z z z z z 2 ad-

advocato Vladislavio Præposito Varſavienſi Principis olim præceptore, & rei oeconomica intelligente, tum Andreâ Szoldrſcio, nonnullisque aulae ſuae primoribus, inter quos Jacobum Zadzik Regni Cancellarium comparuiſſe jufſu Regio ſcio, conſilium ab iisdem excluſit, quis modus foret ſiſtendæ tam profuſæ largitionis, redituûmque per bonos ac fideles oeconomos inferendorum, & à parciori manu erogandorum. Sed maximè Regem affecit offeſumque reddidit Kazanovii temeritas, apud quem pleraſque Domûs Regiæ elegantias latere ſciebat, quapropter cùm de adminiſtrandis bonis Præfecturiſque certi aliquid ſtatuiffet, domum ubi res ejus ſupellèxque aſſervabatur adiri, fores ſigillo obſignari, omniâque ad ulterius ſuum mandatum attineri imperat. Et Kazanovius, qui tunc Regiomonti negotia ſua curabat, ubi de Regis offeſa eâque ignominia nuntium accepit, ſubitò veluti fulmine ictus penè exanimis conſtitit, mox ad aulam accurrit, geſtu ſupplici, lacrymiſque ſuam teſtari in-

Rex cum
nonnullis
deliberat
de ſiſtendi
Vladislai
profuſis
largitioni-
bus.

Kazanovius
ſupellèx
ſuam
attineri
imperat.

innocentiam, prehendere Primores: vidi-
muſque tunc in omnem compositum ſub-
miſſionem, ignarum quæ illum brevè for-
tuna maneret, cujus vix anno elapſo ſum-
mum occupaturus erat ſaſtigium: & ii ipſi
quos preſaverat ſatis habuere poſtmo-
dum, ſi janitoribus ipſius innotefcerent.
Quæ verò maximè angebat Kazanovium
fuit abſentia Vladislai, qui valetudinis cau-
ſa ad thermas apud Egram ſe contulerat: ſed
is certior jam factus quid actum fuiſſet, pau-
lò poſt rediit non abſque aliquâ indignatio-
ne, doloriſque ſenſu, ac primùm ſalutato
Rege petiit, ne eam ignominiam pateretur
inferri aulico ſuo, ſuæque inſimul exiſtima-
tioni, præſertim cùm earum donationum
conſcius eſſet, proindeque interpretaturum
quemlibet, per alienum latus tacitum ſibi
fieri convicium. Deinde & illam de bonis
adminiſtrandis conſultationem, quid aliud
allaturam niſi famæ ſuæ reputationiſque ali-
quod detrimentum, quaſi ejus prodigèntia
curatore egeret. Et hæc quidem apud Pa-
trem debitâ cum obſervantiâ urgebat, at in
illos,

Accurrit
ad aulam
prehensat
ſupplex
Primores.

à morte
Sigif-
mundi.

Abſentia
Vladislai
illum
maximè
angit.

Vladislai
cum Rege
Patre col-
loquitur.

*In aucto-
res hujus
facti inve-
nitur.*

*Kazanovius sum-
mam apud
illum gra-
tiae locum
obtinet.*

illos, qui auctores Regi fuerant, offensam haud dissimulare potuit, incendente animum Principis Kazanovio lacrymis, suique commiseratione. Vladislavium quidem subduxit indignationi mors, namque interea è vivis excesserat: Andreas Szoldrscius diu gratiæ Vladislai ambiguus fuit, Lampogniani verò Italus Sacerdos patriâ Mediolanensis, qui hujus scenæ instructor credebatur, Italiam suam repetere jussus est, licet in gravioribus negotiis sæpius illius operâ Princeps uteretur, cum cæteris dissimulatione agendum existimavit. At Kazanovius in gratia Vladislai pristinam vim retinuit, firmiorem constantioremque magis à tam validis ictibus consolidatam, & quam nullus æmulorum oppugnantium impetus evertere potuit, crescentēque favore & beneficentiâ, ipse quoque non mediocriter fortunas suas extulerat, ut nemo illo splendidior magnificentiorque in aula Polona compareret. Sed opes illæ tantique apparatus quoquomodo coacti Vernæ nivis ad instar colliquescentes subito à morte ipsius disparuere, & dum

dum huic operi nostro ultimam manum ad-
movemus, signa, tabulas, cæteraque magni-
ficæ domus ornamenta passim distrahi ve-
nūmque exponi vidimus: & cara illa ni-
miūmque adamata uxor, in quam familiæ
suæ propinquis cognatisque præteritis ac
exclusis omnes facultates bonæque dona-
tionis jure transtulerat, repetito conjugio fa-
ctiosum bonisque omnibus invisum nacta
virum, quēque olim ipse maritus detesta-
batur ut hominem perfictæ frontis, pessi-
misque artibus innutritum, infelicitis prope-
ratique conjugii luit poenas. Namque post
illatas in thalamum ferales dissidiorum fa-
ces, secutāque ab utrinque dissidentium cer-
tamina, supellectilem pretiosam in conti-
nuos sumtus distractam, denudatāque or-
namentis domum, cui emtorem quærit, non
sine gemitu intuetur. Ac inter continua fa-
stidia anxietatēque unico se divortio sola-
tur, recurritque sed serò ad sui olim mariti
memoriam, cum se Kazanoviam dici in-
scribique vult. ad Radzieiovii veluti fatale
exhorrescens nomen. Profectò si id manes
cu-

*Opes illius
à morte
subito
disparent.*

*Uxor il-
lius repetit
matrimo-
nium infeli-
citer.*

*Hieronymus Rad-
zieiovius
publica
lege per-
duellus de-
claratus
& hostis
Patriæ.*

curarent sepulti, existimarem unam ex Eumenidibus ab inferis arcessitam, quæ & uxorem tali mulcicaret infortunio, & Radzieiovius suo exturbaret thalamo, iisque agigaret furiis, quibus concitatus postmodum in Regem, Patriam, impius esset. Verum ista posteriori evenire tempore, quominus tamen huic loco attexerem, ipsa opportunitas suasit, unde retractâ narratione, redeo ad illos annos qui & bello graves, & peste calamitosi Poloniæ fuere.

*Gustavus
interceptâ
Livoniâ
Prussiam
invadit.*

Gustavus namque Sueciæ Rex interceptâ anno superiore Livoniâ, in quâ per æmulationes Ducum (quippe Leo Sapieha Palatinus Vilnensis prælatus Christophoro Radvilio Magistro Generali Equitum, Supremam Litvani exercitus Præfecturam à Rege acceperat) deinde per præposteram Ordinum parsimoniam, haud volentium ad illud contribuere bellum, quod tractatu instituto finire posse sperabant, victor evaserat: accedentibusque paulatim incrementis sternebat illi fortuna viam, per quam & in Prussiam irrumperet: irrupitque, pandente pro-

ditione aditum, cuius notam difficile effugere poterunt ii, ad quos portus Pilaviensis unica spectabat cura. Namque Rex uno ferè anno ante hostilem invasionem de apparatu maritimo conatibusque Gustavi edoctus, Regentes Ducalis Prussiæ commonuerat, ipsumque Electorem Brandenburgicum uti beneficiario jure possessorem, insuper & Legatos miserat, qui portum inspicerent, serioque ejus custodiam inculcarent. Verum ab Electore & Regentibus tuta inde securaque omnia sanctè pollicentibus, res aliter secuta, fidei illorum erga Regem Rémque publicam debitæ permultum detraxit. Quæ omnia possem hic uberius exponere, & simultatum causas, quæ inter Regem Electoremque intercesserant, aperire, tum & belli Pruthenici progressum enarrare, exstantibus plerisque apud me temporum illorum diurnis actis, sed quandoquidem historiam Vladislai ejusque res gestas scribere aggressus sum, eoque in bello nullo officio functus fuerit, quod nonnullorum ambitio impediverat, proinde supersedeo.

*Pandit illi
aditum
proditio.*

A a a a a

Quan-

*Vladisla-
um prae-
ficiendum
bello Pru-
ssensco
nonnulli
censent.*

Quamquam non defuere plerique Senato-
res, qui primo in impetu belli, universi exer-
citus regimen committendum esse Vladi-
slao censerent, moti Legatione Terrarum
Regalis Prussiae, quarum nobilitas ex castris
ad Graudentum praecipuos ad Regem able-
gaverat, id primario efflagitantes. At prae-
occupatus Regis animus à Gasparo Doën-
hofio Praefecto Laiscensi, difficulter aliò
trahi poterat: namque ille tractandi Princi-
pis peritissimus, blandè insinuaverat, fru-
stra nec sine invidia Ducem aliunde quæri,
quandoquidem huic muneri par esset Sta-
nislaius Koniecpolius Magister Generalis
Equitum, cuius honori haud consultum fo-
ret, si alius legeretur, quémve in suo gradu
relinquendum esse magis expediret. Et
tanto magis postmodum invigilavit, utpote
affini suo addictus, ejusque fortunæ innixus,
tunc verò maximè cum Rex mirâ celeritate
collecto intra aliquot septimanarum spa-
tium duodecim millium exercitu, ad pri-
mum belli incendium in Prussiam advolas-
set: namque non defuere qui suaderent,
tem-

*Impedit
Doënho-
fius.*

temporariam interea regiminis summam
deferendam esse Thomæ Zamoscio Palati-
no Kioviensi, antequam è Russia Koniec-
polius arcesseretur: neque id pervinci po-
tuit in omnes occasiones momentaque in-
tento Doënhofio, timentèque ne per hoc
paulatim ad alium negotiorum bellicorum
arbitrium transferretur, praesertim si novi
Ducis regimen propitia fortuna fausto com-
probasset auspicio. Ita interim dum plures
praesse imperarèque cupiunt, opportuna
rei gerendæ elapsa est occasio, & tanti exer-
citus consumptâ alacritate, hostis vires ani-
mósque sumsit, quas postea cum ingenti
Reip. damno exseruit, firmavitque armo-
rum sedem in Prussia, cujus sub adventum
Regium dubius erat, nutarèque coeperat, si
par militum ardori regentium prudentia
fuisset.

*Idem in-
gili ne
quispiam
Koniecpo-
lis in aba-
batur in
hoc bello.*

*Hinc nul-
lus in-
armarum
effectus se-
cutus.*

Venerat tandem in Octobre suis cum le-
gionibus Koniecpolius, satísque habuit ho-
stium prohibere incursiones, hiemèque in-
tegrâ coarctatos in suis continere stativis.
quid verò postea actum gestúmve, dicent il-

*Koniecpo-
lis in
Prussiam
venit &
hostem
conmet.*

*Gustavus
Polonus in
Prussia
Martiam
palæstram
aperuit.*

lorum temporum annales. Mihi verò bellum illud consideranti videtur, Gustavum summi bellatoris artibus instructissimum, Martiam in Prussia aperuisse palæstram in qua Polonos campestribus assuetos præliis, ad eam formaret militiam, quæ in munien-
dis oppugnandisque urbibus, castellis exci-
tandis, castris tutò securèque locandis exqui-
sitam requirit solertiam: ostenderatque non
tantum hostem numerosis prævalidum co-
piis, sed & regnorum opes ab exiguo milite
tutis incluso receptaculis atteri frangique
posse. Et hæc quidem cunctabunda pugnan-
di methodus modernâ viget tempestate, o-
ptimo certè invento, si bellum trahere, non
gerere generi mortalium conducere. Et si
verò nostris in Prussia cladibus Gustavus in-
notuerit, quarum primæ non ab ipsius robo-
re fortitudinèque, sed à prodicione, aliæ ab
incerta Martis alea dubiòque eventu belli
provenire, propè tamen pares opponere pos-
sent Poloni inter varios illatos conflictus, è
quibus bis Gustavus saucius excessit, tertium
profligato exercitu jam penè tenebatur ca-
ptivus,

*Non sine
clade Pola-
norum à
quâ nec
ipse im-
munis.*

ptivus, sed fortuito elapsus relicto capitis tegumento evasit, arces nonnullæ recupe-
ratæ, auxiliares ex Germania copiæ suis cum
ductoribus ne stricto quidem ferro ad dedi-
tionem coactæ, signaque equestria & pede-
stria relata, pluraque à militibus sperari po-
tuissent, si in procurandis stipendiis majore
provisu, nec omissioribus animis in eo du-
cendo bello Ordines adfuissent, isque de-
mum militiæ ordo constitisset, quem ex-
acta scientia peritiæque requirebat.

Ultimò tandem externa venere subsidia,
subministrata à Ferdinando Secundo Impe-
ratore, quibus Valstenius Arnhemium præ-
fecerat: huic porro tam valido ex lectissi-
mis legionibus compacto corpori, par ani-
mus ac vires inerant, majoraque patrassent,
sed alio sub Duce: quippe hic suspectæ fidei
(quod in illo Vladislai notaverat Patrique
suggererat) non tam auxiliarem quam pro-
ditorem egit, ob idque à Cæsare revocatus
successorem Adolphum Ducem Holsatiæ
habuit, Regi addictiorem fidelioremque. Et
hic est ille Arnhemius, qui postmodum de-

*Ferdin-
andus
Secundus
Imperator
mutis sub-
sidia duce
Arnhemio,
qui proditor.*

*Sigismundus
difficiliter in
inducias
consensit.*

*Spe ab
Austriacis
inest
fretum.*

*Qui Gu-
stavum in
Polonia
distinere
voluit.*

fertis Imperatoriis partibus, Saxonici exercitus Suecis foederati ductor fuit. Tandem bellum illud Pruthenicum, quod ultra quadriennium gestum erat, induciis in quinquennium stabilitis conquievit. At Rex Sigismundus difficulter in eas consenserat, & antea multoties sollicitatus ab Ordinibus, ut honestis, quas offerebant Sueci, conditionibus, vel perpetuam, vel plurium annorum termino circumscriptam conficeret pacem, néve Remp. molesto implicaret bello, nunquam adduci potuit, spei injectæ ab Austriacis ultra modum memor tenaxque, quam illi ad recuperandum patrium Regnum fecerant. Præsenferant illi Gustavum Germanis Principibus contra Cæsarem adhæsisse, noménque suum foederi dedisse, inde magnum sibi imminere hostem subverebantur, quem belli Ducem expertum dissidens exspectaret vocarétque Germania, proindeque distinendum alibi interim judicabant, Sigismundumque Regem à pace induciisque stabiliendis variis dehortabantur rationibus.

Atque

Atque hoc consilium ab Hispania primum emanaverat, unde magnifica legatio à Philippo Rege ad Sigismundum expedita fuit, munus id obeunte perquam splendide Comite de Solre Equite velleris aurei, viro magnæ inter Belgas nobilitatis, nec postremæ in aula Hispana auctoritatis. Huic dederat Hispanus Rex certa mandata commentario uti assolet comprehensa, in quo ubi de conspiratione Hæreticorum, de mutuo periculo, deque Domûs Austriacæ erga Rem Catholicam constantissimo studio, copiosissimè differuisset, nil æquius censet, quam si Rex Poloniae suo & Reipub. bono auxilia pro viribus conferret, vel si hoc publicè non videretur expedire, saltem aliâ utilioréque viâ promoveret. Et cum notum sit usurpatorem Sueciæ ejusdem sectæ esse, cujus sunt hostes Domûs Austriacæ, & fidei Catholicæ, ideoque cum illis in unionem cõvisse, proinde sedulò cogitaret viderétque, an non tempus opportunum esset arripiendi arma contra usurpatorem Regni Sueciæ, qui non contentus Regni spolio, Livoniam Poloniae

*Hispanus
Rex missa
legatione
ab induciis
dehortatur.*

*Contenta
legationis.*

niæ avulsi & abstulit, plura aufurus nisi ob-
viâ eatur, istud verò è communis causæ
& Catholicæ unionis bono, & commodo
esse. Si enim Suecus domi bello infeste-
tur, Sociis suis auxilia foris subministrare
quî poterit? Demum iis verbis concludit:
*Suæ Majestati hæc ob oculos ponuntur; ut eorum
habitâ ratione Inducias illas Sueticâs abrumpat, &
continuationi earum omnino aurem deneget, & ut sine
temporis intermissione contra eum moveat, ad proprias
ditiones recuperandas, & occupandas, ita ut divisis
ipsius viribus, in auxiliis suorum, & defensione
eorum, quæ usurpavit, in ambabus partibus facilius
confundatur.*

*Respondet
ad legatio-
nem Rex.*

Ad ea respondit Rex scripto, & præfatus
multa de hostibus, quibus Polonia undique
pateret, tum de Hæreticorum Principum
machinationibus, quod ad Suecum attinet
subjunxit: *Conditio Imperii Regiæ Majestatis
qualis sit & quibus adstricta legibus, non ignorat Ca-
tholica Majestas, omnia penè in hoc Regno statuum
arbitrio geri, ita ut de bello bellicque nervo, nihil in-
consultis Ordinibus statui decernique possit, quæ res
sæpe necessarios & opportunos Regis pro publicâ sa-
lute*

*lute conatus retardat, nonnunquam etiam irritos red-
dit. Hic ipse Regni Sueciæ invasor, jam pridem in
ordinem redactus fuisset, nisi toties ab Ordinibus Re-
gni impetratis Induciis, falsâ honestæ pacis & tran-
sactionis ostentatione nobis illuisset. Ultimo addit:* *Nec de
de paciscendis cum hoste Induciis etiamsi ille ab iis ab-
horre non videatur, in præsentî rerum statu non co-
gitat Regia Majestas, magis eas circumspicit ra-
tiones, ut hoste hic impedito arma in Sueciam transfe-
rat, quod si à Classe paratior esset, jam pridem nefarii
hostis ausûs coerciti fuissent. Qua in re si Catholica
Majestas Classe suâ littoribus Suecicis admotâ Re-
giæ Majestati suppetias ferret, rem dignam & Hispano
Catholico nomine, & fraterno amore præstaret, &
haud dubiè unâ eadêmque ratione Daniæ Regem, nunc
visceribus Germaniæ in hærentem, ad tuendum Re-
gnum suum præsentis & domestici belli ostentatione
retraheret.*

Hæc Legationis Hispanæ summa respon-
sive Regii tenor fuit, & ne ad tractandam
cum Suecis pacem aliquâ ratione Sigismun-
dus flecteretur, manserat ad aulam Joannes
Bonyers Baro de Aufchi & ille Belga, sed
Hispanis imbutus moribus, virque ad res
Bb bbb b geren-

Baro de
Aufchi ad
aniam
manet.

Hispani
Hollandos
à Baltico
maris na-
vigations
excludere
intendunt.

gerendas dexteritatis non vulgaris: is ad ea quæ agebantur attentus, sedulò Regis animum avertibat, belli consilia suggerens, & subsidiariæ Classis ab Hispano venturæ non dubiam spem faciens. Certè videbantur in id seriò Austriaci incumbere, & post deletum fugatúmque à Tillio Daniæ Regem, loca nonnulla maritima ceperant, proindéque magnum rebus suis momentum accessurum providebant, si in Baltico mari Classem explicare possent, ad coërcendum continendúmque Danum & Suecum. At Hispanorum aliò collimabat consilium, namque eos non tam Danus Suecúsve sollicitos tenebat, quàm Batavorum per Balticum mare continuò commeantes naves, indéque magna & potissima pars lucri proveniens, cujus commoditatem arreptâ hac occasione præscindere annitebantur, varióque insuper inibant modos, quibus commerciorum cum maritimis Civitatibus præcipuè verò Anseaticis facultatem impedi-
rent. Exstant apud me manu Baronis de Aufchi scripti articuli, universalem propo-
nentes

nentes exclusis Hollandis commerciorum cum Hispanis libertatem, sed quia irritus ille fuit conatus, quem ardentè urisit in aula Polona Baro, & classis promissâ non comparuit, neque haberi potuit: proindéque nullo effectû secuto, evanüere illa consilia, & Sigismundus pace sequestrâ bellum Pruthenicum finivit, non minori accepto damno à perditâ decem navium optimè instructarum classe, quam Cæsari petenti mutuatam dederat, ea verò deinde Succis in Germaniam irrupentibus prædæ cesserat. Monuerat Rex Torquatium Conti qui valido cum præsidio Pomeraniæ tuendæ impositus erat, ut videret quantum à Gustavo Germaniæ, ac in ejus aditu, iis Provinciis, quarum curam suscepisset, periculum immineret; responsum dederat satis animosum: Non esse quod Rex metueret, viros hîc reperturum Gustavum, suâque illum felicitatem è Prussia excedentem deserturam. An parum dictis animum attulerit, eventus docuit judicavitque: certè magnos istos spiritûs adhibere tunc debuerat, cùm hostis in-
staret,

Irritoco-
nam.

Rex Sigis-
mundus
monet
Torqua-
tium Conti
de Gusta-
vo.

Respondet
fastuosè.

staret, ad cuius adventum statione desertâ, in tutiora se recepit.

*In Polonia
ingens pe-
stis grasta-
tur.*

Interea positus ad quinquennium armis erupit subito hoste atrocior contagio, magnâque populorum editâ strage, universam pervadebat Poloniam, & Rex peractis Varsoviæ in Novembre Comitibus, Osjecium primò, deinde cum nec ibi ab invalescente peste tutus esset, Tikocinum cum Regina, liberis, & modicâ aulâ se transtulit. Vladislâus verò Patrem secutus Knisini haud procul à Tikocino substitit, posthac Merecium secessit, ubi læta amœnitas duorumque fluviorum limpidissimis aquis mutuò sese jungentium concursus, locum apprimè commendat, proindeque non alia sedes Vladislao gratior fuit; ibique frequentius commorari consueverat.

*Vladislâus
Mere-
cium sece-
dit.*

*Peste ces-
sante Rex
ad Comi-
tia redit.
1631.*

Subfederat ab intenso frigore aliquantum lues, proindeque Varsoviâ ad Comitibus Sigismundus redierat, quæ primis anni mensibus peracta sunt, annitentibus Proceribus ut inter Regem & Ordines omnes tandem sopirentur controversiæ: sopitæ-

pitæque feliciter, prout ex volumine Legum constat, optatâque tranquillitatem ab intus & de foris Regno attulere. Intererat etiam Comitibus Vladislâus, sed cum graviora indies valetudinis damna sentiret, Medicorum consilio ad thermas Egram Bohemiæ profecturus, res negotiæque suæ disponebat, acceptâque postmodum à Patre licentiâ, primo vere paucis iisque selectis comitatus aulicis discessit. Et valetudo Principis diu firma stabilisque fuit, cuius damnum aliquod fecerant susceptæ expeditiones Moschovitica & Turcica, illa quidem in rigido Septentrione, inter frequentes militum seditiones, ob parcè subministratam pecuniam, tum frequentia monita, quibus jubebatur experiri omnes vias concordiae, præsertim cum sese offerret optima & nunquam revocabilis Imperii adipiscendi occasio, ægritudinem animi conciliaverat, tum & belli incommoda vires nonnihil labefactarant: hæc verò Principem lecto affixerat, diuque invalidum tenuerat. Quamquam ut erat animo vivaci, & corpore à

*Vladislâus
valetudi-
nis curan-
da Egram
iter appa-
rat.*

*Inde arces-
sus mor-
bus.*

Turcica.

natura satis firmo, facile illam virium jacturam reparasset, si vivendi rationem ad modum temperantiâque accommodasset: profectò ab Italia exterisque reducem semper aliqua valetudinis exceperunt damna, & aucta identidem novis morborum accessionibus graviora fuere.

*De Obitu
Reginae
Constantiae
nuntium
accepit.
10 Julii
obiit.*

Dum itaque Egræ commoratur Vladislai inopinatum de morte Reginae Constantiae accepit nuntium, quæ Julio mense è vivis sublata, magno Regem luctu, aulam verò universam ingenti mœrore complevit. Quis namque sperasset ætate florentem, corpore firmam, animo vegetam, subitâ morte Domui Regiæ orbitatem illaturam, potiùsq; indies expectabatur Regis fatum, qui senio curisque fessus in occasum vergebat, nec ita pridem gravem morbum, & extremam penè sibi afferentem luctam evaserat. Non aliàs unquam tristior comparuit Rex, oculisque continuo madentibus deflebat dulcissimi in provectâ ætate solatii jacturam, prolem verò matre destitutam, filios filiâque sub sanctissimæ parentis disciplina

*Rex sum-
mopere lu-
get.*

plina adolescere incipientem intuens, magnopere angebatur, Principum orbitati metuens: quamvis Proceres sponderent Rempub. matris loco proli Regiæ futuram, quæ illorum infantiam excepisset, adolescentiam nunc foveret, imposterum verò tanto alacrius illorum prospecturam commodis, quanto devinctior debito cum honore gratam Sigismundi & Constantiæ meritorum apud se veneraretur memoriam.

Præclarissimis illa virtutibus magnâque Heroinâ dignis exornata erat, quas ex Imperatrice Domo unâ cum majorum suorum claritudine attulerat. Sed super hæc omnia innocentia morum, & sanctitas vitæ eminebat: erga sacrosanctam Eucharistiam Religio illi singularis, ac planè Austriaca, cui dum constantissimè præsertim in celebritate Corporis Domini insistit, in fatalem incidit morbum: quippe die coelo ardente flagrantissimo sequebatur unâ cum Rege supplicationem per urbem, ut moris est, institutam, & ut erat corpore gravi præpinguique ab ingenti æstu ægritudinem concepit, quâ

*Elogium
Reginae.*

quâ per incuriam medentium invalescente, paucos intra dies anno ætatis suæ quadragesimo quarto conjugii vigesimo sexto decessit. Superstites filios Joannem Casimirum, Joannem Albertum, Carolum Ferdinandum, Alexandrum Carolum, filiam verò unicam Annam Catharinam reliquit. Coelo autem fecunditatis suæ partem filium & filiam infantes consecravit. Interea ne corpus Reginae gravissimo doloris sensu continuò oculos Sigismundi everberaret, die decimo sexto mensis Augusti primâ noctis vigiliâ Viazdoviâ Varsoviâ delatum est, comitante Jacobo Zadzik Episcopo Culmensi Regni Cancellario, & Lucâ Opalinio Supremo Aulae Regiæ Præfecto, ab iisque in veteris arcis peramplo atrio summo cum honore depositum est. Jam & Vladislâus mox adfuit à thermis redux, postque exhibita Patri quâ verbis, quâ variis avocamentis solatia, Varsoviâ aliquantisper mansit, donec iterum Merecium in Lithvaniam secederet, de Regis incolumitate aliquantùm securior. Gravescere namque va-

*Corpus
Varso-
viam de-
fertur.*

*Vladislâus
Mere-
cium abijt.*

letudo Regis coeperat, quam continuus moeror, crebri gemitus, vehementer læserant: tum & humores commoti pedum primo ingentes excitaverant cruciatibus, deinde dextræ manûs usum labefactarant: caput verò ita affecerant, ut attonito semper similis, stuporêque quodam defixus vix sui meminisset, torpentibus interea negotiis publicis, remissâque eorum per Regis invaletudinem curâ. Hieme tandem appetente Viazdoviâ Varsoviâ suadentibus aulae primariis delatus est, ubi à Medicorum industriâ ægre ipsius valetudo sustentabatur: cùmque cauteriis adhibitis, à quibus in omni vita suâ vehementer abhorrebat, vires aliquantùm recepisset, ad solita redierat munia, ut quandoque & jus diceret, & in Reipub. negotiis responsa daret, quanquam perparcè. Neque enim jam is erat qui olim Aulae vigor: quippe Princeps rarus in publico, aditus ad illum difficiliores, quos muliebris diligentia vallaverat, ne nimio dolore fessus, & à morbo languidus gravioribus interpellaretur fatigareturque curis. Pauci adhibiti &

*Regis Va-
letudo du-
bia ideò-
que publi-
ca negotia
torpent.*

*Quis tunc
aula sta-
tur.*

Ccccc

ii

ii tantum interioris admissionis ministri, quibus ille assueverat, responsa data per Ursulam Mejerin arcanorum Domus Regiæ consciam: si verò diplomatibus manus Regia apponenda esset, quæ jam difficulter calamo uti poterat, ea in secretius deportabantur cubiculum, nonnullaque ad libitum domestici famulitii signabantur.

Rex iterum Comitibus in dicit. in Mart: 1632.

Et quid in his proponit.

Ultima tandem Sigismundi cura fuit in convocandis ad Comitibus Ordinibus, quibus occasionem dederant Moschi magnis viribus bellum apparantes, illudque mox illaturi ferebantur, non expectato tempore pactorum conditionibus definito præscriptoque. Proposuerat quoque Rex Ordinibus, annon expediret de securitate modoque in posterum eligendorum Regum aliquid certi statuere, quandoquidem & præterita interregna gravissimis Rempub. affecissent damnis, & ab hac in Prussia Sueci hostis viciniâ metus impenderet, qui superstitite adhuc Rege senatorum scriptis ad eos literis, auderet pertentare animos, & per nuntium Russelium ambitionem suam Or-

Ordinibus sat impudenter aperiret. Et has quidem Suecorum machinationes fusius tunc expositurus sum, quando ad illa venero tempora, cum ab obitu Sigismundi novo Regi eligendo universa incubuit Polonia. Jam verò & prolem suam impensius Rex Ordinibus commendavit unicum à Republica solatium expectantem.

At Delegati Provinciarum & veste lugubri, & verbis per suum Præsidentem vulgò Marschalcum contestabantur totius Reipub. luctum, moerentisque Regis animum appposito solabantur sermone: petebantque ut antequam Patres sententiam rogati dicerent, Principes filii in Senatum arcesserentur. Annuit Rex, vocatque paulò infra Regiam consedere sellam, exhilarato vehementer Patre, utpote qui videret tam luculentum eximii Ordinum erga se affectus argumentum, & prolem suam, de qua maximè anxius sollicitusque erat, in Reipub. sinum recipi, haud facile deferendam. Nec longa tenuit deliberatio Ordines in assignandis Præfecturis distribuendisque inter

Nuncios terrarum Regem saluant & solantur.

Juniores Principes in Senatum arcessi petunt.

*Præfatu-
ras inter
eos distri-
bunt.*

*Rex vicif-
sim jure
suo in mo-
netam ce-
dit.*

*Episcopa-
tum Cra-
coviensem
pro filio
efflagitat.*

Principes: namque eæ quæ à morte Regi-
næ supererant Joanni Casimiro, Alexan-
dro Carolo, & Annæ Catharinæ cessere,
isque Ordinum consensus publicis Legum
tabulis firmatus est. Rex verò collaudatâ
erga se domumque suam Regiam pietate,
vicissim in grati animi testimonium jure in
rem monetariam solis hætenus Regibus
competente Reipub. cessit, & Principes
prolaturum instrumentum, quo de dote Re-
ginæ Matri cavebatur eidem condonavere
illam non amplius à Repub. repetituri. Duo
è Principibus superfuere Joannes Albertus,
& Carolus Ferdinandus, quos Rex pueros
adhuc sanctiori togæ addixerat. Et hic
quidem nuper Vratislaviensi in Silesia Epi-
scopatu auctus nihil tunc flagitabat, Joannes
verò Albertus Episcopatum Varmiensem
obtinuerat. Sed Rex iis in Comitibus à re-
centi morte Andreae Lipsicii vacantem Epi-
scopatum Cracoviensem eidem conferre
annitebatur, cujus votum adjuvare suo con-
sensu Ordines, quanquam Nicolaüs Cori-
cinius Terræ Cracoviensis Nuncius, arden-
tius

tius paulum intercessisset, postmodum ta-
men benignè postulantis Regis habitâ ra-
tione, cæterorum suffragiis accessit, etsi
nullatenus consensum illum Ordinum scri-
ptâ Lege firmari pateretur, nisi prius in
proximo post Comitibus Provinciali Con-
ventu, Nobilitati Terræ Cracoviensis uni-
versorum voluntatem declarasset: cui non
refragaturam sanctè sponndit. Sed obten-
tum Episcopatum Joannes Albertus ma-
gnâ ex parte debuit Vladislao fratri: nam-
que à Patre coeptum negotium, post ejus-
dem decessum sedulo promovit, effecitque
ut non tantum Episcopi sedem in principe
urbe feliciter occuparet, sed dum ille Regni
purpuram, is quoque Cardinalitiam inter
faustos omnium applausus sumeret.

*Coricinius
intercedit;
sed tandem
consentit.*

*Vladislao
hunc Epi-
scopatum
debuit
Princeps.*

Atque ut Principum postulatis faciles an-
nuebant Ordines, ita de securitate modò-
que eligendorum Regum, quæ fuit non
postrema Comitiorum disceptatio, certi
aliquid statuere mordicus refragabantur:
sive is erat metus ne Rex morti propior de
futuro successore exploraret vota desideria-

*De modo
electionis
nihil sta-
tuatur.*

Ccccc 3

que,

que, p̄rque id pristinae libertati eligentium detraheret, sive aliquorum pertinacia id effecit, qui in turbido Interregni statu plura se patratturos sperabant, si nullis adstricti Legibus modisque tenerentur: certè magnis contentionibus res acta est, neglecta tandem summo cum temporis dispendio, quod cæteris consiliis, quandoquidem id non processisset, utiliùs impendi potuisset. Contra Moschorum apparatus indèque ingruentem molem virium, decretum statutumque: videlicet ex eodem sinu illis bellum & pacem effundendam esse, hanc si æquis conditionibus vellent conficere, delecti viri ex Senatorio & Equestri Ordine illustres, qui rem transigerent, si verò obstinati classicum canerent, permissum Vladislao Principi, ut jus suum armis vindicaret.

*Moschis
& pax &
bellum of-
fertur.*

Finitis sāt prospere Comitibus Equestris Ordo ultimùm Regi suo dixit vale, quem jam non ampliùs visurus salutaturusque erat. Namque Mensis ille procedebat cujus dies extremus, insimul & vitæ & Regni Si-

Aprilis.

Sigismundo supremus fuit. Fovebatur quidem hucusque medentium ope valetudo Regis, præterque omnium spem præsidebat in solenni Comitiorum consessu, sub quorum finem pristinae constantiæ morisque tenax, inter fastidiosas concertantium acclamationes, ad mediam usque noctem præfractus licet perdurabat. Recurrebant quoque tunc Christo post mortem surgenti dicati dies, quos ille maximo cum pietatis sensu peregit, divinis interfuit officiis, atque eo præsertim die, quo Dei morientis Christianus Orbis anniversarium recolit diem; cum pedibus non valeret, gestatoriâ sellâ usus, quatuor templa visitavit, ibidemque Christi in sepulchro jacentis memoriam adoravit.

*Rex inter-
ea languet
Pietatis
tamen er-
ga Deum
non imme-
mor.*

Interea constituerat Cracoviam se transferre, ubi Constantiæ uxori destinabat funus, sine sua præsentia nullatenus peragendum, illudque iter tenacissimè menti ejus inhæserat, nisi aliter Senatoribus visum fuisset, qui perpenis viarum molestiis, dubiæque Regis valetudine suafere petierèque ne se

*Craco-
viam ire
vult ad
funus Re-
ginae dis-
cendum,
dissuadent
Senatores.*

se tam longinquo itinere committeret, cui imbecille corpus morbisque attritum non sufficeret: relinqueret potius hoc ultimum pietatis officium demandaretque Principibus filiis, qui lugubrem pompam ducerent, matrémque tumulo inferrent. Et quamquam diu propositi tenacissimus hæssisset, repugnassetque, cessit tandem Senatorum votis, designavitque diem sextum Calendarum Junii iustis Reginae persolvendis, Principesque de adornando Cracoviam itinere præmonuerat. Quamvis verò ipse manendi consilium cepisset, volebat nihilominus suas experiri vires, an currus agitationem ferre possent, excurrerátque animi causâ Opacium, ad Sigismundi Opacii Succamerarii Varsoviensis veteris fidi que aulici gentilitium dominium, unico ab urbe milliari distans: ubi hilaris lætusque diem transegit, & sub vesperam Varsoviam rediit, postero die medicinam sumturus. Ad exhibitum sibi pharmacum cohorrui, illudque tantopere averfatus est, ut palàm diceret mortem sibi à Medicis propinari.

Ten-

23 April.

Опациум
анимисан-
са ехсигу-
vii.

Tentatus deinde torminibus, post & paralyti tactus, linguae usum amisit, sensimque attractus medicamento ad pectus pituitæ humor, obturatis spiramentis desperatæ valetudinis indicium fuit. Arcessitur pro-
pere Vladislai Princeps, qui tunc ad Plonscum oppidum Mazoviæ nono circiter à Varsovia milliari venationi operam dabat, sed festinantem inhibuit detinuitque Vistula aquis in immensum auctus, atque à valido spirante vento fluctibus inhorrescens tumensque, ut nullum prorsus pateretur navigium. Altero tandem die non absque difficultate superato, sub ipsam vesperam ad aulam accurrit, Patrémque cum extremo colluctantem morbo rectà adiit: quem etsi ille voce compellare non posset, paterno intuitus oculo, mox gestu impositaque desuper caput manu, Regni Sueciæ verum ac legitimum heredem ac successorem declaravit, adstante Gregorio Borasto, viro apprime erudito, natione Sueco, inque publicas tabulas eam nuncupationem referente. Donec pridie Calendis Maji inter

Leto tan-
dem affi-
xis peri-
culose a-
groiat.

Vlad slaus
accurrit,
quem Re-
gni Sueciæ
successo-
rem decla-
rat.

D d d d d

se-

Moritur. secundam & tertiam à media nocte horam, Sacramentis rite munitus fato concessit, circumstantibus lectum Principibus filiis, unicâque filiâ non sine lacrimis ingentique luctu. Aduère morienti & Proceres mœsti, qui tunc in aulâ degebant: Jacobus Zadzik Episcopus Culmensis supremus Regni Cancellarius, Stanislaus Radzieio-
Qui tunc presentes in aula Senatores. vius Lanciciensis, Nicolaus Kiska Mscislavien-
 sis, Alexander Gosiewski Smolenscen-
 sis, Gasparus Denhoff Derpatensis Palatini. Maximilianus Przerembscius Siradiensis, Kolaczkovius Criviniensis Castellani, Lucas Opalinius Supremus aulæ Regni Præfectus, Stanislaus Radivillus supremus Lithvanix Cancellarius, Thomas Zamoiscius Regni, Paulus Sapieha Lithvanix Procancel-
 larius, Joannes Nicolaus Danielovicius Regni supremus Thesaurarius. Et eorum quidem nomina præterire non potui, penès quos luctuosi obsequii necessitas mansit.

Corpus Regis vestitu quo in solenni inaugurationis festo Reges Poloniae uti consueverunt indutum, & horis pomeridianis

dianis in aula eleganter ornata publicæ spectantium venerationi expositum est. Diadema caput defuncti ornabat, manui dextræ sceptrum, sinistra globus impositus erat. Regni verò Sueciæ corona ad latus in pulvino collocata jacebat. Tum Proceres veluti vivo exhiberent solitum venerationis officium, tristi mortuum circumdederant coronâ, quos in palatio ita adstantes reperit Joannes Wezyk Archiepiscopus Gnes-
Joannes Wezyk Archiepiscopus & Regni Primas venit. nensis Regni Primas Primusque Princeps, ad quem jam ab obitu Regis suprema Regni spectabat cura. Is etenim primùm de Regis dubia valetudine, tandem & excessu celerrimis nuntiis à Jacobo Zadzik Regni Cancellario edoctus, eadem die advenerat, rectaque ad palatium contendens, piis Manibus bene precatus est: indeque ad interius cubiculum deductus Vladislavum Regem Sueciæ, & Principes atratos salutavit, mœ-
Vladislavum & Principes solatur. rorémque in communi jactura testatus est. Testamentum ante annos circiter unde-

cim factum, manúque Andreæ Lipsicii Episcopi Cracoviensis, sed tunc Regni Can-
 D d d d d 2 cel-

*Testamen-
tum Regis
aperit.*

cellarii scriptum, prolatum est, apertum-
que in præsentia Principum filiorum. Hæ-
redem ex asse instituit Vladislaium Sueciæ
Regem, cæteri fratres in sortes successere.
Diadema quod Moschoviâ subactâ è the-
sauro gentis acceperat, Regni ærario inferri
iussit. Cæterum cum pleraque graviter
prudenterque disposuisset, ultimæ volun-
tatis testimonio professus est: se nihil un-
quam in perniciem populorum suo Regimi-
ni à Deo concessorum, machinatum fuisse,
nihilque intactum reliquisse quidquid ad
decorem, incolumitatem, amplitudinem,
gloriâque Regni Poloniæ & Magni Du-
catûs Lithvaniæ pertinuisset.

*Elogium
Regis.*

Is fuit exitus Regis Optimi maximique,
cui pietas ob Divini cultûs, Cælitum exi-
miam venerationem, veteris ac Orthodoxæ
Religionis patrocinium, Basilicas magnis
impensis erectas, Collegia coenobiâque à
fundamentis excitata, perenne crexit Mau-
solæum. Justitia æquâ lance in Judiciis ad-
ministrata, in honoribus distribuendis ma-
gistratibusque deferendis ad amissim ob-
servata

servata ad posterorum memoriâ statuit
colossus: clementia benignitasque seditio-
sis commonstrata civibus, captis victisque
declarata hostibus, promptior beneficiis ex-
ornare quàm in vindictam assurgere Regis
animus perennaturum collocavit tropæum.
Bella prospere administrata, obtentas victo-
rias reportatosque triumphos, limites Po-
loniæ extensos prolatosque, integris scri-
ptorum relinquo voluminibus. Ad extre-
mum Regni ævique maturus: quippe qua-
draginta quatuor annis Regno impensis,
quadragesimus ipse quartus in Regum serie
omnium æquavit aut junxit gloriam. Sta-
tura fuit iustâ, facie formosâ, colore candi-
do, genis eleganter purpurascentibus, naso
aquilino, neque tamen nimium protube-
rante, oculis subnigris, capillo antequam ca-
nesceret subfusco, in vultu decor majestâs-
que eminebat, quæ non indigenas tantum,
sed & externos ad sui reverentiam permove-
ret: denique formâ sui temporis Regum
princeps, ætate pater, rebus gestis clarissi-
mus, anno vitæ sexagesimo sexto decessit.

D d d d d 3

Au-

*Regis
morte au-
dita Sena-
tores ad-
venimus.*

*Consilii
summa.*

Auditâ Regis morte confluerat frequenter senatus, ac præter eos qui morienti aderant, venerat Matthias & Stanislaus Lubienii fratres, ille Cujaviensis, hic Plocensis Episcopus, Stanislaus Koniecpolius Sendominæ Palatinus supremus militiæ Præfectus, Jacobus Sczavinius Bresnæ Palatinus, cæterique quos Primas Regni in commune consulturos evocaverat. Consilii tandem hæc summa fuit: Arx Cracoviensis Thomæ Zamoisicii Pro-Cancellarii Regni tanquam ejus Præfecti curæ demandata est: Urbis securitati prospexit Joannes Tachynius Palatinus: pacis tam externæ quàm domesticæ conservandæ, Koniecpolius curam suscepit, cui ad solitas legiones sexcenti equites additi adscriptique sunt. Par Magni Ducatus Lithvaniæ habita ratio, arces vicinæ Moschoviæ ut justo præsidio firmarentur, negotium datum est Leoni Sapiehæ Palatino Vilnensi & armorum supremo Duci, trecenti equites totidemque pedites lecti, quibus domesticæ securitati prospiceret. Alexander Gasievius arcem Smolen-

lenscum, utpote ipsius Palatinus tuendam servandamque suscepit. Quæstor Regni monitus, ut sumtus è publico ærario ad tempus convocandæ nobilitatis impenderet, partim ad ea quæ dignitas Regii funeris exposceret, partim ad victum sustentationemque Principum pertinerent. Censuum redituumque exactiorem haberet curam, illorum Reipub. accuratam redditurus rationem. Ex ejusdem Senatûs consilio delecti Procères, qui Varsoviæ manerent, debitumque pietatis officium nomine totius Reipub. fato functis Principibus præstarent. Ad extremum Lucæ Opalinio supremo Marschalco Aulæ commendata securitas, ordoque cum amplissima Jurisdicendi potestate.

Interea Vladislavus futuræ Electioni intentus, animos affectumque tam Senatorum quàm Nobilium tacite explorabat, sua in Rempub. merita ut non nimis anxie, ita neque dissimulanter commemoras. Cæterum causam suam Deo Regnorum arbitro, moderatorique committebat, sperans post

*Vladislavus
interea fu-
tura Ele-
ctioni at-
tendit.*

post occasum Regis se quoque novum populus exoriturum solem, qui depulsis tenebris Polonum Orbem luce suâ non infelici-ter illustraret: captabátque omen à multo-rum propensione; qui illius virtuti probatæ-que tanto rerum usu experientiæ omnia tri-buebant.



Hist. Colon.

A. gener.

